

Namo tassa bhagavato arahato sammāsambuddhassa

# **Khuddakanikāye**

## **Mahāniddesapāli**

### **1. Aṭṭhakavaggo**

#### **1. Kāmasuttaniddeso**

- Kāmaṃ kāmayamānassa, tassa ce tam samijjhati;  
Addhā pītimano hoti, laddhā macco yadicchati.**

**Kāmaṃ kāmayamānassāti kāmāti** uddānato dve kāmā – vatthukāmā ca kilesakāmā ca. Katame **vatthukāmā?** Manāpikā rūpā manāpikā saddā manāpikā gandhā manāpikā rasā manāpikā phoṭhabbā; attharanā pāvuraṇā [pāpuraṇā (sī. syā.)] dāsidāsā ajeṭakā kukkuṭasūkarā hatthigavāssavaṭavā khettam vatthu hiraññam suvaṇṇam gāmanigamarājadhāniyo raṭṭhañca janapado ca koso ca koṭhāgārañca, yam kiñci rajañyam vatthu – vatthukāmā.

Api ca atītā kāmā anāgatā kāmā paccuppannā kāmā; ajjhattā kāmā bahiddhā kāmā ajjhattabahiddhā kāmā; hīnā kāmā majjhimā kāmā paṇītā kāmā; āpāyikā kāmā mānusikā kāmā dibbā kāmā paccupaṭhitā kāmā; nimmitā kāmā animmitā kāmā paranimmitā kāmā; pariggahitā kāmā, apariggahitā kāmā, mamāyitā kāmā, amamāyitā kāmā; sabbe pi kāmāvacarā dhammā, sabbe pi rūpāvacarā dhammā, sabbe pi arūpāvacarā dhammā, taṇhāvatthukā taṇhārammaṇā kāmanīyaṭṭhena rajañyāṭṭhena madanīyaṭṭhena kāmā – ime vuccanti vatthukāmā.

**Katame kilesakāmā?** Chando kāmo rāgo kāmo chandarāgo kāmo; saṅkappo kāmo rāgo kāmo saṅkapparāgo kāmo; yo kāmesu kāmacchando kāmarāgo kāmanandī kāmatāṇhā kāmasneho kāmapariļāho kāmamucchā kāmajjhosānam kāmogho kāmayogo kāmupādānam kāmacchandanīvaraṇam.

“Addasam kāma te mūlam, saṅkappā kāma jāyasi;  
Na tam saṅkappayissāmi, evam kāma na hohisi” ti [na hehisīti (syā.)]. –

Ime vuccanti kilesakāmā. **Kāmayamānassāti** kāmayamānassa icchamānassa sādiyamānassa patthayamānassa pihayamānassa abhijappamānassāti – kāmaṃ kāmayamānassa.

**Tassa ce tam samijjhatīti.** Tassa ceti tassa khattiyassa vā brāhmaṇassa vā vessassa vā suddassa vā gahaṭṭhassa vā pabbajitassa vā devassa vā manussassa vā. Tanti vatthukāmā vuccanti – manāpikā rūpā manāpikā saddā manāpikā gandhā manāpikā rasā manāpikā phoṭhabbā. **Samijjhatīti** ijjhati samijjhati labhati paṭilabhati adhigacchati vindatīti – tassa ce tam samijjhati.

**Addhā pītimano hotīti.** Addhāti ekaṇṣavacanam nissaṁsayavacanam nikkaṇkhāvacanam adveṭhavacanam adveṭhavacanam niyogavacanam apaññakavacanam avatthāpanavacanametam – addhāti. Pītīti yā pañcakāmaguṇapaṭisaññuttā pīti pāmuṭjam āmodanā pamodanā hāso pahāso vitti tuṭṭhi odagyam attamanatā abhipharāṇatā cittassa. **Manoti** yam cittaṇ mano mānasam hadayaṇ paṇḍaram mano manāyatanaṇ manindriyam viññāṇam viññāṇakkhandho tajjā manoviññāṇadhātu, ayan vuccati mano. Ayan mano imāya pītiyā sahagato hoti sahajāto saṁsaṭho sampayutto ekuppādo ekanirodho

ekavatthuko ekārammaṇo. **Pītimano hotīti** pītimano hoti tuṭṭhamano haṭṭhamano pahaṭṭhamano attamano udaggamano muditamano pamoditamano hotīti – addhā pītimano hoti.

**Laddhā macco yadicchatīti.** **Laddhāti** labhitvā paṭilabhitvā adhigantvā vinditvā. **Maccoti** satto naro mānavo poso puggalo jīvo jāgu [*jātu (syā.), jagu (ka.)*] jantu indagu [*hindagū (sī. syā.)*] manujo. **Yadicchatīti** yaṁ icchati yaṁ sādiyati yaṁ pattheti yaṁ piheti yaṁ abhijappati, rūpam vā saddam vā gandham vā rasam vā phoṭṭhabbam vāti, laddhā macco yadicchatīti.

Tenāha bhagavā –

“Kāmam kāmayamānassa, tassa ce tam samijjhati;  
Addhā pītimano hoti, laddhā macco yadicchatī”ti.

## 2. Tassa ce kāmayānassa, chandajātassa jantuno; Te kāmā parihāyanti, sallaviddhova ruppati.

**Tassa ce kāmayānassāti.** **Tassa ceti** tassa khattiyassa vā brāhmaṇassa vā vessassa vā suddassa vā gahaṭṭhassa vā pabbajitassa vā devassa vā manussassa vā. **Kāmayānassāti** kāme icchamānassa sādiyamānassa patthayamānassa pihayamānassa abhijappamānassa. Atha vā kāmatañhāya yāyati niyyati vuyhati saṃharīyati. Yathā hatthiyānena vā assayānena vā goyānena vā ajayānena vā meṇḍayānena vā oṭṭhayānena vā kharayānena vā yāyati niyyati vuyhati saṃharīyati; evameva kāmatañhāya yāyati niyyati vuyhati saṃharīyatī – tassa ce kāmayānassa.

**Chandajātassa jantunoti.** **Chandoti** yo kāmesu kāmacchando kāmarāgo kāmanandī kāmatañhā kāmasneho kāmapariļāho kāmamucchā kāmajjhosānam kāmogho kāmayogo kāmupādānam kāmacchandanivaraṇam, tassa so kāmacchando jāto hoti sañjāto nibbatto abhinibbatto pātubhūto. **Jantunoti** sattassa narassa mānavassa posassa puggalassa jīvassa jāgussa jantussa indagussa manujassāti – chandajātassa jantuno.

**Te kāmā parihāyantīti** – te vā kāmā parihāyanti, so vā kāmehi parihāyati. Kathām te kāmā parihāyanti? Tassa tiṭṭhantesseva te bhoge rājāno vā haranti, corā vā haranti, aggi vā dahati, udakam vā vahati, appiyā vā dāyādā haranti, nihitaṁ vā nādhigacchati, duppayuttā vā kammantā bhijjanti, kule vā kulaṅgāro uppajjati, yo te bhoge vikirati vidhamati [*vidhameti (syā.)*] viddhamseti aniccatāyeva aṭṭhamī. Evam te kāmā hāyanti parihāyanti paridhamseti paripatanti antaradhāyanti vippalujjanti. Kathām so kāmehi parihāyati? Tiṭṭhanteva te bhoge so cavati marati vippalujjati. Evam so kāmehi hāyati parihāyati paridhamseti paripatanti antaradhāyati vippalujjati.

Corā haranti rājāno, aggi dahati nassati;  
Atha antena jahati [*atho antena heti (syā.), asahantena dahati (ka.)*], sarīram sapariggaham;  
Etadaññaya medhāvī, bhuñjetha ca dadetha ca.

Datvā ca bhutvā ca yathānubhāvam, anindito saggamupeti ṭhānanti, te kāmā parihāyanti.

**Sallaviddhova ruppatīti.** Yathā ayomayena vā sallena viddho, aṭṭhimayena vā sallena dantamayena vā sallena visāṇamayena vā sallena kaṭṭhamayena vā sallena viddho ruppati kuppati ghaṭṭiyati pīṭiyati, byādhito domanassito hoti, evameva vatthukāmānam vipariṇāmaññathābhāvā uppajjanti sokaparidevadukkhadomanassupāyāsā. So kāmasallena ca sokasallena ca viddho, ruppati kuppati ghaṭṭiyati pīṭiyati byādhito domanassito hotīti – sallaviddhova ruppati.

Tenāha bhagavā –

“Tassa ce kāmayānassa, chandajātassa jantuno;  
Te kāmā parihāyanti, sallaviddhova ruppatī”ti.

**3. Yo kāme parivajjeti, sappasēva padā siro;  
Somam visattikam loke, sato samativattati.**

**Yo kāme parivajjeti.** Yoti yo yādiso yathāyutto yathāvihito yathāpakāro yamṭhānappatton  
yamḍhammasamannāgato khattiyo vā brāhmaṇo vā vesso vā suddo vā gahaṭṭho vā pabbajito vā devo vā  
manusso vā. **Kāme parivajjeti.** Kāmātī uddānato dve kāmā – vatthukāmā ca kilesakāmā ca...pe...  
ime vuccanti vatthukāmā...pe... ime vuccanti kilesakāmā. **Kāme parivajjeti** dvīhi kāraṇehi kāme  
parivajjeti – vikkhambhanato vā samucchchedato vā. Katham vikkhambhanato kāme parivajjeti?

“Aṭṭhikaṅkalūpamā kāmā appassādatṭhenā”ti passanto vikkhambhanato kāme parivajjeti,  
“maṁsapesūpamā kāmā bahusādhāraṇaṭṭhenā”ti passanto vikkhambhanato kāme parivajjeti,  
“tiṇukkūpamā kāmā anudahanaṭṭhenā”ti passanto vikkhambhanato kāme parivajjeti, “aṅgārakāsūpamā  
kāmā mahāparilāhaṭṭhenā”ti passanto vikkhambhanato kāme parivajjeti, “supinakūpamā kāmā  
ittarapaccupatṭhānaṭṭhenā”ti passanto vikkhambhanato kāme parivajjeti, “yācitakūpamā kāmā  
tāvakālikāṭṭhenā”ti passanto vikkhambhanato kāme parivajjeti, “rukkhaphalūpamā kāmā  
sambhañjanaparibhañjanāṭṭhenā”ti passanto vikkhambhanato kāme parivajjeti, “asisūnūpamā kāmā  
adhipuṭṭanaṭṭhenā”ti [adhipuṭṭanaṭṭhenā (syā.)] passanto vikkhambhanato kāme parivajjeti,  
“sattisūlūpamā kāmā vinivijjhanaṭṭhenā”ti passanto vikkhambhanato kāme parivajjeti, “sappasirūpamā  
kāmā sappaṭībhayaṭṭhenā”ti passanto vikkhambhanato kāme parivajjeti, “aggikkhandhūpamā kāmā  
mahābhītāpanaṭṭhenā”ti passanto vikkhambhanato kāme parivajjeti.

Buddhānussatiṁ bhāventopi vikkhambhanato kāme parivajjeti, dhammānussatiṁ bhāventopi...  
pe... saṅghānussatiṁ bhāventopi... sīlānussatiṁ bhāventopi... cāgānussatiṁ bhāventopi...  
devatānussatiṁ bhāventopi... ānāpānassatiṁ [ānāpānassatiṁ (sī.)] bhāventopi... maraṇassatiṁ  
bhāventopi... kāyagatāsatī bhāventopi... upasamānussatiṁ bhāventopi vikkhambhanato kāme  
parivajjeti.

Paṭhamam jhānam bhāventopi vikkhambhanato kāme parivajjeti, dutiyam jhānam bhāventopi...  
pe... tatiyam jhānam bhāventopi... catuttham jhānam bhāventopi... ākāsānañcāyatanaśamāpattim  
bhāventopi... viññāṇañcāyatanaśamāpattim bhāventopi... ākiñcaññāyatanaśamāpattim bhāventopi ...  
nevasaññānāsaññāyatanaśamāpattim bhāventopi vikkhambhanato kāme parivajjeti. Evam  
vikkhambhanato kāme parivajjeti.

Katham samucchchedato kāme parivajjeti? Sotāpattimaggam bhāventopi apāyagamanīye kāme  
samucchchedato parivajjeti, sakadāgāmimaggam bhāventopi olārike kāme samucchchedato parivajjeti,  
anāgāmimaggam bhāventopi anusahagate kāme samucchchedato parivajjeti, arahattamaggam bhāventopi  
sabbena sabbam sabbathā sabbam asesam nissesam samucchchedato kāme parivajjeti. Evam samucchchedato  
kāme parivajjeti – yo kāme parivajjeti.

**Sappasēva padā siro.** **Sappo** vuccati ahi. Kenaṭṭhena sappo? Saṁsappanto gacchatīti sappo;  
bhujanto gacchatīti bhujago; urena gacchatīti urago; pannasiro gacchatīti pannago; sirena supatīti  
[sappatīti (ka.)] sarīsapo [siriṁsapo (sī.)]; bile sayatīti bilāsayo; guhāyam sayatīti guhāsayo; dāṭhā tassa  
āvudhoti dāṭhāvudho; visam tassa ghoranti ghoraviso; jivhā tassa duvidhāti dvijivho; dvīhi jivhāhi rasam  
sāyatīti dvirasaññū. Yathā puriso jīvitukāmo amaritukāmo sukhakāmo dukkhapaṭikkūlo pādena  
sappasiram vajjeyya vivajjeyya parivajjeyya abhinivajjeyya; evameva sukhakāmo dukkhapaṭikkūlo  
kāme vajjeyya vivajjeyya parivajjeyya abhinivajjeyyāti – sappasēva padā siro.

**Somam visattikam loke, sato samativattati.** Soti yo kāme parivajjeti. Visattikā vuccati taṇhā.  
Yo rāgo sārāgo anunayo anurodho nandī nandirāgo, cittassa sārāgo icchā mucchā ajjhosānam gedho

paligedho [paligedho (sī.)] saṅgo pañko, ejā māyā janikā sañjananī sibbinī jālinī saritā visattikā, suttamī visatā āyūhinī [āyūhanī (sī. syā.)] dutiyā pañidhi bhavanetti, vanam̄ vanatho sandhavo sneho apekkhā pañibandhu, āsā āśisanā āśisittam̄, rūpāsā saddāsā gandhāsā rasāsā phoṭṭhabbāsā, lābhāsā janāsā puttāsā jīvitāsā, jappā pajappā abhijappā jappanā jappitattam̄ loluppam̄ loluppāyanā loluppāyitattam̄ pucchañjikatā sādhukamyatā, adhammarāgo visamalobho nikanti nikāmanā patthanā pihanā sampatthanā, kāmatañhā bhavatañhā vibhavatañhā, rūpatañhā arūpatañhā nirodhatañhā, rūpatañhā saddatañhā gandhatañhā rasatañhā phoṭṭhabbatañhā dhammadatañhā, ogho yogo gantho upādānam̄ āvaraṇam̄ nīvaraṇam̄ chadanaṁ bandhanaṁ, upakkilesō anusayo pariyoṭṭhānam̄ latā veviccham̄, dukkhamūlam̄ dukkhanidānam̄ dukkhappabhavo mārapāso mārabisam̄ māravisayo, tañhānadī tañhājalam̄ tañhāgaddulam̄ tañhāsamuddo abhijjhā lobho akusalamūlam̄.

**Visattikāti.** Kenaṭṭhena visattikā? Visatāti visattikā; visālāti visattikā; visatāti visattikā; visakkatīti visattikā; visam̄haratīti visattikā; visam̄vādikāti visattikā; visamūlāti visattikā; visaphalāti visattikā; visaparibhogoti visattikā; visālā vā pana sā tañhā rūpe sadde gandhe rase phoṭṭhabbe, kule gaṇe āvāse lābhe yase, pasam̄sāya sukhe cīvare piñḍapāte senāsane gilānapaccayabhesajjaparikkhāre, kāmadhātuyā rūpadhātuyā arūpadhātuyā, kāmabhave rūpabhave arūpabhave, saññābhave asaññābhave nevasaññānāsaññābhave, ekavokārabhave catuvokārabhave pañcavokārabhave, atīte anāgate paccuppanne, diṭṭhasutamutaviññātabbesu dhammesu visaṭā vitthatāti visattikā.

**Loketi** apāyaloke manussaloke devaloke, khandhaloke dhātuloke āyatana-loke. **Satoti** catūhi kāraṇehi sato – kāye kāyānupassanāsatipatṭhānam̄ bhāvento sato, vedanāsu...pe... citte... dhammesu dhammānupassanāsatipatṭhānam̄ bhāvento sato.

Aparehipi catūhi kāraṇehi sato – asatiparivajjanāya sato, satikaraṇīyānam̄ dhammānam̄ katattā sato, satiparibandhānam̄ dhammānam̄ hatattā sato, satinimittānam̄ dhammānam̄ asammūṭṭhattā sato.

Aparehipi catūhi kāraṇehi sato – satiyā samannāgatattā sato, satiyā vasitattā sato, satiyā pāguññatāya sato, satiyā apaccorohānatāya [apaccoropanatāya (sī.)] sato.

Aparehipi catūhi kāraṇehi sato – sattattā sato, santattā sato, samitattā sato, santadhammasamannāgatattā sato. Buddhānussatiyā sato, dhammānussatiyā sato, saṅghānussatiyā sato, sīlānussatiyā sato, cāgānussatiyā sato, devatānussatiyā sato, ānāpānassatiyā sato, maraṇassatiyā sato, kāyagatāsatiyā sato, upasamānussatiyā sato. Yā sati anussati pañissati sati saraṇatā dhāraṇatā apilāpanatā asammussanatā sati satindriyam̄ satibalaṁ sammāsatī satisambojjhaṅgo ekāyanamaggo, ayam̄ vuccati sati. Imāya satiyā upeto hoti samupeto upagato samupagato upapanno samupapanno samannāgato, so vuccati sato.

**Somam̄ visattikam̄ loke, sato samativattatīti.** Loke vā sā visattikā, loke vā tam̄ visattikam̄ sato tarati uttarati patarati samatikkamati vītivattatīti – somam̄ visattikam̄ loke, sato samativattati.

Tenāha bhagavā –

“Yo kāme parivajjeti, sappasseva padā siro;  
Somam̄ visattikam̄ loke, sato samativattatī’ti.

**4. Khettam̄ vatthum̄ hiraññam̄ vā, gavāssam̄ dāsaporisam̄;**  
**Thiyo bandhū puthu kāme, yo naro anugijjhati.**

**Khettam̄ vatthum̄ hiraññam̄ vāti.** Khettanti sālikkhettam̄ vīhikkhettam̄ muggakkhettam̄ māsakkhettam̄ yavakkhettam̄ godhumakkhettam̄ tilakkhettam̄. **Vatthunti** gharavatthum̄ koṭhakavatthum̄ purevatthum̄ pacchāvatthum̄ ārāmavatthum̄ vihāravatthum̄. **Hiraññanti** hiraññam̄ vuccati kahāpañoti –

khettam vatthum hiraññam vā.

**Gavāssam dāsaporisanti.** Gavanti gavā [gāvo (ka.)] vuccanti. Assāti pasukādayo vuccanti. Dāsāti cattāro dāsā – antojātako dāso, dhanakkītako dāso, sāmam vā dāsabyam upeti, akāmako vā dāsavasayam upeti.

“Āmāya dāsāpi bhavanti heke, dhanena kītāpi bhavanti dāsā;  
Sāmañca eke upayanti dāsyam, bhayāpanuṇṇāpi bhavanti dāsā”ti.

Purisāti tayo purisā – bhatakā, kammakarā, upajīvinoti – gavāssam dāsaporisam.

**Thiyo bandhū puthu kāmeti.** Thiyoti itthipariggaho vuccati. Bandhūti cattāro bandhū – nātibandhavāpi bandhu, gottabandhavāpi bandhu, mantabandhavāpi bandhu, sippabandhavāpi bandhu. **Puthu kāmeti** bahū kāme. Ete puthu kāmā manāpikā rūpā...pe... manāpikā phoṭṭhabbāti – thiyo bandhū puthu kāme.

**Yo naro anugijjhātīti.** Yoti yo yādiso yathāyutto yathāvihito yathāpakāro yamṭhānappatton yamdhhammasamannāgato khattiyo vā brāhmaṇo vā vesso vā suddo vā gahaṭṭho vā pabbajito pā devo vā manusso vā. **Naroti** satto naro mānavo poso puggalo jīvo jāgu jantu indagu manujo. **Anugijjhātīti** kilesakāmena vatthukāmesu gjijhati anugijjhāti palibajjhātīti – yo naro anugijjhāti.

Tenāha bhagavā –

“Khettaṁ vatthum hiraññam vā, gavāssam dāsaporisam;  
Thiyo bandhū puthu kāme, yo naro anugijjhātīti”ti.

##### 5. Abalā nam balīyanti, maddante nam parissayā; Tato nam dukkhamanveti, nāvam bhinnamivodakam.

**Abalā nam balīyantīti.** Abalāti abalā kilesā dubbalā appabalā appathāmakā hīnā nīhīnā ( ) [(parīhīnā) (sī. syā.)] omakā lāmakā chatukkā parittā. Te kilesā tam puggalam sahanti parisahanti abhibhavanti ajjhottharanti pariyādiyanti maddantīti, evampi abalā nam balīyanti. Atha vā, abalaṁ puggalam dubbalam appabalaṁ appathāmakam hīnām nīhīnām omakaṁ lāmakam chatukkam parittam, yassa natthi saddhābalam vīriyabalaṁ satibalaṁ samādhibalaṁ paññābalam hiribalam ottappabalaṁ. Te kilesā tam puggalam sahanti parisahanti abhibhavanti ajjhottharanti pariyādiyanti maddantīti – evampi abalā nam balīyantīti.

**Maddante nam parissayāti.** Dve parissayā – pākaṭaparissayā ca paṭicchannaparissayā ca. Katame pākaṭaparissayā? Sīhā byagghā dīpī acchā taracchā kokā mahiṁsā [mahisā (sī. syā.)] hatthī ahivicchikā satapadī, corā vā assu mānavā vā katakammā vā akatakammā vā, cakkhurogo sotarogo ghānarogo jivhārogo kāyarogo sīsarogo kañharogo mukharogo dantarogo, kāso sāso piñāso ḍāho jaro, kucchirogo mucchā pakhandikā sūlā visūcikā, kuṭṭham gaṇḍo kilāso soso apamāro, daddu kaṇḍu kacchu rakhasā [rakkhasā (ka.)] vitacchikā lohitapittam, madhumeho aṁsā piñakā bhagandalā, pittasamuṭṭhānā ābādhā semhasamuṭṭhānā ābādhā vātasamuṭṭhānā ābādhā sannipātikā ābādhā utupariṇāmajā ābādhā visamaparihārajā ābādhā, opakkamikā ābādhā kammavipākajā ābādhā, sītam uṇham jighacchā pipāsā uccāro passāvo ḍāmsamakasavātātapasarīsapasamphassā iti vā – ime vuccanti pākaṭaparissayā.

Katame paṭicchannaparissayā? Kāyaduccaritam vacīduccaritam manoduccaritam, kāmacchandanīvaraṇam byāpādanīvaraṇam thinamiddhanīvaraṇam uddhaccakukkuccanīvaraṇam vicikicchānīvaraṇam, rāgo doso moho kodho upanāho makkho pañāso issā macchariyam, māyā sāṭheyam thambho sārambho māno atimāno mado pamādo, sabbe kilesā sabbe duccaritā sabbe darathā

sabbe pariñhā sabbe santāpā sabbākusalābhisañkhārā – ime vuccanti pañcchannaparissayā.

**Parissayāti kenañthena parissayā?** Parisahantīti parissayā, pariñhānāya sañvattantīti parissayā, tatrāsayāti parissayā. Katham parisahantīti parissayā? Te parissayā tam puggalam sahanti parisahanti abhibhavanti aijhottharanti paryādiyanti maddanti. Evam parisahantīti parissayā. Katham pariñhānāya sañvattantīti parissayā? Te parissayā kusalānam dhammānam antarāyāya pariñhānāya sañvattanti. Katamesam kusalānam dhammānam? Sammāpañipadāya anulomapañipadāya apaccanikapañipadāya aviruddhapañipadāya anvatthapañipadāya dhammānudhammapañipadāya, silesu paripūrikāritāya indriyesu guttadvāratāya bhojane mattaññutāya, jāgariyānuyogassa satisampajaññassa, catunnam satipañhānānam bhāvanānuyogassa catunnam sammappadhānānam bhāvanānuyogassa catunnam iddhipādānam bhāvanānuyogassa, pañcannañam indriyānam bhāvanānuyogassa pañcannañam balānam bhāvanānuyogassa, sattannañam bojjhañgānam bhāvanānuyogassa ariyassa atthañgikassa maggassa bhāvanānuyogassa – imesam kusalānam dhammānam antarāyāya pariñhānāya sañvattanti. Evam pariñhānāya sañvattantīti – parissayā.

Katham tatrāsayāti parissayā? Tatthete pāpakā akusalā dhammā uppajjanti attabhāvasannissayā. Yathā bile bilāsayā pāññā sayanti, dake dakāsayā pāññā sayanti, vane vanāsayā pāññā sayanti, rukkhe rukkhāsayā pāññā sayanti, evameva tatthete pāpakā akusalā dhammā uppajjanti attabhāvasannissayā. Evampi tatrāsayāti – parissayā.

Vuttañhetam bhagavatā –

“Sāntevāsiko, bhikkhave, bhikkhu sācariyako dukkham na phāsu viharati. Kathañca, bhikkhave, bhikkhu sāntevāsiko sācariyako dukkham na phāsu viharati? Idha, bhikkhave, bhikkhuno cakkhunā rūpam disvā uppajjanti ye pāpakā akusalā dhammā sarasañkappā saññojaniyā, tyassa anto vasanti anvāsavanti pāpakā akusalā dhammāti – tasmā sāntevāsikoti vuccati. Te nam samudācaranti. Samudācaranti nam pāpakā akusalā dhammāti – tasmā sācariyakoti vuccati.

“Puna caparam, bhikkhave, bhikkhuno sotena saddam sutvā, ghānena gandham ghāyitvā, jivhāya rasam sāyitvā, kāyena phoñhabbam phusitvā, manasā dhammam viññāya uppajjanti ye pāpakā akusalā dhammā sarasañkappā saññojaniyā, tyassa anto vasanti anvāsavanti pāpakā akusalā dhammāti – tasmā sāntevāsikoti vuccati. Te nam samudācaranti. Samudācaranti nam pāpakā akusalā dhammāti – tasmā sācariyakoti vuccati. Evam kho, bhikkhave, bhikkhu sāntevāsiko sācariyako dukkham na phāsu viharati”ti. Evampi tatrāsayāti – parissayā.

Vuttañhetam bhagavatā –

“Tayome, bhikkhave, antarāmalā – antarāamittā antarāsapattā antarāvadhakā antarāpaccatthikā. Katame tayo? Lobho, bhikkhave, antarāmalam [[antarāmalo \(syā.\)](#)] antarāamitto antarāsapatto antarāvadhako antarāpaccatthiko. Doso...pe... moho, bhikkhave, antarāmalam antarāamitto antarāsapatto antarāvadhako antarāpaccatthiko. Ime kho, bhikkhave, tayo antarāmalā – antarāamittā antarāsapattā antarāvadhakā antarāpaccatthikā.

“Anatthajanano lobho, lobho cittappakopano;  
Bhayamantarato jātam, tam janō nāvabujjhati.

“Luddho attham na jānāti, luddho dhammam na passati;  
Andhantamañ [[andhatamañ \(syā. ka.\)](#)] tadā hoti, yan lobho sahate naram.

“Anatthajanano doso, doso cittappakopano;  
Bhayamantarato jātam, tam janō nāvabujjhati.

“Kuddho attham na jānāti, kuddho dhammam na passati;  
Andhantamañ tadā hoti, yam doso sahate naram.

“Anatthajanano moho, moho cittappakopano;  
Bhayamantarato jātam, tam jano nāvabujjhati.

“Mūlho attham na jānāti, mūlho dhammam na passati;  
Andhantamañ tadā hoti, yam moho sahate nara”nti.

Evampi tatrāsayāti – parissayā.

Vuttampi hetam bhagavatā – “tayo kho, mahārāja, purisassa dhammā ajjhattam uppajjamānā uppajjanti, ahitāya dukkhāya aphāsuvihārāya. Katame tayo? Lobho kho, mahārāja, purisassa dhammo ajjhattam uppajjamānā uppajjati, ahitāya dukkhāya aphāsuvihārāya. Doso kho, mahārāja...pe... moho kho, mahārāja, purisassa dhammo ajjhattam uppajjamānā uppajjati, ahitāya dukkhāya aphāsuvihārāya. Ime kho, mahārāja, tayo purisassa dhammā ajjhattam uppajjamānā uppajjanti, ahitāya dukkhāya aphāsuvihārāya.

“Lobho doso ca moho ca, purisam pāpacetasam;  
Hiṁsanti attasambhūtā, tacasāramva samphala”nti.

Evampi tatrāsayāti – parissayā.

Vuttampi cetam bhagavatā –

“Rāgo ca doso ca itonidānā, arati rati lomahaṁso itojā;  
Ito samuṭṭhāya manovitakkā, kumārakā dhaṅkamivossajantī”ti [[dhaṅkamivossajjanti \(syā.\)](#)].

Evampi tatrāsayāti – parissayā. **Maddante nam parissayāti.** Te parissayā tam puggalam sahanti parisahanti abhibhavanti ajjhottaranti paryādiyanti maddantīti – maddante nam parissayā.

**Tato nam dukkhamanvetīti.** Tatoti tato tato parissayato tam puggalam dukkham anveti anugacchati anvāyikam hoti, jātidukkham anveti anugacchati anvāyikam hoti, jarādukkham anveti anugacchati anvāyikam hoti, byādhidukkham anveti anugacchati anvāyikam hoti, maraṇadukkham anveti anugacchati anvāyikam hoti, sokaparidevadukkhadomanassupāyāsadukkham anveti anugacchati anvāyikam hoti, nerayikam dukkham, tiracchānayonikam dukkham, pettivisayikam dukkham anveti anugacchati anvāyikam hoti, mānusikam dukkham... gabbhokkantimūlakam dukkham... gabbhe ṭhitimūlakam dukkham... gabbhā vuṭṭhanamūlakam dukkham... jātassūpanibandhakam dukkham... jātassa parādheyakam dukkham... attūpakkamam dukkham... parūpakkamam dukkham anveti anugacchati anvāyikam hoti, dukkhadukkham anveti anugacchati anvāyikam hoti, saṅkhāradukkham... vipariṇāmadukkham ... cakkhurogo sotarogo ghānarogo jivhārogo kāyarogo sīsarogo kaṇṭharogo mukharogo dantarogo, kāso sāso pināso dāho jaro, kucchirogo mucchā pakkhandikā sūlā visūcikā, kuṭṭham gaṇḍo kilāso soso apamāro, daddu kaṇḍu kacchu rakhasā vitacchikā lohitapittam, madhumeho amṣā pilakā bhagandalā pittasamuṭṭhānā ābādhā semhasamuṭṭhānā ābādhā vātasamuṭṭhānā ābādhā sannipātikā ābādhā utupariṇāmajā ābādhā visamaparihārajā ābādhā, opakkamikā ābādhā kammavipākajā ābādhā, sītaṁ uṇham jighacchā pipāsā uccāro passāvo ḍamṣamakasavātātapasarīsapasamphassadukkham... mātumaraṇam dukkham... pitumaraṇam dukkham... bhātumaraṇam dukkham... bhaginimaraṇam dukkham... puttamaranam dukkham... dhītumaraṇam dukkham ... nātibyasananam dukkham... bhogabyasanam dukkham... rogabyasanam dukkham... sīlabyasananam dukkham... diṭṭhibyasananam dukkham anveti anugacchati anvāyikam hotīti – tato nam dukkhamanveti.

**Nāvam bhinnamivodakanti.** Yathā bhinnam nāvam dakamesiṃ [udakadāyito (sī.), udakam anvāyikam (syā.)] tato tato udakam anveti anugacchati anvāyikam hoti, puratopi udakam anveti anugacchati anvāyikam hoti, pacchatopi... heṭṭhatopi... passatopi udakam anveti anugacchati anvāyikam hoti; evameva tato tato parissayato tam puggalam dukkham anveti anugacchati anvāyikam hoti, jātidukkham anveti anugacchati anvāyikam hoti...pe... diṭṭhibyasanaṃ dukkham anveti anugacchati anvāyikam hotī – nāvam bhinnamivodakam.

Tenāha bhagavā –

“Abalā naṃ balīyanti, maddante naṃ parissayā;  
Tato naṃ dukkhamanveti, nāvam bhinnamivodaka”nti.

#### 6. Tasmā jantu sadā sato, kāmāni parivajjaye; Te pahāya tare ogham, nāvam sitvāva pāragū.

**Tasmā jantu sadā satoti.** Tasmāti tasmā tamkāraṇā tamhetu tappaccayā tamnidānā etam ādīnavam sampassamāno kāmesūti – tasmā. **Jantūti** satto naro mānavo poso puggalo jīvo jāgu jantu indagu manujo. **Sadāti** sadā sabbadā sabbakālam niccakālam dhuvakālam satataṃ samitam abbokiṇṇam poñkhānupoñkham udakūmikajātam avīci santati sahitam phassitam [phusitam (sī. syā.)], purebhattam pacchābhattam purimayāmaṃ majjhimayāmaṃ pacchimayāmaṃ, kāle juṇhe vasse hemante gimhe, purime vayokhandhe majjhime vayokhandhe pacchime vayokhandhe. **Satoti** catūhi kāraṇehi sato – kāye kāyanupassanāsatipaṭṭhānam bhāvento sato, vedanāsu... citte... dhammesu dhammānupassanāsatipaṭṭhānam bhāvento sato. Aparehi catūhi kāraṇehi sato...pe... so vuccati satoti – tasmā jantu sadā sato.

**Kāmāni parivajjayed.** Kāmāti uddānato dve kāmā – vatthukāmā ca kilesakāmā ca...pe... ime vuccanti vatthukāmā...pe... ime vuccanti kilesakāmā. **Kāmāni parivajjayed** dvīhi kāranehi kāme parivajjeyya – vikkhambhanato vā samucchchedato vā. Katham vikkhambhanato kāme parivajjeyya? “Atṭhikaṅkalūpamā kāmā appassādaṭṭhenā”ti passanto vikkhambhanato kāme parivajjeyya, “mamsapesūpamā kāmā bahusādhāraṇaṭṭhenā”ti passanto vikkhambhanato kāme parivajjeyya, “tiṇukkūpamā kāmā anudahanāṭṭhenā”ti passanto vikkhambhanato kāme parivajjeyya...pe... nevasaññānasaññāyatanasamāpattim bhāvento vikkhambhanato kāme parivajjeyya. Evam vikkhambhanato kāme parivajjeyya...pe... evam samucchchedato kāme parivajjeyyāti – kāmāni parivajjaye.

**Te pahāya tare oghanti.** Teti vatthukāme parijanitvā kilesakāme pahāya pajahitvā vinodetvā byantim karitvā anabhāvam gamitvā; kāmacchandanīvaraṇam pahāya pajahitvā vinodetvā byantim karitvā anabhāvam gamitvā; byāpādanīvaraṇam...pe... thinamiddhanīvaraṇam... uddhaccakukkuccanīvaraṇam... vicikicchānīvaraṇam pahāya pajahitvā vinodetvā byantim karitvā anabhāvam gamitvā kāmogham bhavogham diṭṭhogham avijjogham tareyya uttareyya patareyya samatikkameyya vītivatteyyāti – te pahāya tare ogham.

**Nāvam sitvāva pāragūti.** Yathā garukam nāvam bhārikam udakam sitvā [siñcivā (sī. syā.)] osiñcivā chaḍdetvā lahukāya nāvāya khippam lahum appakasireneva pāram gaccheyya; evameva vatthukāme parijanitvā kilesakāme pahāya pajahitvā vinodetvā byantim karitvā anabhāvam gamitvā; kāmacchandanīvaraṇam... byāpādanīvaraṇam... thinamiddhanīvaraṇam... uddhaccakukkuccanīvaraṇam... vicikicchānīvaraṇam pahāya pajahitvā vinodetvā byantim karitvā anabhāvam gamitvā khippam lahum appakasireneva pāram gaccheyya. Pāram vuccati amataṃ nibbānam. Yo so sabbasankhārasamatho sabbūpadhipatiñissaggo tanhakkhayo virāgo nirodho nibbānam. **Pāram gaccheyyāti** – pāram adhigaccheyya, pāram phuseyya, pāram sacchikareyya. **Pāragūti** yopi pāram gantukāmo sopi pāragū; yopi pāram gacchati sopi pāragū; yopi pāram gato, sopi pāragū.

Vuttampi hetam bhagavatā –

Tiṇṇo pāraṅgato thale tiṭṭhati brāhmaṇoti. Brāhmaṇoti kho, bhikkhave, arahato etam adhivacanam. So abhiññāpāragū pariññāpāragū pahānapāragū bhāvanāpāragū sacchikiriyāpāragū samāpattipāragū. Abhiññāpāragū sabbadhammānam, pariññāpāragū sabbadukkhānam, pahānapāragū sabbakilesānam, bhāvanāpāragū catunnām ariyamaggānam, sacchikiriyāpāragū nirodhassa, samāpattipāragū sabbasamāpattinām. So vasippatto pāramippatto ariyasmim sīlasmin, vasippatto pāramippatto ariyasmim samādhismim, vasippatto pāramippatto ariyāya paññāya, vasippatto pāramippatto ariyāya vimuttiyā. So pāram gato pārappatto antagato antappatto kotigato kotipatto pariyantagato pariyantappatto vosānagato tāṇagato tāṇappatto leṇagato leṇappatto saraṇagato saraṇappatto abhayagato abhayappatto accutagato accutappatto amatagato amatappatto nibbānagato nibbānappatto. So vuṭṭhavāso ciṇṇacarano gataddho gatadiso gatakoṭiko pālitabrahmacariyo uttamadiṭṭhippatto bhāvitamaggo pahīnakileso paṭividdhākuppo sacchikatanirodho, dukkham tassa pariññātam, samudayo pahīno, maggo bhāvito, nirodho sacchikato, abhiññeyyam abhiññātam, pariññeyyam pariññātam, pahātabbam pahīnam, bhāvetabbam bhāvitam, sacchikātabbam sacchikatam.

So ukkhittapaligho samkiṇṇaparikkho abbuḥesiko niraggalo ariyo pannaddhajo pannabhāro visaññutto pañcaṅgavippahīno chaṅgasamannāgato ekārakkho caturāpasseno panuṇṇapaccekasacco samavayasaṭthesano anāvilasaṅkappo passaddhakāyasaṅkhāro suvimuttacitto suvimuttapañño kevalī vusitavā uttamarupiso paramarupiso paramapattipatto. So nevācinati [neva ācināti (sī. syā.)] nāpacinati, apacinitvā ṛhito. Neva pajahati na upādiyatī, pajahitvā ṛhito. Neva samsibbati [neva sineti (sī.), neva visīneti (syā.)] na ussineti, visinitvā ṛhito. Neva vidhūpeti na sandhūpeti, vidhūpetvā ṛhito. Asekkhena sīlakkhandhena samannāgatattā ṛhito. Asekkhena samādhikkhandhena... asekkhena paññākkhandhena... asekkhena vimuttikkhandhena... asekkhena vimuttiñāṇadassanakkhandhena samannāgatattā ṛhito. Saccam sampatipādiyitvā ṛhito. Ejām samatikkamitvā ṛhito. Kilesaggim pariyādiyitvā ṛhito, aparigamanatāya ṛhito, kaṭam samādāya ṛhito, muttipatiṣevanatāya ṛhito, mettāya pārisuddhiyā ṛhito, karuṇāya... muditāya... upekkhāya pārisuddhiyā ṛhito, accantapārisuddhiyā ṛhito, akammayatāya [atammayatāya (sī.), akammaññatāya (syā.)] pārisuddhiyā ṛhito, vimuttattā ṛhito, santussitattā ṛhito, khandhapariyante ṛhito, dhātupariyante ṛhito, āyatana-pariyante ṛhito, gatipariyante ṛhito, upapatti-pariyante ṛhito, paṭisandhipariyante ṛhito, (bhavapariyante ṛhito, samsārapariyante ṛhito vaṭṭapariyante ṛhito, antime bhave ṛhito,) [( ) natthi sīhaṭapothake] antime samussaye ṛhito, antimadehadharo arahā.

“Tassāyam pacchimako bhavo, carimoyam samussayo;  
Jātimaraṇasamāsāro, natthi tassa punabbhavo”ti.

Nāvam sitvāva pāragūti. Tenāha bhagavā –

“Tasmā jantu sadā sato, kāmāni parivajjaye;  
Te pahāya tare ogham, nāvam sitvāva pāragū”ti.

Kāmasuttaniddeso paṭhamo.

## 2. Guhaṭṭhakasuttaniddeso

Atha guhaṭṭhakasuttaniddesam vakkhati –

7. Satto guhāyam bahunābhichanno, tiṭṭham naro mohanasmin pagālho;  
Dūre vivekā hi tathāvidho so, kāmā hi loke na hi suppahāyā.

**Satto guhāyam bahunābhichannoti.** Sattoti hi kho vuttam, api ca guhā tāva vattabbā. **Guhā** vuccati kāyo. Kāyoti vā guhāti vā dehoti vā sandehoti vā nāvāti vā rathoti vā dhajoti vā vammikoti vā nagaranti vā niḍḍanti vā kuṭīti vā gaṇḍoti vā kumbhoti vā nāgoti vā kāyassetam adhivacanam. **Satto guhāyanti** guhāyam satto visatto āsatto laggo laggito palibuddho. Yathā bhittikhile vā nāgadante vā gaṇḍam sattam visattam āsattam laggam laggitam palibuddham; evameva guhāyam satto visatto āsatto laggo laggito palibuddho. Vuttañhetam bhagavatā –

“Rūpe kho, rādha, yo chando yo rāgo yā nandī yā taṇhā ye upayūpādānā cetaso adhiṭṭhānābhinivesānusayā, tatra satto tatra visatto; tasmā sattoti vuccati. Vedanāya kho, rādha... pe... saññāya kho, rādha... saṅkhāresu kho, rādha... viññāne kho, rādha, yo chando yo rāgo yā nandī yā taṇhā ye upayūpādānā cetaso adhiṭṭhānābhinivesānusayā, tatra satto tatra visatto; tasmā sattoti vuccati. Sattoti lagganādhivacana”nti – satto guhāyam. **Bahunābhichannoti** bahukehi kilesehi channo, rāgena channo dosena channo mohena channo kodhena channo upanāhena channo makkhena channo paṭāsenā channo issāya channo macchariyena channo māyāya channo sāṭheyeyena channo thambhena channo sārambhena channo mānena channo atimānena channo madena channo pamādena channo. Sabbakilesehi sabbaduccaritehi sabbadarathehi sabbaparilāhehi sabbasantāpehi sabbākusalābhisaṅkhārehi channo vichanno ucchanno āvuto nivuto ovuto [ophuto (syā.)] pihipto paṭicchanno paṭikujjiteti – satto guhāyam bahunābhichanno.

**Tiṭṭham naro mohanasmiṃ pagālhoti** tiṭṭhanto naro ratto rāgavasena tiṭṭhati, duṭṭho dosavasena tiṭṭhati, mūlho mohavasena tiṭṭhati, vinibaddho mānavasena tiṭṭhati, parāmaṭṭho diṭṭhivasena tiṭṭhati, vikkhepagato uddhaccavasena tiṭṭhati, aniṭṭhaṅgato vicikicchāvasena tiṭṭhati, thāmagato anusayavasena tiṭṭhati. Evampi tiṭṭham naro.

Vuttañhetam bhagavatā – “santi, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasam̄hitā rajañyā, tañce bhikkhu abhinandati abhivadati aijhosāya tiṭṭhati. Santi, bhikkhave, sotaviññeyyā saddā... pe... ghānaviññeyyā gandhā... jivhāviññeyyā rasā... kāyaviññeyyā phoṭṭhabbā... manoviññeyyā dhammā iṭṭhā kantā manāpā piyarūpā kāmūpasam̄hitā rajañyā, tañce bhikkhu abhinandati abhivadati aijhosāya tiṭṭhati”ti. Evampi tiṭṭham naro.

Vuttañhetam bhagavatā – “rūpūpayam vā, bhikkhave, viññānam tiṭṭhamānam tiṭṭhati, rūpārammaṇam rūpapatiṭṭham nandūpasecanam vuddhim virūlhim vepullam āpajjati. Vedanūpayam vā, bhikkhave... pe... saññūpayam... saṅkhārūpayam vā, bhikkhave, viññānam tiṭṭhamānam tiṭṭhati, saṅkhārāammaṇam saṅkhārapatiṭṭham nandūpasecanam vuddhim virūlhim vepullam āpajjati”ti. Evampi tiṭṭham naro.

Vuttampi hetam bhagavatā – “kabaṭīkāre ce, bhikkhave, āhāre atthi rāgo atthi nandī atthi taṇhā, patiṭṭhitam tattha viññānam virūlham. Yattha patiṭṭhitam viññānam virūlham, atthi tattha nāmarūpassāvakkanti. Yattha atthi nāmarūpassāvakkanti, atthi tattha saṅkhārānam vuddhi. Yattha atthi saṅkhārānam vuddhi, atthi tattha āyatim punabbhavābhinibbatti. Yattha atthi āyatim punabbhavābhinibbatti, atthi tattha āyatim jātijarāmaranam. Yattha atthi āyatim jātijarāmaranam, sasokam tam, bhikkhave, sarajam saupāyāsanti vadāmī”ti. Evampi tiṭṭham naro.

“Phasse ce, bhikkhave, āhāre... pe... manosañcetanāya ce, bhikkhave, āhāre... viññāne ce, bhikkhave, āhāre atthi rāgo atthi nandī atthi taṇhā, patiṭṭhitam tattha viññānam virūlham. Yattha patiṭṭhitam viññānam virūlham, atthi tattha nāmarūpassāvakkanti. Yattha atthi nāmarūpassāvakkanti, atthi tattha saṅkhārānam vuddhi. Yattha atthi saṅkhārānam vuddhi, atthi tattha āyatim punabbhavābhinibbatti. Yattha atthi āyatim punabbhavābhinibbatti, atthi tattha āyatim jātijarāmaranam. Yattha atthi āyatim jātijarāmaranam, sasokam tam, bhikkhave, sarajam saupāyāsanti vadāmī”ti. Evampi tiṭṭham naro.

**Mohanasmim pagālhoti.** Mohanā vuccanti pañca kāmaguṇā. Cakkhuvīññeyyā rūpā iṭṭhā kantā manāpā piyarūpā kāmūpasamhitā rajañyā; sotaviññeyyā saddā... ghānaviññeyyā gandhā... jivhāviññeyyā rasā... kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajañyā. Kim kāraṇā mohanā vuccanti pañca kāmaguṇā? Yebhuyyena devamanussā pañcasu kāmaguṇesu muyhanti sammuyhanti sampamuyhanti, mūlhā sammūlhā sampamūlhā avijjāya andhikatā āvutā nivutā ovutā pihitā paṭicchannā paṭikujitā, tam kāraṇā mohanā vuccanti pañca kāmaguṇā. **Mohanasmim pagālhoti** mohanasmim pagālho ogālho ajjhogālho nimuggoti – tiṭṭham naro mohanasmim pagālho.

**Dūre vivekā hi tathāvidho soti.** Vivekāti tayo vivekā – kāyaviveko, cittaviveko, upadhiviveko. Katamo kāyaviveko? Idha bhikkhu vivittam senāsanam bhajati araññam rukkhamūlam pabbataṁ kandaram giriguham susānam vanapattham abbhokāsam palālapuñjam. Kāyena vivitto viharati. So eko gacchatī, eko titthati, eko nisidati, eko seyyam kappeti, eko gāmam piñḍāya pavisati, eko paṭikkamatī, eko roho nisidati, eko cañkamam adhiṭṭhatī, eko carati viharati iriyati vattati pāleti yāpeti. Ayam kāyaviveko.

Katamo cittaviveko? Paṭhamam jhānam samāpannassa nīvaraṇehi cittam vivittam hoti. Dutiyam jhānam samāpannassa vitakkavicārehi cittam vivittam hoti. Tatiyam jhānam samāpannassa pītiyā cittam vivittam hoti. Catuttham jhānam samāpannassa sukhadukkhehi cittam vivittam hoti. Ākāsañcañcāyatanaṁ samāpannassa rūpasaññāya paṭighasaññāya nānattasaññāya cittam vivittam hoti. Viññānañcañcāyatanaṁ samāpannassa ākāsañcañcāyatanaṁ samāpannassa nānattasaññāya cittam vivittam hoti. Ākiñcaññāyatanaṁ samāpannassa viññānañcañcāyatanaṁ samāpannassa nānattasaññāya cittam vivittam hoti. Nevasaññānāsaññāyatanaṁ samāpannassa ākiñcaññāyatanaṁ samāpannassa nānattasaññāya cittam vivittam hoti. Sotāpannassa sakkāyadiṭṭhiyā vicikicchāya sīlabbataparāmāsā diṭṭhānusayā vicikicchānusayā, tadekaṭṭhehi ca kilesehi cittam vivittam hoti. Sakadāgāmissa olārikā kāmarāgasāññojanā paṭighasaññojanā olārikā kāmarāgānusayā paṭighānusayā, tadekaṭṭhehi ca kilesehi cittam vivittam hoti. Anāgāmissa anusahagatā kāmarāgasāññojanā paṭighasaññojanā anusahagatā kāmarāgānusayā paṭighānusayā, tadekaṭṭhehi ca kilesehi cittam vivittam hoti. Arahato rūpārūparāgā mānā uddhaccā avijjāya mānānusayā bhavarāgānusayā avijjānusayā, tadekaṭṭhehi ca kilesehi bahiddhā ca sabbanimittehi cittam vivittam hoti. Ayam cittaviveko.

Katamo upadhiviveko? Upadhi vuccanti kilesā ca khandhā ca abhisankhārā ca. Upadhiviveko vuccati amataṁ nibbānam. Yo sabbasankhārasamatho sabbūpadhipatiñissago taṇhakkhayo virāgo nirodho nibbānam. Ayam upadhiviveko. Kāyaviveko ca vivekaṭṭhakāyānam [[vūpakaṭṭhakāyānam \(syā.\)](#)] nekkhammābhīratānam, cittaviveko ca parisuddhacittānam paramavodānappattānam, upadhiviveko ca nirūpadhīnam puggalānam visankhāragatānam.

**Dūre vivekā hīti.** Yo so evam guhāyam satto, evam bahukehi kilesehi channo, evam mohanasmim pagālho, so kāyavivekāpi dūre, cittavivekāpi dūre, upadhivivekāpi dūre vidūre suvidūre na santike na sāmantā anāsanne vivekaṭṭhe [[vavakaṭṭhe \(sī.\)](#), [anupakaṭṭhe \(syā.\)](#)]. **Tathāvidhoti** tādiso tassanṭhitō tappakāro tappaṭibhāgo yo so mohanasmim pagālhoti – dūre vivekā hi tathāvidho so.

**Kāmā hi loke na hi suppahāyāti.** Kāmāti uddānato dve kāmā – vatthukāmā ca kilesakāmā ca. Katame vatthukāmā? Manāpikā rūpā manāpikā saddā manāpikā gandhā manāpikā rasā manāpikā phoṭṭhabbā, attharaṇā pāvuraṇā dāsidasā ajeṭakā kukkuṭasūkarā hatthigavāssavalavā, khettam vatthu hiraññam suvanṇam, gāmanigamarājadhāniyo raṭṭhañca janapado ca koso ca koṭṭhāgārañca, yam kiñci rajañyam vatthu – vatthukāmā. Api ca atītā kāmā anāgatā kāmā paccuppannā kāmā, ajjhattā kāmā bahiddhā kāmā ajjhattabahiddhā kāmā, hīnā kāmā majjhimā kāmā paññitā kāmā, āpāyikā kāmā mānusikā kāmā dibbā kāmā paccupatṭhitā kāmā, nimmitā kāmā animmitā kāmā paranimmitā kāmā, pariggahitā kāmā apariggahitā kāmā, mamāyitā kāmā amamāyitā kāmā, sabbepi kāmāvacarā dhammā, sabbepi rūpāvacarā dhammā, sabbepi arūpāvacarā dhammā, taṇhāvatthukā taṇhārammaṇā kāmanīyaṭṭhena rajañyāṭṭhena madanīyaṭṭhena kāmā. Ime vuccanti vatthukāmā.

Katame kilesakāmā? Chando kāmo rāgo kāmo chandarāgo kāmo, saṅkappo kāmo rāgo kāmo saṅkapparāgo kāmo, yo kāmesu kāmacchando kāmarāgo kāmanandī kāmataṇhā kāmasneho kāmapariļāho kāmamucchā kāmajjhosānam kāmogho kāmayogo kāmupādānam kāmacchandanīvaraṇam.

“Addasam kāma te mūlam, saṅkappā kāma jāyasi;  
Na tam saṅkappayissāmi, evam kāma na hohisi”ti. –

Ime vuccanti kilesakāmā. **Loketi** apāyaloke manussaloke devaloke, khandhaloke dhātuloke āyatana-loke. **Kāmā hi loke na hi suppahāyāti**. Kāmā hi loke duppahāyā duccajjā duppariccajā dunnimmadayā dunniveṭhayā dubbinivēṭhayā duttarā duppatarā dussamatikkamā dubbinivattāti – kāmā hi loke na hi suppahāyā.

Tenāha bhagavā –

“Satto guhāyam bahunābhichanno, tiṭṭham naro mohanasmim pagālho;  
Dūre vivekā hi tathāvidho so, kāmā hi loke na hi suppahāyā”ti.

#### **8. Icchānidānā bhavasātabaddhā, te duppamuñcā na hi aññamokkhā; Pacchā pure vāpi apekkhamānā, ime va kāme purime va jappam.**

**Icchānidānā bhavasātabaddhāti.** Icchā vuccati taṇhā. Yo rāgo sārāgo anunayo anurodho nandī nandirāgo, cittassa sārāgo icchā mucchā ajjhosānam gedho paligedho saṅgo pañko, ejā māyā janikā sañjananī sibbinī jālinī saritā visattikā, suttam visaṭā āyūhinī dutiyā pañidhi bhavanetti, vanam vanatho sandhavo sneho apekkhā paṭibandhu, āsā āśisanā āśisitattam, rūpāsā saddāsā gandhāsā rasāsā phoṭṭhabbāsā, lābhāsā dhanāsā puttāsā jīvitāsā, jappā pajappā abhijappā jappanā jappitattam loluppaṇam loluppāyanā loluppāyitattam pucchañchikatā sādhukamyatā, adhammarāgo visamalobho nikanti nikāmanā patthanā pihanā sampathanā, kāmataṇhā bhavataṇhā vibhavataṇhā, rūpataṇhā arūpataṇhā nirodhataṇhā, rūpataṇhā saddataṇhā gandhataṇhā rasataṇhā phoṭṭhabbataṇhā dhammadataṇhā, ogo yogo gantho upādānam āvaraṇam nīvaraṇam chadanaṁ bandhanam, upakkilesa anusayo pariyuṭṭhānam latā veviccham, dukkhamūlam dukkhanidānam dukkhappabhavo mārapāso mārabalisam māravisayo, taṇhānadī taṇhājālam taṇhāgaddulam taṇhāsamuddo abhijjhā lobho akusalamūlam. **Icchānidānāti** icchānidānakā icchāhetukā icchāpaccayā icchākāraṇā icchāpabhvavāti – icchānidānā.

**Bhavasātabaddhāti.** Ekaṁ bhavasātam – sukhā vedanā. Dve bhavasātāni – sukhā ca vedanā iṭṭhañca vatthu. Tīṇi bhavasātāni – yobbaññam, ārogyam, jīvitam. Cattāri bhavasātāni – lābho, yaso, pasamṣā, sukham. Pañca bhavasātāni – manāpikā rūpā, manāpikā saddā, manāpikā gandhā, manāpikā rasā, manāpikā phoṭṭhabbā. Cha bhavasātāni – cakkhusampadā, sotasampadā, ghānasampadā, jivhāsampadā, kāyasampadā, manosampadā. Bhavasātabaddhā, sukhāya vedanāya sātabaddhā, iṭṭhasmim vatthusmim baddhā, yobbaññe baddhā, ārogye baddhā, jīvite baddhā, lābhe baddhā, yase baddhā, pasamṣāyam baddhā, sukhe baddhā, manāpikesu rūpesu baddhā, saddesu... gandhesu... rasesu... manāpikesu phoṭṭhabbesu baddhā, cakkhusampadāya baddhā, sotaghānajivhākāyamanosampadāya baddhā, vibaddhā ābaddhā laggā laggitā palibaddhāti – icchānidānā bhavasātabaddhā.

**Te duppamuñcā na hi aññamokkhāti** te vā bhavasātavatthū duppamuñcā, sattā vā etto dummocayā. Kathaṁ te bhavasātavatthū duppamuñcā? Sukhā vedanā duppamuñcā, iṭṭham vatthu duppamuñcam, yobbaññam duppamuñcam, ārogyam duppamuñcam, jīvitam duppamuñcam, lābho duppamuñco, yaso duppamuñco, pasamṣā duppamuñcā, sukham duppamuñcam, manāpikā rūpā duppamuñcā, manāpikā saddā... gandhā... rasā... phoṭṭhabbā duppamuñcā, cakkhusampadā duppamuñcā, sotaghānajivhākāyamanosampadā duppamuñcā dummocayā duppamocayā dunniveṭhayā

dubbinivethayā, duttarā duppatarā dussamatikkamā dubbinivattā. Evam te bhavasātavatthū duppamuñcā.

Katham sattā etto dummocayā? Sukhāya vedanāya sattā dummocayā, iṭhasmā vatthusmā dummocayā, yobbaññā dummocayā, ārogāyā dummocayā, jīvitā dummocayā, lābhā dummocayā, yasā dummocayā, pasamsāya dummocayā, sukhā dummocayā, manāpikehi rūpehi dummocayā, manāpikehi saddehi... gandhehi... rasehi... phoṭṭhabbehi dummocayā, cakkhusampadāya dummocayā, sotaghānajivhākāyamanosampadāya dummocayā duruddharā [duddharā (ka.)], dussamuddharā dubbutthāpayā dussamuṭṭhāpayā dunniveṭhayā dubbiniveṭhayā duttarā duppatarā dussamatikkamā dubbinivattā. Evam sattā etto dummocayāti – te duppamuñcā.

**Na hi aññamokkhāti** te attanā palipalipannā na sakkonti param palipalipannam uddharitum. Vuttañhetam bhagavatā – “so vata, cunda, attanā palipalipanno param palipalipannam uddharissatīti netam ṭhānam vijjati. So vata, cunda, attanā adanto avinīto aparinibbuto param damessati vinessati parinibbāpessatīti netam ṭhānam vijjatī”ti. Evampi na hi aññamokkhā.

Atha vā natthañño koci mocetā. Te yadi muñceyyum, sakena thāmena sakena balena sakena vīriyena sakena parakkamena sakena purisathāmena sakena purisabala sakena purisavīriyena sakena purisaparakkamena attanā sammāpaṭipadam anulomapaṭipadam apaccanīkapaṭipadam anvatthapaṭipadam dhammānudhammapaṭipadam paṭipajjamānā muñceyyunti. Evampi na hi aññamokkhā.

Vuttampi hetam bhagavatā –

“Nāham sahissāmi pamocanāya, kathaṇkathim dhotaka kiñci loke;  
Dhammañca setṭham abhijānamāno, evam tuvam oghamimam taresī”ti.

Evampi na hi aññamokkhā.

Vuttampi hetam bhagavatā –

“Attanāva katam pāpam, attanā saṃkilissati;  
Attanā akataṃ pāpam, attanāva visujjhati;  
Suddhī asuddhi paccattam, nāñño aññam visodhaye”ti.

Evampi na hi aññamokkhā.

Vuttampi hetam bhagavatā – “evameva kho, brāhmaṇa, tiṭṭhateva nibbānam, tiṭṭhati nibbānagāmimago, tiṭṭhāmahaṇ samādapetā. Atha ca pana mama sāvakā mayā evam ovadiyamānā evam anusāsiyamānā apēkacce accantaniṭṭham nibbānam ārādhenti, ekacce nārādhenti. Ettha kyāhaṇ, brāhmaṇa, karomi? Maggakkhāyī, brāhmaṇa, tathāgato. Maggam buddho ācikkhati. Attanā paṭipajjamānā muñceyyu”nti. Evampi na hi aññamokkhāti – te duppamuñcā na hi aññamokkhā.

**Pacchā pure vāpi apekkhamānāti.** Pacchā vuccati anāgataṃ, pure vuccati atītaṃ. Api ca atītaṃ upādāya anāgatañca paccuppannañca pacchā, anāgataṃ upādāya atītañca paccuppannañca pure. Katham pure apekkham̄ karoti? “Evamrūpo ahosim atītamaddhāna”nti tattha nandim samannāneti. “Evamvedano ahosim... evamṣañño ahosim... evamṣaṅkharo ahosim... evamviññāṇo ahosim atītamaddhāna”nti tattha nandim samannāneti. Evampi pure apekkham̄ karoti.

Atha vā “iti me cakkhu ahosi atītamaddhānam, iti rūpā”ti – tattha chandarāgapāṭibaddham hoti viññāṇam. Chandarāgapāṭibaddhattā viññāṇassa tadabhinandati. Tadabhinandanto evampi pure

apekkham̄ karoti. “Iti me sotam ahosi atītamaddhānam, iti saddā”ti...pe... “iti me ghānam ahosi atītamaddhānam, iti gandhā”ti... “iti me jivhā ahosi atītamaddhānam, iti rasā”ti... “iti me kāyo ahosi atītamaddhānam, iti phoṭhabbā”ti... “iti me mano ahosi atītamaddhānam, iti dhammā”ti – tattha chandarāgapati**baddham̄** hoti viññānam. Chandarāgapati**baddhattā** viññānassa tadabhinandati. Tadabhinandanto evampi pure apekkham̄ karoti.

Atha vā yānissa tāni pubbe mātugāmena saddhiṁ hasitalapitakilitāni tadassādeti tam nikāmeti, tena ca vittim āpajjati. Evampi pure apekkham̄ karoti.

Katham pacchā apekkham̄ karoti? “Evamrūpo siyam anāgatamaddhāna”nti tattha nandim samannāneti. “Evamvedano siyam... evamṣañño siyam... evamṣaṅkhāro siyam... evamviññāno siyam anāgatamaddhāna”nti tattha nandim samannāneti. Evampi pacchā apekkham̄ karoti.

Atha vā “iti me cakkhu siyā anāgatamaddhānam, iti rūpā”ti – appaṭiladdhassa paṭilābhāya cittam panidahati. Cetaso paṇidhānapaccayā tadabhinandati. Tadabhinandanto evampi pacchā apekkham̄ karoti. “Iti me sotam siyā anāgatamaddhānam, iti saddā”ti... “iti me ghānam siyā anāgatamaddhānam, iti gandhā”ti... “iti me jivhā siyā anāgatamaddhānam, iti rasā”ti... “iti me kāyo siyā anāgatamaddhānam, iti phoṭhabbā”ti... “iti me mano siyā anāgatamaddhānam, iti dhammā”ti – appaṭiladdhassa paṭilābhāya cittam panidahati. Cetaso paṇidhānapaccayā tadabhinandati. Tadabhinandanto evampi pacchā apekkham̄ karoti.

Atha vā “imināham sīlena vā vatena vā tapena vā brahmacariyena vā devo vā bhavissāmi devaññataro vā”ti – appaṭiladdhassa paṭilābhāya cittam panidahati. Cetaso paṇidhānapaccayā tadabhinandati. Tadabhinandanto evampi pacchā apekkham̄ karotī – pacchā pure vāpi apekkhamānā.

**Ime va kāme purime va jappanti. Ime va kāmeti** paccuppanne pañca kāmaguṇe icchantā sādiyatā patthayantā pihayantā abhijappantā. Purime va jappanti atite pañca kāmaguṇe jappantā pajappantā abhijappantāti – ime va kāme purime va jappam.

Tenāha bhagavā –

“Icchānidānā bhavasātabaddhā, te duppamuñcā na hi aññamokkhā;  
Pacchā pure vāpi apekkhamānā, ime va kāme purime va jappa”nti.

## 9. Kāmesu giddhā pasutā pamūlhā, avadāniyā te visame niviṭṭhā; Dukkhūpanītā paridevayanti, kiṁsū bhavissāma ito cutāse.

**Kāmesu giddhā pasutā pamūlhāti.** Kāmāti uddānato dve kāmā – vatthukāmā ca kilesakāmā ca... pe... ime vuccanti vatthukāmā...pe... ime vuccanti kilesakāmā. Gedho vuccati tañhā. Yo rāgo sārāgo... pe... abhijjhā lobho akusalamūlam. Kilesakāmena vatthukāmesu rattā giddhā gadhitā mucchitā ajjhosannā [ajjhopannā (sī. syā.)] laggā laggitā palibuddhāti – kāmesu giddhā.

**Pasutāti** yepi kāme esanti gavesanti pariyesanti, taccaritā tabbahulā taggarukā, tanninnā tappoṇā tappabbhārā tadaḍhimuttā tadaḍhipateyyā, tepi kāmapasutā. Yepi tañhāvasena rūpe esanti gavesanti pariyesanti... sadde... gandhe... rase... phoṭhabbe...pe... pariyesanti taccaritā tabbahulā taggarukā, tanninnā tappoṇā tappabbhārā tadaḍhimuttā tadaḍhipateyyā, tepi kāmapasutā. Yepi tañhāvasena rūpe paṭilabhanti... sadde... gandhe ... rase... phoṭhabbe paṭilabhanti taccaritā tabbahulā taggarukā, tanninnā tappoṇā tappabbhārā tadaḍhimuttā tadaḍhipateyyā, tepi kāmapasutā. Yepi tañhāvasena rūpe paribhuñjanti ... sadde... gandhe... rase... phoṭhabbe paribhuñjanti taccaritā tabbahulā taggarukā, tanninnā tappoṇā tappabbhārā tadaḍhimuttā tadaḍhipateyyā, tepi kāmapasutā. Yathā kalahakārako kalahapasuto, kammakārako kammapasuto, gocare caranto gocarapasuto, jhāyī jhānapasuto; evameva

ye pi kāme esanti gavesati pariyesanti, taccaritā tabbahulā taggarukā tanninnā tappoṇā tappabbhārā tadadhimuttā tadadhipateyyā, tepi kāmapasutā. Yeli taṇhāvasena rūpe esanti gavesanti pariyesanti... sadde... gandhe... rase... phoṭhabbe... pe... pariyesanti taccaritā tabbahulā taggarukā tanninnā tappoṇā tappabbhārā tadadhimuttā tadadhipateyyā, tepi kāmapasutā. Yeli taṇhāvasena rūpe paṭilabhanti... sadde... gandhe... rase... phoṭhabbe paṭilabhanti taccaritā tabbahulā taggarukā, tanninnā tappoṇā tappabbhārā tadadhimuttā tadadhipateyyā, tepi kāmapasutā. Yeli taṇhāvasena rūpe paribhuñjanti... sadde... gandhe... rase... phoṭhabbe paribhuñjanti taccaritā tabbahulā taggarukā, tanninnā tappoṇā tappabbhārā tadadhimuttā tadadhipateyyā, tepi kāmapasutā.

**Pamūlhāti** yebhuyyena devamanussā pañcasu kāmaguñesu muyhanti sammuyhanti sampamuyhanti mūlhā sammūlhā sampamūlhā avijjāya andhīkatā āvutā nivutā ovutā pihitā paṭicchannā paṭikujjitatī – kāmesu giddhā pasutā pamūlhā.

**Avadāniyā te visame niviṭṭhāti.** Avadāniyāti avagacchantītipi avadāniyā, maccharinopi vuccanti avadāniyā, buddhānam sāvakānam vacanam byappatham desanam anusīṭṭhim nādiyantīti – avadāniyā. Katham avagacchantīti avadāniyā? Nirayam gacchanti, tiracchānayonim gacchanti, pettivisayam gacchantīti, evam āgacchantīti – avadāniyā. Katham maccharino vuccanti avadāniyā? Pañca macchariyāni – āvāsamacchariyam, kulamacchariyam, lābhamacchariyam, vaṇṇamacchariyam, dhammadmacchariyam. Yam evarūpam macchariyam maccharāyanā maccharāyatattam veviccham kadariyam katukañcukatā aggahitattam cittassa, idam vuccati macchariyam. Api ca, khandhamacchariyampi macchariyam, dhātumacchariyampi macchariyam, āyatanamacchariyampi macchariyam gāho. Idam vuccati macchariyam. Iminā macchariyena avadaññutāya samannāgatā janā pamattā. Evam maccharino vuccanti avadāniyā. Katham buddhānam sāvakānam vacanam byappatham desanam anusīṭṭhim nādiyantīti – avadāniyā? Buddhānam sāvakānam vacanam byappatham desanam anusīṭṭhim na ādiyanti na sussusanti, na sotam odahanti, na aññā cittam upaṭṭhapenti, anassavā avacanakarā paṭilomavuttino, aññeneva mukhañ karonti. Evam buddhānam sāvakānam [buddhānam buddhasāvakānam (sī. syā.)] vacanam byappatham desanam anusīṭṭhim nādiyantīti avadāniyāti – avadāniyā.

**Te visame niviṭṭhāti** visame kāyakamme niviṭṭhā, visame vacīkamme niviṭṭhā, visame manokamme niviṭṭhā, visame pāṇātipāte niviṭṭhā, visame adinnādāne niviṭṭhā, visame kāmesumicchācāre niviṭṭhā, visame musāvāde niviṭṭhā, visamāya pisuñāya vācāya niviṭṭhā, visamāya pharusāya vācāya... visame samphappalāpe... visamāya abhijjhāya niviṭṭhā, visame byāpāde... visamāya micchādiṭṭhiyā niviṭṭhā, visamesu sañkhāresu niviṭṭhā, visamesu pañcasu kāmaguñesu niviṭṭhā, visamesu pañcasu nīvarañesu niviṭṭhā vinivīṭṭhā patīṭṭhitā allīnā upagatā ajjhositā adhimuttā laggā laggitā palibuddhāti – avadāniyā te visame niviṭṭhā.

**Dukkhūpanītā paridevayantīti.** Dukkhūpanītāti dukkhappattā dukkhasampattā dukkhūpagatā, mārapattā mārasampattā mārūpagatā, marañappattā marañasampattā marañūpagatā. **Paridevayantīti** lapanti lālapanti [sallapanti (sī.)], socanti kilamanti paridevanti urattālim kandanti sammohañ āpajjantīti – dukkhūpanītā paridevayanti.

**Kiṁsu bhavissāma ito cutāseti** ito cutā kiṁ bhavissāma? Nerayikā bhavissāma, tiracchānayonikā bhavissāma, pettivisayikā bhavissāma, manussā bhavissāma, devā bhavissāma, rūpī bhavissāma, arūpī bhavissāma, saññī bhavissāma, asaññī bhavissāma, nevasaññīnāsaññī bhavissāma, “bhavissāma nu kho mayam anāgatamaddhānam, nanu kho bhavissāma anāgatamaddhānam, kiṁ nu kho bhavissāma anāgatamaddhānam, katham nu kho bhavissāma anāgatamaddhānam, kiṁ hutvā kiṁ bhavissāma nu kho mayam anāgatamaddhāna”’nti samsayapakkhandā vimatipakkhandā dveļhakajātā lapanti lālapanti, socanti kilamanti paridevanti urattālim kandanti sammohañ āpajjantīti – kiṁsu bhavissāma ito cutāse.

Tenāha bhagavā –

“Kāmesu giddhā pasutā pamūlhā, avadāniyā te visame niviṭṭhā;  
Dukkhūpanītā paridevayanti, kiṁsū bhavissāma ito cutāse”ti.

**10. Tasmā hi sikkhetha idheva jantu, yam kiñci jaññā visamanti loke;**  
**Na tassa hetū visamam̄ careyya, appañhidam̄ jīvitamāhu dhīrā.**

**Tasmā hi sikkhetha idheva jantūti.** Tasmāti tamkāraṇā tamhetu tappaccayā tannidānā, etamādīnavam̄ sampassamāno kāmesūti – tasmā. **Sikkhethāti** tisso sikkhā – adhisīlasikkhā, adhicittasikkhā, adhipaññāsikkhā.

Katamā adhisīlasikkhā? Idha bhikkhu sīlavā hoti, pātimokkhasaṁvarasamvuto viharati ācāragocarasampanno, anumattesu vajjesu bhayadassāvī, samādāya sikkhati sikkhāpadesu. Khuddako sīlakkhandho, mahanto sīlakkhandho, sīlam̄ patiṭṭhā ādi caranam̄ samyamo samvaro mokkham̄ pāmokkham̄ kusalānam̄ dhammānam̄ samāpattiya – ayam̄ adhisīlasikkhā.

Katamā adhicittasikkhā? Idha bhikkhu vivicceva kāmehi vivicca akusalehi dhammehi savitakkam̄ savicāram̄ vivekajam̄ pītisukham̄ paṭhamam̄ jhānam̄ upasampajja viharati. Vitakkavicārānam̄ vūpasamā ajjhattam̄ sampasādanam̄ cetaso ekodibhāvam̄ avitakkam̄ avicāram̄ samādhijam̄ pītisukham̄ dutiyam̄ jhānam̄ upasampajja viharati. Pītiyā ca virāgā upekkhako ca viharati sato ca sampajāno sukhañca kāyena paṭisamvedeti, yam tam ariyā ācikkhanti – ‘upekkhako satimā sukhavihārī’ti tatiyam̄ jhānam̄ upasampajja viharati. Sukhassa ca pahānā dukkhassa ca pahānā pubbeva somanassadomanassānam̄ atthangamā adukkhamasukham̄ upekkhāsatipārisuddhiṁ catuttham̄ jhānam̄ upasampajja viharati – ayam̄ adhicittasikkhā.

Katamā adhipaññāsikkhā? Idha bhikkhu paññavā hoti udayatthagāminiyā paññāya samannāgato, ariyāya nibbedhikāya sammādukkhakkhayagāminiyā. So “idam dukkha”nti yathābhūtam̄ pajānāti, “ayam dukkhasamudayo”ti yathābhūtam̄ pajānāti, “ayam dukkhanirodho”ti yathābhūtam̄ pajānāti, “ayam dukkhanirodhagāminī paṭipadā”ti yathābhūtam̄ pajānāti. “Ime āsavā”ti yathābhūtam̄ pajānāti, “ayam āsavasamudayo”ti yathābhūtam̄ pajānāti, “ayam āsavanirodho”ti yathābhūtam̄ pajānāti, “ayam āsavanirodhagāminī paṭipadā”ti yathābhūtam̄ pajānāti – ayam̄ adhipaññāsikkhā.

Imā tisso sikkhāyo āvajjanto sikkheyya, jānanto sikkheyya, passanto sikkheyya, paccavekkhanto sikkheyya, cittam̄ adhiṭṭhahanto sikkheyya, saddhāya adhimuccanto sikkheyya, vīriyam paggañhanto sikkheyya, satim̄ upaṭṭhapento sikkheyya, cittam̄ samādahanto sikkheyya, paññāya pajānanto sikkheyya, abhiññeyyam̄ abhijānanto sikkheyya, pariññeyyam̄ parijānanto sikkheyya, pahātabbam̄ pajahanto sikkheyya, bhāvetabbam̄ bhāvento sikkheyya, sacchikātabbam̄ sacchikaronto sikkheyya ācareyya samācareyya samādāya vatteyya.

**Idhāti** imissā diṭṭhiyā imissā khantiyā imissā ruciyā imasmiṁ ādāye imasmiṁ dhamme imasmiṁ vinaye imasmiṁ dhammadvinaye imasmiṁ pāvacane imasmiṁ brahmacariye imasmiṁ satthusāsane imasmiṁ attabhāve imasmiṁ manussaloke – tena vuccati idhāti. **Jantūti** satto naro...pe... manujoti – tasmā hi sikkhetha idheva jantu.

**Yam kiñci jaññā visamanti loketi.** **Yam kiñcīti** sabbena sabbam̄ sabbathā sabbam̄ asesam̄ nissesam̄ pariyādiyanavacanametam̄ [paridāyavacanametam̄ (syā.)] – yam̄ kiñcīti. **Visamanti jaññāti** visamam̄ kāyakammaṁ visamanti jāneyya, visamam̄ vacīkammaṁ visamanti jāneyya, visamam̄ manokammaṁ visamanti jāneyya, visamam̄ pāṇātipātam̄ visamoti jāneyya, visamam̄ adinnādānam̄ visamanti jāneyya, visamam̄ kāmesumicchācāram̄ visamoti jāneyya, visamam̄ musāvādam̄ visamoti jāneyya, visamam̄ pisuṇam̄ vācam̄ visamāti jāneyya, visamam̄ pharusam̄ vācam̄ visamāti jāneyya, visamam̄ samphappalāpam̄ visamoti jāneyya, visamam̄ abhijjhām̄ visamāti jāneyya, visamam̄ byāpādam̄ visamoti jāneyya, visamam̄ micchādiṭṭhiṁ visamāti jāneyya, visame saṅkhāre visamāti jāneyya, visame

pañca kāmaguṇe visamāti jāneyya, visame pañca nīvaraṇe visamāti jāneyya ājāneyya vijāneyya paṭivijāneyya paṭivijjhayya. **Loketi apāyaloke...pe... āyatanaloketi – yaṁ kiñci jaññā visamanti loke.**

**Na tassa hetū visamam careyyāti.** Visamassa kāyakammassa hetu visamam na careyya, visamassa vacikammassa hetu visamam na careyya, visamassa manokammassa hetu visamam na careyya, visamassa pāṇatipātassa hetu visamam na careyya, visamassa adinnādānassa hetu visamam na careyya, visamassa kāmesumicchācārassa hetu visamam na careyya, visamassa musāvādassa hetu visamam na careyya, visamāya pisuñāya vācāya hetu visamam na careyya, visamāya pharusāya vācāya hetu visamam na careyya, visamassa samphappalāpassa hetu visamam na careyya, visamāya abhijjhāya hetu visamam na careyya, visamassa byāpādassa hetu visamam na careyya, visamāya micchādiṭṭhiyā hetu visamam na careyya, visamānam saṅkhārānam hetu visamam na careyya, visamānam pañcannam kāmaguṇānam hetu visamam na careyya, visamānam pañcannam nīvaraṇānam hetu visamam na careyya, visamāya cetanāya hetu visamam na careyya, visamāya patthanāya hetu visamam na careyya, visamāya pañidhiyā hetu visamam na careyya na ācareyya na samācareyya na samādāya vatteyyāti – na tassa hetū visamam careyya.

**Appañhidam jīvitamāhu dhīrāti.** Jīvitanti āyu ṭhiti yapanā yāpanā iriyānā vattanā pālanā jīvitam jīvitindriyam. Api ca, dvīhi kāraṇehi appakam jīvitam – ṭhitiparittatāya vā appakam jīvitam, sarasaparittatāya vā appakam jīvitam. Katham ṭhitiparittatāya appakam jīvitam? Atite cittakkhaṇe jīvittha, na jīvati na jīvissati; anāgate cittakkhaṇe jīvissati, na jīvati na jīvittha; paccuppanne cittakkhaṇe jīvati, na jīvittha na jīvissati.

“Jīvitam attabhāvo ca, sukhadukkhā ca kevalā;  
Ekacittasamāyuttā, lahuso vattate khaṇo.

“Cullāsītisahassāni, kappā tiṭṭhanti ye marū;  
Natveva tepi jīvanti, dvīhi cittehi samyutā.

“Ye niruddhā marantassa, tiṭṭhamānassa vā idha;  
Sabbe pi sadisā khandhā, gatā appaṭisandhikā.

“Anantarā ca ye bhaggā [bhaṅgā (sī. syā.)], ye ca bhaggā anāgatā;  
Tadantare niruddhānam, vesamam natthi lakkhaṇe.

“Anibbattena na jāto, paccuppanna jīvati;  
Cittabhaggā mato loko, paññatti paramatthiyā.

“Yathā ninnā pavattanti, chandena pariṇāmitā;  
Acchinna dhārā vattanti, salāyatanapaccayā.

“Anidhānagatā bhaggā, puñjo natthi anāgate;  
Nibbattā ye ca [nibbattāyeva (sabbattha)] tiṭṭhanti, āragge sāsapūpamā.

“Nibbattānañca dhammānam, bhaṅgo nesam purakkhato;  
Palokadhammā tiṭṭhanti, purāṇehi amissitā.

“Adassanato āyanti, bhaṅgā gacchanti dassanam;  
Vijuppādova ākāse, uppajjanti vayanti cā”ti.

Evam ṭhitiparittatāya appakam jīvitam.

Katham Sarasaparittatāya appakam jīvitam? Assāsūpanibandham jīvitam, passāsūpanibandham jīvitam, assāsapassāsūpanibandham jīvitam, mahābhūtūpanibandham jīvitam, kabaļikārahārūpanibandham jīvitam, usmūpanibandham jīvitam, viññāṇūpanibandham jīvitam. Mūlampi imesam̄ dubbalam, pubbahetūpi imesam̄ dubbalā. Ye paccayā tepi dubbalā, yepi pabhāvikā tepi dubbalā. Sahabhūmi imesam̄ dubbalā, sampayogāpi imesam̄ dubbalā, sahajāpi imesam̄ dubbalā, yāpi payojikā sāpi dubbalā, aññamaññam̄ ime niccadubbalā, aññamaññam̄ anavatthitā ime. Aññamaññam̄ paripātayanti ime, aññamaññassa hi natthi tāyitā, na cāpi ṭhapenti aññamaññam̄ ime. Yopi nimbattako so na vijjati.

“Na ca kenaci koci hāyati, gandhabbā ca ime hi sabbaso;  
Purimehi pabhāvikā ime, yepi pabhāvikā te pure matā;  
Purimāpi ca pacchimāpi ca, aññamaññam̄ na kadāci maddasamsū”ti.

Evam Sarasaparittatāya appakam jīvitam.

Api ca cātumahārājikānam̄ devānam̄ jīvitam upādāya manussānam̄ appakam jīvitam parittakam jīvitam thokam [thokakam (ka.)] jīvitam khaṇikam jīvitam laukam jīvitam ittaram jīvitam anaddhanīyam jīvitam naciraṭhitikam jīvitam. Tāvatiṁsānam̄ devānam...pe... yāmānam̄ devānam... tusitānam̄ devānam... nimmānaratīnam̄ devānam... paranimmitavasavattīnam̄ devānam... brahmakāyikānam̄ devānam̄ jīvitam upādāya manussānam̄ appakam jīvitam parittakam jīvitam thokam jīvitam khaṇikam jīvitam laukam jīvitam ittaram jīvitam anaddhanīyam jīvitam naciraṭhitikam jīvitam.

Vuttañhetam bhagavatā –

“Appamidaṁ, bhikkhave, manussānam āyu. Gamaniyo samparāyo mantāya boddhabbam, kattabbaṁ kusalam, caritabbaṁ brahmacariyam, natthi jātassa amaraṇam. Yo, bhikkhave, ciram jīvati so vassasatam appam vā bhiyyo”.

“Appamāyu manussānam, hīleyya nam̄ suporiso;  
Careyyādittasīova natthi maccussanāgamo.

“Accayanti ahorattā, jīvitam uparujjhati;  
Āyu kхиyyati maccānam, kunnadīnamva odaka”nti.

**Appañhidam jīvitamāhu dhīrāti.** Dhīrāti dhīrā, dhitimāti dhīrā, dhitisampannāti dhīrā, dhīkatapāpāti dhīrā. Dhī vuccati paññā. Yā paññā pajānanā vicayo pavicayo dhammavicayo sallakkhaṇā upalakkhaṇā paccupalakkhaṇā pañdiccam̄ kosallam nepuññam vebhabyā cintā upaparikkhā bhūri medhā pariṇāyikā vipassanā sampajaññam̄ patodo paññā paññindriyam paññābalam paññāsattham paññāpāsādo paññāloko paññāobhāso paññāpajjoto paññāratanaṁ amoho dhammavicayo sammāditthi, tāya paññāya samannāgatattā dhīrā. Api ca khandhadhīrā dhātudhīrā āyatanadhīrā, paṭiccasamuppādadhīrā satipaṭṭhānadīrā sammappadhānadīrā iddhipādadīrā, indriyadhīrā baladhīrā bojjhaṅgadhīrā maggadhīrā phaladhīrā nibbānadhīrā. Te dhīrā evamāhaṁsu – “manussānam appakam jīvitam, parittakam jīvitam, thokam jīvitam, khaṇikam jīvitam, laukam jīvitam, ittaram jīvitam, anaddhanīyam jīvitam, naciraṭhitikam jīvita”nti. Evamāhaṁsu evam kathenti evam bhaṇanti evam dīpayanti evam voharantī – appañhidam jīvitamāhu dhīrā.

Tenāha bhagavā –

“Tasmā hi sikkhetha idheva jantu, yam kiñci jaññā visamanti loke;  
Na tassa hetū visamam̄ careyya, appañhidam jīvitamāhu dhīrā”ti.

## 11. Passāmi loke pariphandamānam̄, pajam̄ imam̄ tañhagatam̄ bhavesu;

## Hīnā narā maccumukhe lapanti, avītatañhāse bhavābhavesu.

**Passāmi loke pariphandamānanti.** Passāmīti mañṣacakkhunāpi passāmi, dibbacakkhunāpi passāmi, paññācakkhunāpi passāmi, buddhacakkhunāpi passāmi, samantacakkhunāpi passāmi dakkhāmi olokemi nijjhāyāmi upaparikkhāmi. **Loketi** apāyaloke manussaloke devaloke khandhaloke dhātuloke āyatana-loke.

**Pariphandamānanti** tañhāphandanāya phandamānam, diṭṭhiphandanāya phandamānam, kilesaphandanāya phandamānam, payogaphandanāya phandamānam, vipākaphandanāya phandamānam, duccaritaphandanāya phandamānam, rattam rāgena phandamānam, duṭṭham dosena phandamānam, mūlham mohena phandamānam, vinibaddham mānena phandamānam, parāmaṭṭham diṭṭhiyā phandamānam, vikkhepagataṁ uddhaccena phandamānam, aniṭṭhangataṁ vicikicchāya phandamānam, thāmagataṁ anusayehi phandamānam, lābhena phandamānam, alābhena phandamānam, yasena phandamānam, ayasena phandamānam, pasaṁsāya phandamānam, nindāya phandamānam, sukhena phandamānam, dukkhena phandamānam, jātiyā phandamānam, jarāya phandamānam, byādhinā phandamānam, maraṇena phandamānam, sokapari devadukkhadomanassupāyāsehi phandamānam, nerayikena dukkhena phandamānam, tiracchānayonikena dukkhena phandamānam, pettevisayikena dukkhena phandamānam, mānusikena dukkhena phandamānam, gabbhokkantimūlakena dukkhena phandamānam, gabbhe ṭhitimūlakena dukkhena phandamānam, gabbhā vuṭṭhānamūlakena dukkhena phandamānam, jātassūpanibandhakena dukkhena phandamānam, jātassa parādheyayakena dukkhena phandamānam, attūpakkamena dukkhena phandamānam, parūpakkamena dukkhena phandamānam, dukkhadukkhena phandamānam, saṅkhāradukkhena phandamānam, vipariṇāmadukkhena phandamānam, cakkhurogena dukkhena phandamānam, sotarogena dukkhena phandamānam, ghānarogena dukkhena... pe... jivhārogena... kāyarogena... sīsarogena... kaṇṭarogena... mukharogena... dantarogena... kāsena... sāsena... pināsena... dāhena... jarena... kucchirogena... mucchāya... pakkhandikāya... sūlāya... visucikāya... kuṭṭhena... gandena... kilāsena... sosena... apamārena... dadduyā... kaṇḍuyā... kacchuyā... rakhasāya... vitacchikāya... lohitena... pittena... madhumehena... amsāya... pilakāya... bhagandalena [bhagandalāya (syā.)] ... pittasamutṭhānena ābādhena... semhasamuṭṭhānena ābādhena... vātasamuṭṭhānena ābādhena... sannipātikena ābādhena... utupariṇāmajena ābādhena... visamaparihārajena ābādhena... opakkamikena ābādhena... kammavipākajena ābādhena... sītena... uṇhena... jighacchāya... pipāsāya... uccārena... passāvena... ḍāmsamakasavātātapasarīsapasamphassena dukkhena... mātumaraṇena dukkhena... pitumaraṇena dukkhena... bhātumaraṇena dukkhena... bhaginimaraṇena dukkhena... puttamarāṇena dukkhena... dhītumaraṇena dukkhena... nītibyananena... bhogabyasanena... rogabyasanena... sīlabyananena... diṭṭhibyananena dukkhena phandamānam samphandamānam vippahandamānam vedhamānam pavedhamānam sampavedhamānam passāmi dakkhāmi olokemi nijjhāyāmi upaparikkhāmīti – passāmi loke pariphandamānam.

**Pajam imam tañhagatam bhavesūti.** Pajāti sattādhivacanaṁ. Tañhāti rūpatañhā, saddatañhā, gandhatañhā, rasatañhā, phoṭṭhabbatāñhā, dhammatāñhā. **Tañhagatanti** tañhāgataṁ tañhānugatam tañhāyānusaṭṭam tañhāyāsannam tañhāya pātitam abhibhūtam pariyyādinnacittam. **Bhavesūti** kāmabhavē rūpabhave arūpabhaveti – pajam imam tañhagataṁ bhavesu.

**Hīnā narā maccumukhe lapantīti.** Hīnā narāti hīnā narā hīnena kāyakamma samannāgatāti hīnā narā, hīnena vacīkamma samannāgatāti hīnā narā, hīnena manokamma samannāgatāti hīnā narā, hīnena pāṇātipātena samannāgatāti hīnā narā, hīnena adinnādānenā... pe... hīnena kāmesumicchācārena... hīnena musāvādena... hīnāya pisuṇāya vācāya... hīnāya pharusāya vācāya... hīnena samphappalāpena... hīnāya abhijjhāya... hīnena byāpādena... hīnāya micchādiṭṭhiyā... hīnehi saṅkhārehi... hīnehi pañcahi kāmaguṇehi nīvaraṇehi... hīnāya cetanāya... hīnāya pathanāya... hīnāya pañidhiyā samannāgatāti hīnā narā hīnā nihīnā ohīnā omakā lāmakā chatukkā parittāti – hīnā narā. **Maccumukhe lapantīti.** Maccumukheti māramukhe maraṇamukhe, maccuppattā maccusampattā

maccūpāgatā, mārappattā mārasampattā mārūpāgatā, maraṇappattā maraṇasampattā maraṇūpāgatā lapanti lālapanti socanti kilamanti paridevanti urattālim kandanti sammoham āpajjantīti – hīnā narā maccumukhe lapanti.

**Avītatañhāse bhavābhavesūti.** Tañhāti rūpatañhā...pe... dhammatañhā. **Bhavābhavesūti** bhavābhave kammabhave punabbhave kāmabhave, kammabhave kāmabhave punabbhave rūpabhavē, kammabhave rūpabhavē punabbhave arūpabhavē, kammabhave arūpabhavē punabbhave punappunabbhave, punappunagatiyā punappunaupapattiyyā punappunapaṭisandhiyā punappunaattabhāvābhinibbattiyā, avītatañhā avigatatañhā acattatañhā avantatañhā. Amuttatañhā appahīnatañhā appaṭinissaṭṭhatañhāti – avītatañhāse bhavābhavesu.

Tenāha bhagavā –

“Passāmi loke pariphandamānam, pajam imam tañhagatam bhavesu; Hīnā narā maccumukhe lapanti, avītatañhāse bhavābhavesu”ti.

**12. Mamāyite passatha phandamāne, maccheva [macchova (sī.)] appodake khīṇasote; Etampi disvā amamo careyya, bhavesu āsattimakubbamāno.**

**Mamāyite passatha phandamāneti.** Mamattāti dve mamattā – tañhāmamattañca diṭṭhimamattañca. Katamam tañhāmamattam? Yāvatā tañhāsaṅkhātena sīmakatam mariyādikatam odhikatam pariyantakatam pariggahitam mamāyitam. Idam mamañ, etam mamañ, ettakam mamañ, ettāvatā mamañ, mama rūpā saddā gandhā rasā phoṭṭhabbā, attharanā pāvurañā dāsidāsā ajeṭakā kukkuṭasūkarā hatthigavāssavañavā khettam vatthu hiraññam suvaññam gāmanigamarājadhāniyo raṭṭhañca janapado ca koso ca koṭṭhāgārañca, kevalampi mahāpathavim tañhāvasena mamāyati. Yāvatā aṭṭhasatam tañhāvicaritam, idam tañhāmamattam.

Katamam diṭṭhimamattam? Viśativatthukā sakkāyadiṭṭhi, dasavatthukā micchādiṭṭhi, dasavatthukā antaggāhikā diṭṭhi; yā evarūpā diṭṭhi diṭṭhigatam diṭṭhigahanam diṭṭhikantāro diṭṭhivisūkāyikanam diṭṭhivipphandikam diṭṭhisaññojanam gāho paṭīggāho abhiniveso parāmāso kummaggo micchāpatho micchattam titthāyatanañ vipariyesaggāho viparītaggāho vipallāsaggāho micchāgāho “ayāthāvakasmim yāthāvaka”nti gāho. Yāvatā dvāsaṭṭhidiṭṭhigatāni, idam diṭṭhimamattam. **Mamāyite passatha phandamāneti** mamāyitam vatthum acchedasam̄kinopi phandanti, acchindantepi phandanti, acchinnepi phandanti, mamāyitam vatthum vipariñāmasam̄kinopi phandanti, vipariñāmantepi phandanti, vipariñātepi phandanti paphandanti samphandanti vippandanti vedhanti [vedhenti (syā.)] pavedhanti sampavedhanti. Evam phandamāne paphandamāne samphandamāne vippandamāne vedhamāne pavedhamāne sampavedhamāne passatha dakkhatha olketha nijjhāyatha upaparikkhathāti – mamāyite passatha phandamāne.

**Maccheva appodake khīṇasoteti.** Yathā macchā appodake parittodake udakapariyādāne kākehi vā kulalehi vā balākāhi vā paripātiyamānā ukkhipiyamānā khajjamānā phandanti paphandanti samphandanti vippandanti vedhanti pavedhanti sampavedhanti; evameva pajā mamāyitam vatthum acchedasam̄kinopi phandanti, acchindantepi phandanti, acchinnepi phandanti, mamāyitam vatthum vipariñāmasam̄kinopi phandanti, vipariñāmantepi phandanti, vipariñātepi phandanti paphandanti samphandanti vippandanti vedhanti sampavedhantīti – maccheva appodake khīṇasote.

**Etampi disvā amamo careyyāti.** Etañ adīnavam disvā passitvā tulayitvā tīrayitvā [tirayitvā (ka.)] vibhāvayitvā vibhūtam katvā mamattesūti – etampi disvā. **Amamo careyyāti** mamattāti dve mamattā – tañhāmamattañca diṭṭhimamattañca...pe... idam tañhāmamattam...pe... idam diṭṭhimamattam. Tañhāmamattam pahāya diṭṭhimamattam paṭinissajjītv cakkhum amamāyanto sotam amamāyanto ghānam amamāyanto jivham amamāyanto kāyam amamāyanto manam amamāyanto rūpe... sadde...

gandhe... rase... phoṭṭhabbe... dhamme... kulam... gaṇam... āvāsam... lābhām... yasam... pasamsam... sukham... cīvaraṁ... pindapātam... senāsanam... gilānapaccayabhesajjaparikkhāram... kāmadhātum... rūpadhātum... arūpadhātum... kāmabhavam... rūpabhavam... arūpabhavam... saññābhavam... asaññābhavam... nevasaññānāsaññābhavam... ekavokārabhavam... catuvokārabhavam... pañcavokārabhavam... atītam... anāgataṁ... paccuppannam... diṭṭhasutamutaviññātabbe dhamme amamāyanto agaṇhanto aparāmasanto anabhinivisanto careyya vihareyya iriyeyya vatteyya pāleyya yapeyya yāpeyyāti – etampi disvā amamo careyya.

**Bhavesu āsattimakubbamānoti.** Bhavesūti kāmabhave rūpabhave arūpabhave. **Āsatti** vuccati taṇhā. Yo rāgo sārāgo... pe... abhijjhā lobho akusalamūlam. **Bhavesu āsattimakubbamānoti.** Bhavesu āsattim akubbamāno, chandaṁ pemaṁ rāgam khantiṁ akubbamāno ajanayamāno asañjanayamāno anibbattayamāno anabhinibbattayamānoti – bhavesu āsattimakubbamāno.

Tenāha bhagavā –

“Mamāyite passatha phandamāne, maccheva appodake khīnasote;  
Etampi disvā amamo careyya, bhavesu āsattimakubbamāno”ti.

### 13. **Ubhosu antesu vineyya chandam, phassam pariññāya anānugiddho;** Yadattagarahī tadakubbamāno, na limpatī [na lippati (sī.)] diṭṭhasutesu dhīro.

**Ubhosu antesu vineyya chandanti.** Antāti phasso eko anto phassasamudayo dutiyo anto, atīto eko anto anāgato dutiyo anto, sukhā vedanā eko anto dukkhā vedanā dutiyo anto, nāmaṁ eko anto rūpam dutiyo anto, cha ajjhattikāni āyatanāni eko anto cha bāhirāni āyatanāni dutiyo anto, sakkāyo eko anto sakkāyasamudayo dutiyo anto. **Chandoti** yo kāmesu kāmacchando kāmarāgo kāmanandī kāmataṇhā kāmasneho kāmapariļāho kāmamucchā kāmajjhosānam kāmogho kāmayogo kāmupādānam kāmacchandanīvaraṇam. **Ubhosu antesu vineyya chandanti** ubhosu antesu chandam vineyya paṭivineyya pajaheyya vinodeyya byantiṁ kareyya anabhāvam gameyyāti – ubhosu antesu vineyya chandam.

**Phassam pariññāya anānugiddhoti.** Phassoti cakkhusamphasso sotasamphasso ghānasamphasso jivhāsamphasso kāyasamphasso manosamphasso, adhivacanasamphasso, paṭighasamphasso, sukhavedanīyo samphasso dukkhavedanīyo samphasso adukkhamasukhavedanīyo samphasso, kusalo phasso akusalo phasso abyākato phasso, kāmāvacaro phasso rūpāvacaro phasso arūpāvacaro phasso, suññato phasso animitto phasso appaṇihito phasso, lokiyo phasso lokuttaro phasso, atīto phasso anāgato phasso paccuppanno phasso, yo evarūpo phasso phusanā samphusanā samphusitattam – ayam vuccati phasso.

**Phassam pariññāyāti** phassam tīhi pariññāhi parijānitvā – nātapatariññāya, tīraṇapariññāya [tīraṇapariññāya (syā.)], pahānapariññāya. Katamā nātapatariññā? Phassam jānāti – ayam cakkhusamphasso, ayam sotasamphasso, ayam ghānasamphasso, ayam jivhāsamphasso, ayam kāyasamphasso, ayam manosamphasso, ayam adhivacanasamphasso, ayam paṭighasamphasso, ayam sukhavedanīyo phasso, ayam dukkhavedanīyo phasso, ayam adukkhamasukhavedanīyo phasso, ayam kusalo phasso, ayam akusalo phasso, ayam abyākato phasso, ayam kāmāvacaro phasso, ayam rūpāvacaro phasso, ayam arūpāvacaro phasso, ayam suññato phasso, ayam animitto phasso, ayam appaṇihito phasso, ayam lokiyo phasso, ayam lokuttaro phasso, ayam atīto phasso, ayam anāgato phasso, ayam paccuppanno phassoti jānāti passati – ayam nātapatariññā.

Katamā tīraṇapariññā? Evam nātamat katvā phassam tīreti. Aniccato dukkhato rogato gaṇḍato sallato aghato ābādhato parato palokato itito upaddavato bhayato upasaggato calato pabhaṅguto adhuvato atānato aleñato asarañato rittato tucchaṭo suññato anattato ādīnavato vipariññāmadhammato asārakato

aghamūlato vadhekato vibhavato sāsavato sañkhatato mārāmisato jātijarābyādhimaraṇadhammato sokaparidevadukkhadomanassupāyāsadhammato sañkilesadhammato samudayato atthaṅgamato assādato ādīnavato nissaraṇato tīreti – ayam tīraṇapariññā.

Katamā pahānapariññā? Evam tīrayitvā phasse chandarāgam pajahati vinodeti byantim karoti anabhāvam gameti. Vuttañhetam bhagavatā – “yo, bhikkhave, phassesu chandarāgo tam pajahatha. Evam so phasso pahīno bhavissati ucchinnamūlo tālāvatthukato anabhāvam kato āyatim anuppādadhammo”ti – ayam pahānapariññā. **Phassam pariññayāti.** Phassam imāhi tīhi pariññāhi pariñānitvā. **Anānugiddhoti.** Gedhāe vuccati tañhā. Yo rāgo sārāgo...pe... abhijjhā lobho akusalamūlam. Yasseso gedho pahīno samucchinno vūpasanto patipassaddho abhabbuppattiko ñānagginā daḍḍho, so vuccati agiddho. So rūpe agiddho sadde agiddho gandhe agiddho rase agiddho phoṭṭhabbe agiddho kule... gaṇe... āvāse... lābhe... yase... pasamsāya... sukhe... cīvare... piñdapāte... senāsane... gilānapaccayabhesajjaparikkhāre agiddho kāmadhātuyā... rūpadhātuyā... arūpadhātuyā... kāmabhave... rūpabhave... arūpabhave... saññābhave... asaññābhave... nevasaññāsaññābhave... ekavokārabhave... catuvokārabhave... pañcavokārabhave... atīte... anāgate... paccuppanne... dīṭṭhasutamutaviññātabbesu dhammesu agiddho agadhito amucchito anajjhāpanno vītagedho vigatagedho cattagedho vantagedho muttagedho pahīnagedho paṭinissaṭṭhagedho vītarāgo vigatarāgo cattarāgo vantarāgo muttarāgo pahīnarāgo paṭinissaṭṭharāgo nicchāto nibbuto sītibhūto sukhapaṭisaṁvedī brahmabhūtena attanā viharatīti – phassam pariññāya anānugiddho.

**Yadattagarahī tadakubbamānoti.** Yadanti yam. **Attagarahīti** dvīhi kāraṇehi attānam garahati – katattā ca akatattā ca. Katham katattā ca akatattā ca attānam garahati? Katam me kāyaduccaritam, akatañ me kāyasucaritanti – attānam garahati. Katañ me vacīduccaritam, akatañ me vacīsucaritanti – attānam garahati. Katañ me manoduccaritam, akatañ me manosucaritanti – attānam garahati. Kato me pāṇātipāto, akatā me pāṇātipātā veramaññīti – attānam garahati. Katañ me adinnādānam, akatā me adinnādānā veramaññīti – attānam garahati. Kato me kāmesumicchācāro, akatā me kāmesumicchācārā veramaññīti – attānam garahati. Kato me musāvādo, akatā me musāvādā veramaññīti – attānam garahati. Katā me pisuñā vācā, akatā me pisuñāya vācāya veramaññīti – attānam garahati. Katā me pharusā vācā, akatā me pharusāya vācāya veramaññīti – attānam garahati. Kato me samphappalāpo, akatā me samphappalāpā veramaññīti – attānam garahati. Katā me abhijjhā, akatā me anabhijjhāti – attānam garahati. Kato me byāpādo, akato me abyāpādoti – attānam garahati. Katā me micchādiṭṭhi, akatā me sammādiṭṭhi – attānam garahati. Evam katattā ca akatattā ca attānam garahati. Atha vā, sīlesumhi na paripūrakārīti – attānam garahati. Indriyesumhi aguttadvāroti – attānam garahati. Bhojanemhi [[bhojane \(syā.\)](#)] amattaññūti – attānam garahati. Jāgariyam ananuyuttoti – attānam garahati. Satisampajaññena asamannāgatoti – attānam garahati. Abhāvitā me cattāro satipaṭṭhānāti – attānam garahati. Abhāvitā me cattāro sammappadhānāti – attānam garahati. Abhāvitā me cattāro iddhipādāti – attānam garahati. Abhāvitāni me pañcindriyānīti – attānam garahati. Abhāvitāni me pañca balānīti – attānam garahati. Abhāvitā me satta bojjhaṅgāti – attānam garahati. Abhāvito me ariyo aṭṭhaṅgiko maggoti – attānam garahati. Dukkham me apariññātanti – attānam garahati. Samudayo me appahīnoti – attānam garahati. Maggo me abhāvitoti – attānam garahati. Nirodho me asacchikatoti – attānam garahati. Evam katattā ca akatattā ca attānam garahati. Evam attagarahitam kammam akubbamāno ajanayamāno asañjanayamāno anibbattayamāno anabhinibbattayamānoti – yadattagarahī tadakubbamāno. **Na limpatī dīṭṭhasutesu dhīroti.** Lepoti dve lepā – tañhālepo ca dīṭṭhilepo ca...pe... ayam tañhālepo...pe... ayam dīṭṭhilepo. **Dhīroti** paññito paññāvā buddhimā ñāṇī vibhāvī medhāvī. Dhīro tañhālepam pahāya dīṭṭhilepam paṭinissajjītvā dīṭṭhe na limpati, sute na limpati, mute na limpati, viññāte na limpati, na palimpati [[na samlimpati \(syā.\)](#)], na upalimpati. Alitto apalitto [[asañlitto \(syā.\)](#)] anupalitto nikkhanto nissañto vippamutto visaññutto vimariyādikatena cetasā viharatīti – na limpatī dīṭṭhasutesu dhīroti.

Tenāha bhagavā –

“Ubhosu antesu vineyya chandam, phassam pariññāya anānugiddho;

Yadattagarahī tadakubbamāno, na limpatī diṭṭhasutesu dhīro”ti.

**14. Saññam pariññā vitareyya ogham, pariggahesu muni nopalitto;  
Abbūlhasallo caramappamatto, nāsīsatī lokamimam̄ parañca.**

**Saññam pariññā vitareyya oghanti.** Saññāti kāmasaññā byāpādasaññā vihiṁsāsaññā nekkhammasaññā abyāpādasaññā avihiṁsāsaññā rūpasaññā saddasaññā gandhasaññā rasasaññā phoṭṭhabbasaññā dhammadasaññā – yā evarūpā saññā sañjānanā sañjānitattam – ayam vuccati saññā. **Saññam pariññāti** saññam̄ tīhi pariññāhi parijānitvā – nātapatariññāya, tīraṇapariññāya, pahānapariññāya.

Katamā nātapatariññā? Saññam jānāti – ayam kāmasaññā, ayam byāpādasaññā, ayam vihiṁsāsaññā, ayam nekkhammasaññā, ayam abyāpādasaññā, ayam avihiṁsāsaññā, ayam rūpasaññā, ayam saddasaññā, ayam gandhasaññā, ayam rasasaññā, ayam phoṭṭhabbasaññā, ayam dhammadasaññāti jānāti passati – ayam nātapatariññā.

Katamā tīraṇapariññā? Evam nātam̄ katvā saññam tīreti. Aniccato dukkhato rogato gaṇḍato sallato aghato ābādhato parato palokato itito upaddavato bhayato upasaggato calato pabhaṅguto...pe... samudayato atthaṅgamato assādato ādīnavato nissaraṇato tīreti – ayam tīraṇapariññā.

Katamā pahānapariññā? Evam tīrayitvā saññāya chandarāgam̄ pajahati vinodeti anabhāvam̄ gameti. Vuttampi hetam̄ bhagavatā – “yo, bhikkhave, saññāya chandarāgo, tam̄ pajahatha. Evam sā saññā pahīnā bhavissati ucchinnamūlā tālāvatthukatā anabhāvam̄ katā āyatām̄ anuppādadhammā”ti – ayam pahānapariññā. **Saññam pariññāti** saññam imāhi tīhi pariññāhi parijānitvā. **Vitareyya oghanti** kāmogham̄ bhavogham̄ diṭṭhogham̄ avijjogham̄ tareyya uttareyya patareyya samatikkameyya vītivatteyyāti – saññam̄ pariññā vitareyya ogham̄.

**Pariggahesu muni nopalittoti.** **Pariggahāti** dve pariggahā – taṇhāpariggaho ca diṭṭhipariggaho ca...pe... ayam taṇhāpariggaho...pe... ayam diṭṭhipariggaho. **Munīti.** Monam̄ vuccati nāṇam̄. Yā paññā pajānanā...pe... amoho dhammadicayo sammādiṭṭhi, tena nāṇena samannāgato muni monappattoti. Tīṇi moneyyāni – kāyamoneyyam̄, vacīmoneyyam̄, manomoneyyam̄.

Katamaṇi kāyamoneyyam̄? Tividhakāyaduccaritānam̄ pahānaṇi kāyamoneyyam̄, tividhaṇi kāyasucaritaṇi kāyamoneyyam̄, kāyārammaṇe nāṇam̄ kāyamoneyyam̄, kāyapariññā kāyamoneyyam̄, pariññāsahagato maggo kāyamoneyyam̄, kāye chandarāgassa pahānaṇi kāyamoneyyam̄, kāyasāṅkhāranirodho catutthajjhānasamāpatti kāyamoneyyam̄ – idam̄ kāyamoneyyam̄.

Katamaṇi vacīmoneyyam̄? Catubbidhavacīduccaritānam̄ pahānaṇi vacīmoneyyam̄, catubbidhaṇi vacīsucaritaṇi vacīmoneyyam̄, vācārammaṇe nāṇam̄ vacīmoneyyam̄, vācāpariññā vacīmoneyyam̄, pariññāsahagato maggo vacīmoneyyam̄, vācāya chandarāgassa pahānaṇi vacīmoneyyam̄, vacīsāṅkhāranirodho dutiyajjhānasamāpatti vacīmoneyyam̄ – idam̄ vacīmoneyyam̄.

Katamaṇi manomoneyyam̄? Tividhamanoduccaritānam̄ pahānaṇi manomoneyyam̄, tividham̄ manusucaritaṇi manomoneyyam̄, cittārammaṇe nāṇam̄ manomoneyyam̄, cittapariññā manomoneyyam̄, pariññāsahagato maggo manomoneyyam̄, citte chandarāgassa pahānaṇi manomoneyyam̄, cittasāṅkhāranirodho saññāvedayitanirodham̄ manomoneyyam̄ – idam̄ manomoneyyam̄.

“Kāyamuniṇi vācāmuniṇi, manomunimanāsavam; Muniṇi moneyyasampannam, āhu sabbappahāyinam̄.

“Kāyamuniṇi vācāmuniṇi, manomunimanāsavam; Muniṇi moneyyasampannam, āhu ninhātapāpaka”’nti [niṁnhātapāpaki (syā.)].

Imehi tīhi moneyyehi dhammehi samannāgatā cha munino [[cha munayo \(syā.\)](#)] – agāramunino, anagāramunino, sekhamunino, asekhamunino, paccekamunino, munimuninoti. Katame agāramunino? Ye te agārikā diṭṭhapadā viññatasāsanā – ime agāramunino. Katame anagāramunino? Ye te pabbajitā diṭṭhapadā viññatasāsanā – ime anagāramunino. Satta sekhā sekhamunino. Arahanto asekhamunino. Pacceka**buddhā** paccekamunino. Munimunino vuccanti tathāgatā arahanto sammāsambuddhā.

“Na monena muni hoti, mūlharūpo aviddasu;  
Yo ca tulamva paggayha, varamādāya paṇḍito.

“Pāpāni parivajjeti, sa muni tena so muni;  
Yo munāti ubho loke, muni tena pavuccati.

“Asatañca satañca ñatvā dhammad, ajjhattam bahiddhā ca sabbaloke;  
Devamanussehi pūjito yo, saṅgajālamaticca so munī”ti.

**Lepāti** dve lepā – tañhālepo ca diṭṭhilepo ca...pe... ayam tañhālepo...pe... ayam diṭṭhilepo. Muni tañhālepaṁ pahāya diṭṭhilepaṁ paṭinissajjītvā pariggahesu na limpati na palimpati na upalimpati. Alitto apalitto anupalitto nikkhanto nissaṭo vippamutto visaññutto vimariyādikatena cetāñ viharatī – pariggahesu muni nopalitto.

**Abbūlhasallo caramappamattoti.** **Sallanti** satta sallāni – rāgasallaṁ, dosasallaṁ, mohasallaṁ, mānasallaṁ, diṭṭhisallaṁ, sokasallaṁ, kathamkathāsallaṁ [[duccaritasallaṁ \(sī.\)](#)]. Yassete sallā pahīnā samucchinnā vūpasantā paṭipassaddhā abhabuppattikā ñāñagginā daḍḍhā, so vuccati abbūlhasallo abbhātisallo uddhatasallo samuddhatasallo uppātītasallo samuppātītasallo cattasallo vantasallo muttasallo pahīnasallo paṭinissaṭṭhasallo nicchāto nibbuto sītibhūto sukhapaṭisamvedī brahmabhūtena attanā viharatī – abbūlhasallo.

**Caranti** caranto viharanto iriyanto vattanto pālento yapento yāpento. **Appamattoti** sakkaccakārī sātaccakārī aṭṭhitakārī anolīnavuttiko anikkhittacchando anikkhittadhuro kusalesu dhammesu. “Kathāham apariपūraṁ vā sīlakkhandham paripūreyyam, paripūraṁ vā sīlakkhandham tattha tattha paññāya anuggaṇheyya”nti yo tattha chando ca vāyāmo ca ussāho ca ussolhī ca appaṭīvāni ca sati ca sampajaññañca ātappam padhānam adhiṭṭhānam anuyogo appamādo kusalesu dhammesu. “Kathāham apariपūraṁ vā samādhikkhandham paripūreyyam, paripūraṁ vā samādhikkhandham tattha tattha paññāya anuggaṇheyya”nti...pe... kusalesu dhammesu. “Kathāham apariपūraṁ vā paññākkhandham paripūreyyam... vimuttikkhandham... vimuttiñāṇadassanakkhandham paripūreyyam, paripūraṁ vā vimuttiñāṇadassanakkhandham tattha tattha paññāya anuggaṇheyya”nti yo tattha chando ca vāyāmo ca ussāho ca ussolhī ca appaṭīvāni ca sati ca sampajaññañca ātappam padhānam adhiṭṭhānam anuyogo appamādo kusalesu dhammesu. “Kathāham apariññātam vā dukkham parijāneyyam, appahīne vā kilese pajaheyyam, abhāvitam vā maggam bhāveyyam, asacchikataṁ vā nirodham sacchikareyya”nti yo tattha chando ca vāyāmo ca ussāho ca ussolhī ca appaṭīvāni ca sati ca sampajaññañca ātappam padhānam adhiṭṭhānam anuyogo appamādo kusalesu dhammesūti – abbūlhasallo caramappamatto.

**Nāsīsatī lokamimam̄ parañcāti** imam̄ lokam̄ nāsīsati sakattabhbāvam̄, paralokam̄ nāsīsati parattabhbāvam̄; imam̄ lokam̄ nāsīsati sakarūpavedanāsaññāsañkhāraviññāṇam̄, param̄ lokam̄ nāsīsati pararūpavedanāsaññāsañkhāraviññāṇam̄; imam̄ lokam̄ nāsīsati cha ajjhattikāni āyatanañāni, param̄ lokam̄ nāsīsati cha bāhirāni āyatanañāni; imam̄ lokam̄ nāsīsati manussalokam̄, param̄ lokam̄ nāsīsati devalokam̄. Imam̄ lokam̄ nāsīsati kāmadhātum̄, param̄ lokam̄ nāsīsati rūpadhātum̄ arūpadhātum̄; imam̄ lokam̄ nāsīsati kāmadhātum̄ rūpadhātum̄, param̄ lokam̄ nāsīsati arūpadhātum̄. Puna gatim̄ vā upapattim̄ vā paṭisandhim̄ vā bhavam̄ vā saṃsāram̄ vā vaṭṭam̄ vā nāsīsati na icchatī na sādiyati na pattheti na piheti nātijappatī – nāsīsatī lokamimam̄ parañcāti.

Tenāha bhagavā –

“Saññam pariññā vitareyya ogham, pariggahesu muni nopalitto;  
Abbūlhasallo caramappamatto, nāsīsatī lokamimam parañcā”ti.

Guhañthakasuttaniddeso dutiyo.

### 3. Duṭṭhaṭṭhakasuttaniddeso

Atha duṭṭhaṭṭhakasuttaniddesam vakkhati –

- 15. Vadanti ve duṭṭhamanāpi eke, athopi [aññepi te (sī.), aññepi (syā.)] ve saccamanā vadanti; Vādañca jātam muni no upeti, tasmā munī natthi khilo kuhiñci.**

**Vadanti ve duṭṭhamanāpi eketi te titthiyā duṭṭhamanā viruddhamanā paṭiviruddhamanā āhatamanā paccāhatamanā āghātitamanā paccāghātitamanā vadanti upavadanti bhagavantañca bhikkhusaṅghañca abhūtenāti – vadanti ve duṭṭhamanāpi eke.**

**Athopi ve saccamanā vadantī** ye tesam titthiyānam saddahantā okappentā adhimuccantā saccamanā saccasaññino bhūtamanā bhūtasaññino tathamanā tathasaññino yāthāvamanā yāthāvasaññino aviparītamanā aviparītasaññino vadanti upavadanti bhagavantañca bhikkhusaṅghañca abhūtenāti – athopi ve saccamanā vadanti.

**Vādañca jātam muni no upetīti.** So vādo jāto hoti sañjāto nibbatto abhinibbatto pātubhūto paratoghoso akkoso upavādo bhagavato ca bhikkhusaṅghassa ca abhūtenāti – vādañca jātam. **Muni no upetīti.** Munīti. Monam vuccati ñānam. Yā paññā pajānanā amoho dhammadicayo sammādiñthi, tena ñānena samannāgato muni monappatto...pe... saṅgajālamaticca so muni. Yo vādam upeti so dvīhi kārañehi vādañ upeti – kārako kārakatāya vādañ upeti, atha vā vuccamāno upavadiyamāno kuppati byāpajjati patiñthiyati kopañca dosañca appaccayañca pātukaroti. Akārakomhīti yo vādañ upeti so imehi dvīhi kārañehi vādañ upeti. Muni dvīhi kārañehi vādañ na upeti – akārako muni akārakatāya vādañ na upeti, atha vā vuccamāno upavadiyamāno na kuppati na byāpajjati na patiñthiyati na kopañca dosañca appaccayañca pātukaroti. Akārakomhīti muni imehi dvīhi kārañehi vādañ na upeti na upagacchati na gañhāti na parāmasati na abhinivisatīti – vādañca jātam muni no upeti.

**Tasmā munī natthi khilo kuhiñcīti.** Tasmāti tasmā tamkārañā tamhetu tappaccayā tamidānam munino āhatacittatā khilajātatāpi natthi. Pañcapi cetokhilā natthi, tayopi khilā natthi. Rāgakhilo dosakhilo mohakhilo natthi na santi na samvijjati nupalabbhati, pahīno samucchinno vūpasanto paṭipassaddho abhabuppattiko ñāṇagginā daḍḍho. **Kuhiñcīti** kuhiñci kimhici katthaci ajjhattam vā bahiddhā vā ajjhattabahiddhā vāti – tasmā munī natthi khilo kuhiñcīti.

Tenāha bhagavā –

“Vadanti ve duṭṭhamanāpi eke, athopi ve saccamanā vadanti;  
Vādañca jātam muni no upeti, tasmā munī natthi khilo kuhiñcī”ti.

- 16. Sakañhi diṭṭhim kathamaccayeyya, chandānumitō ruciyā niviñtho;**  
**Sayam samattāni pakubbamāno, yathā hi jāneyya tathā vadeyya.**

**Sakañhi diṭṭhim kathamaccayeyyāti.** Yam te titthiyā sundariparibbājikam hantvā samanānam sakyaputtiyānam avaṇñam pakāsayitvā “evam etam lābhām yasasakkāram sammānam

paccāharissāmā”ti te evamdiṭṭhikā evamkhantikā evamrucikā evamladdhikā evamajjhāsayā evamadhippāyā, te nāsakkhiṁsu sakam diṭṭhim sakam khantiṁ sakam ruciṁ sakam laddhim sakam ajjhāsayam sakam adhippāyam atikkamitum; atha kho sveva ayaso te paccāgatoti, evampi – sakañhi diṭṭhim kathamaccayeyya. Atha vā “sassato loko, idameva saccam moghamāñña”nti yo so evamvādo, so sakam diṭṭhim sakam khantiṁ sakam ruciṁ sakam laddhim sakam ajjhāsayam sakam adhippāyam katham accayeyya atikkameyya samatikkameyya vītivatteyya? Tam kissa hetu? Tassa sā diṭṭhi tathā samattā samādinnā gahitā parāmaṭṭhā abhinivitṭhā ajjhositā adhimuttāti. Evampi – sakañhi diṭṭhim kathamaccayeyya? “Asassato loko...pe... antavā loko... anantavā loko... tam jīvam tam sariram... aññam jīvam aññam sariram... hoti tathāgato param marañā... na hoti tathāgato param marañā... hoti ca na ca hoti tathāgato param marañā... neva hoti na na hoti tathāgato param marañā, idameva saccam moghamāñña”nti yo so evam vādo, so sakam diṭṭhim sakam khantiṁ sakam ruciṁ sakam laddhim sakam ajjhāsayam sakam adhippāyam katham accayeyya atikkameyya samatikkameyya vītivatteyya? Tam kissa hetu? Tassa sā diṭṭhi tathā samattā samādinnā gahitā parāmaṭṭhā abhinivitṭhā ajjhositā adhimuttāti. Evampi – sakañhi diṭṭhim kathamaccayeyya.

**Chandānunīto ruciyā niviṭṭhoti.** Chandānunītoti sakaya diṭṭhiyā sakaya khantiyā sakaya ruciyā sakaya laddhiyā yāyati niyyati vuyhati samhariyati. Yathā haṭthiyānena vā assayānena vā rathayānena vā goyānena vā ajayānena vā meṇdayānena vā otṭhayānena vā kharayānena vā yāyati niyyati vuyhati samhariyati, evameva sakaya diṭṭhiyā sakaya khantiyā sakaya ruciyā sakaya laddhiyā yāyati niyyati vuyhati samhariyatī – chandānunīto. **Ruciyā niviṭṭhoti** sakaya diṭṭhiyā sakaya ruciyā sakaya laddhiyā niviṭṭho patiṭṭhito allīno upagato ajjhosito adhimuttoti – chandānunīto ruciyā niviṭṭho.

**Sayam samattāni pakubbamānoti.** Sayam samattam karoti paripuṇṇam karoti anomam karoti aggam setṭham visiṭṭham pāmokkham uttamam pavaram karoti. “Ayam satthā sabbaññū”ti sayam samattam karoti paripuṇṇam karoti anomam karoti aggam setṭham visiṭṭham pāmokkham uttamam pavaram karoti. “Ayam dhammo svākkhāto...pe... ayam gaṇo suppaṭipanno... ayam diṭṭhi bhaddikā... ayam paṭipadā supaññattā... ayam maggo niyyāniko”ti sayam samattam karoti paripuṇṇam karoti anomam karoti aggam setṭham visiṭṭham pāmokkham uttamam pavaram karoti janeti sañjaneti nibbatteti abhinibbattetīti – sayam samattāni pakubbamāno.

**Yathā hi jāneyya tathā vadeyyāti** yathā jāneyya, tathā vadeyya katheyya bhaṇeyya dīpayeyya vohareyya. “Sassato loko, idameva saccam moghamāñña”nti yathā jāneyya, tathā vadeyya katheyya bhaṇeyya dīpayeyya vohareyya. “Asassato loko...pe... neva hoti na na hoti tathāgato param marañā, idameva saccam moghamāñña”nti yathā jāneyya, tathā vadeyya katheyya bhaṇeyya dīpayeyya vohareyyāti – yathā hi jāneyya tathā vadeyya.

Tenāha bhagavā –

“Sakañhi diṭṭhim kathamaccayeyya, chandānunīto ruciyā niviṭṭho;  
Sayam samattāni pakubbamāno, yathā hi jāneyya tathā vadeyyā”ti.

17. **Yo attano sīlavatāni jantu, anānupuṭṭhova [anānupuṭṭho ca (syā.)] paresa pāva pāvā (sī. syā.) ;**  
**Anariyadhammam kusalā tamāhu, yo ātumānam sayameva pāva [pāvā (sī. syā.)] .**

**Yo attano sīlavatāni jantūti.** Yoti yo yādiso yathāyutto yathāvihito yathāpakāro yamṭhānappatto yamdharmasamannāgato khattiyo vā brāhmaṇo vā vesso vā suddo vā gahaṭṭho vā pabbajito vā devo vā manusso vā. **Sīlavatānīti** atthi sīlañceva vatañca [vattañca (syā.), evamuparipi], atthi vatañ na sīlam. Katamam sīlañceva vatañca? Idha bhikkhu sīlavā hoti, pātimokkhasaṁvarasamvuto viharati ācāragocarasampanno aṇumattesu vajjesu bhayadassāvī, samādāya sikkhati sikkhāpadesu. Yo tattha samyamo samvaro avītikkamo, idam sīlam. Yam samādānam tam vatam. Samvaraṭṭhena sīlam;

samādānaṭṭhena vatam – idam vuccati sīlañceva vatañca. Katamam vatam, na sīlam? Aṭṭha dhutāngāni – āraññikaṅgam, piṇḍapātikāṅgam, pañṣukūlikāṅgam, tecīvarikaṅgam, sapadānacārikāṅgam, khalupacchābhāttikāṅgam, nesajjikāṅgam, yathāsanthatikāṅgam – idam vuccati vatam, na sīlam. Vīriyasamādānampi vuccati vatam, na sīlam. “Kāmam taco ca nhāru [nahāru (sī. syā.)] ca aṭṭhi ca avasissatu [avasussatu (syā.)], sarīre upassussatu mañsalohitam. Yañ tam purisathāmena purisabalena purisavīriyena purisaparakkamena pattaṁbam, na tam apāpuṇītvā vīriyassa sañthānam bhavissati”ti – cittam paggañhāti padahati. Evarūpam vīriyasamādānam – idam vuccati vatam, na sīlam.

“Nāsissam na pivissāmi, vihārato na nikkhame;  
Napi passam nipātessam, tañhāsalle anūhate”ti.

Cittam paggañhāti padahati. Evarūpampi vīriyasamādānam vuccati vatam, na sīlam. “Na tāvāham imam pallañkam bhindissāmi yāva me na anupādāya āsavehi cittam vimuccissatī”ti – cittam paggañhāti padahati. Evarūpampi vīriyasamādānam vuccati vatam, na sīlam. “Na tāvāham imamhā āsanā vuṭṭhahissāmi, cañkamā orohissāmi, vihārā nikhamissāmi, adḍhayogā nikhamissāmi, pāsādā nikhamissāmi, hammiyā nikhamissāmi, guhāya nikhamissāmi, leñā nikhamissāmi, kuṭiyā nikhamissāmi, kūṭagārā nikhamissāmi, aṭṭā nikhamissāmi, mālā nikhamissāmi, uddāṇḍā [uṭṭāṇḍā (ka.)] nikhamissāmi upaṭṭhānasālāya nikhamissāmi mañḍapā nikhamissāmi, rukkhamūlā nikhamissāmi yāva me na anupādāya āsavehi cittam vimuccissatī”ti – cittam paggañhāti padahati. Evarūpampi vīriyasamādānam vuccati vatam, na sīlam. “Imasmiññeva pubbañhasamayam ariyadhammam āharissāmi samāharissāmi adhigacchissāmi phassayissāmi sacchikarissāmī”ti – cittam paggañhāti padahati. Evarūpampi vīriyasamādānam vuccati vatam, na sīlam. “Imasmiññeva majjhānhikasamayam, sāyanhasamayam, purebhattam, pacchābhattam, purimam yāmam, majjhimañ yāmam, pacchimam yāmam, kāle, juñhe, vasse, hemante, gimhe, purime vayokhandhe, majjhime vayokhandhe, pacchime vayokhandhe ariyadhammam āharissāmi samāharissāmi adhigacchissāmi phassayissāmi sacchikarissāmī”ti – cittam paggañhāti padahati. Evarūpampi vīriyasamādānam vuccati vatam, na sīlam. **Jantūti** satto naro mānavo [mānavo (ka.)] poso puggalo jīvo jāgu jantu indagu manujoti – yo attano sīlavatāni jantu.

**Anānupuṭṭhova paresa pāvāti.** Paresanti paresam khattiyānam brāhmaṇānam vessānam suddānam gahaṭṭhānam pabbajitānam devānam manussānam. **Anānupuṭṭhoti** apuṭṭho apucchito ayācito anajjheshito apasādito. **Pāvāti** attano sīlam vā vatañ vā sīlabbatam vā pāvadati. Ahamasmi sīlasampannoti vā, vatasampannoti vā, sīlabbatasampannoti vā jātiyā vā gottena vā kolaputtiyena vā vanṇapokkharatāya vā dhanena vā ajjhelenā vā kammāyatanaena vā sippāyatanaena vā vijjāṭṭhānena [vijjāṭṭhānena (syā.)] vā sutena vā paṭībhānena [paṭībhānena (sī. syā. ka.)] vā aññatarāññatarena vā vatthunā, uccā kulā pabbajitoti vā, mahākulā pabbajitoti vā, mahābhogakulā pabbajitoti vā, ulārabhogakulā pabbajitoti vā, ñāto yasassī sagahaṭṭhapabbajitānanti vā, lābhimhi cīvarapiṇḍapātasenāsanagilānapaccayabhesajjaparikkhārāna”nti vā, suttantikoti vā, vinayadharoti vā, dhammakathikoti vā, āraññikoti vā, piṇḍapātikoti vā, pañṣukūlikoti vā, tecīvarikoti vā, sapadānacārikoti vā, khalupacchābhāttikoti vā, nesajjikoti vā, yathāsanthatikoti vā, paṭhamassa jhānassa lābhīti vā, dutiyassa jhānassa lābhīti vā, tatiyassa jhānassa lābhīti vā, catutthassa jhānassa lābhīti vā, ākāsānañcāyatanañasamāpattiyyā lābhīti vā, viññānañcāyatanañasamāpattiyyā lābhīti vā, ākiñcaññāyatanañasamāpattiyyā lābhīti vā, nevasaññānaññāyatanañasamāpattiyyā lābhīti vā pāvadati katheti bhañati dīpayati voharatīti – anānupuṭṭhova paresam pāva.

**Anariyadhammam kusalā tamāhūti.** Kusalāti ye te khandhakusalā dhātukusalā āyatanakusalā paṭiccasamuppādakusalā satipaṭṭhānakusalā sammappadhānakusalā iddhipādakusalā indriyakusalā balakusalā bojjhaṅgakusalā maggakusalā phalakusalā nibbānakusalā, te kusalā evamāhamsu – “anariyānam eso dhammo, neso dhammo ariyānam; bālānam eso dhammo, neso dhammo pañḍitānam; asappurisānam eso dhammo, neso dhammo sappurisāna”nti. Evamāhamsu evam kathenti evam bhañanti evam dīpayanti evam voharantīti – anariyadhammam kusalā tamāhu.

**Yo ātumānam sayameva pāvāti.** Ātumā vuccati attā. **Sayameva pāvāti** sayameva attānam pāvadati – “ahamasmi sīlasampannoti vā, vatasampannoti vā, sīlabbatasampannoti vā, jātiyā vā gottena vā kolaputtiyena vā vanṇapokkharatāya vā dhanena vā ajjhelenena vā kammāyatana vā sippāyatana vā vijjātthānena vā sutena vā paṭibhānena vā aññataraññatarena vā vatthunā, uccā kulā pabbajitoti vā, mahākulā pabbajitoti vā, mahābhogakulā pabbajitoti vā, uṭārabhogakulā pabbajitoti vā, nāto yasassī sagahaṭhapabbajitānanti vā, lābhīmhi cīvarapindapātasenāsanagilānapaccayabhesajjaparikkhārānanti vā, suttantikoti vā, vinayadharoti vā, dhammakathikoti vā, āraññikoti vā, piñḍapātikoti vā, pañṣukūlikoti vā, tecīvarikoti vā, sapadānacārikoti vā, khalupacchābhāttikoti vā, nesajjikoti vā, yathāsanthatikoti vā, paṭhamassa jhānassa lābhīti vā, dutiyassa jhānassa lābhīti vā, tatiyassa jhānassa lābhīti vā, catutthassa jhānassa lābhīti vā, ākāsānañcāyatana samāpattiyā lābhīti vā, viññānañcāyatana samāpattiyā lābhīti vā,

Vibhavañca bhavañca vippahāya, vusitavā khīṇapunabbhavo sa bhikkhū”ti.

Ākiñcaññāyatana samāpattiyā lābhīti vā, nevasaññānāsaññāyatana samāpattiyā lābhīti vā” pāvadati katheti bhañati dīpayati voharatīti – yo ātumānam sayameva pāvāti.

Tenāha bhagavā –

“Yo attano sīlavatāni jantu, anānupuṭṭhova paresa pāva;  
Anariyadhammañ kusalā tamāhu, yo ātumānam sayameva pāvā”ti.

**18. Santo ca bhikkhu abhinibbutatto, itihanti silesu akatthamāno;  
Tamariyadhammañ kusalā vadanti, yassussadā natthi kuhiñci loke.**

**Santo ca bhikkhu abhinibbutatto.** Santoti rāgassa samitattā santo, dosassa samitattā santo, mohassa samitattā santo, kodhassa...pe... upanāhassa... makkhassa... palāsassa [palāsassa (sī. ka.)] ... issāya... macchariyassa... māyāya... sāṭheyyassa... thambhassa... sārambhassa... mānassa... atimānassa... madassa... pamādassa... sabbakilesānam... sabbaduccaritānam... sabbadarathānam... sabbaparijāhānam... sabbasantāpānam... sabbākusalābhisaṅkhārānam santattā samitattā vūpasamitattā vijjhātattā nibbutattā vigatattā paṭipassaddhattā santo upasanto vūpasanto nibbuto paṭipassaddhoti – santo. **Bhikkhūti** sattannañ dhammānam bhinnattā bhikkhu – sakkāyadiṭhi bhinnā hoti, vicikicchā bhinnā hoti, sīlabbataparāmāso bhinno hoti, rāgo bhinno hoti, doso bhinno hoti, moho bhinno hoti, māno bhinno hoti. Bhinnāssa honti pāpakā akusalā dhammā samkilesikā ponobhavikā [ponobhavikā (syā. ka.)] sadarā dukkhavipākā āyatiñ jātijarāmarañyā.

“Pajjena katena attanā, [sabhiyāti bhagavā]  
Parinibbānagato vitiññakañkho;  
Vibhavañca [vibhavā (sī. ka.) su. ni. 519] bhavañca vippahāya,  
Vusitavā khīṇapunabbhavo sa bhikkhū”ti.

**Santo ca bhikkhu abhinibbutatto** rāgassa nibbāpitattā abhinibbutatto, dosassa nibbāpitattā abhinibbutatto, mohassa nibbāpitattā abhinibbutatto, kodhassa...pe... upanāhassa... makkhassa... palāsassa... issāya... macchariyassa... māyāya... sāṭheyyassa... thambhassa... sārambhassa... mānassa... atimānassa... madassa... pamādassa... sabbakilesānam... sabbaduccaritānam... sabbadarathānam... sabbaparijāhānam... sabbasantāpānam... sabbākusalābhisaṅkhārānam nibbāpitattā abhinibbutatto – santo ca bhikkhu abhinibbutatto.

**Itihanti silesu akatthamānoti.** Itihanti padasandhi padasamsgo padapāripūrī akkharasamavāyo byañjanasiliṭṭhatā padānupubbatāpetam [padānupubbatā metam (syā. ka.)] – itihanti. **Silesu akatthamānoti.** Idhekacco katthī hoti vikatthī. So katthati vikatthati. Ahamasmi sīlasampannoti vā, vatasampannoti vā, sīlabbatasampannoti vā, jātiyā vā gottena vā kolaputtiyena vā vanṇapokkharatāya

vā...pe... nevasaññānāsaññāyatanasamāpattiyā lābhīti vā katthati vikatthati. Evam na katthati na vikatthati. Katthanā ārato virato paṭivirato nikkhanto nissaṭo vippamutto visaññutto vimariyādikatena cetā viharatīti – itihanti silesu akatthamāno.

**Tamariyadhammām kusalā vadantīti.** **Kusalāti** ye te khandhakusalā dhātukusalā āyatanakusalā paṭiccasamuppādakusalā satipatthānakusalā sammappadhānakusalā iddhipādakusalā indriyakusalā balakusalā bojjhaṅgakusalā maggakusalā phalakusalā nibbānakusalā, te kusalā evam vadanti – “aryānam eso dhammo, neso dhammo anariyānam; pañditānam eso dhammo, neso dhammo bālānam; sappurisānam eso dhammo, neso dhammo asappurisāna”nti. Evam vadanti, aryānam evam kathenti evam bhaṇanti evam dīpayanti evam voharantīti – tamariyadhammām kusalā vadanti.

**Yassussadā natthi kuhiñci loketi.** **Yassāti** arahato khīñāsavassa. **Ussadāti** sattussadā – rāgussado, dosussado, mohussado, mānussado, diṭṭhussado, kilesussado, kammussado. Yassime [[tassime \(sī. syā.\)](#)] ussadā natthi na santi na vijjanti nupalabbhanti, pahīnā samucchinnā vūpasantā paṭipassaddhā abhabbuppattikā ñāṇagginā daḍḍhā. **Kuhiñcīti** kuhiñci kimhici katthaci ajjhattam vā bahiddhā vā ajjhattabahiddhā vā. **Loketi** apāyaloke manussaloke devaloke khandhaloke dhātuloke āyatanaloketi – yassussadā natthi kuhiñci loke.

Tenāha bhagavā –

“Santo ca bhikkhu abhinibbutatto, itihanti silesu akatthamāno;  
Tamariyadhammām kusalā vadanti, yassussadā natthi kuhiñci loke”ti.

#### 19. Pakappitā sañkhatā yassa dhammā, purakkhatā [[purekkhatā \(sī. ka.\)](#)] santi avīvadātā; Yadattani passati ānisamsam, tam nissito kuppapatiṭṭicasanti.

**Pakappitā sañkhatā yassa dhammāti.** **Pakappanāti** dve pakappanā – tañhāpakappanā ca diṭṭhipakappanā ca...pe... ayam tañhāpakappanā...pe... ayam diṭṭhipakappanā. **Sañkhatāti** sañkhatā abhisañkhatā sañthapitātipi – sañkhatā. Atha vā anicca sañkhatā paṭiccasamuppannā khayadhammā vayadhammā virāgadhammā nirodhadhammātipi – sañkhatā. **Yassāti** diṭṭhigatikassa. **Dhammā** vuccanti dvāsaṭṭhi diṭṭhigatānīti – pakappitā sañkhatā yassa dhammā.

**Purakkhatā santi avīvadātāti.** **Purakkhatāti** dve purekkhārā – tañhāpurekkhāro ca diṭṭhipurekkhāro ca...pe... ayam tañhāpurekkhāro...pe... ayam diṭṭhipurekkhāro. Tassa tañhāpurekkhāro appahīno, diṭṭhipurekkhāro appaṭinissattho. Tassa tañhāpurekkhārassa appahīnattā, diṭṭhipurekkhārassa appaṭinissatthattā so tañham vā diṭṭhim vā purato katvā carati tanhādhajo tañhāketu tañhādhipeyyo, diṭṭhidhajo diṭṭhiketu diṭṭhādhipeyyo, tañhāya vā diṭṭhiyā vā parivārito caratīti – purakkhatā. **Santīti** santi samvijjanti atthi upalabbhanti. **Avīvadātāti** avevadātā avodātā aparisuddhā samkiliṭṭhā samkilesikāti – purakkhatā santi avīvadātā.

**Yadattani passati ānisamsanti.** **Yadattanīti** yam attani. **Attā** vuccati diṭṭhigatam. Attano diṭṭhiyā dve ānisamse passati – diṭṭhadhammikañca ānisamsam, samparāyikañca ānisamsam. Katamo diṭṭhiyā diṭṭhadhammiko ānisamso? Yamdiṭṭhiko satthā hoti, tamdiṭṭhikā sāvakā honti. Tamdiṭṭhikam satthāram sāvakā sakkaronti garum karonti [[garukaronti \(sī. syā.\)](#)] mānenti pūjenti apacitīm karonti. Labhati ca tatonidānam cīvarapiṇḍapatasenāsanagilānapaccayabhesajjaparikkhāram – ayam diṭṭhiyā diṭṭhadhammiko ānisamso. Katamo diṭṭhiyā samparāyiko ānisamso? Ayam diṭṭhi alam nāgattāya vā supañnattāya vā yakkhattāya vā asurattāya vā gandhabbattāya vā mahārājattāya vā indattāya vā brahmattāya vā devattāya vā. Ayam diṭṭhi suddhiyā visuddhiyā parisuddhiyā, muttiyā vimuttiyā parimuttiyā. Imāya diṭṭhiyā sujjhanti visujjhanti parisujjhanti muccanti vimuccanti parimuccanti. Imāya diṭṭhiyā sujjhissāmi visujjhissāmi parisujjhissāmi, muccissāmi vimuccissāmi parimuccissāmīti āyatīm phalapāṭikañkhī hoti – ayam diṭṭhiyā samparāyiko ānisamso. Attano diṭṭhiyā ime dve ānisamse passati

dakkhati oloketi nijjhāyati upaparikkhatīti – yadattani passati ānisamsam.

**Tam nissito kuppapaṭiccasantinti.** Tisso santiyo – accantasanti, tadaṅgasanti, sammutisanti. Katamā **accantasanti?** Accantasanti vuccati amataṁ nibbānam. Yo so sabbasañkhārasamatho sabbūpadhipaṭinissaggo taṇhakkhayo virāgo nirodho nibbānam. Ayam accantasanti. Katamā **tadaṅgasanti?** Pathamam jhānam samāpannassa nīvaraṇā santā honti; dutiyam jhānam samāpannassa vitakkavīcārā santā honti; tatiyam jhānam samāpannassa pīti santā hoti; catuttham jhānam samāpannassa sukhadukkhā santā honti; ākāsānañcāyatanaṁ samāpannassa rūpasaññā paṭighasaññā nānattasaññā santā hoti; viññānañcāyatanaṁ samāpannassa ākāsānañcāyatanaññā santā hoti; ākiñcaññāyatanaṁ samāpannassa viññānañcāyatanaññā santā hoti; nevasaññānāsaññāyatanaṁ samāpannassa ākiñcaññāyatanaññā santā hoti. Ayam tadaṅgasanti. Katamā **sammutisanti?** Sammutisantiyo vuccanti dvāsatthi ditthigatāni ditthisantiyo. Api ca sammutisanti imasmim atthe adhippetā santīti. **Tam nissito kuppapaṭiccasantinti.** Kuppasantim pakuppasantim eritasantim sameritasantim calitasantim ghaṭṭitasantim kappitasantim pakappitasantim aniccam saṅkhataṁ paṭiccasamuppannam khayadhammam vayadhammam virāgadhammam nirodhadhammam, santim nissito asito allīno upagato ajjhositō adhimuttoti – tam nissito kuppapaṭiccasantim.

Tenāha bhagavā –

“Pakappitā saṅkhata yassa dhammā, purakkhatā santi avīvadātā;  
Yadattani passati ānisamsam, tam nissito kuppapaṭiccasanti”nti.

## 20. **Ditthīnivesā na hi svātivattā, dhammesu niccheyya samuggahītam;** **Tasmā naro tesu nivesanesu, nirassatī ādiyatī ca dhammam.**

**Ditthīnivesā na hi svātivattāti.** Ditthīnivesāti “sassato loko, idameva saccam moghamāñña”nti abhinivesaparāmāso ditthīnivesanam. “Asassato loko...pe... antavā loko... anantavā loko ... tam jīvam tam sarīram... aññam jīvam aññam sarīram... hoti tathāgato param marañā... na hoti tathāgato param marañā... hoti ca na ca hoti tathāgato param marañā... neva hoti na na hoti tathāgato param marañā, idameva saccam moghamāñña”nti abhinivesaparāmāso ditthīnivesananti. **Ditthīnivesā na hi svātivattāti** ditthīnivesā na hi svātivattā durativattā duttarā duppatarā dussamatikkamā dubbinivattāti – [dubbītivattāti (sī. syā. ka.)] ditthīnivesā na hi svātivattā.

**Dhammesu niccheyya samuggahītanti.** Dhammesūti dvāsatthi ditthigatesu. Niccheyyāti nicchinitvā vinicchinitvā vicinitvā pavicinitvā tulayitvā tīrayitvā vibhāvayitvā vibhūtam katvā. **Samuggahītanti** nivesanesu odhiggāho bilaggāho varaggāho koṭhāsaggāho uccayaggāho samuccayaggāho. Idam saccam taccham tathaṁ bhūtam yāthāvam aviparītam gahitaṁ parāmaṭham abhinivittham ajjhositam adhimuttanti – dhammesu niccheyya samuggahītam.

**Tasmā naro tesu nivesanesūti.** Tasmāti tasmā tamkāraṇā tamhetu tappaccayā taṇnidānam. Naroti satto naro mānavo poso puggalo jīvo jāgu jantu indagu manujo. **Tesu nivesanesūti** tesu ditthīnivesanesūti – tasmā naro tesu nivesanesu.

**Nirassatī ādiyatī ca dhammanti.** Nirassatīti dvīhi kāraṇehi nirassati – paravicchindanāya vā nirassati, anabhisambhuṇanto vā nirassati. Katham paravicchindanāya nirassati? Paro vicchindeti – so satthā na sabbaññū, dhammo na svākkhāto, gaṇo na suppaṭipanno, ditthi na bhaddikā, paṭipadā na supaññattā, maggo na niyyāniko, natthettha suddhi vā visuddhi vā parisuddhi vā mutti vā vimutti vā parimutti vā, natthettha sujjhanti vā visujjhanti vā parisujjhanti vā mucanti vā vimuccanti vā parimuccanti vā, hīnā nihīnā omakā lāmakā chatukkā [jatukkā (sī. syā.)] parittāti – evam paro vicchindeti. Evam vicchindiyamāno satthāraṁ nirassati, dhammakkhānam nirassati, gaṇam nirassati, ditthim nirassati, paṭipadam nirassati, maggam nirassati. Evam paravicchindanāya nirassati. Katham

anabhisambhuṇanto nirassati? Sīlam anabhisambhuṇanto sīlam nirassati, vataṁ anabhisambhuṇanto vataṁ nirassati, sīlabbataṁ anabhisambhuṇanto sīlabbataṁ nirassati. Evam anabhisambhuṇanto nirassati. **Ādiyatī ca dhammanti.** Satthāram gaṇhāti, dhammakkhānaṁ gaṇhāti, gaṇaṁ gaṇhāti, diṭṭhim gaṇhāti, paṭipadam gaṇhāti, maggam gaṇhāti parāmasati abhinivisatī – nirassatī ādiyatī ca dhammam.

Tenāha bhagavā –

“Diṭṭhīnivesā na hi svātivattā, dhammesu niccheyya samuggahītam;  
Tasmā naro tesu nivesanesu, nirassatī ādiyatī ca dhamma”nti.

**21. Dhonassa hi natthi kuhiñci loke, pakappitā diṭṭhi bhavābhavesu;  
Māyañca mānañca pahāya dhono, sa kena gaccheyya anūpayo so.**

**Dhonassa hi natthi kuhiñci loke pakappitā diṭṭhi bhavābhavesūti.** **Dhonoti.** Dhonā vuccati paññā – yā paññā pajānanā vicayo pavicayo dhammadiccamayō sallakkhaṇā upalakkhaṇā paccupalakkhaṇā pañdiccam kosallam nepuññam vebhabyā cintā upaparikkhā bhūri medhā pariñayikā vipassanā sampajaññam patodo paññā paññindriyanam paññābalam paññāsattham paññāpāsādo paññāāloko paññāobhāso paññāpajjoto paññāratanaṁ amoho dhammadiccamayō sammādiṭṭhi. Kiñkāraṇā dhonā vuccati paññā? Tāya paññāya kāyaduccaritaṁ dhutañca dhotañca sandhotañca niddhotañca; vacīduccaritaṁ... manoduccaritaṁ dhutañca dhotañca sandhotañca niddhotañca; rāgo dhuto ca dhoto ca sandhoto ca niddhoto ca; doso...pe... moho... kodho... upanāho... makkho... palāso dhuto ca dhoto ca sandhoto ca niddhoto ca; issā dhutā ca dhotā ca sandhotā ca niddhotā ca; macchariyam dhutañca dhotañca sandhotañca niddhotañca; māyā dhutā ca dhotā ca sandhotā ca niddhotā ca; sāt̄heyyam dhutañca dhotañca sandhotañca niddhotañca; thambho dhuto ca dhoto ca sandhoto ca niddhoto ca; sārambho... māno... atimāno... mado... pamādo dhuto ca dhoto ca sandhoto ca niddhoto ca; sabbe kilesā, sabbe duccaritā, sabbe darathā, sabbe parilāhā, sabbe santāpā, sabbākusalañkhārā dhutā ca dhotā ca sandhotā ca niddhotā ca. Tamkāraṇā dhonā vuccati paññā.

Atha vā sammādiṭṭhiyā micchādiṭṭhi dhutā ca dhotā ca sandhotā ca niddhotā ca; sammāsañkappena micchāsañkappo dhuto ca dhoto ca sandhoto ca niddhoto ca; sammāvācāya micchāvācā dhutā ca dhotā ca...pe... sammākammantena micchākammanto dhuto ca... sammājīvena micchājīvo dhuto ca... sammāvāyāmena micchāvāyāmo dhuto ca... sammāsatiyā micchāsatī dhutā ca... sammāsamādhinā micchāsamādhi dhuto ca dhoto ca sandhoto ca niddhoto ca; sammāññēna micchāññam dhutam ca... sammāvīmuttiyā micchāvīmutti dhutā ca dhotā ca sandhotā ca niddhotā ca.

Atha vā ariyena atṭhaṅgikena maggena sabbe kilesā, sabbe duccaritā, sabbe darathā, sabbe parilāhā, sabbe santāpā, sabbākusalañkhārā dhutā ca dhotā ca sandhotā ca niddhotā ca. Arahā imehi dhoneyyehi dhammehi upeto samupeto upagato samupagato upapanno samupapanno samannāgato; tasmā arahā dhono. So dhutarāgo dhutapāpo dhutakileso dhutapariñāhoti – dhono. **Kuhiñcīti** kuhiñci kimhicci katthaci ajjhattam vā bahiddhā vā ajjhattabahiddhā vā. **Loketi** apāyaloke...pe... āyatanaloke.

**Pakappitāti** dve pakappanā – tañhāpakappanā ca diṭṭhipakappanā ca...pe... ayam tañhāpakappanā...pe... ayam diṭṭhipakappanā. **Bhavābhavesūti** bhavābhave kammabhave punabbhave kāmabhave, kammabhave punabbhave rūpabhave, kammabhave rūpabhave punabbhave arūpabhave, kammabhave arūpabhave punabbhave punappunabhave punappunagatiyā punappunaupapattiyā punappunapañsandhiyā punappunaattabhāvābhībbattiyā. **Dhonassa hi natthi kuhiñci loke pakappitā diṭṭhi bhavābhavesūti** dhonassa kuhiñci loke bhavābhavesu ca kappitā pakappitā abhisāñkhātā sañṭhapitā diṭṭhi natthi na santi na sañvijjati nupalabbhati, pahīnā samucchinnaṁ vūpasantā paṭipassaddhā abhabuppattikā ñāñagginā daḍḍhāti – dhonassa hi natthi kuhiñci loke pakappitā diṭṭhi bhavābhavesu.

**Māyañca mānañca pahāya dhonoti.** Māyā vuccati vañcanikā cariyā. Idhekacco kāyena duccaritam̄ caritvā, vācāya duccaritam̄ caritvā, manasā duccaritam̄ caritvā tassa pañcchādanahetu pāpikam̄ icchañ pañidahati – “mā mam̄ jaññā”ti icchatī, “mā mam̄ jaññā”ti sañkappeti, “mā mam̄ jaññā”ti vācam̄ bhāsati, “mā mam̄ jaññā”ti kāyena parakkamati. Yā evarūpā māyā māyāvitā accasarā vañcanā nikati nikiraññā pariharaññā gūhanā parigūhanā chādanā paricchādanā anuttānikammam̄ anāvikammam̄ vocchādanā pāpakiriyā, ayan̄ vuccati māyā.

**Mānoti** ekavidhena māno – yā cittassa unnati [unṇati (syā. ka.)]. Duvidhena māno – attukkam̄sanamāno, paravambhanamāno. Tividhena māno – “seyyohamasmi”ti māno, “sadisohamasmi”ti māno, “hīnohamasmi”ti māno. Catubbidhena māno – lābhena mānam janeti, yasena mānam janeti, pasamsāya mānam janeti, sukhena mānam janeti. Pañcavidhena māno – “lābhimhi manāpikānam rūpāna”nti mānam janeti, “lābhimhi manāpikānam saddānam...pe... gandhānam... rasānam... phoṭṭhabbāna”nti mānam janeti. Chabbidhena māno – cakkhusampadāya mānam janeti, sotasampadāya... ghānasampadāya... jivhāsam̄padāya... kāyasampadāya... manosampadāya mānam janeti. Sattavidhena māno – māno, atimāno, mānātimāno, omāno, adhimāno, asmimāno, micchāmāno. Aṭṭhavidhena māno – lābhena mānam janeti, alābhena omānam janeti, yasena mānam janeti, ayasena omānam janeti, pasamsāya mānam janeti, nindāya omānam janeti, sukhena mānam janeti, dukkhena omānam janeti. Navavidhena māno – seyyassa seyyohamasmi ti māno, seyyassa sadisohamasmi ti māno, seyyassa hīnohamasmi ti māno, sadisassa seyyohamasmi ti māno, sadisassa sadisohamasmi ti māno, sadisassa hīnohamasmi ti māno, hīnassa seyyohamasmi ti māno, hīnassa sadisohamasmi ti māno, hīnassa hīnohamasmi ti māno. Dasavidhena māno – idhekacco mānam janeti jātiyā vā gottena vā kolaputtiyena vā vaṇṇapokkharatāya vā dhanena vā ajjhelenā vā kammāyatana vā sippāyatana vā vijjāṭṭhānena vā sutena vā paṭibhānena vā aññatarāññatarena vā vatthunā. Yo evarūpo māno maññanā maññitattam unnati unnāmo [unṇamo (syā. ka.)] dhajo sampaggāho ketukamyatā cittassa – ayam vuccati māno. **Māyañca mānañca pahāya dhonoti.** Dhono māyañca mānañca pahāya pajahitvā vinodetvā byantim karityā anabhāvam gametvāti – māyañca mānañca pahāya dhono.

**Sa kena gaccheyya anūpayo soti.** Upayāti dve upayā – taṇhūpayo ca diṭṭhūpayo ca...pe... ayam taṇhūpayo...pe... ayam diṭṭhūpayo. Tassa taṇhūpayo pahīno, diṭṭhūpayo paṭinissaṭṭho. Taṇhūpayassa pahīnattā, diṭṭhūpayassa paṭinissaṭṭhattā anūpayo puggalo kena rāgena gaccheyya, kena dosena gaccheyya, kena mohena gaccheyya, kena mānena gaccheyya, kāya diṭṭhiyā gaccheyya, kena uddhaccena gaccheyya, kāya vicikicchāya gaccheyya, kehi anusayehi gaccheyya – rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā aniṭṭhangatoti vā thāmagatoti vā. Te abhisāṅkhārā pahīnā. Abhisāṅkhārānam pahīnattā gatiyo kena gaccheyya – nerayikoti vā tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññīnāsaññīti vā. So hetu nathī paccayo nathī kāraṇam natthī, yena gaccheyyāti – sa kena gaccheyya anūpayo so.

Tenāha bhagavā –

“Dhonassa hi natthi kuhīñci loke, pakappitā diṭṭhi bhavābhavesu; Māyañca mānañca pahāya dhono, sa kena gaccheyya anūpayo so”ti.

22. Upayo hi dhammesu upeti vādam, anūpayam kena katham vadeyya;  
Attā nirattā na hi tassa atthi, adhosī so ditthimidheva sabbam.

**Upayo hi dhammesu upeti vādanti.** Upayāti dve upayā – taṇhūpayo ca diṭṭhūpayo ca... pe... ayam taṇhūpayo... pe... ayam diṭṭhūpayo. Tassa taṇhūpayo appahīno, diṭṭhūpayo appaṭinissaṭṭho. Taṇhūpayassa appahīnattā, diṭṭhūpayassa appaṭinissaṭṭhattā dhammesu vādam upeti – rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā aniṭṭhaṅgatoti vā thāmagatoti vā. Te abhisainkharā appahīnā. Abhisainkharānam appahīnattā gatiyā vādam upeti. Nerayikoti vā

tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññīnāsaññīti vā vādaṁ upeti upagacchatī gaṇhāti parāmasati abhinivisatī – upayo hi dhammesu upeti vādaṁ.

**Anūpayam kena katham vadeyyāti.** Upayāti dve upayā – taṇhūpayo ca diṭṭhūpayo ca...pe... ayam taṇhūpayo...pe... ayam diṭṭhūpayo. Tassa taṇhūpayo pahīno, diṭṭhūpayo paṭinissaṭṭho. Taṇhūpayassa pahīnattā, diṭṭhūpayassa paṭinissaṭṭhattā anūpayam puggalaṁ kena rāgena vadeyya, kena dosena vadeyya, kena mohena vadeyya, kena mānena vadeyya, kāya diṭṭhiyā vadeyya, kena uddhaccena vadeyya, kāya vicikicchāya vadeyya, kehi anusayehi vadeyya – rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā aniṭṭhaṅgatoti vā thāmagatoti vā. Te abhisāṅkhārā pahīnā. Abhisāṅkhārānam pahīnattā gatiyo kena vadeyya – nerayikoti vā...pe... nevasaññīnāsaññīti vā. So hetu natthi, paccayo natthi, kāraṇam natthi, yena vadeyya katheyya bhaṇeyya dīpayeyya vohareyyāti – anūpayam kena katham vadeyya.

**Attā nirattā na hi tassa atthīti.** Attāti attānudiṭṭhi natthi. Nirattāti ucchedadiṭṭhi natthi. Attāti gahitam natthi. Nirattāti muñcitabbam natthi. Yassatthi gahitam, tassatthi muñcitabbam; yassatthi muñcitabbam, tassatthi gahitam. Gahaṇam muñcanā samatikkanto arahā buddhiparihānivītivatto. So vuṭṭhavāso ciṇḍacaraṇo gataddho gatadiso jātimaraṇasāmsāro, natthi tassa punabbhavoti – attā nirattā na hi tassa atthi.

**Adhosī so diṭṭhimidheva sabbanti** tassa dvāsaṭṭhi diṭṭhigatāni pahīnāni samucchinnāni vūpasantāni paṭipassaddhāni abhabuppattikāni nānagginā daḍḍhāni. So sabbadiṭṭhigatam idheva adhosī dhuni sandhuni niddhuni pajahi vinodesi byantim akāsi anabhāvam gamesīti – adhosī so diṭṭhimidheva sabbam.

Tenāha bhagavā –

“Upayo hi dhammesu upeti vādaṁ, anūpayam kena katham vadeyya;  
Attā nirattā na hi tassa atthi, adhosī so diṭṭhimidheva sabba”nti.

Duṭṭhaṭṭhakasuttaniddeso tatiyo.

#### 4. Suddhaṭṭhakasuttaniddeso

Atha suddhaṭṭhakasuttaniddesam vakkhati –

**23. Passāmi suddham paramam arogam, diṭṭhena samsuddhi narassa hoti;**  
**Evābhijānam paramanti ñatvā, suddhānupassīti pacctei ñāṇam.**

**Passāmi suddham paramam aroganti.** Passāmi suddhanti passāmi suddham, dakkhāmi suddham, olokemi suddham, nijjhāyāmi suddham, upaparikkhāmi suddham. **Paramam aroganti** paramam ārogyappattam tāṇappattam lenappattam saraṇappattam abhayappattam accutappattam amatappattam nibbānapappattanti – passāmi suddham paramam arogam.

**Diṭṭhena samsuddhi narassa hotīti.** Cakkhuviññāṇam [cakkhuviññāṇena (sī. syā.)] rūpadassanena narassa suddhi visuddhi parisuddhi, mutti vimutti parimutti hoti, naro sujjhati visujjhati parisujjhati, muccati vimuccati parimuccatīti – diṭṭhena samsuddhi narassa hoti.

**Evābhijānam paramanti ñatvāti.** Evaṁ abhijānanto ājānanto vijānanto paṭivijānanto paṭivijjhanto. “Idam paramam aggam setṭham visiṭṭham pāmokkham uttamam pavara”nti ñatvā jānitvā

tulayitvā tīrayitvā vibhāvayitvā vibhūtam̄ katvāti – evābhijānam̄ paramanti ñatvā.

**Suddhānupassī paceti ñāṇanti.** Yo suddham̄ passati, so suddhānupassī, **paceti ñāṇanti** cakkhuviññānam̄ rūpadassanena ñāṇanti paceti, maggoti paceti, pathoti paceti, niyyānanti pacetīti – suddhānupassī paceti ñāṇam̄.

Tenāha bhagavā –

“Passāmi suddham̄ paramam̄ arogam̄, diṭṭhena samsuddhi narassa hoti;  
Evābhijānam̄ paramanti ñatvā, suddhānupassī paceti ñāṇa”nti.

**24. Diṭṭhena ce suddhi narassa hoti, ñāṇena vā so pajahāti dukkham;**  
**Aññena so sujjhati sopadhīko, diṭṭhī hi nam pāva tathā vadānam.**

**Diṭṭhena ce suddhi narassa hotīti.** Cakkhuviññānam̄ rūpadassanena ce narassa suddhi visuddhi parisuddhi, mutti vimutti parimutti hoti, naro sujjhati visujjhāti parisujjhāti, muccati vimuccati parimuccatīti – diṭṭhena ce suddhi narassa hoti.

**Ñāṇena vā so pajahāti dukkhanti** cakkhuviññānam̄ rūpadassanena ce naro jātidukkham̄ pajahati, jarādukkham̄ pajahati, byādhidukkham̄ pajahati, maraṇadukkham̄ pajahati, sokaparidevadukkhadomanassupāyāsadukkham̄ pajahatīti – ñāṇena vā so pajahāti dukkham̄.

**Aññena so sujjhati sopadhīkoti.** Aññena asuddhimaggena micchāpaṭipadāya aniyānikapathena aññatra satipaṭṭhānehi aññatra sammappadhānehi aññatra iddhipādehi aññatra indriyehi aññatra balehi aññatra bojjhaṅgehi aññatra ariyā aṭṭhaṅgikā maggā naro sujjhati visujjhāti parisujjhāti, muccati vimuccati parimuccati. **Sopadhīkoti** sarāgo sadoso samoho samāno satañho sadiṭṭhi sakileso saupādānoti – aññena so sujjhati sopadhīko.

**Diṭṭhī hi nam pāva tathā vadānanti.** Sāva diṭṭhi tam puggalam̄ pāvadati – iti vāyam̄ puggalo micchādiṭṭhiko viparītadassano. **Tathā vadānanti** tathā vadantam̄ kathentam̄ bhaṇtam̄ dīpayantam̄ voharantam̄. “Sassato loko, idameva saccam̄ moghamāñña”nti tathā vadantam̄ kathentam̄ bhaṇtam̄ dīpayantam̄ voharantam̄. “Asassato loko...pe... antavā loko... anantavā loko... tam jīvam̄ tam sarīram... aññam̄ jīvam̄ aññam̄ sarīram... hoti tathāgato param maraṇā... na hoti tathāgato param maraṇā... hoti ca na ca hoti tathāgato param maraṇā... neva hoti na na hoti tathāgato param maraṇā, idameva saccam̄ moghamāñña”nti tathā vadantam̄ kathentam̄ bhaṇtam̄ dīpayantam̄ voharantanti – diṭṭhī hi nam pāva tathā vadānam̄.

Tenāha bhagavā –

“Diṭṭhena ce suddhi narassa hoti, ñāṇena vā so pajahāti dukkham;

Aññena so sujjhati sopadhīko, diṭṭhī hi nam pāva tathā vadāna”nti.

**25. Na brāhmaṇo aññato suddhimāha, diṭṭhe sute sīlavate mute vā;**  
**Puññe ca pāpe ca anūpalitto, attañjaho nayidha pakubbamāno.**

**Na brāhmaṇo aññato suddhimāha diṭṭhe sute sīlavate mute vāti.** Nāti paṭikkhepo. **Brāhmaṇoti** sattannam̄ dhammānam̄ bāhitattā brāhmaṇo – sakkāyadiṭṭhi bāhitā hoti, vicikicchā bāhitā hoti, sīlabbataparāmāso bāhito hoti, rāgo bāhito hoti, doso bāhito hoti, moho bāhito hoti, māno bāhito hoti. Bāhitāssa honti pāpakā akusalā dhammā samkilesikā ponobhavikā sadarā dukkhavipākā āyatīm jātijarāmarañiyā.

Bāhitvā sabbapāpakāni, [sabhiyāti bhagavā]  
 Vimalo sādhusamāhito ṭhitatto;  
 Saṃsāramaticca kevalī so, asito [\[anissito \(syā.\)\]](#) tādi pavuccate sa brahmā.

**Na brāhmaṇo aññato suddhimāhāti.** Brāhmaṇo aññena asuddhimaggena micchāpaṭipadāya aniyānikapathena aññatra satipatthānehi aññatra sammappadhānehi aññatra iddhipādehi aññatra indriyehi aññatra balehi aññatra bojjhaṅgehi aññatra ariyena aṭṭhaṅgikena maggena suddhim visuddhim parisuddhim, muttim vimuttim parimuttim, nāha na katheti na bhaṇati na dīpayati na voharatīti – na brāhmaṇo aññato suddhimāha.

**Dīṭhe sute sīlavate mute vāti.** Santeke samaṇabrāhmaṇā dīṭhisuddhikā. Te ekaccānam rūpānam dassanam maṅgalam paccenti, ekaccānam rūpānam dassanam amaṅgalam paccenti. Katamesam rūpānam dassanam maṅgalam paccenti? Te kālato vuṭṭhahitvā abhimaṅgalagatāni rūpāni passanti – cāṭakasakuṇam [[vātasakuṇam \(syā.\)](#), [cāpasakuṇam \(ka.\)](#)] passanti, phussaveļuvalaṭṭhim passanti, gabbhinithim passanti, kumārakam khandhe āropetvā gacchantam passanti, puṇḍraghaṭam passanti, rohitamaccham passanti, ājaññam passanti, ājaññaratham passanti, usabham passanti, gokapilam passanti. Evarūpānam rūpānam dassanam maṅgalam paccenti. Katamesam rūpānam dassanam amaṅgalam paccenti? Palālapuñjam passanti, takkaghaṭam passanti, rittaghaṭam passanti, naṭam passanti, naggasamaṇakam passanti, kharam passanti, kharayānam passanti, ekayuttayānam passanti, kāṇam passanti, kuṇim passanti, khañjam passanti, pakkhahatam [[pakkhapādām \(ka.\)](#)] passanti, jiṇṇakam passanti, byādhikam [[byādhitaṁ \(sī.\)](#)] passanti. Evarūpānam rūpānam dassanam amaṅgalam paccenti. Ime te samaṇabrāhmaṇā dīṭhisuddhikā. Te dīṭhena suddhim visuddhim parisuddhim muttim vimuttim parimuttim paccenti.

Santeke samaṇabrāhmaṇā sutasuddhikā. Te ekaccānam saddānam savanam maṅgalam paccenti, ekaccānam saddānam savanam amaṅgalam paccenti. Katamesam saddānam savanam maṅgalam paccenti? Te kālato vuṭṭhahitvā abhimaṅgalagatāni saddāni suṇanti – vaḍḍhāti vā vaḍḍhamānātī vā puṇḍāti vā phussāti vā asokāti vā sumānātī vā sunakkhattāti vā sumāṅgalātī vā sirīti vā sirīvaḍḍhāti vā. Evarūpānam saddānam savanam maṅgalam paccenti. Katamesam saddānam savanam amaṅgalam paccenti? Kāṇoti vā kuṇīti vā khañjoti vā pakkhahatoti vā jiṇṇakoti vā byādhikoti vā matoti vā chindanti vā bhindanti vā daḍḍhanti vā naṭhanti vā natthīti vā. Evarūpānam saddānam savanam amaṅgalam paccenti. Ime te samaṇabrāhmaṇā sutasuddhikā. Te sutena suddhim visuddhim parisuddhim muttim vimuttim parimuttim paccenti.

Santeke samaṇabrāhmaṇā sīlasuddhikā. Te sīlamattena samyamamattena saṃvaramattena avītikkamamattena suddhim visuddhim parisuddhim muttim vimuttim parimuttim paccenti. Samanomuṇḍikāputto [[samaṇo maṇḍikāputto \(sī.\)](#), [samaṇamuṇḍikāputto \(syā.\)](#)] evamāha – “catūhi kho aham, gahapati [[thapati \(sī. syā.\) evamuparipij](#)], dhammehi samannāgataṁ purisapuggalaṁ paññāpemi sampannakusalam paramakusalam uttamapattippattam samaṇam ayojjam. Katamehi catūhi? Idha, gahapati, na kāyena pāpakam kammaṁ karoti, na pāpakam vācam bhāsati, na pāpakam saṅkappam saṅkappati, na pāpakam ajīvam ajīvati. Imehi kho aham, gahapati, catūhi dhammehi samannāgataṁ purisapuggalaṁ paññāpemi sampannakusalam paramakusalam uttamapattippattam samaṇam ayojjam”. Evameva santeke samaṇabrāhmaṇā sīlasuddhikā, te sīlamattena samyamamattena saṃvaramattena avītikkamamattena suddhim visuddhim parisuddhim muttim vimuttim parimuttim paccenti.

Santeke samaṇabrāhmaṇā vatasuddhikā. Te hatthivatikā vā honti, assavatikā vā honti, govatikā vā honti, kukkuravatikā vā honti, kākavatikā vā honti, vāsudevavatikā vā honti, baladevavatikā vā honti, puṇḍabhaddavatikā vā honti, maṇibhaddavatikā vā honti, aggivatikā vā honti, nāgavatikā vā honti, supaṇṇavatikā vā honti, yakkhavatikā vā honti, asuravatikā vā honti, gandhabbavatikā vā honti, mahārājavatikā vā honti, candavatikā vā honti, sūriyavatikā vā honti, indavatikā vā honti, brahmavatikā vā honti, devavatikā vā honti, disāvatikā vā honti. Ime te samaṇabrāhmaṇā vatasuddhikā. Te vatena

suddhim visuddhim parisuddhim muttim vimuttim parimuttim paccenti.

Santeke samañabrahmañā mutasuddhikā. Te kālato uṭṭhahitvā pathavim āmasanti, haritañ āmasanti, gomayañ āmasanti, kacchapam āmasanti, phālam akkamanti, tilavāham āmasanti, phussatilañ khādanti, phussatelañ makkhenti, phussadantakaṭṭham khādanti, phussamattikāya nhāyanti, phussasātakam nivāsenti, phussavethanam vēhenti. Ime te samañabrahmañā mutasuddhikā. Te mutena suddhim visuddhim parisuddhim muttim vimuttim parimuttim paccenti. Na brāhmaṇo aññato suddhimāha.

**Dīṭṭhe sute sīlavate mute vāti.** Brāhmaṇo dīṭṭhasuddhiyāpi suddhim nāha, sutasuddhiyāpi suddhim nāha, sīlasuddhiyāpi suddhim nāha, vatasuddhiyāpi suddhim nāha, mutasuddhiyāpi suddhim nāha na katheti na bhaṇati na dīpayati na voharatī – na brāhmaṇo aññato suddhimāha dīṭṭhe sute sīlavate mute vā.

**Puññe ca pāpe ca anūpalittoti.** **Puññam** vuccati yam kiñci tedhātukam kusalābhisaṅkhāram, **apuññam** vuccati sabbam akusalam. Yato puññābhisaṅkhāro ca apuññābhisaṅkhāro ca āneñjābhisaṅkhāro ca pahīnā honti ucchinnamūlā tālāvatthukatā anabhāvam̄katā āyatim anuppādadhammā; ettāvatā puññe ca pāpe ca na limpati na palimpati na upalimpati alitto apalitto anūpalitto nikkhanto nissañ vippamutto visaññutto vimariyādikatena cetasā viharatī – puññe ca pāpe ca anūpalitto.

**Attañjaho nayidha pakubbamānoti.** Attañjahoti attadiṭṭhijaho. **Attañjahoti** gāham jaho [gāhajaho (sī. syā.), attagāham jaho (ka.)]. Attañjahoti tañhāvasena dīṭṭivasena gahitañ parāmatṭham abhiniviṭṭham ajjhositam adhimuttam, sabbam tam cattam hoti vantam muttam pahīnam paṭinissaṭṭham. **Nayidha pakubbamānoti** puññābhisaṅkhāram vā apuññābhisaṅkhāram vā āneñjābhisaṅkhāram vā apakubbamāno ajanayamāno asañjanayamāno anibbattayamāno anabhinibbattayamānoti – attañjaho nayidha pakubbamāno.

Tenāha bhagavā –

“Na brāhmaṇo aññato suddhimāha, dīṭṭhe sute sīlavate mute vā;  
Puññe ca pāpe ca anūpalitto, attañjaho nayidha pakubbamāno”ti.

## 26. Purimam pahāya aparam sitāse, ejānugā te na taranti saṅgam; Te uggahāyanti nirassajanti, kapīva sākham pamuñcam [pamukham (sī. syā.)] gahāya.

**Purimam pahāya aparam sitāseti.** Purimam satthāram pahāya param satthāram nissitā; purimam dhammadkkhānam pahāya aparam dhammadkkhānam nissitā; purimam gañam pahāya aparam gañam nissitā; purimam dīṭṭhim pahāya aparam dīṭṭhim nissitā; purimam paṭipadam pahāya aparam paṭipadam nissitā; purimam maggām pahāya aparam maggām nissitā sannissitā allīnā upagatā ajjhositā adhimuttatī – purimam pahāya aparam sitāse.

**Ejānugā te na taranti saṅganti.** Ejā vuccati tañhā. Yo rāgo sārāgo...pe... abhijjhā lobho akusalamūlam. **Ejānugāti** ejānugatā ejānusañā ejāya pannā patitā abhibhūtā paryādinnacittā. **Te na taranti saṅganti** rāgasāṅgam dosasaṅgam mohasaṅgam mānasāṅgam dīṭṭhisāṅgam kilesasaṅgam duccaritasāṅgam na taranti na uttaranti na pataranti na samatikkamanti na vītvivattantī – ejānugā te na taranti saṅgam.

**Te uggahāyanti nirassajantīti** satthāram gañhanti, tam muñcivā aññam satthāram gañhanti; dhammadkkhānam gañhanti, tam muñcivā aññam dhammadkkhānam gañhanti; gañam gañhanti, tam muñcivā aññam gañam gañhanti; dīṭṭhim gañhanti, tam muñcivā aññam dīṭṭhim gañhanti; paṭipadam

gaṇhanti, tam muñcitvā aññam paṭipadam gaṇhanti; maggam gaṇhanti, tam muñcitvā aññam maggam gaṇhanti; gaṇhanti ca muñcanti ca ādiyanti ca nirassajanti cāti – te uggahāyanti nirassajanti.

**Kapīva sākham pamuñcam gahāyāti.** Yathā makkaṭo araññe pavane caramāno sākham gaṇhāti, tam muñcitvā aññam sākham gaṇhāti. Evameva puthusamaṇabrahmaṇā puthudiṭṭhigatāni gaṇhanti ca muñcanti ca ādiyanti ca nirassajanti cāti – kapīva sākham pamuñcam gahāya.

Tenāha bhagavā –

“Purimam pahāya aparam sitāse, ejānugā te na taranti saṅgam;  
Te uggahāyanti nirassajanti, kapīva sākham pamuñcam gahāyā”ti.

**27. Sayam samādāya vatāni jantu, uccāvacam gacchati saññasatto;  
Vidvā ca vedehi samecca dhammam, na uccāvacam gacchati bhūripañño.**

**Sayam samādāya vatāni jantūti.** **Sayam samādāyāti** sāmam samādāya. **Vatānīti** hatthivataṁ vā assavataṁ vā govataṁ vā kukkanavataṁ vā kākavataṁ vā vāsudevavataṁ vā baladevavataṁ vā puṇṇabhaddavataṁ vā maṇibhaddavataṁ vā aggivataṁ vā nāgavataṁ vā supaṇṇavataṁ vā yakkhavataṁ vā asuravataṁ vā...pe... disāvataṁ vā ādāya samādāya ādiyitvā samādiyitvā gaṇhitvā parāmasitvā abhinivisitvā. **Jantūti** satto naro ...pe... manujoti – sayam samādāya vatāni jantu.

**Uccāvacam gacchati saññasattoti** satthārato satthāram gacchati; dhammakkhānato dhammakkhānam gacchati; gaṇato gaṇam gacchati; diṭṭhiyā diṭṭhim gacchati; paṭipadam gacchati; maggato maggam gacchati. **Saññasattoti** kāmasaññāya byāpādasaññāya vihiṁsāsaññāya diṭṭhisāññāya satto visatto āsatto laggo laggito palibuddho. Yathā bhittikhile vā nāgadante vā bhaṇḍam sattam visattam āsattam laggam laggitaṁ palibuddham, evameva kāmasaññāya byāpādasaññāya vihiṁsāsaññāya diṭṭhisāññāya satto visatto āsatto laggo laggito palibuddhoti – uccāvacam gacchati saññasatto.

**Vidvā ca vedehi samecca dhammanti.** Vidvāt vidvā vijjāgato nānī vibhāvī medhāvī. **Vedehīti vedā** vuccanti catūsu maggesu nāṇam paññā paññindriyam paññābalam dhammavicasambojjhaṅgo vīmaṇsā vipassanā sammādiṭṭhi. Tehi vedehi jātijarāmarañassa antagato antappatto, koṭigato koṭipappatto, pariyantagato pariyantappatto, vosānagato vosānappatto, tāṇagato tāṇappatto, leṇagato leṇappatto, saraṇagato saraṇappatto, abhayagato abhayappatto, accutagato accutappatto, amatagato amatappatto, nibbānagato nibbānappatto. Vedānam vā antagatoti **vedagū**, vedehi vā antagatoti vedagū, sattannam vā dhammānam veditattā vedagū. Sakkāyadiṭṭhi veditā hoti, vicikicchā veditā hoti, sīlabbataparāmāso vedito hoti, rāgo vedito hoti, doso vedito hoti, moho vedito hoti, māno vedito hoti, veditāssa honti pāpakā akusalā dhammā samkilesikā ponobhavikā sadarā dukkhavipākā āyatim jātijarāmarañiyā.

Vedāni viceyya kevalāni, [sabhiyāti bhagavā]  
Samaṇānam yānīdhattrhi [yānipathi (sī. syā.) su. ni. 534] brāhmaṇānam;  
Sabbavedanāsu vītarāgo, sabbam vedamaticca vedagū soti.

**Vidvā ca vedehi samecca dhammanti.** Samecca abhisamecca dhammam. Sabbe saṅkhārā aniccāti sameCCA abhisameCCA dhammam; sabbe saṅkhārā dukkhāti sameCCA abhisameCCA dhammam; sabbe dhammā anattāti sameCCA abhisameCCA dhammam; avijjāpacca�ā saṅkhārāti sameCCA abhisameCCA dhammam; saṅkhārapaccayā viññāṇanti sameCCA abhisameCCA dhammam; viññāṇapaccayā nāmarūpanti...pe... nāmarūpapaccayā salāyatananti... salāyatanapaccayā phassot... phassapaccayā vedanāti... vedanāpaccaযā taṇhāti... taṇhāpaccaযā upādānanti... upādānapaccayā bhavoti... bhavapaccayā jātīti... jātipaccayā jarāmarañanti sameCCA abhisameCCA dhammam; avijjānirodhā saṅkhāranirodhoti sameCCA abhisameCCA dhammam; saṅkhāranirodhā viññāṇanirodhoti sameCCA

abhisamecca dhammam; viññāṇanirodhā nāmarūpanirodhoti... nāmarūpanirodhā salāyatanañanirodhoti... salāyatanañanirodhā phassanirodhoti... phassanirodhā vedanāñanirodhoti... vedanāñanirodhā tañhāñanirodhoti... tañhāñanirodhā upādānanirodhoti... upādānanirodhā bhavanirodhoti... bhavanirodhā jātinirodhoti... jātinirodhā jarāmarañanirodhoti samecca abhisamecca dhammam; idam dukkhanti samecca abhisamecca dhammam; ayam dukkhasamudayoti... ayam dukkhanirodhoti... ayam dukkhanirodhagāminī paṭipadāti samecca abhisamecca dhammam; ime āsavāti samecca abhisamecca dhammam; ayam āsavasamudayoti... ayam āsavanirodhoti... ayam āsavanirodhagāminī paṭipadāti samecca abhisamecca dhammam; ime dhammā abhiññeyyāti samecca abhisamecca dhammam; ime dhammā pariññeyyāti... ime dhammā pahātabbāti... ime dhammā bhāvetabbāti ... ime dhammā sacchikātabbāti samecca abhisamecca dhammam. Channam phassāyatanānam samudayañca atthañgamañca assādañca ādīnavañca nissarañañca samecca abhisamecca dhammam. Pañcannam upādānakkhandhānam samudayañca atthañgamañca assādañca ādīnavañca nissarañañca samecca abhisamecca dhammam. Catunnam mahābhūtānam samudayañca atthañgamañca assādañca ādīnavañca nissarañañca samecca abhisamecca dhammam. Yam kiñci samudayadhammam sabbam tam nirodhadhammanti samecca abhisamecca dhammanti – vidvā ca vedehi samecca dhammam.

**Na uccāvacam gacchatī bhūripaññoti** na satthārato satthāram gacchatī, na dhammakkhānato dhammakkhānam gacchatī, na gañato gañam gacchatī, na diṭṭhiyā diṭṭhim gacchatī, na paṭipadāya paṭipadām gacchatī, na maggato maggām gacchatī. **Bhūripaññoti** bhūripañño mahāpañño puthupañño hāsapañño javanapañño tikkhapañño nibbedhikapañño. **Bhūri** vuccati pathavī. Tāya pathavisamāya paññāya vipulāya vitthatāya samannāgatoti – na uccāvacam gacchatī bhūripañño.

Tenāha bhagavā –

“Sayam samādāya vatāni jantu, uccāvacam gacchatī saññasatto;  
Vidvā ca vedehi samecca dhammam, na uccāvacam gacchatī bhūripañño”ti.

**28. Sa sabbadhammesu visenibhūto, yam kiñci diṭṭham va sutam mutam vā;**  
**Tameva dassim vivatam carantam, kenidha lokasmi vikappayeyya.**

**Sa sabbadhammesu visenibhūto yam kiñci diṭṭham va sutam mutam vāti.** Senā vuccati mārasenā. Kāyaduccaritam mārasenā, vacīduccaritam mārasenā, manoduccaritam mārasenā, rāgo mārasenā, doso mārasenā, moho mārasenā, kodho mārasenā, upanāho...pe... sabbākusalābhisaṅkhārā mārasenā.

Vuttañhetam bhagavatā –

“Kāmā te paṭhamā senā, dutiyā arati vuccati;  
Tatiyā khuppi pāsā te, catutthī tañhā vuccati.

“Pañcamī thinamiddham te, chaṭṭhā bhīrū pavuccati;  
Sattamī vicikicchā te, makkho thambho te aṭṭhamo.

“Lābho siloko sakkāro, micchāladdho ca yo yaso;  
Yo cattānam samukkamse, pare ca avajānati.

“Esā namuci te senā, kañhassābhippahārinī;  
Na nam asuro jināti, jetvāva labhate sukha”nti.

Yato catūhi ariyamaggehi sabbā ca mārasenā sabbe ca paṭisenikarā kilesā jitā ca parājitā ca bhaggā vippaluggā parammukhā, so vuccati visenibhūto. So diṭṭhe visenibhūto, sute visenibhūto, mute

visenibhūto, viññāte visenibhūtoti – sa sabbadhammesu visenibhūto yam kiñci diṭṭham va sutam mutam vā.

**Tameva dassim vivaṭam carantanti.** Tameva suddhadassim visuddhadassim parisuddhadassim vodātadassim pariyodātadassim. Atha vā, suddhadassanam visuddhadassanam parisuddhadassanam vodātadassanam pariyodātadassanam. **Vivaṭanti taṇhāchadanam** diṭṭhichadanam kilesachadanam duccaritachadanam avijjāchadanam. Tāni chadanāni vivaṭāni honti viddhamṣitāni ugghātitāni samuggātitāni pahīnāni samucchinnāni vūpasantāni paṭipassaddhāni abhabuppattikāni nāṇagginā dadḍhāni. **Carantanti** carantam vicarantam viharantam iriyantam vattentam pālentam yāpentam yāpentanti – tameva dassim vivaṭam carantam.

**Kenīdha lokasmi vikappayeyyāti.** **Kappati** dve kappā – taṇhākappo ca diṭṭhikappo ca...pe... ayam taṇhākappo...pe... ayam diṭṭhikappo. Tassa taṇhākappo pahīno, diṭṭhikappo paṭinissaṭṭho. Taṇhākappassa pahīnattā diṭṭhikappassa paṭinissaṭṭhattā kena rāgena kappeyya, kena dosena kappeyya, kena mohena kappeyya, kena mānena kappeyya, kāya diṭṭhiyā kappeyya, kena uddhaccena kappeyya, kāya vicikicchāya kappeyya, kehi anusayehi kappeyya – rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā anīṭhaṅgatoti vā thāmagatoti vā. Te abhisāṅkhārā pahīnā. Abhisāṅkhārānaṁ pahīnattā gatiyo kena kappeyya – nerayikoti vā tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññīnasaññīti vā. So hetu natthi, paccayo natthi, kāraṇam natthi, yena kappeyya vikappeyya vikappaṭ āpajjeyya. **Lokasminti** apāyaloke manussaloke devaloke khandhaloke dhātuloke āyatanałoketi – kenīdha lokasmi vikappayeyya.

Tenāha bhagavā –

“Sa sabbadhammesu visenibhūto, yam kiñci diṭṭham va sutam mutam vā; Tameva dassim vivaṭam carantam, kenīdha lokasmi vikappayeyyā”ti.

## 29. Na kappayanti na purekkharonti, accantasuddhīti na te vadanti; Ādānagantham gathitam visajja, āsam na kubbanti kuhiñci loke.

**Na kappayanti na purekkharonti.** **Kappati** dve kappā – taṇhākappo ca diṭṭhikappo ca...pe... ayam taṇhākappo...pe... ayam diṭṭhikappo. Tesam taṇhākappo pahīno, diṭṭhikappo paṭinissaṭṭho. Taṇhākappassa pahīnattā, diṭṭhikappassa paṭinissaṭṭhattā taṇhākappam vā diṭṭhikappam vā na kappenti na janenti na sañjanenti na nibbattenti nābhinibbattentīti – na kappayanti. **Na purekkharonti.** **Purekkhārāti** dve purekkhārā – taṇhāpurekkhāro ca diṭṭhipurekkhāro ca...pe... ayam taṇhāpurekkhāro...pe... ayam diṭṭhipurekkhāro. Tesam taṇhāpurekkhāro pahīno, diṭṭhipurekkhāro paṭinissaṭṭho. Taṇhāpurekkhārassa pahīnattā, diṭṭhipurekkhārassa paṭinissaṭṭhattā na taṇham vā na diṭṭhim vā purato katvā caranti, na taṇhādhajā na taṇhāketū na taṇhādhipateyyā, na diṭṭhidhajā na diṭṭhitetū na diṭṭhādhipateyyā, na taṇhāya vā na diṭṭhiyā vā parivāritā carantīti – na kappayanti na purekkharonti.

**Accantasuddhīti na te vadantīti** accantasuddhim saṃsārasuddhim akiriyadiṭṭhim sassatavādañ na vadanti na kathenti na bhaṇanti na dīpayanti na voharantīti – accantasuddhīti na te vadanti.

**Ādānagantham gathitam visajjāti.** **Ganthāti** cattāro ganthā – abhijjhā kāyagantho, byāpādo kāyagantho, sīlabbataparāmāso kāyagantho, idamśaccābhiniveso kāyagantho. Attano diṭṭhiyā rāgo abhijjhā kāyagantho; paravādesu āghāto appaccayo byāpādo kāyagantho; attano sīlam vā vatam vā sīlavatam vā parāmasantīti sīlabbataparāmāso kāyagantho, attano diṭṭhi idamśaccābhiniveso kāyagantho. Kimkāraṇā vuccati ādānagantho? Tehi ganthehi rūpam ādiyanti upādiyanti gaṇhanti parāmasanti abhinivisanti; vedanam...pe... saññam... saṅkhāre... viññānam... gatim ... upapattim... paṭisandhim...

bhavam... saṃsāravaṭṭam ādiyanti upādiyanti gaṇhanti parāmasanti abhinivisanti. Tamkāraṇā vuccati ādānaganthro. **Visajjāti** ganthe vosajjītvā vā – visajja. Atha vā ganthe gadhite ganthite bandhe vibandhe ābandhe lagge laggite palibuddhe bandhane poṭayitvā – [phoṭayitvā (syā.)] visajja. Yathā vayham vā ratham vā sakatam vā sandamānikam vā sajjam visajjam karonti vikopenti; evameva ganthe vosajjītvā – visajja. Atha vā ganthe gadhite ganthite bandhe vibandhe ābandhe lagge laggite palibuddhe bandhane poṭayitvā visajjāti – ādānagantham gathitam visajja.

**Āsam na kubbanti kuhiñci loketi.** **Āsā** vuccati taṇhā yo rāgo sārāgo...pe... abhijjhā lobho akusalamūlam. **Āsam na kubbantī** āsam na kubbanti na janenti na sañjanenti na nibbattenti na abhinibbattenti. **Kuhiñcīti** kuhiñci kimhici katthaci ajjhattam vā bahiddhā vā ajjhattabahiddhā vā. **Loketi** apāyaloke...pe... āyatanałoketi – āsam na kubbanti kuhiñci loke.

Tenāha bhagavā –

“Na kappayanti na purekkharonti, accantasuddhīti na te vadanti;  
Ādānagantham gathitam visajja, āsam na kubbanti kuhiñci loke”ti.

### 30. **Sīmātigo brāhmaṇo tassa natthi, nītvā ca disvā ca samuggahītam;** **Na rāgarāgī na virāgaratto, tassīdha natthi paramuggahītam.**

**Sīmātigo brāhmaṇo tassa natthi, nītvā ca disvā ca samuggahītanti.** **Sīmāti** catasso sīmāyo – sakkāyadiṭṭhi, vicikicchā, sīlabbataparāmāso, diṭṭhānusayo, vicikicchānusayo, tadekaṭṭhā ca kilesā – ayam paṭhamā sīmā. Olārikam kāmarāgasāññojanam, paṭighasaññojanam, olāriko kāmarāgānusayo, paṭighānusayo, tadekaṭṭhā ca kilesā – ayam dutiyā sīmā. Anusahagataṁ kāmarāgasāññojanam, paṭighasaññojanam, anusahagato kāmarāgānusayo, paṭighānusayo, tadekaṭṭhā ca kilesā – ayam tatiyā sīmā. Rūparāgo arūparāgo māno uddhaccam avijjā, mānānusayo bhavarāgānusayo avijjānusayo, tadekaṭṭhā ca kilesā – ayam catutthā sīmā. Yato ca catūhi ariyamaggehi imā catasso sīmāyo atikkanto hoti samatikkanto vītivatto, so vuccati sīmātigo. **Brāhmaṇoti** sattannam dhammānam bāhitattā brāhmaṇo – sakkāyadiṭṭhi bāhitā hoti, vicikicchā bāhitā hoti, sīlabbataparāmāso bāhito hoti...pe... asito tādi pavuccate sa brahmā. **Tassāti** arahato khīṇāsavassa.

**Nītvāti** paracittaññena vā nītvā pubbenivāsānussatiññena vā nītvā. **Disvāti** maṃsacakkhunā vā disvā dibbacakkhanā vā disvā. **Sīmātigo brāhmaṇo tassa natthi, nītvā ca disvā ca samuggahītanti.** Tassa idam paramam aggam setṭham visiṭṭham [visetṭham (sī. syā.)] pāmokkham uttamam pavaranti gahitam parāmaṭṭham abhinivitṭham ajjhositam adhimuttam natthi na santi na samvijjati nupalabbhati, pahīnam samucchinnam vūpasantam paṭipassaddham abhabuppattikam nīṇagginā daḍḍhanti – sīmātigo brāhmaṇo tassa natthi nītvā ca disvā ca samuggahītam.

**Na rāgarāgī na virāgarattoti.** **Rāgarattā** vuccanti ye pañcasu kāmaguṇesu rattā giddhā gadhitā mucchitā ajjhosannā laggā laggitā palibuddhā. Virāgarattā vuccanti ye rūpāvacaraarūpāvacarasamāpattisu rattā giddhā gadhitā mucchitā ajjhosannā laggā laggitā palibuddhā. **Na rāgarāgī na virāgarattoti** yato kāmarāgo ca rūparāgo ca arūparāgo ca pahīnā honti ucchinnaññūlā tālāvatthukatā anabhāvamkatā [anabhāvakatā (sī.), anabhāvamgatā (syā.)] āyatim anuppādadhammā. Ettāvatā na rāgarāgī na virāgaratto.

**Tassīdha natthi paramuggahītanti.** **Tassāti** arahato khīṇāsavassa. Tassa idam paramam aggam setṭham visiṭṭham pāmokkham uttamam pavaranti gahitam parāmaṭṭham abhinivitṭham ajjhositam adhimuttam natthi na santi na samvijjati nupalabbhati, pahīnam samucchinnam vūpasantam paṭipassaddham abhabuppattikam nīṇagginā daḍḍhanti – tassīdha natthi paramuggahītam.

Tenāha bhagavā –

“Sīmātigo brāhmaṇo tassa natthi, nātva ca disvā ca samuggahītam;  
Na rāgarāgī na virāgaratto, tassidha natthi paramuggahīta”nti.

Suddhatthakasuttaniddeso catuttho.

## 5. Paramatthakasuttaniddeso

Atha paramatthakasuttaniddesam vakkhati –

- 31. Paramanti diṭṭhisu paribbasāno, yaduttarim kurute jantu loke;  
Hīnāti aññe tato sabbamāha, tasmā vivādāni avītivatto.**

**Paramanti diṭṭhisu paribbasānoti.** Santeke samaṇabrāhmaṇā diṭṭhigatikā. Te dvāsaṭṭhiyā diṭṭhigatānam aññataraññatarām diṭṭhigataṁ “idam paramam aggam seṭṭham visiṭṭham pāmokkham uttamam pavara”nti gahetvā uggahetvā gaṇhitvā parāmasitvā abhinivisitvā sakāya sakāya diṭṭhiyā vasanti pavasanti āvasanti parivasanti. Yathā āgārikā vā gharesu vasanti, sāpattikā vā āpattīsu vasanti, sakilesā vā kilesesu vasanti; evameva santeke samaṇabrāhmaṇā diṭṭhigatikā. Te dvāsaṭṭhiyā diṭṭhigatānam aññataraññatarām diṭṭhigataṁ “idam paramam aggam seṭṭham visiṭṭham pāmokkham uttamam pavara”nti gahetvā uggahetvā gaṇhitvā parāmasitvā abhinivisitvā sakāya sakāya diṭṭhiyā vasanti pavasanti [samvasanti (syā.) natthi sīhaṭapothake] āvasanti parivasantī – paramanti diṭṭhisu paribbasāno.

**Yaduttarim kurute jantu loketi.** **Yadanti** yam. **Uttarim kuruteti** uttarim karoti, aggam seṭṭham visiṭṭham pāmokkham uttamam pavaram karoti “ayam satthā sabbaññū”ti uttarim karoti, aggam seṭṭham visiṭṭham pāmokkham uttamam pavaram karoti. “Ayam dhammo svākkhāto..., ayam gaṇo suppaṭipanno..., ayam diṭṭhi bhaddikā..., ayam paṭipadā supaññattā..., ayam maggo niyyāniko”ti uttarim karoti, aggam seṭṭham visiṭṭham pāmokkham uttamam pavaram karoti nibbatteti abhinibbatteti. **Jantūti** satto naro...pe... manujo. **Loketi** apāyaloke...pe... āyatanałoketi – yaduttarim kurute jantu loke.

**Hīnāti aññe tato sabbamāhāti** attano satthāram dhammadikkhānam gaṇam diṭṭhim paṭipadam maggam thapetvā sabbe parappavāde khipati ukkhipati parikkhipati. “So satthā na sabbaññū, dhammo na svākkhāto, gaṇo na suppaṭipanno, diṭṭhi na bhaddikā, paṭipadā na supaññattā, maggo na niyyāniko, natthettha suddhi vā visuddhi vā parisuddhi vā mutti vā vimutti vā parimutti vā, natthettha sujjhanti vā visujjhanti vā parisujjhanti vā mucanti vā vimuccanti vā parimuccanti vā, hīnā nihīnā omakā lāmakā chatukkā parittā”ti evamāha evam katheti evam bhaṇati evam dīpayati evam voharatīti – hīnāti aññe tato sabbamāha.

**Tasmā vivādāni avītivattoti.** **Tasmāti** tamkāraṇā tamhetu tappaccayā tamnidānā. **Vivādānīti** diṭṭhikalāhāni diṭṭhibhāṇḍānāni diṭṭhiviggahāni diṭṭhivivādāni diṭṭhimedhagāni ca. **Avītivattoti** anatikkanto asamatikkanto avītivattoti – tasmā vivādāni avītivatto.

Tenāha bhagavā –

“Paramanti diṭṭhisu paribbasāno, yaduttarim kurute jantu loke;  
Hīnāti aññe tato sabbamāha, tasmā vivādāni avītivatto”ti.

- 32. Yadattanī passati ānisamsam, diṭṭhe sute sīlavate mute vā;  
Tadeva so tattha samuggahāya, nihīnato passati sabbamaññam.**

**Yadattanī passati ānisamsam, diṭṭhe sute sīlavate mute vāti.** **Yadattanīti** yaṁ attani. Attā vuccati diṭṭigataṁ. Attano diṭṭhiyā dve ānisamse passati – diṭṭhadhammikañca ānisamsam, samparāyikañca ānisamsam. Katamo diṭṭhiyā diṭṭhadhammiko ānisamso? Yaṁdiṭṭhiko satthā hoti, taṁdiṭṭhikā sāvakā honti. Taṁdiṭṭhikam satthāram sāvakā sakkaronti garuṁ karonti mānenti pūjenti, labhati ca tatonidānam cīvarapiṇḍapātasenāsanagilānapaccayabhesajjaparikkhāram. Ayam diṭṭhiyā diṭṭhadhammiko ānisamso. Katamo diṭṭhiyā samparāyiko ānisamso? Ayam diṭṭhi alam nāgattāya vā supaṇṇattāya vā yakkhattāya vā asurattāya vā gandhabbattāya vā mahārājattāya vā indattāya vā brahmattāya vā devattāya vā; ayam diṭṭhi alam suddhiyā visuddhiyā parisuddhiyā muttiyā vimuttiyā parimuttiyā; imāya diṭṭhiyā sujjhanti visujjhanti parisujjhanti mucanti vimuccanti parimuccanti; imāya diṭṭhiyā sujjhissāmi visujjhissāmi parisujjhissāmi mucissāmi vimuccissāmi parimuccissāmi āyatim phalapātikānkhi hoti. Ayam diṭṭhiyā samparāyiko ānisamso. Attano diṭṭhiyā ime dve ānisamse passati, diṭṭhasuddhiyāpi dve ānisamse passati, sutasuddhiyāpi dve ānisamse passati, sīlasuddhiyāpi dve ānisamse passati, vatasuddhiyāpi dve ānisamse passati, mutasuddhiyāpi dve ānisamse passati – diṭṭhadhammikañca ānisamsam samparāyikañca ānisamsam. Katamo mutasuddhiyā diṭṭhadhammiko ānisamso? Yaṁdiṭṭhiko satthā hoti taṁdiṭṭhikā sāvakā honti...pe... ayam mutasuddhiyā diṭṭhadhammiko ānisamso. Katamo mutasuddhiyā samparāyiko ānisamso? Ayam diṭṭhi alam nāgattāya vā...pe... ayam mutasuddhiyā samparāyiko ānisamso. Mutasuddhiyāpi ime dve ānisamse passati dakkhati oloketi nijjhāyati upaparikkhatīti – yadattanī passati ānisamsam diṭṭhe sute sīlavate mute vā.

**Tadeva so tattha samuggahāyāti.** **Tadevāti** tam diṭṭhigataṁ. **Tatthāti** sakāya diṭṭhiyā sakāya khantiyā sakāya ruciyā sakāya laddhiyā. **Samuggahāyāti** idam paramam aggam setṭham visiṭṭham pāmokkham uttamam pavaranti gahetvā uggahetvā ganhitvā parāmasitvā abhinivisitvāti – tadeva so tattha samuggahāya.

**Nihīnato passati sabbamaññanti.** Aññam satthāram dhammakkhānam gaṇam diṭṭhim paṭipadam maggām hīnato nihīnato omakato lāmakato chatukkato parittato dissati passati dakkhati oloketi nijjhāyati upaparikkhatīti – nihīnato passati sabbamaññam.

Tenāha bhagavā –

“Yadattanī passati ānisamsam, diṭṭhe sute sīlavate mute vā;  
Tadeva so tattha samuggahāya, nihīnato passati sabbamañña”nti.

**33. Tam vāpi [cāpi (sī.)] gantham kusalā vadanti, yaṁ nissito passati hīnamaññam;**  
**Tasmā hi diṭṭham va sutam mutam vā, sīlabbatam bhikkhu na nissayeyya.**

**Tam vāpi gantham kusalā vadantīti.** Kusalāti ye te khandhakusalā dhātukusalā āyatanakusalā paṭiccasamuppādakusalā satipaṭṭhānakusalā sammappadhānakusalā idhipādakusalā indriyakusalā balakusalā bojjhaṅgakusalā maggakusalā phalakusalā nibbānakusalā, te kusalā evam vadanti – “gantho eso, lagganam etam, bandhanam etam, palibodho eso”ti. Evam vadanti evam kathenti evam bhaṇanti evam dīpayanti evam voharantīti – tam vāpi gantham kusalā vadanti.

**Yaṁ nissito passati hīnamaññanti.** **Yaṁ nissitoti** yaṁ satthāram dhammakkhānam gaṇam diṭṭhim paṭipadam maggām nissito sannissito allīno upagato ajjhositō adhimutto. **Passati hīnamaññanti** aññam satthāram dhammakkhānam gaṇam diṭṭhim paṭipadam maggām hīnato nihīnato omakato lāmakato chatukkato parittato dissati passati dakkhati oloketi nijjhāyati upanijjhāyati upaparikkhatīti – yaṁ nissito passati hīnamaññam.

**Tasmā hi diṭṭham va sutam mutam vā, sīlabbatam bhikkhu na nissayeyyāti.** Tasmāti tasmā tamkāraṇā tamhetu tappaccayā tamnidānā diṭṭham vā diṭṭhasuddhim vā sutam vā sutasuddhim vā mutam vā mutasuddhim vā sīlam vā sīlasuddhim vā vataṁ vā vatasuddhim vā na nissayeyya na gaṇheyya na

parāmaseyya nābhiniveseyyāti – tasmā hi diṭṭham̄ va sutam̄ mutam̄ vā sīlabbataṁ bhikkhu na nissayeyya.

Tenāha bhagavā –

“Tam̄ vāpi gantham̄ kusalā vadanti, yaṁ nissito passati hīnamāññam̄;  
Tasmā hi diṭṭham̄ va sutam̄ mutam̄ vā, sīlabbataṁ bhikkhu na nissayeyyā”ti.

**34. Diṭṭhimpi lokasmim̄ na kappayeyya, nāñena vā sīlavatena vāpi;**  
**Samoti attānamanūpaneyya, hīno na maññetha visesi vāpi.**

**Diṭṭhimpi lokasmim̄ na kappayeyya, nāñena vā sīlavatena vāpīti.** Atṭhasamāpattiñāñena vā pañcābhiññāñāñena vā micchāñāñena vā, sīlena vā vatena vā sīlabbatena vā, diṭṭhim̄ na kappayeyya na janeyya na sañjaneyya na nibbatteyya na abhinibbatteyya. **Lokasminti** apāyaloke...pe... āyatanaloketi – diṭṭhimpi lokasmim̄ na kappayeyya nāñena vā sīlavatena vāpi.

**Samoti attānamanūpaneyyāti.** Sadisohamasmīti attānaṁ na upaneyya jātiyā vā gottena vā kolaputtiyena vā vaṇṇapokkharatāya vā dhanena vā ajjhena vā kammāyatanena vā sippāyatanena vā vijjātīhānena vā sutena vā paṭibhānena vā aññataraññatarena vā vatthunāti – samoti attānamanūpaneyya.

**Hīno na maññetha visesi vāpīti.** Hīnohamasmīti attānaṁ na upaneyya jātiyā vā gottena vā...pe... aññataraññatarena vā vatthunā. Seyyohamasmīti attānaṁ na upaneyya jātiyā vā gottena vā...pe... aññataraññatarena vā vatthunāti – hīno na maññetha visesi vāpi.

Tenāha bhagavā –

“Diṭṭhimpi lokasmim̄ na kappayeyya, nāñena vā sīlavatena vāpi;  
Samoti attānamanūpaneyya, hīno na maññetha visesi vāpī”ti.

**35. Attam̄ pahāya anupādiyāno, nāñenapi so nissayam̄ no karoti;**  
**Sa ve viyattesu na vaggasārī, diṭṭhimpi so na paccteti kiñci.**

**Attam̄ pahāya anupādiyānoti.** Attam̄ pahāyāti attadiṭṭhim̄ pahāya. **Attam̄ pahāyāti** gāham̄ [attagāham̄ (sī. ka.)] pahāya. **Attam̄ pahāyāti** taññāvasena diṭṭhivasena gahitam̄ parāmaṭṭham̄ abhinivitṭham̄ ajjhositam̄ adhimuttam̄ pahāya pajahitvā vinodetvā byantim̄ karitvā anabhāvam̄ gametvāti – attam̄ pahāya. **Anupādiyānoti** catūhi upādānehi anupādiyamāno agañhamāno aparāmāsamāno anabhinivisamānoti – attam̄ pahāya anupādiyāno.

**Nāñenapi so nissayam̄ no karotīti** atṭhasamāpattiñāñāñena vā pañcābhiññāñāñena vā micchāñāñena vā taññānissayam̄ vā diṭṭhinissayam̄ vā na karoti na janeti na sañjaneti na nibbatteti na abhinibbatetīti – nāñenapi so nissayam̄ no karoti.

**Sa ve viyattesu na vaggasārīti** sa ve viyattesu bhinnesu dvejjhāpannesu dveṭhakajātesu nānādiṭṭhikesu nānākhantikesu nānārucikesu nānāladdhikesu nānādiṭṭhinissayam̄ nissitesu chandāgatim̄ gacchantesu dosāgatim̄ gacchantesu mohāgatim̄ gacchantesu bhayāgatim̄ gacchantesu na chandāgatim̄ gacchatī na dosāgatim̄ gacchatī na mohāgatim̄ gacchatī na bhayāgatim̄ gacchatī na rāgavasena gacchatī na dosavasena gacchatī na mohavasena gacchatī na mānavasena gacchatī na diṭṭhivasena gacchatī na uddhaccavasena gacchatī na vicikicchāvasena gacchatī na anusayavasena gacchatī na vaggehi dhammehi yāyati niyyati vuyhati sam̄harīyatīti – sa ve viyattesu na vaggasārī.

**Diṭṭhimpi so na paccteti kiñcīti.** Tassa dvāsaṭṭhi diṭṭhigatāni pahīnāni samucchinnāni vūpasantāni

paṭipassaddhāni abhabuppattikāni nānagginā daḍḍhāni. So kiñci diṭṭhigataṁ na pacceti na paccāgacchatīti – diṭṭhimpi so na pacceti kiñci.

Tenāha bhagavā –

“Attaṁ pahāya anupādiyāno, nānenapi so nissayaṁ no karoti;  
Sa ve viyattesu na vaggasārī, diṭṭhimpi so na pacceti kiñcī”ti.

**36. Yassūbhayante paṇidhīdha natthi, bhavābhavāya idha vā huram vā;**  
**Nivesanā tassa na santi keci, dhammesu niccheyya samuggahītam.**

**Yassūbhayante paṇidhīdha natthi, bhavābhavāya idha vā huram vāti** yassāti arahato khīnāsavassa. Antoti [antāti (syā.)] phasso eko anto, phassasamudayo dutiyo anto; atīto eko anto, anāgato dutiyo anto; sukhaṁ vedanā eko anto, dukkhā vedanā dutiyo anto; nāmaṁ eko anto, rūpaṁ dutiyo anto; cha ajjhattikāni āyatanāni eko anto, cha bāhirāni āyatanāni dutiyo anto; sakkāyo eko anto, sakkāyasamudayo dutiyo anto. **Panidhi** vuccati tañhā. Yo rāgo sārāgo...pe... abhijjhā lobho akusalamūlam.

**Bhavābhavāyāti** bhavābhavāya kammabhavāya punabbhvavāya kāmabhavāya, kammabhavāya kāmabhavāya punabbhvavāya rūpabhavāya, kammabhavāya rūpabhavāya punabbhvavāya arūpabhavāya, kammabhavāya arūpabhavāya punabbhvavāya punappunabhavāya punappunagatiyā punappunaupapattiya punappunapaṭisandhiyā punappunaattabhbhavābhiniibbattiyā. **Idhāti** sakattabhāvo, **hurāti** parattabhāvo; **idhāti** sakarūpavedanāsaññāsaṅkharaviññānam, **hurāti** pararūpavedanāsaññāsaṅkharaviññānam; **idhāti** cha ajjhattikāni āyatanāni, **hurāti** cha bāhirāni āyatanāni; **idhāti** manussaloko, **hurāti** devaloko; **idhāti** kāmadhātu, **hurāti** rūpadhātu arūpadhātu; **idhāti** kāmadhātu rūpadhātu. **Hurāti** arūpadhātu. **Yassūbhayante paṇidhīdha natthi bhavābhavāya idha vā huram vāti.** Yassa ubho ante ca bhavābhavāya ca idha hurañca paṇidhi tañhā natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā nānagginā daḍḍhāti – yassūbhayante paṇidhīdha natthi bhavābhavāya idha vā huram vā.

**Nivesanā tassa na santi kecīti.** Nivesanāti dve nivesanā – tañhānivesanā ca diṭṭhinivesanā ca... pe... ayaṁ tañhānivesanā...pe... ayaṁ diṭṭhinivesanā. **Tassāti** arahato khīnāsavassa. **Nivesanā tassa na santi kecīti** nivesanā tassa na santi keci natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā nānagginā daḍḍhāti – nivesanā tassa na santi keci.

**Dhammesu niccheyya samuggahītanti.** Dhammesūti dvāsaṭṭhiyā diṭṭhigatesu. **Niccheyyāti** nicchinitvā vinicchinitvā vicinivitvā pavicinivitvā tulayitvā tīrayitvā vibhāvayitvā vibhūtam katvā. **Samuggahītanti** odhiggāho bilaggāho varaggāho koṭṭhāsaggāho uccayaggāho samuccayaggāho, “idaṁ saccam taccham tatham bhūtam yāthāvam aviparīta”nti gahitam parāmaṭṭham abhiniviṭṭham ajjhositaṁ adhimuttam natthi na santi na samvijjanti nupalabbhanti, pahīnaṁ samucchinnam vūpasantam paṭipassaddham abhabuppattikam nānagginā daḍḍhāti – dhammesu niccheyya samuggahītam.

Tenāha bhagavā –

“Yassūbhayante paṇidhīdha natthi, bhavābhavāya idha vā huram vā;  
Nivesanā tassa na santi keci, dhammesu niccheyya samuggahīta”nti.

**37. Tassīdha diṭṭhe va sute mute vā, pakappitā natthi aṇūpi saññā;**  
**Tam brāhmaṇam diṭṭhimanādiyānam, kenīdha lokasmim vikappayeyya.**

**Tassīdha diṭṭhe va sute mute vā, pakappitā natthi aṇūpi saññāti.** Tassāti arahato khīnāsavassa. Tassa diṭṭhe vā diṭṭhasuddhiyā vā sute vā sutasuddhiyā vā mute vā mutasuddhiyā vā saññāpubbaṅgamataṁ saññāvikappayeyyatā saññāviggahena saññāya uṭṭhapitā samuṭṭhapitā kappitā pakappitā saṅkhatā abhisañkhatā saṅthapitā, diṭṭhi natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabbuppattikā nāṇagginā daḍḍhāti – tassīdha diṭṭhe va sute mute vā pakappitā natthi aṇūpi saññā.

**Tam brāhmaṇam diṭṭhimanādiyānanti.** Brāhmaṇoti sattannam dhammānam bāhitattā brāhmaṇo – sakkāyadiṭṭhi bāhitā hoti...pe... asito tādi pavuccate sa brahmā. Tam brāhmaṇam diṭṭhimanādiyānanti. Tam brāhmaṇam diṭṭhimanādiyantam agaṇhantam aparāmasantaṁ anabhinivesantanti – tam brāhmaṇam diṭṭhimanādiyānam.

**Kenīdha lokasmim vikappayeyyāti. Kappati** dve kappā – taṇhākappo ca diṭṭhikappo ca...pe... ayam taṇhākappo...pe... ayam diṭṭhikappo. Tassa taṇhākappo pahīno, diṭṭhikappo paṭinissaṭṭho. Taṇhākappassa pahīnattā, diṭṭhikappassa paṭinissaṭṭhattā kena rāgena kappeyya kena dosena kappeyya kena mohena kappeyya kena mānenā kappeyya kāya diṭṭhiyā kappeyya kena uddhaccena kappeyya kāya vicikicchāya kappeyya kehi anusayehi kappeyya – rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā aniṭṭhangatoti vā thāmagatoti vā. Te abhisāṅkhārā pahīnā. Abhisāṅkhārānam pahīnattā gatiyo kena kappeyya – nerayikoti vā tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññīnāsaññīti vā. So hetu natthi paccayo natthi kāraṇam natthi, yena kappeyya vikappeyya vikappam āpajjeyya. **Lokasminti** apāyaloke...pe... āyatanaloketi – kenīdha lokasmim vikappayeyya.

Tenāha bhagavā –

“Tassīdha diṭṭhe va sute mute vā, pakappitā natthi aṇūpi saññā;  
Tam brāhmaṇam diṭṭhimanādiyānam, kenīdha lokasmim vikappayeyyā”ti.

### 38. Na kappayanti na purekkharonti, dhammāpi tesam na paṭicchitāse; Na brāhmaṇo sīlavatena neyyo, pāraṅgato na paccti tādī.

**Na kappayanti na purekkharonti.** Kappati dve kappā – taṇhākappo ca diṭṭhikappo ca. Katamo taṇhākappo? Yāvatā taṇhāsaṅkhātena sīmakataṁ mariyādikataṁ odhikataṁ pariyantakataṁ pariggaḥitam mamāyitam – “idam mamaṁ, etam mamaṁ, ettakam mamaṁ, ettāvatā mamaṁ, mama rūpā saddā gandhā rasā phoṭṭhabbā, attharaṇā pāvuraṇā dāsidaśā [dāsidaśā (syā. ka.)] ajeṭakā kukkuṭasūkarā hatthigavāssavaṭalavā khettam vatthu hiraññam suvaṇṇam gāmanigamarajadhāniyo raṭṭhañca janapado ca koso ca koṭṭhāgārañca, kevalampi mahāpathavim taṇhāvasena mamāyati, yāvatā aṭṭhasatataṇhāvicaritaṁ – ayam taṇhākappo. Katamo diṭṭhikappo? Visativatthukā sakkāyadiṭṭhi, dasavatthukā micchādiṭṭhi, dasavatthukā antaggāhikādiṭṭhi, yā evarūpā diṭṭhi diṭṭhigataṁ diṭṭhigahanam diṭṭhikantāram diṭṭhivisūkāyikam diṭṭhivipphanditam diṭṭhisaññojanam gāho paṭiggāho abhiniveso parāmāso kummaggo micchāpatho micchattam titthāyatanam vipariyāsaggāho [vipariyesaggāho (sī. syā. ka.)] viparītaggāho vipallāsaggāho micchāgāho, ayāthāvakasmiṁ yāthāvakanti gāho, yāvatā dvāsaṭṭhi diṭṭhigatāni – ayam diṭṭhikappo. Tesam taṇhākappo pahīno, diṭṭhikappo paṭinissaṭṭho. Taṇhākappassa pahīnattā, diṭṭhikappassa paṭinissaṭṭhattā taṇhākappam vā diṭṭhikappam vā na kappenti na janenti na sañjanenti na nibbattenti na abhinibbattentī – na kappayanti.

**Na purekkharonti.** Purekkhārāti dve purekkhārā – taṇhāpurekkhāro ca diṭṭhipurekkhāro ca...pe... ayam taṇhāpurekkhāro...pe... ayam diṭṭhipurekkhāro. Tesam taṇhāpurekkhāro pahīno, diṭṭhipurekkhāro paṭinissaṭṭho. Taṇhāpurekkhārassa pahīnattā, diṭṭhipurekkhārassa paṭinissaṭṭhattā na taṇhām vā na diṭṭhim vā purato katvā caranti na taṇhādhajā na taṇhāketū na taṇhādhipateyyā na diṭṭhidhajā na diṭṭhiketū na diṭṭhādhipateyyā. Na taṇhāya vā na diṭṭhiyā vā parivāretvā carantīti – na

kappayanti na purekkharonti.

**Dhammāpi tesam na paṭicchitāseti.** Dhammā vuccanti dvāsatthi diṭṭhigatāni. Tesanti tesam arahantānam khīṇāsavānam. Na paṭicchitāseti “sassato loko, idameva saccam moghamāñña”nti na paṭicchitāse. “Asassato loko... antavā loko... anantavā loko... tam jīvam tam sarīram... aññam jīvam aññam sarīram... hoti tathāgato param marañā... na hoti tathāgato param marañā... hoti ca na ca hoti tathāgato param marañā... neva hoti na na hoti tathāgato param marañā, idameva saccam moghamāñña”nti na paṭicchitāseti – dhammāpi tesam na paṭicchitāse.

**Na brāhmaṇo sīlavatena neyyoti.** Nāti paṭikkhepo. Brāhmaṇoti sattannam dhammānam bāhitattā brāhmaṇo – sakkāyadiṭṭhi bāhitā hoti...pe... asito tādi vuccate sa brahmā. **Na brāhmaṇo sīlavatena neyyoti.** Brāhmaṇo sīlena vā vatena vā sīlabbatena vā na yāyati na niyyati na vuyhati na sampharīyatī – na brāhmaṇo sīlavatena neyyo.

**Pāraṅgato na pacceti tādīti.** Pāram vuccati amataṁ nibbānam. Yo so sabbasaṅkhārasamatho sabbūpadhipatiṇissaggo taṇhakkhayo virāgo nirodho nibbānam. So pāraṅgato pārappatto antagato antappatto kotigato koṭippatto [vitthāro] jātimaraṇasamśāro, natthi tassa punabbhavoti – pāraṅgato. **Na paccetīti** sotāpattimaggena ye kilesā pahīnā, te kilese na puneti na pacceti na paccāgacchati. Sakadāgāmimaggena ye kilesā pahīnā, te kilese na puneti na pacceti na paccāgacchati. Arahattamaggena ye kilesā pahīnā, te kilese na puneti na pacceti na paccāgacchatīti – pāraṅgato na pacceti. **Tādīti** arahā pañcahākārehi tādī – iṭṭhāniṭṭhe tādī, cattāvīti tādī, tiṇṇāvīti tādī, muttāvīti tādī, tamniddesā tādī.

Katham arahā iṭṭhāniṭṭhe tādī? Arahā lābhēpi tādī, alābhēpi tādī, yasepi tādī, ayasepi tādī, pasamśāyapi tādī, nindāyapi tādī, sukhepi tādī, dukkhepi tādī. Ekacce bāham [aṅgam (sī.)] gandhena limpeyyum, ekacce bāham [aṅgam (sī.)] vāsiyā taccheyyum – amusmīm natthi rāgo, amusmīm natthi paṭighām, anunayapaṭighavippahīno ugghātinighātivītivatto anurodhavirodhasamatikkanto. Evam arahā iṭṭhāniṭṭhe tādī.

Katham arahā cattāvīti tādī? Arahato rāgo catto vanto mutto pahīno paṭinissaṭṭho. Doso...pe... moho... kodho... upanāho... makkho... paṭāso... issā... macchariyā... māyā... sāṭheyayam... thambho... sārambho... māno... atimāno... mado... pamādo... sabbe kilesā... sabbe duccaritā... sabbe darathā... sabbe pariṭāhā... sabbe santāpā... sabbākusalābhisaṅkhārā cattā vantā muttā pahīnā paṭinissaṭṭhā. Evam arahā cattāvīti tādī.

Katham arahā tiṇṇāvīti tādī? Arahā kāmogham tiṇṇo bhavogham tiṇṇo diṭṭhogham tiṇṇo avijjogham tiṇṇo sabbam samśārapatham tiṇṇo uttiṇṇo nittiṇṇo atikkanto samatikkanto vītivatto. So vuṭṭhavāso ciṇṇacaraṇo jātimaraṇasamśāro, natthi tassa punabbhavoti. Evam arahā tiṇṇāvīti tādī.

Katham arahā muttāvīti tādī? Arahato rāgā cittam muttam vimuttam suvimuttam, dosā cittam muttam vimuttam suvimuttam, mohā cittam muttam vimuttam suvimuttam, kodhā...pe... upanāhā... makkhā... paṭāsā... issāya... macchariyā... māyā... sāṭheyayā... thambhā... sārambhā... mānā... atimānā... madā... pamādā... sabbakilesehi... sabbaduccaritehi... sabbadarathehi... sabbapariṭāhehi... sabbasantāpehi... sabbākusalābhisaṅkhārehi cittam muttam vimuttam suvimuttam. Evam arahā muttāvīti tādī.

Katham arahā tamniddesā tādī? Arahā sīle sati sīlavāti tamniddesā tādī; saddhāya sati saddhoti tamniddesā tādī; vīriye sati vīriyavāti tamniddesā tādī; satiyā sati satimāti tamniddesā tādī; samādhimhi sati samāhitoti tamniddesā tādī; paññāya sati paññāvāti tamniddesā tādī; vijjāya sati tevijjoti tamniddesā tādī; abhiññāya sati chalabhiññoti tamniddesā tādī. Evam arahā tamniddesā tādīti – pāraṅgato na pacceti tādī.

Tenāha bhagavā –

“Na kappayanti na purekkharonti, dhammāpi tesam na paṭicchitāse;  
Na brāhmaṇo sīlavatena neyyo, pāraṅgato na pacceti tādī”ti.

Paramaṭṭhakasuttaniddeso pañcamo.

## 6. Jarāsuttaniddeso

Atha jarāsuttaniddesam vakkhati –

**39. Appam̄ vata jīvitam̄ idam̄, oram̄ vassasatāpi miyyati [mīyati (sī.)];  
Yo cepi aticca jīvati, atha kho so jarasāpi miyyati.**

**Appam̄ vata jīvitam̄ idanti.** Jīvitanti āyu ṛthi yapanā yāpanā iriyanā vattanā pālanā jīvitam̄ jīvitindriyam̄. Api ca, dvīhi kāraṇehi appakam̄ jīvitam̄ thokaṇam̄ jīvitam̄ – ṛhitiparittatāya vā appakam̄ jīvitam̄, sarasaparittatāya vā appakam̄ jīvitam̄. Katham̄ ṛhitiparittatāya vā appakam̄ jīvitam̄? Atīte cittakkhaṇe jīvittha, na jīvati na jīvissati; anāgate cittakkhaṇe jīvissati, na jīvati na jīvittha; paccuppanne cittakkhaṇe jīvati, na jīvittha na jīvissati.

“Jīvitam̄ attabhāvo ca, sukhadukkhā ca kevalā;  
Ekacittasamāyuttā, lahuso vattate khaṇo.

“Cullāsītisahassāni, kappā tiṭṭhanti ye marū;  
Na tveva tepi jīvanti, dvīhi cittehi samyutā [samohitā (sī. syā. ka.)].

“Ye niruddhā marantassa, tiṭṭhamānassa vā idha;  
Sabbepi sadisā khandhā, gatā appaṭisandhikā.

“Anantarā ca ye bhaggā, ye ca bhaggā anāgatā;  
Tadantare niruddhānam̄, vesamaṇ natthi lakkhaṇe.

“Anibbattena na jāto, paccuppannena jīvati;  
Cittabhaggā mato loko, paññatti paramatthiyā.

“Yathā ninnā pavattanti, chandena pariṇāmitā;  
Acchinnadhārā vattanti, saṭṭayanapaccayā.

“Anidhānagatā bhaggā, puñjo natthi anāgatē;  
Nibbattā ye ca tiṭṭhanti, āragge sāsapūpamā.

“Nibbattānañca dhammānam̄, bhaṅgo nesaṇ purakkhato;  
Palokadhammā tiṭṭhanti, purāṇehi amissitā.

“Adassanato āyanti, bhaṅgā gacchanti dassanam̄;  
Vijjuppādova ākāse, uppajjanti vayanti cā”ti.

Evaṁ ṛhitiparittatāya appakam̄ jīvitam̄.

Katham̄ sarasaparittatāya appakam̄ jīvitam̄? Assāsūpanibaddham̄ [assāsūpanibandham̄ (ka.)]

jīvitam, passāsūpanibaddham jīvitam, assāsapassāsūpanibaddham jīvitam, mahābhūtūpanibaddham jīvitam, kabalīkārāhārūpanibaddham jīvitam, usmūpanibaddham jīvitam, viññāṇūpanibaddham jīvitam. Mūlampi imesam̄ dubbalam̄, pubbahetūpi imesam̄ dubbalā, ye paccayā tepi dubbalā, yepi pabhāvikā tepi dubbalā, sahabhūpi imesam̄ dubbalā, sampayogāpi imesam̄ dubbalā, sahajāpi imesam̄ dubbalā, yāpi payojikā sāpi dubbalā. Aññamaññam̄ ime niccadubbalā, aññamaññam̄ anavaṭṭhitā ime. Aññamaññam̄ paripātayanti ime, aññamaññassa hi natthi tāyitā, na cāpi ṭhapenti aññamaññam̄ ime. Yopi nibbattako so na vijjati.

“Na ca kenaci koci hāyati, gandhabbā ca ime hi sabbaso;  
Purimehi pabhāvikā ime, yepi pabhāvikā te pure matā;  
Purimāpi ca pacchimāpi ca, aññamaññam̄ na kadāci maddasamsū”ti.

Evam̄ sarasaparittatāya appakam̄ jīvitam̄.

Api ca, cātumahārājikānam̄ [cātummaḥārājikānam̄ (sī. syā.)] devānam̄ jīvitam̄ upādāya manussānam̄ appakam̄ jīvitam̄ parittam̄ jīvitam̄ thokam̄ jīvitam̄ khaṇikam̄ jīvitam̄ lahukam̄ jīvitam̄ ittarām̄ jīvitam̄ anaddhanīyam̄ jīvitam̄ naciraṭṭhitikam̄ jīvitam̄. Tāvatimsānam̄ devānam̄...pe... yāmānam̄ devānam̄... tusitānam̄ devānam̄... nimmānaratīnam̄ devānam̄... paranimmitavasavattīnam̄ devānam̄... brahmakāyikānam̄ devānam̄ jīvitam̄ upādāya manussānam̄ appakam̄ jīvitam̄ parittam̄ jīvitam̄ thokam̄ jīvitam̄ khaṇikam̄ jīvitam̄ lahukam̄ jīvitam̄ ittarām̄ jīvitam̄ anaddhanīyam̄ jīvitam̄ naciraṭṭhitikam̄ jīvitam̄. Vuttañhetam̄ bhagavatā – “appamidam̄, bhikkhave, manussānam̄ āyu, gamaniyo samparāyo, mantāya boddhabbam̄, kattabbaṁ kusalaṁ, caritabbam̄ brahmacariyaṁ, natthi jātassa amaraṇam̄. Yo, bhikkhave, ciram̄ jīvati, so vassasatam̄ appam̄ vā bhiyyo.

“Appamāyu manussānam̄, hīleyya nam̄ suporiso;  
Careyyādittasīsova natthi maccussanāgamo.

“Accayanti ahorattā, jīvitam̄ uparujjhati;  
Āyu kхиyyati maccānam̄, kunnadīnam̄va odaka”nti.

Appam̄ vata jīvitam̄ idam̄.

**Oram̄ vassasatāpi miyyatīti.** Kalalakālepi cavati marati antaradhāyati vippalujjati, abbudakālepi cavati marati antaradhāyati vippalujjati, pesikālepi cavati marati antaradhāyati vippalujjati, ghanakālepi cavati marati antaradhāyati vippalujjati, pasākhakālepi cavati marati antaradhāyati vippalujjati, jātamattopi cavati marati antaradhāyati vippalujjati, sūtigharepi [pasūtīghare (syā.), sūtīkaghare (ka.)] cavati marati antaradhāyati vippalujjati, addhamāsikopi cavati marati antaradhāyati vippalujjati, māsikopi cavati marati antaradhāyati vippalujjati, dvemāsikopi...pe... temāsikopi... catumāsikopi... pañcamāsikopi cavati marati antaradhāyati vippalujjati, chamāsikopi... sattamāsikopi... aṭṭhamāsikopi... navamāsikopi... dasamāsikopi... saṃvaccharikopi cavati marati antaradhāyati vippalujjati, dvevassikopi... tivassikopi... catuvassikopi... pañcavassikopi... chavassikopi... sattavassikopi... aṭṭhavassikopi... navavassikopi... dasavassikopi... vīsativassikopi... timśavassikopi... cattārīsavassikopi... paññāsavassikopi... saṭṭhivassikopi... sattativassikopi... asītivassikopi... navutivassikopi cavati marati antaradhāyati vippalujjatīti – oram̄ vassasatāpi miyyati.

**Yo cepi aticca jīvatīti.** Yo vassasatam̄ atikkamitvā jīvati so ekam̄ vā vassam̄ jīvati, dve vā vassāni jīvati, tīni vā vassāni jīvati, cattāri vā vassāni jīvati, pañca vā vassāni jīvati...pe... dasa vā vassāni jīvati, vīsatī vā vassāni jīvati, tiṁsam̄ vā vassāni jīvati, cattārīsam̄ vā vassāni jīvatīti – yo cepi aticca jīvati.

**Atha kho so jarasāpi miyyatīti.** Yadā jinṇo hoti vuddho mahallako addhagato vayoanuppatto khandadanto palitakeso vilūnam̄ khalitasiro [khalitam̄ siro (sī.)] valinam̄ tilakāhatagatto vaṇko bhoggo danḍaparāyano, so jarāyapi cavati marati antaradhāyati vippalujjati, natthi marañamhā mokkho.

“Phalānamiva pakkānam, pāto patanato [papatato (sī.)] bhayam;  
Evaṁ jātāna maccānam, niccaṁ maraṇato bhayam.

“Yathāpi kumbhakārassa, katā mattikabhājanā;  
Sabbe bhedanapariyantā, evam maccāna jīvitam.

“Daharā ca mahantā ca, ye bālā ye ca pañditā;  
Sabbe maccuvatasam yanti, sabbe maccuparāyanā.

“Tesam maccuparetānam, gacchataṁ paralokato;  
Na pitā tāyate puttam, nātī vā pana nātake.

“Pekkhataññeva nātīnam, passa lālappatam puthu;  
Ekamekova maccānam, govajjho viya niyyati;  
Evamabbhāhato loko, maccunā ca jarāya cā”ti.

Atha kho so jarasāpi miyyati.

Tenāha bhagavā –

“Appam vata jīvitam idam, oram vassasatāpi miyyati;  
Yo cepi aticca jīvati, atha kho so jarasāpi miyyatī”ti.

#### **40. Socanti janā mamāyite, na hi santi niccā pariggahā; Vinābhāvam santamevidam, iti disvā nāgāramāvase.**

**Socanti janā mamāyiteti.** Janāti khattiyā ca brāhmaṇā ca vessā ca suddā ca gahaṭhā ca pabbajitā ca devā ca manussā ca. **Mamattāti** dve mamattā – taṇhāmamattañca ditthimamattañca...pe... idam taṇhāmamattam...pe... idam ditthimamattam. Mamāyitam vatthum acchedasaṅkinopi socanti, acchijjantepi socanti, acchinnepi socanti. Mamāyitam vatthum vipariṇāmasaṅkinopi socanti, vipariṇāmantepi socanti, vipariṇatepi socanti kilamanti paridevanti urattālim kandanti sammoham āpajjantīti – socanti janā mamāyite.

**Na hi santi niccā pariggahāti.** Dve pariggahā – taṇhāpariggaho ca ditthipariggaho ca...pe... ayam taṇhāpariggaho...pe... ayam ditthipariggaho. Taṇhāpariggaho anicco saṅkhato paṭiccasamuppanno khayadhammo vayadhammo virāgadhammo nirodhadhammo vipariṇāmadhammo. Ditthipariggahopi anicco saṅkhato paṭiccasamuppanno khayadhammo vayadhammo virāgadhammo nirodhadhammo vipariṇāmadhammo. Vuttañhetam bhagavatā – “passatha no tumhe, bhikkhave, tam pariggaham yvāyam pariggaho nicco dhuvo sassato avipariṇāmadhammo sassatisamam tatheva ṭhassatī”ti? “No hetam, bhante”. “Sādhu, bhikkhave! Ahampi kho etam, bhikkhave, pariggaham na samanupassāmi, yvāyam pariggaho nicco dhuvo sassato avipariṇāmadhammo sassatisamam tatheva ṭhassatī”ti. Pariggahā niccā dhuvā sassatā avipariṇāmadhammā natthi na santi na saṃvijjanti na labbhantīti – na hi santi niccā pariggahā.

**Vinābhāvam santamevidanti.** Nānābhāve vinābhāve aññathābhāve sante saṃvijjamāne upalabbiyamāne. Vuttañhetam bhagavatā – “alam, ānanda! Mā soci mā paridevi. Nanu etam, ānanda, mayā paṭikacceva [paṭigacceva (sī.)] akkhātam – ‘sabbeheva piyehi manāpehi nānābhāvo vinābhāvo aññathābhāvo. Tam kutettha, ānanda, labbhā – yam tam jātam bhūtam saṅkhataṁ palokadhammaṁ tam vata mā palujjī”ti! Netam thānam vijjati. Purimānam purimānam khandhānam dhātūnam āyatanānam vipariṇāmaññathābhāvā pacchimā pacchimā khandhā ca dhātuyo ca āyatanāni ca pavattantī”ti – vinābhāvam santamevidam.

**Iti disvā nāgāramāvaseti.** Itīti padasandhi padasaṃsaggo padapāripūrī akkharasamavāyo byañjanasiliṭhatā padānupubbatāpetam. **Itīti** iti disvā passitvā tulayitvā tīrayitvā vibhāvayitvā vibhūtaṃ katvā mamattesūti – iti disvā. **Nāgāramāvaseti** sabbaṃ gharāvāsapalibodhaṃ chinditvā puttadārapalibodhaṃ chinditvā nīṭipalibodhaṃ chinditvā mittāmaccapalibodhaṃ chinditvā sannidhipalibodhaṃ chinditvā kesamassum ohāretvā kāsāyāni vatthāni acchādetvā agārasmā anagāriyam pabbajitvā akiñcanabhāvam upagantvā eko careyya vihareyya iriyeyya vatteyya pāleyya yapeyya yāpeyyāti – iti disvā nāgāramāvase.

Tenāha bhagavā –

“Socanti janā mamāyite, na hi santi niccā pariggahā;  
Vinābhāvam santamevidam, iti disvā nāgāramāvase”ti.

**41. Marañenapi tam pahīyati [pahīyyati (ka.)] yam puriso mamidanti maññati;  
Etampi veditvāna [etam disvāna (sī. ka.)] pañđito, na mamattāya nametha māmako.**

**Marañenapi tam pahīyatīti.** Marañanti yā tesam tesam sattānam tamhā tamhā sattanikāyā cuti cavanatā bhedo antaradhānam maccumaraṇam kālaṃkiriyā khandhānam bhedo kaļevarassa nikhepo jīvitindriyassupacchedo. Tanti rūpagatam vedanāgataṃ saññāgataṃ sañkhāragataṃ viññāṇagataṃ. **Pahīyatīti** pahīyati jahīyati vijahīyati antaradhāyati vippalujjati. Bhāsitampi hetam –

“Pubbeva maccam vijahanti bhogā, maccova ne pubbataram jahāti;  
Asassatā bhogino kāmakāmī, tasmā na socāmahaṃ sokakāle.

“Udeti āpūrati veti cando, attam gametvāna paleti sūriyo;  
Veditā mayā sattuka lokadhammā, tasmā na socāmahaṃ sokakāle”ti.

**Marañenapi tam pahīyati. Yam puriso mamidanti maññatīti.** Yanti rūpagatam vedanāgataṃ saññāgataṃ sañkhāragataṃ viññāṇagataṃ. **Purisoti** sañkhā samaññā paññatti vohāro [lokavohāro (syā.)] nāmaṃ nāmakammam nāmadheyyam nirutti byañjanam abhilāpo. **Mamidanti maññatīti** tañhāmaññanāya maññati, diṭṭhimāññanāya maññati, mānamamaññanāya maññati, kilesamaññanāya maññati, duccaritamaññanāya maññati, payogamaññanāya maññati, vipākamaññanāya maññatīti – yam puriso mamidanti maññati.

**Etampi veditvāna pañđitoti.** Etam ādīnavam ñatvā jānitvā tulayitvā tīrayitvā vibhāvayitvā vibhūtaṃ katvā mamattesūti, etampi veditvā pañđito dhīro pañđito paññavā buddhimā ñāṇī vibhāvī medhāvīti – etampi veditvāna pañđito.

**Na mamattāya nametha māmакоти.** **Mamattāti** dve mamattā – tañhāmamattañca diṭṭhimamattañca...pe... idam tañhāmamattam...pe... idam diṭṭhimamattam. **Māmакоти** buddhamāmako dhammadāmako sañghamāmako. So bhagavantam mamāyati, bhagavā tam puggalaṃ pariggañhāti. Vuttañhetam bhagavatā – “ye te, bhikkhave, bhikkhū kuhā thaddhā [baddhā (ka.) itivu. 108] lapā siṅgī unnaṭā asamāhitā, na me te, bhikkhave, bhikkhū māmaka; apagatā ca te, bhikkhave, bhikkhū imasmā dhammadvinayā. Na ca te imasmim dhammadvinaye vuddhiṃ virūlhiṃ vepullam āpajjanti. Ye ca kho te, bhikkhave, bhikkhū nikkuhā nillapā dhīrā athaddhā susamāhitā, te kho me, bhikkhave, bhikkhū māmaka; anapagatā ca te, bhikkhave, bhikkhū imasmā dhammadvinayā. Te ca imasmim dhammadvinaye vuddhiṃ virūlhiṃ vepullam āpajjanti””.

“Kuhā thaddhā lapā siṅgī, unnaṭā asamāhitā;  
Na te dhamme virūhanti, sammāsambuddhadesite.

“Nikkuhā nillapā dhīrā, athaddhā susamāhitā;  
Te ve dhamme virūhanti, sammāsambuddhadesite”.

**Na mamattāya nametha māmakoti.** Māmako taṇhāmamattaṁ pahāya diṭṭhimamattaṁ paṭinissajjivtā mamattāya na nameyya na onameyya, na taṇnинno assa na tappoṇo na tappabbhāro na tadadhimutto na tadadhipateyyoti – na mamattāya nametha māmako.

Tenāha bhagavā –

“Maraṇenapi tam pahīyati, yaṁ puriso māmidanti maññati;  
Etampi viditvāna pañḍito, na mamattāya nametha māmako”ti.

**42. Supinena yathāpi saṅgataṁ, paṭibuddho puriso na passati;  
Evampi piyāyitam janam, petam kālaṅkataṁ [kālakataṁ (sī. syā.)] na passati.**

**Supinena yathāpi saṅgatanti.** Saṅgataṁ samāgataṁ samāhitam sannipatitanti – supinena yathāpi saṅgataṁ. **Paṭibuddho puriso na passatī** yathā puriso supinagato candaṁ passati, sūriyaṁ passati, mahāsamuddam passati, sinerum pabbatarājānam passati, hatthim passati, assam passati, rathaṁ passati, pattim passati, senābyūham passati, ārāmarāmaṇeyyakaṁ passati, vanarāmaṇeyyakaṁ...pe... bhūmirāmaṇeyyakaṁ... pokkharaṇīrāmaṇeyyakaṁ passati; paṭibuddho na kiñci passatī – paṭibuddho puriso na passati.

**Evampi piyāyitam jananti.** Evanti opammasampaṭipādanam. **Piyāyitam jananti** māmāyitam janam mātarām vā pitaram vā bhātarām vā bhaginiṁ vā puttam vā dhītaram vā mittam vā amaccam vā nātīm vā sālohitam vāti – evampi piyāyitam janam.

**Petam kālaṅkataṁ na passatī.** Peto vuccati mato. Kālaṅkataṁ na passati na dakkhati nādhigacchati na vindati na paṭilabhatīti – petam kālaṅkataṁ na passati.

Tenāha bhagavā –

“Supinena yathāpi saṅgataṁ, paṭibuddho puriso na passati;  
Evampi piyāyitam janam, petam kālaṅkataṁ na passatī”ti.

**43. Diṭṭhāpi sutāpi te janā, yesam nāmamidam pavuccati;  
Nāmamyevāvasissati, [nāmamevā'vasissati (sī. syā.)] akkheyyam petassa jantuno.**

**Diṭṭhāpi sutāpi te janātī.** Diṭṭhāti ye cakkhuviññāṇābhisaṁbhūtā. **Sutāti** ye sotaviññāṇābhisaṁbhūtā. **Te janātī** khattiya ca brāhmaṇā ca vessā ca suddā ca gahaṭṭhā ca pabbajitā ca devā ca manussā cāti – diṭṭhāpi sutāpi te janā.

**Yesam nāmamidam pavuccatī.** Yesanti yesam khattiyañānam brāhmaṇānam vessānam suddānam gahaṭṭhānam pabbajitānam devānam manussānam. **Nāmantī** saṅkhā samaññā paññatti vohāro nāmañ nāmakammañ nāmadheyayam nirutti byañjanam abhilāpo. **Pavuccatī** vuccati pavuccati kathīyati bhañyati dīpīyati vohariyātīti – yesam nāmamidam pavuccati.

**Nāmamyevāvasissati akkheyyanti.** Rūpagatam vedanāgataṁ saññāgataṁ saṅkhāragataṁ viññāṇagataṁ pahīyati jahīyati vijahīyati antaradhāyati vippalujjati, nāmamyevāvasissati. **Akkheyyanti.** Akkhātum kathetum bhañitum dīpīyitum voharitunti – nāmañ evāvasissati akkheyyam. **Petassa jantunoti.** Petassāti matassa kālaṅkatassa. **Jantunoti** sattassa narassa mānavassa posassa puggalassa jīvassa jāgussa jantussa indagussa manujassāti – petassa jantuno.

Tenāha bhagavā –

“Diṭṭhāpi sutāpi te janā, yesam nāmamidam pavuccati;  
Nāmaṃyevāvasissati, akkheyam petassa jantuno”ti.

**44. Sokapparidevamaccharam, na pajahanti giddhā mamāyite;  
Tasmā munayo pariggaham, hitvā acariṃsu khemadassino.**

**Sokapparidevamaccharam na pajahanti giddhā mamāyite.** Sokoti nātibyananena vā phuṭṭhassa bhogabyasanena vā phuṭṭhassa rogabyasanena vā phuṭṭhassa sīlabyasanena vā phuṭṭhassa diṭṭhibyananena vā phuṭṭhassa aññataraññatarena byasanena samannāgatassa aññataraññatarena dukkhadhammena phuṭṭhassa soko socanā socitattam antosoko antoparisoko antodāho antoparidāho [antoḍāho antopariḍāho (syā.)] cetaso parijjhāyanā domanassam sokasallaṃ. **Paridevoti** nātibyananena vā phuṭṭhassa...pe... diṭṭhibyananena vā phuṭṭhassa aññataraññatarena byasanena samannāgatassa aññataraññatarena dukkhadhammena phuṭṭhassa ādevo paridevo ādevanā paridevanā ādevitattam paridevitattam vācā palāpo vippalāpo lālappāyanā lālappāyatattam. **Macchariyanti** pañca macchariyāni – āvāsamacchariyam, kulamacchariyam, lābhamacchariyam, vaṇṇamacchariyam, dhammadamacchariyam. Yam evarūpam macchariyam maccharāyanā maccharāyitattam veviccham kadariyam kaṭukañcukatā aggahitattam cittassa – idam vuccati macchariyam. Api ca khandhamacchariyampi macchariyam, dhātumacchariyampi macchariyam, āyatanamacchariyampi macchariyam gāho – idam vuccati macchariyam. Gedho vuccati taṇhā. Yo rāgo sārāgo...pe... abhijjhā lobho akusalamūlam. **Mamattāti** dve mamattā – taṇhāmamattañca diṭṭhimamattañca ...pe... idam taṇhāmamattam...pe... idam diṭṭhimamattam. Mamāyitam vatthum acchedasañkinopi socanti, acchijjantepi socanti, acchinnepi socanti, mamāyitam vatthum vipariñāmasañkinopi socanti, vipariñāmantepi socanti, vipariñatepi socanti, mamāyitam vatthum acchedasañkinopi paridevanti, acchijjantepi paridevanti, acchinnepi paridevanti. Mamāyitam vatthum vipariñāmasañkinopi paridevanti, vipariñāmantepi paridevanti, vipariñatepi paridevanti. Mamāyitam vatthum rakkhanti gopenti pariggañhanti mamāyanti maccharāyanti; mamāyitasmiṃ vatthusmiṃ sokam na jahanti, paridevam na jahanti, macchariyam na jahanti, gedham na jahanti nappajahanti na vinodenti na byantim karonti na anabhāvam gamentīti – sokapparidevamaccharam nappajahanti giddhā mamāyite.

**Tasmā munayo pariggaham, hitvā acariṃsu khemadassinoti.** Tasmāti tasmā tamkāraṇā tamhetu tappaccayā tamnidānā etam ādīnavam sampassamānā mamattesūti – tasmā. **Munayoti monam** vuccati nāṇam. Yā paññā pajānanā...pe... amoho dhammadavicayo sammādiṭṭhi. Tena nānena samannāgatā munayo monappattā. Tīni moneyyāni – kāyamoneyyam, vacīmoneyyam, manomoneyyam...pe... saṅgajālamaticca so muni. **Pariggahoti** dve pariggahā – taṇhāpariggaho ca diṭṭhipariggaho ca...pe... ayam taṇhāpariggaho...pe... ayam diṭṭhipariggaho. Munayo taṇhāpariggaham pariccajītvā diṭṭhipariggaham paṭinissajjītvā cajītvā pajahitvā vinodetvā byantim karitvā anabhāvam gametvā acariṃsu vihariṃsu iriyimsu vattiṃsu pāliṃsu yapiṃsu yāpiṃsu. **Khemadassinoti khemam** vuccati amataṃ nibbānam. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānam. **Khemadassinoti** khemadassino tāṇadassino lenādassino saraṇadassino abhayadassino accutadassino amatadassino nibbānadassinoti – tasmā munayo pariggaham hitvā acariṃsu khemadassino.

Tenāha bhagavā –

“Sokapparidevamaccharam, na jahanti giddhā mamāyite;  
Tasmā munayo pariggaham, hitvā acariṃsu khemadassino”ti.

**45. Patilinacarassa bhikkhuno, bhajamānassa vivittamāsanam;  
Sāmaggiyamāhu tassa tam, yo attānam bhavane na dassaye.**

**Patilīnacarassa bhikkhunoti.** Patilīnacarā vuccanti satta sekkhā [sekhā (sī. syā.)]. Arahā patilīno. Kimkāraṇā patilīnacarā vuccanti satta sekkhā? Te tato tato cittam patilīnentā patikuṭentā pativaṭṭentā sanniruddhantā [sannirumbhentā (sī.)] sannigaṇhantā sannivārentā rakkhanṭā gopentā caranti vicaranti viharanti iriyanti vattenti pālenti yapenti yāpenti, cakkhudvāre cittam patilīnentā patikuṭentā pativaṭṭentā sanniruddhantā sannigaṇhantā sannivārentā rakkhanṭā gopentā caranti vicaranti viharanti iriyanti vattenti pālenti yapenti yāpenti, sotadvāre cittam... pe... ghānadvāre cittam... jivhādvāre cittam... kāyadvāre cittam... manodvāre cittam patilīnentā patikuṭentā pativaṭṭentā sanniruddhantā sannigaṇhantā sannivārentā rakkhanṭā gopentā caranti vicaranti viharanti iriyanti vattenti pālenti yapenti yāpenti. Yathā kukkuṭapattam vā nhārudaddulam vā aggimhi pakkhittam patilīyati patikuṭati pativaṭṭati na sampasāriyati; evameva tato tato cittam patilīnentā patikuṭentā pativaṭṭentā sanniruddhantā sannigaṇhantā sannivārentā rakkhanṭā gopentā caranti vicaranti viharanti iriyanti vattenti pālenti yapenti yāpenti, cakkhudvāre cittam... pe... sotadvāre cittam... ghānadvāre cittam... jivhādvāre cittam... kāyadvāre cittam... manodvāre cittam patilīnentā patikuṭentā pativaṭṭentā sanniruddhantā sannigaṇhantā sannivārentā rakkhanṭā gopentā caranti vicaranti viharanti iriyanti vattenti pālenti yapenti yāpenti. Tamkāraṇā patilīnacarā vuccanti satta sekkhā. **Bhikkhunoti** puthujjanakalyāṇakassa vā bhikkhuno sekkhassa vā bhikkhunoti – patilīnacarassa bhikkhuno.

**Bhajamānassa vivittamāsananti āsanam** vuccati yattha nisīdanti – mañco pīṭham bhisi taṭṭikā cammakhaṇḍo tiṇasanthāro paṇṇasanthāro palālasanthāro. Tam āsanam asappāyarūpadassanena rittam vivittam pavivittam, asappāyasaddassavanena rittam vivittam pavivittam, asappāyagandhaghāyanena... asappāyarasasāyanena... asappāyaphoṭṭhabphusanena... asappāyehi pañcahi kāmaguṇehi rittam vivittam pavivittam. Tam vivittam āsanam bhajato sambhajato sevato nisevato samsevato patisevatoti – bhajamānassa vivittamāsanam.

**Sāmaggiyamāhu tassa tam, yo attānam bhavane na dassayeti.** Sāmaggiyoti tisso sāmaggiyo – gaṇasāmaggī, dhammasāmaggī, anabhinibbattisāmaggī. Katamā gaṇasāmaggī? Bahu cepi bhikkhū samaggā sammodamānā avivadamānā khīrodakībhūtā aññamaññam piyacakkhūhi sampassantā viharanti – ayam gaṇasāmaggī. Katamā dhammasāmaggī? Cattāro satipatṭhānā, cattāro sammappadhānā, cattāro iddhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggo. Te ekato pakkhandanti pasīdanti sampatiṭṭhanti vimuccanti; na tesam dhammānam vivādo pavivādo atthi – ayam dhammasāmaggī. Katamā anabhinibbattisāmaggī? Bahu cepi bhikkhū anupādisesāya nibbānadhbhātuyā parinibbāyanti; na tesam nibbānadhbhātuyā [tena (sī.)] ūnattam vā puṇṇattam vā paññāyati – ayam anabhinibbattisāmaggī. **Bhavaneti** nerayikānam nirayo bhavānam, tiracchānayonikānam tiracchānayoni bhavānam, pettivisayikānam pettivisayo bhavānam, manussānam manussaloko bhavānam, devānam devaloko bhavananti. **Sāmaggiyamāhu tassa tam, yo attānam bhavane na dassayeti.** Tassesā sāmaggi etam channam etam patirūpam etam anucchavikam etam anulomam, yo evam paṭicchanne niraye attānam na dasseyya, tiracchānayoniyam attānam na dasseyya, pettivisaye attānam na dasseyya, manussaloke attānam na dasseyya, devaloke attānam na dasseyyāti evamāhamṣu evam kathenti evam bhaṇanti evam dīpayanti evam voharantī – sāmaggiyamāhu tassa tam, yo attānam bhavane na dassaye.

Tenāha bhagavā –

“Patilīnacarassa bhikkhuno, bhajamānassa vivittamāsanam;  
Sāmaggiyamāhu tassa tam, yo attānam bhavane na dassaye”ti.

**46. Sabbattha munī anissito, na piyam kubbati nōpi appiyam;**  
**Tasmīm paridevamaccharam, paññe vāri yathā na limpati.**

**Sabbattha munī anissitoti.** Sabbam vuccati dvādasāyatanāni – cakkhuñceva rūpā ca, sotañca saddā ca, ghānañca gandhā ca, jivhā ca rasā ca, kāyo ca phoṭṭhabbā ca, mano ca dhammā ca. **Munīti.** Monam vuccati ñāṇam... pe... saṅgajālamaticca so muni. **Anissitoti.** Dve nissayā – taṇhānissayo ca

dīṭṭhinissayo ca...pe... ayam taṇhānissayo...pe... ayam dīṭṭhinissayo. Muni taṇhānissayam pahaya dīṭṭhinissayam paṭinissajjītvā cakkhuṃ anissito sotam anissito ghānam anissito jivham anissito kāyam anissito manam anissito rūpe... sadde... gandhe... rase... phoṭṭhabbe... dhamme... kulam... gaṇam... āvāsam... lābhām... yasam... pasam̄sam... sukham... cīvaraṁ... piṇḍapātam... senāsanam... gilānapaccayabhesajjaparikkhāram... kāmadhātum... rūpadhātum... arūpadhātum... kāmabhavam... rūpabhavam... arūpabhavam... saññābhavam... asaññābhavam... nevasaññānāsaññābhavam... ekavokārabhavam... catuvokārabhavam... pañcavokārabhavam... atītam... anāgatam... paccuppannam... dīṭṭham... sutam... mutam... viññātam... sabbe dhamme anissito anallīno anupagato anajjhosito anadhimutto nikkhanto nissaṭo vippamutto visaññutto vimariyādikatena cetasā viharatīti – sabbattha muni anissito.

**Na piyam kubbati no pi appiyanti.** Piyāti dve piyā – sattā vā saṅkhārā vā. Katame sattā piyā? Idha yassa te honti atthakāmā hitakāmā phāsukāmā yogakkhemakāmā mātā vā pītā vā bhātā vā bhaginī vā puttā vā dhītarā vā mittā vā amaccā vā nātī vā sālohitā vā – ime sattā piyā. Katame saṅkhārā piyā? Manāpikā rūpā manāpikā saddā manāpikā gandhā manāpikā rasā manāpikā phoṭṭhabbā – ime saṅkhārā piyā. Appiyāti dve appiyā – sattā vā saṅkhārā vā. Katame sattā appiyā? Idha yassa te honti anatthakāmā ahitakāmā aphāsukāmā ayogakkhemakāmā jīvitā voropetukāmā – ime sattā appiyā. Katame saṅkhārā appiyā? Amanāpikā rūpā amanāpikā saddā amanāpikā gandhā amanāpikā rasā amanāpikā phoṭṭhabbā – ime saṅkhārā appiyā. **Na piyam kubbati no pi appiyanti.** “Ayaṁ me satto piyo, ime ca saṅkhārā manāpā”ti rāgavasena piyam na karoti; “ayaṁ me satto appiyo, ime ca saṅkhārā amanāpā”ti paṭighavasena appiyam na karoti na janeti na sañjaneti na nibbatteti nābhinibbattetīti – na piyam kubbati no pi appiyam.

**Tasmīm paridevamaccharam paññe vāri yathā na limpatīti.** Tasmīnti tasmīm puggale arahante khīṇāsave. **Paridevoti** nātibyananena vā phuṭṭhassa bhogabyasanena vā phuṭṭhassa rogabyasanena vā phuṭṭhassa sīlabyananena vā phuṭṭhassa dīṭṭibyananena vā phuṭṭhassa aññataraññatarena byasanena samannāgatassa aññataraññatarena dukkhadhammena phuṭṭhassa ādevo paridevo ādevanā paridevanā ādevitattam paridevitattam vācā palāpo vippalāpo lālappo lālappāyanā lālappāyitattam. **Macchariyanti** pañca macchariyāni – āvāsamacchariyam, kulamacchariyam, lābhamacchariyam, vaṇṇamacchariyam, dhammadmacchariyam. Yam evarūpam macchariyam maccharāyanā maccharāyitattam veviccham kadariyam kaṭukañcukatā aggahitattam cittassa – idam vuccati macchariyam. Api ca khandhamacchariyampi macchariyam, dhātumacchariyampi macchariyam, āyatanamacchariyampi macchariyam gāho – idam vuccati macchariyam.

**Paññe vāri yathā na limpatīti.** Pañnam vuccati padumapattam. **Vāri** vuccati udakaṁ. Yathā vāri padumapattam na limpati na palimpati na upalimpati alittam apalittam anupalittam, evameva tasmīm puggale arahante khīṇāsave paridevo macchariyañca na limpati na palimpati na upalimpati alittā apalittā anupalittā. So ca puggalo arahanto tehi kilesehi na limpati na palimpati na upalimpati alitto apalitto anupalitto nikkhanto nissaṭo vippamutto visaññutto vimariyādikatena cetasā viharatīti – tasmīm paridevamaccharam paññe vāri yathā na limpati.

Tenāha bhagavā –

“Sabbattha munī anissito, na piyam kubbati no pi appiyam;  
Tasmīm paridevamaccharam, paññe vāri yathā na limpati”ti.

47. **Udabindu yathāpi pokkhare, padume vāri yathā na limpati;**  
**Evaṁ muni nopalimpati, yadi daṁ dīṭṭhasutamutesu [dīṭṭhasute mutesu (sī.), dīṭṭhasutam mutesu (syā. ka.)] vā.**

**Udabindu yathāpi pokkhareti.** Udabindu vuccati udakathevo. Pokkharam vuccati padumapattam.

Yathā udabindu padumapatte na limpati na palimpati na upalimpati alittam apalittam anupalittanti – udabindu yathāpi pokkhare. **Padume vāri yathā na limpatīti.** Padumaṁ vuccati padumapuppham. Vāri vuccati udakam. Yathā vāri padumapuppham na limpati na palimpati na upalimpati alittam apalittam anupalittanti – padume vāri yathā na limpati.

**Evaṁ muni nopalimpati, yadidam diṭṭhasutamutesu vāti.** Evanti opammasampaṭipādananam. **Munīti. Monam** vuccati nāṇam...pe... saṅgajālamaticca so muni. **Lepāti** dve lepā – tañhālepo ca diṭṭhilepo ca...pe... ayam tañhālepo...pe... ayam diṭṭhilepo. Muni tañhālepam pahāya diṭṭhilepam paṭinissajjivtā diṭṭhe na limpati, sute na limpati, mute na limpati, viññāte na limpati na palimpati na upalimpati alitto apalitto anupalitto nikkhanto nissaṭo vippamutto visaññutto vimariyādikatena cetasā viharatīti – evam muni nopalimpati, yadidam diṭṭhasutamutesu vā.

Tenāha bhagavā –

“Udabindu yathāpi pokkhare, padume vāri yathā na limpati;  
Evaṁ muni nopalimpati, yadidam diṭṭhasutamutesu vā”ti.

#### **48. Dhono na hi tena maññati, yadidam diṭṭhasutamutesu vā; Nāññena visuddhimicchati, na hi so rājjati no virajjati.**

**Dhono na hi tena maññati, yadidam diṭṭhasutamutesu vāti.** **Dhonoti dhonā** vuccati paññā. Yā paññā pajānanā...pe... amoho dhammavicayo sammādiṭṭhi. Kimkāraṇā dhonā vuccati paññā? Tāya paññāya kāyaduccaritam dhutañca dhota ca sandhotañca niddhotañca, vacīduccaritam...pe... manoduccaritam dhutañca dhotañca sandhotañca niddhotañca, rāgo dhuto ca dhoto ca sandhoto ca niddhoto ca, doso... moho... kodho... upanāho... makkho... paṭāso... issā... macchariyam... māyā... sāṭheyayam... thambho... sārambho... māno... atimāno... mado... pamādo... sabbe kilesā... sabbe duccaritā... sabbe darathā... sabbe pariṭāḥā... sabbe santāpā... sabbākusalābhisaṅkhārā dhutā ca dhotā ca sandhotā ca niddhotā ca. Tamkāraṇā dhonā vuccati paññā.

Atha vā sammādiṭṭhiyā micchādiṭṭhi dhutā ca dhotā ca sandhotā ca niddhotā ca, sammāsaṅkappena micchāsaṅkappo dhuto ca dhotō ca sandhoto ca niddhoto ca, sammāvācāya micchāvācā dhutā ca... sammākammantena micchākammanto dhuto ca... sammājīvena micchājīvo dhuto ca... sammāvāyāmena micchāvāyāmo dhuto ca... sammāsatiyā micchāsatī dhutā ca... sammāsamādhinā micchāsamādhī dhuto ca... sammāññānenā micchāññānam dhutañca... sammāvimuttiyā micchāvimutti dhutā ca dhotā ca sandhotā ca niddhotā ca.

Atha vā ariyena atṭhaṅgikena maggena sabbe kilesā... sabbe duccaritā... sabbe darathā... sabbe pariṭāḥā... sabbe santāpā... sabbākusalābhisaṅkhārā dhutā ca dhotā ca sandhotā ca niddhotā ca. Arahā imehi dhonehi dhammehi upeto samupeto upagato samupagato upapanno samupapanno samannāgato. Tasmā arahā dhono. So dhutarāgo dhutapāpo dhutakilesa dhutapariṭāhoti – dhono.

**Dhono na hi tena maññati, yadidam diṭṭhasutamutesu vāti.** Dhono diṭṭham na maññati, diṭṭhasmiṁ na maññati, diṭṭhato na maññati, diṭṭhā meti na maññati; sutam na maññati, sutasmīṁ na maññati, sutato na maññati, sutam meti na maññati; mutam na maññati, mutasmīṁ na maññati, mutato na maññati, mutam meti na maññati; viññātaṁ na maññati, viññātasmiṁ na maññati, viññātato na maññati, viññātaṁ meti na maññati. Vuttampi hetam bhagavatā – “asmīti, bhikkhave, maññitametam, ayamahamasmiṁ maññitametam, bhavissanti maññitametam, na bhavissanti maññitametam, rūpī bhavissanti maññitametam, arūpī bhavissanti maññitametam, saññī bhavissanti maññitametam, asaññī bhavissanti maññitametam, nevasaññīnāsaññī bhavissanti maññitametam. Maññitam [maññitam hi (sī.)], bhikkhave, rogo, maññitam gaṇḍo, maññitam sallam, maññitam upaddavo. Tasmātiha, bhikkhave, amaññamānenā cetasā viharissāmāti, evañhi vo, bhikkhave, sikkhitabba”nti – dhono na hi tena maññati

yadidam diṭṭhasutamutesu vā.

**Nāññena visuddhimicchatī.** Dhono aññena asuddhimaggena micchāpaṭipadāya aniyānikapathena aññatra satipaṭṭhānehi aññatra sammappadhānehi aññatra iddhipādehi aññatra indriyehi aññatra balehi aññatra bojjhaṅgehi aññatra ariyā aṭṭhaṅgikā maggā suddhiṁ visuddhiṁ parisuddhiṁ muttiṁ vimuttiṁ parimuttiṁ na icchatī na sādiyati na patthetī na piheti nābhijappatī – nāññena visuddhimicchatī.

**Na hi so rājjati no virajjatī.** Sabbe bālaputhujanā rājjanti, puthujjanakalyāṇakam upādāya satta sekkhā virajjanti; arahā neva rājjati no virajjati. Viratto so khayā rāgassa vītarāgattā, khayā dosassa vītadosattā, khayā mohassa vītamohattā. So vuṭṭhavāso ciṇṇacaraṇo...pe... jātijarāmarāṇasamāsāro, natthi tassa punabbhavoti – na hi so rājjati no virajjati.

Tenāha bhagavā –

“Dhono na hi tena maññati, yadidam diṭṭhasutamutesu vā;  
Nāññena visuddhimicchatī, na hi so rājjati no virajjatī”ti.

Jarāsuttaniddeso chaṭṭho.

## 7. Tissametteyyasuttaniddeso

Atha tissametteyyasuttaniddesam vakkhati –

**49. Methunamanuyuttassa, [iccāyasmā tisso metteyyo]**  
**Vighātam brūhi mārisa;**  
**Sutvāna tava sāsanam, viveke sikkhissāmase.**

**Methunamanuyuttassāti.** **Methunadhammo** nāma yo so asaddhammo gāmadhammo vasaladhammo duṭṭhullo odakantiko rahasso dvayamdvayasamāpatti. Kiṃkāraṇā vuccati methunadhammo? Ubhinnam rattānam sārattānam avassutānam pariyoṭṭhitānam pariyoḍinacittānam ubhinnam sadisānam dhammoti – tamkāraṇā vuccati methunadhammo. Yathā ubho kalahakārakā methunakāti vuccanti, ubho bhaṇḍanakārakā methunakāti vuccanti, ubho bhassakārakā methunakāti vuccanti, ubho vivādakārakā methunakāti vuccanti, ubho adhikaraṇakārakā methunakāti vuccanti, ubho vādino methunakāti vuccanti, ubho sallāpakā methunakāti vuccanti; evameva ubhinnam rattānam sārattānam avassutānam pariyoṭṭhitānam pariyoḍinacittānam ubhinnam sadisānam dhammoti – tamkāraṇā vuccati methunadhammo.

**Methunamanuyuttassāti.** Methunadhamme yuttassa payuttassa āyuttassa samāyuttassa taccaritassa tabbahulassa taggarukassa tanninnassa tappoṇassa tappabbhārassa tadadhīmuttassa tadaḍhipateyyassāti – methunamanuyuttassa.

**Iccāyasmā tisso metteyyoti.** **Iccāti** padasandhi padasamsaggo padapāripūrī akkharasamavāyo byañjanasiliṭṭhatā padānupubbatāpetam – iccāti. **Āyasmāti** piyavacanam garuvacanam sagāravavacanam sappatissavacanametam – āyasmāti. **Tissoti** tassa therassa nāmam saṅkhā samaññā paññatti vohāro nāmam nāmakammam nāmadheyyam nirutti byañjanam abhilāpo. **Metteyyoti** tassa therassa gottam saṅkhā samaññā paññatti vohāroti – iccāyasmā tisso metteyyo.

**Vighātam brūhi mārisāti.** Vighātanti vighātam upaghātam pīṭanam ghaṭṭanam upaddavam upasaggam brūhi ācikkha desehi paññapehi paṭṭhapehi vivara vibhaja uttānikarohi [uttāniṁ karohi (ka.)]

pakāsehi. **Mārisāti** piyavacanam̄ garuvacanam̄ sagāravavacanam̄ sappatissavacanametam̄ mārisāti – vighātam̄ brūhi mārisa.

**Sutvā tava sāsananti.** Tuyham vacanam byappatham desanam anusāsanam anusitthim sutvā sunītvā uggahetvā upadhārayitvā upalakkhayitvāti – sutvā tava sāsanam.

**Viveke sikkhissāmaseti.** Vivekoti tayo vivekā – kāyaviveko, cittaviveko, upadhiviveko. Katamo kāyaviveko? Idha bhikkhu vivittam senāsanam bhajati araññam rukkhamūlam pabbataṁ kandaram giriguham susānam vanapattham abbhokāsam palāsapuñjam, kāyena vivitto viharati. So eko gacchati, eko tiṭṭhati, eko nisīdati, eko seyyam kappeti, eko gāmam piṇḍaya pavisati, eko paṭikkamati, eko raho nisīdati, eko caṅkamam adhiṭṭhāti, eko carati, eko viharati iriyati vattati pāleti yāpeti – ayam kāyaviveko.

Katamo cittaviveko? Paṭhamam jhānam samāpannassa nīvaraṇehi cittam vivittam hoti, dutiyam jhānam samāpannassa vitakkavicārehi cittam vivittam hoti, tatiyam jhānam samāpannassa pītiyā cittam vivittam hoti, catuttham jhānam samāpannassa sukhadukkhehi cittam vivittam hoti, ākāsānañcāyatanaṁ samāpannassa rūpasaññāya patighasaññāya nānattasaññāya cittam vivittam hoti, viññānañcāyatanaṁ samāpannassa ākāsānañcāyatanaññāya cittam vivittam hoti, ākiñcaññāyatanaṁ samāpannassa viññānañcāyatanaññāya cittam vivittam hoti, nevasaññānāsaññāyatanaṁ samāpannassa ākiñcaññāyatanaññāya cittam vivittam hoti, sotāpannassa sakkāyadiṭṭhiyā vicikicchāya sīlabbataparāmāsā diṭṭhānusayā vicikicchānusayā tadekaṭṭhehi ca kilesehi cittam vivittam hoti, sakadāgāmissa olārikā kāmarāgasāñnojanā paṭighasaññojanā olārikā kāmarāgānusayā paṭighānusayā tadekaṭṭhehi ca kilesehi cittam vivittam hoti, anāgāmissa anusahagatā kāmarāgasaññojanā paṭighasaññojanā anusahagatā kāmarāgānusayā paṭighānusayā tadekaṭṭhehi ca kilesehi cittam vivittam hoti, arahato rūparāgā arūparāgā mānā uddhaccā avijjāya mānānusayā bhavarāgānusayā avijjānusayā tadekaṭṭhehi ca kilesehi bahiddhā ca sabbanimittehi cittam vivittam hoti – ayam cittaviveko.

Katamo upadhibiveko? **Upadhi** vuccanti kilesā ca khandhā ca abhisankhārā ca. Upadhibiveko vuccati amatā nibbānam. Yo so sabbasankhārasamatho sabbūpadhipaṭinissaggo taṇhakkhayo virāgo nirodho nibbānam – ayam upadhibiveko. Kāyaviveko ca vivekaṭṭhakāyānam nekkhammābhiratānam; cittaviveko ca parisuddhacittānam paramavodānapattānam; upadhibiveko ca nirūpadhīnam pugalānam visaṅkhāragatānam. **Viveke sikkhissāmaseti.** So therō pakatiyā sikkhitasikkho. Api ca dhammadesanām upādāya dhammadesanām sāvento [yācanto (sī. syā.)] evamāha – viveke sikkhissāmaseti.

Tenāha therō tissametteyyo –

“Methunamanuyuttassa, [iccāyasmā tisso metteyyo] Vighātam̄ brūhi mārisa; Sutvāna tava sāsanam̄, viveke sikkhissāmase”ti.

50. Methunamanuyuttassa, [metteyyāti bhagavā]  
Mussate vāpi sāsanam;  
Micchā ca patipajjati, etam tasmim anāriyam.

**Methunamanuyuttassāti.** Methunadhammo nāma yo so asaddhammo gāmadhammo vasaladhammo duṭṭhullo odakantiko rahasso dvayañdvayasamāpatti. Kiñkāraṇā vuccati methunadhammo? Ubhinnam rattānam sārattānam avassutānam pariyuṭṭhitānam pariyādinnacittānam ubhinnam sadisānam dhammoti – tamkāraṇā vuccati methunadhammo. Yathā ubho kalahakārakā methunakāti vuccanti, ubho bhañḍanakārakā methunakāti vuccanti, ubho bhassakārakā methunakāti vuccanti, ubho vivādakārakā methunakāti vuccanti, ubho adhikaraṇakārakā methunakāti vuccanti, ubho vādino methunakāti vuccanti, ubho sallāpakā methunakāti vuccanti, evamevañ ubhinnam rattānam

sārattānam avassutānam pariyūṭhitānam pariyādinnacittānam ubhinnam sadisānam dhammoti – taṇkāraṇā vuccati methunadhammo.

**Methunamanuyuttassāti.** Methunadhamme yuttassa payuttassa āyuttassa samāyuttassa taccaritassa tabbahulassa taggarukassa tanninnassa tappoṇassa tappabbhārassa tadadhimuttassa tadadhipateyyassāti – methunamanuyuttassa.

**Metteyyāti** bhagavā tam theram gottena ālapati. **Bhagavāti** gāravādhivacanam. Api ca bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggakaṇḍakoti [bhaggakaṇḍakoti (sī. syā.)] bhagavā, bhaggakilesoti bhagavā, bhaji vibhaji pavibhaji dhammaratananti bhagavā, bhavānam antakaroti bhagavā, bhāvitakāyo bhāvitāsiло bhāvitacitto bhāvitapaññoti bhagavā, bhaji vā bhagavā araññavanapaththāni [araññe vanapaththāni (sī.)] pantāni senāsanāni appasaddāni appanighosāni vijanavātāni manussarāhasseyyakāni [manussarāhasseyyakāni (sī. syā.)] paṭisallānasāruppānīti bhagavā, bhāgī vā bhagavā cīvarapiṇḍapātasenāsanagilānapaccayabhesajjaparikkhārānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhicittassa adhipaññāyāti bhagavā, bhāgī vā bhagavā catunnam jhānānam catunnam appamaññānam catunnam arūpasamāpattinanti bhagavā, bhāgī vā bhagavā aṭṭhannam vimokkhānam aṭṭhannam abhibhāyatanānam navannam anupubbavīhārasamāpattinanti bhagavā, bhāgī vā bhagavā dasannam saññābhāvanānam dasannam kasiṇasamāpattinam ānāpānassatisamādhissa asubhasamāpattiyāti bhagavā, bhāgī vā bhagavā catunnam satipaṭṭhānānam catunnam sammappadhānānam catunnam iddhipādānam pañcannam indriyānam pañcannam balānam sattannam bojjhaṅgānam ariyassa aṭṭhaṅgikassa maggassāti bhagavā, bhāgī vā bhagavā dasannam tathāgatabalānam catunnam vesārajjānam catunnam paṭisambhidānam channam abhiññānam [abhiññānam (sī.)] channam buddhadhammānanti bhagavā. Bhagavāti netam nāmam mātarā kataṁ, na pitarā kataṁ, na bhātarā kataṁ, na bhaginiyā kataṁ, na mittāmaccehi kataṁ, na nātisālohitēhi kataṁ na samaṇabrahmaṇehi kataṁ, na devatāhi kataṁ. Vimokkhantikametam buddhānam bhagavantānam bodhiyā mūle saha sabbaññutaññānassa paṭilābhā sacchikā paññatti yadidam bhagavāti – metteyyāti bhagavā.

**Mussate vāpi sāsananti.** Dvīhi kāraṇehi sāsanām mussati – pariyattisāsanampi mussati, paṭipattisāsanampi mussati. Katamam pariyattisāsanām? Yam tassa pariyāpuṭam – suttam geyyam veyyākaraṇām gāthā udānam itivuttakam jātakam abbhutadhammaṇ Vedallam – idam pariyattisāsanām. Tampi mussati sammussati pamussati sampamussati paribāhiro hotīti – evampi mussate vāpi sāsanām.

Katamam paṭipattisāsanām? Sammāpaṭipadā anulomapaṭipadā apaccanīkapaṭipadā anvatthapaṭipadā dhammānudhammapaṭipadā sīlesu paripūrakāritā indriyesu guttadvāratā bhojane mattaññutā jāgariyānuyogo satisampaṭaññām cattāro satipaṭṭhānā cattāro sammappadhānā cattāro iddhipādā pañcindriyāni pañca balāni satta bojjhaṅgā ariyo aṭṭhaṅgiko maggo – idam paṭipattisāsanām. Tampi mussati sammussati pamussati sampamussati paribāhiro hotīti. Evampi mussate vāpi sāsanām.

**Micchā ca paṭipajjatīti.** Pāṇampi hanati, adinnampi ādiyati, sandhimpi chindati, nillopampi harati, ekāgārikampi karoti, paripanthepi tiṭṭhati, paradārampi gacchatī, musāpi bhaṇatīti – micchā ca paṭipajjati.

**Etam tasmiṁ anāriyanti.** Etam tasmiṁ puggale anariyadhammo bāladhammo mūlhadhammo aññāñadhammo amarāvikkhepadhammo, yadidam micchāpaṭipadāti – etam tasmiṁ anāriyam.

Tenāha bhagavā –

“Methunamanuyuttassa, [metteyyāti bhagavā]  
Mussate vāpi sāsanām;

Micchā ca paṭipajjati, etam tasmīm anāriya”nti.

**51. Eko pubbe caritvāna, methunam yo nisevati;  
Yānam bhantamva tam loke, hīnamāhu puthujjanam.**

**Eko pubbe caritvānāti.** Dvīhi kāraṇehi eko pubbe caritvāna – pabbajjāsaṅkhātena vā gaṇāvavassaggaṭṭhena vā. Katham pabbajjāsaṅkhātena eko pubbe caritvāna? Sabbam gharāvāsapalibodham chinditvā puttadārapalibodham chinditvā ātīpalibodham chinditvā mittāmaccapalibodham chinditvā sannidhipalibodham chinditvā kesamassum ohāretvā kāsāyāni vatthāni acchādetvā agārasmā anagāriyan pabbajitvā akiñcanabhāvam upagantvā eko carati viharati iriyati vattati pāleti yāpeti. Evam pabbajjāsaṅkhātena eko pubbe caritvāna.

Katham gaṇāvavassaggaṭṭhena eko pubbe caritvāna? So evam pabbajito samāno eko araññavanapaththāni pantāni senāsanāni paṭisevati appasaddāni appanigghosāni vijanavātāni manussarāhasseyyakāni paṭisallānasāruppāni. So eko gacchatī, eko tiṭṭhatī, eko nisīdatī, eko seyyam kappeti, eko gāmaṇ piṇḍāya pavisati, eko paṭikkamatī, eko raho nisīdatī, eko caṅkamaṇ adhiṭṭhāti, eko carati viharati iriyati vattati pāleti yāpeti. Evam gaṇāvavassaggaṭṭhena eko pubbe caritvāna.

**Methunam yo nisevatīti.** **Methunadhammo** nāma yo so asaddhammo...pe... tamkāraṇā vuccati methunadhammo. **Methunam yo nisevatīti.** Yo aparena samayena buddham dhammaṇ saṅgham sikkham paccakkhāya hīnāyāvattitvā methunam dhammaṇ sevati nisevati samsevati paṭisevatīti – methunam yo nisevati.

**Yānam bhantamva tam loketi.** Yānanti hathiyānam assayānam goyānam ajayānam meṇdayānam oṭṭhayānam kharayānam bhantam adantam akāritam avinītam uppatheram ganhāti, visamaṇ khānumpi pāsāṇampi abhiruhati, yānampi ārohanakampi bhañjati, papātepi papatati. Yathā tam bhantam yānam adantam akāritam avinītam uppatheram ganhāti; evamevam so vibbhantako bhantayānapaṭībhāgo uppatheram ganhāti, micchādīṭṭhim ganhāti...pe... micchāsamādham ganhāti. Yathā tam bhantam yānam adantam akāritam avinītam visamaṇ khānumpi pāsāṇampi abhiruhati; evamevam so vibbhantako bhantayānapaṭībhāgo visamaṇ kāyakammaṇ abhiruhati, visamaṇ vacīkammaṇ abhiruhati, visamaṇ manokammam abhiruhati, visamaṇ pāṇītipātam abhiruhati, visamaṇ adinnādānam abhiruhati, visamaṇ kāmesumicchācāram abhiruhati, visamaṇ musāvādām abhiruhati, visamaṇ pisūṇavācam abhiruhati, visamaṇ pharusavācam abhiruhati, visamaṇ samphappalāpām abhiruhati, visamaṇ abhijjhām abhiruhati, visamaṇ byāpādaṇ abhiruhati, visamaṇ micchādīṭṭhim abhiruhati, visame saṅkhāre abhiruhati, visame pañca kāmaguṇe abhiruhati, visame nīvaraṇe abhiruhati. Yathā tam bhantam yānam adantam akāritam avinītam yānampi ārohanakampi bhañjati; evamevam so vibbhantako bhantayānapaṭībhāgo niraye attānam bhañjati, tiracchānayoniyam attānam bhañjati, pettivisaye attānam bhañjati, manussaloke attānam bhañjati, devaloke attānam bhañjati. Yathā tam bhantam yānam adantam akāritam avinītam papāte papatati; evamevam so vibbhantako bhantayānapaṭībhāgo jātipapātampi papatati, jarāpapātampi papatati, byādhīpapātampi papatati, maraṇapapātampi papatati, sokaparidevadukkhadomanassupāyāsapapātampi papatati. **Loketi** apāyaloke manussaloketi – yānam bhantamva tam loke.

**Hīnamāhu puthujjananti.** **Puthujjanāti** kenaṭthena puthujjanā? Puthu kilese janentīti puthujjanā, puthu avihatasakkāyadiṭṭhikāti puthujjanā, puthu satthārānam mukhullokikāti puthujjanā, puthu sabbagāthī avuṭṭhitāti puthujjanā, puthu nānābhisaṅkhāre [nānābhisaṅkhārehi (syā.)] abhisāṅkhārontīti puthujjanā, puthu nānāoghehi vuyhantīti puthujjanā, puthu nānāsantāpehi santapantīti puthujjanā, puthu nānāparilāhehi paridayhantīti puthujjanā, puthu pañcasu kāmaguṇesu rattā giddhā gadhitā mucchitā ajjhosannā [ajjhopannā (sī. syā.)] laggā laggitā palibuddhāti puthujjanā, puthu pañcahi nīvaraṇehi āvutā nivutā ovutā pihitā paṭicchannā paṭikujjitatīti puthujjanā. **Hīnamāhu puthujjananti.** Puthujjanam hīnam nihīnam omakam lāmakam chatukkam parittanti evamāhaṁsu evam kathenti evam bhaṇanti evam

dīpayanti evam̄ voharantīti – hīnamāhu puthujjanam̄.

Tenāha bhagavā –

“Eko pubbe caritvāna, methunam̄ yo nisevati;  
Yānam̄ bhantam̄va tam̄ loke, hīnamāhu puthujjana”nti.

**52. Yaso kitti ca yā pubbe, hāyate vāpi tassa sā;  
Etampi disvā sikkhetha, methunam̄ vippahātave.**

**Yaso kitti ca yā pubbe, hāyate vāpi tassa sāti.** Katamo yaso? Idhekacco pubbe samañabhāve sakkato hoti garukato mānito pūjito apacito lābhī cīvarapiṇḍapātasenāsanagilānapaccayabhesajjaparikkhārānaṁ – ayam̄ yaso. Katamā kitti? Idhekacco pubbe samañabhāve kittivāṇagato hoti pañđito viyatto medhāvī bahussuto cittakathī kalyāṇapaṭibhāno – puttāntikoti vā vinayadharoti vā dhammakathikoti vā āraññikoti vā piṇḍapātikoti vā pamsukūlikoti vā tecīvarikoti vā sapadānacārikoti vā khalupacchābhāttikoti vā nesajjikoti vā yathāsanthatikoti vā paṭhamassa jhānassa lābhīti vā dutiyassa jhānassa lābhīti vā tatiyassa jhānassa lābhīti vā catutthassa jhānassa lābhīti vā ākāsānañcāyatanasamāpattiyā lābhīti vā viññānañcāyatanasamāpattiyā lābhīti vā, ayaṁ kittīti – yaso kitti ca yā pubbe.

**Hāyate vāpi tassa sāti.** Tassa aparena samayena buddhaṁ dhammaṁ saṅghaṁ sikkhaṁ paccakkhāya hīnāyāvattassa so ca yaso sā ca kitti hāyati parihāyati paridhamṣati paripatati antaradhāyati vippalujjatīti – yaso kitti ca yā pubbe hāyate vāpi tassa sā.

**Etampi disvā sikkhetha methunam̄ vippahātaveti.** Etanti pubbe samañabhāve yaso kitti ca, aparabhāge buddhaṁ dhammaṁ saṅghaṁ sikkhaṁ paccakkhāya hīnāyāvattassa ayaso ca akitti ca; etaṁ sampattiṁ vipattiṁ. **Disvāti** passitvā tulayitvā tīrayitvā vibhāvayitvā vibhūtam̄ katvāti – etampi disvā. **Sikkhethāti** tisso sikkhā – adhisīlasikkhā, adhicittasikkhā, adhipaññāsikkhā. Katamā adhisīlasikkhā? Idha bhikkhu sīlavā hoti, pātimokkhāsaṁvaraśamvuto viharati ācāragocarasampanno aṇumattesu vajjesu bhayadassāvī, samādāya sikkhati sikkhāpadesu. Khuddako sīlakkhandho, mahanto sīlakkhandho. Sīlam̄ patiṭṭhā ādi caraṇam̄ samyamo samvaro mukhaṁ pamukhaṁ kusalānam̄ dhammānam̄ samāpattiyā – ayaṁ adhisīlasikkhā.

Katamā adhicittasikkhā? Idha bhikkhu vivicceva kāmehi vivicca akusalehi dhammehi savitakkam̄ savicāram̄ vivekajam̄ pītisukhaṁ paṭhamam̄ jhānam̄ upasampajja viharati...pe... dutiyam̄ jhānam̄... tatiyam̄ jhānam̄... catuttham̄ jhānam̄ upasampajja viharati – ayaṁ adhicittasikkhā.

Katamā adhipaññāsikkhā? Idha bhikkhu paññavā hoti udayatthagāminiyā paññāya samannāgato ariyāya nibbedhikāya sammā dukkhakkhayagāminiyā. So idam̄ dukkhanti yathābhūtam̄ pajānāti, ayaṁ dukkhasamudayoti yathābhūtam̄ pajānāti, ayaṁ dukkhanirodhoti yathābhūtam̄ pajānāti, ayaṁ dukkhanirodhagāminī paṭipadāti yathābhūtam̄ pajānāti, ime āsavāti yathābhūtam̄ pajānāti, ayaṁ āsavasamudayoti yathābhūtam̄ pajānāti, ayaṁ āsavanirodhoti yathābhūtam̄ pajānāti, ayaṁ āsavanirodhgāminī paṭipadāti yathābhūtam̄ pajānāti – ayaṁ adhipaññāsikkhā. **Methunadhammo** nāma yo so asaddhammo...pe... tamkāraṇā vuccati methunadhammo.

**Etampi disvā sikkhetha, methunam̄ vippahātaveti.** Methunadhammassa pahānāya vūpasamāya paṭinissaggāya paṭipassaddhiyā adhisīlampi sikkheyya, adhicittampi sikkheyya, adhipaññampi sikkheyya. Imā tisso sikkhāyo āvajjanto sikkheyya, jānanto sikkheyya, passanto sikkheyya, paccavekkhanto sikkheyya, cittam̄ adhiṭṭhahanto sikkheyya, saddhāya adhimuccanto sikkheyya, vīriyam̄ paggañhanto sikkheyya, satim̄ upaṭṭhapento sikkheyya, cittam̄ samādahanto sikkheyya, paññāya

pajānanto sikkheyya, abhiññeyyam abhijānanto sikkheyya, pariññeyyam pariñānanto sikkheyya, pahātabbam pajahanto sikkheyya, bhāvetabbam bhāvento sikkheyya, sacchikātabbam sacchikaronto sikkheyya ācareyya samācareyya samādāya vatteyyāti – etampi disvā sikkhetha, methunam vippahātave.

Tenāha bhagavā –

“Yaso kitti ca yā pubbe, hāyate vāpi tassa sā;  
Etampi disvā sikkhetha, methunam vippahātave”ti.

**53. Saṅkappehi pareto so, kapaṇo viya jhāyati;  
Sutvā paresam nigghosam, mañku hoti tathāvidho.**

**Saṅkappehi pareto so, kapaṇo viya jhāyatī.** Kāmasaṅkappena byāpāda saṅkappena vihiṁsāsaṅkappena diṭṭhisāṅkappena phuṭṭho pareto samohito samannāgato pihipto kapaṇo viya mando viya momūho viya jhāyati pajjhāyati nijjhāyati apajjhāyati [avajjhāyati (syā.)]. Yathā ulūko rukkhasākhāyam mūsikam magayamāno jhāyati pajjhāyati nijjhāyati apajjhāyati, yathā kotthu nadītire macche magayamāno jhāyati pajjhāyati nijjhāyati apajjhāyati, yathā biḷāro sandhisamalasaṅkaṭire mūsikam magayamāno jhāyati pajjhāyati nijjhāyati apajjhāyati, yathā gadrabho vahacchino sandhisamalasaṅkaṭire jhāyati pajjhāyati nijjhāyati apajjhāyati; evamevaṁ so vibbhantako kāmasaṅkappena byāpāda saṅkappena vihiṁsāsaṅkappena diṭṭhisāṅkappena phuṭṭho pareto samohito samannāgato pihipto kapaṇo viya mando viya momūho viya jhāyati pajjhāyati nijjhāyati apajjhāyatī – saṅkappehi pareto so kapaṇo viya jhāyati.

**Sutvā paresam nigghosam, mañku hoti tathāvidhoti.** Paresanti upajjhāyā vā ācariyā vā samānupajjhāyakā vā samānācariyakā vā mittā vā sandiṭṭhā vā sambhattā vā sahāyā vā codenti – “tassa te, āvuso, alābhā, tassa te dulladdham, yam tvam evarūpam uṭṭaram satthāram labhitvā evam svākkhāte dhammadvinaye pabbajitvā evarūpam ariyagaṇam labhitvā hīnassa methunadhammassa kāraṇā buddham dhammam saṅgham sikkham paccakkhāya hīnāyāvattosi. Saddhāpi nāma te nāhosī kusalesu dhammesu, hirīpi nāma te nāhosī kusalesu dhammesu, ottappampi nāma te nāhosī kusalesu dhammesu, vīriyampi nāma te nāhosī kusalesu dhammesu, satipi nāma te nāhosī kusalesu dhammesu, paññāpi nāma te nāhosī kusalesu dhammesū”ti. Tesam vacanam byappatham desanam anusāsanam anusīṭṭhim sutvā suṇitvā uggahetvā upadhārayitvā upalakkhayitvā mañku hoti, pīlito ghaṭṭito byādhito domanassito hoti. **Tathāvidhoti** tathāvidho tādiso tassaṇṭhito tappakāro tappaṭibhāgo. Yo so vibbhantakoti – sutvā paresam nigghosam mañku hoti tathāvidho.

Tenāha bhagavā –

“Saṅkappehi pareto so, kapaṇo viya jhāyati;  
Sutvā paresam nigghosam, mañku hoti tathāvidho”ti.

**54. Atha satthāni kurute, paravādehi codito;  
Esa khvassa mahāgedho, mosavajjam pagāhati [samgāhati (ka.)] .**

**Atha satthāni kurute, paravādehi coditoti.** Athāti padasandhi padasamsaggo padapāripūrī akkharasamavāyo byañjanasiliṭṭhatā padānupubbatāpetam – athāti. **Satthānīti** tīṇi satthāni – kāyasattham, vacīsattham, manosattham. Tividham kāyaduccaritam kāyasattham, catubbidham vacīduccaritam vacīsattham, tividham manoduccaritam manosattham. **Paravādehi coditoti.** Upajjhāyehi vā ācariyehi vā samānupajjhāyakehi vā samānācariyakehi vā mittehi vā sandiṭṭhehi vā sambhattehi vā sahāyehi vā codito sampajānamusā bhāsatī. “Abhirato aham, bhante, ahosī pabbajjaya. Mātā me posetabbā, tenamhi vibbhanto”ti bhaṇati. “Pitā me posetabbo, tenamhi vibbhanto”ti bhaṇati. “Bhātā me posetabbo... bhaginī me posetabbā... putto me posetabbo... dhītā me posetabbā... mittā me

posetabbā... amaccā me posetabbā... nātakā me posetabbā... sālohitā me posetabbā, tenamhi vibbhanto”ti bhaṇati. Vacīsattham karoti sañkaroti janeti sañjaneti nibbatteti abhinibbattetī – atha satthāni kurute, paravādehi codito.

**Esa khvassa mahāgedhoti.** Eso tassa mahāgedho mahāvanaṁ mahāgahanaṁ mahākantāro mahāvisamo mahākuṭilo mahāpañko mahāpalipo mahāpalibodho mahābandhanam, yadidam sampajānamusāvādoti – esa khvassa mahāgedho.

**Mosavajjam pagāhatīti.** Mosavajjam vuccati musāvādo. Idhekacco sabhaggato vā parisaggato vā nātimajjhagato vā pūgamajjhagato vā rājakulamajjhagato vā abhinīto sakkhipuṭṭho – “ehambho purisa, yam jānāsi tam vadehī”ti, so ajānam vā āha – “jānāmī”ti, “jānam” vā āha – “na jānāmī”ti, apassam vā āha – “passāmī”ti, passam vā āha – “na passāmī”ti. Iti attahetu vā parahetu vā āmisakiñcikkhahetu vā sampajānamusā bhāsati – idam vuccati mosavajjam.

Api ca tīhākārehi musāvādo hoti. Pubbevassa hoti – “musā bhaṇissa”nti, bhaṇantassa hoti – “musā bhaṇāmī”ti, bhaṇitassa hoti – “musā mayā bhaṇita”nti. Imehi tīhākārehi musāvādo hoti. Api ca catūhākārehi musāvādo hoti. Pubbevassa hoti – “musā bhaṇissa”nti, bhaṇantassa hoti – “musā bhaṇāmī”ti, bhaṇitassa hoti – “musā mayā bhaṇita”nti, vinidhāya diṭṭhim. Imehi catūhākārehi musāvādo hoti. Api ca pañcahākārehi... chahākārehi... sattahākārehi... atṭhahākārehi musāvādo hoti. Pubbevassa hoti – “musā bhaṇissa”nti, bhaṇantassa hoti – “musā bhaṇāmī”ti, bhaṇitassa hoti – “musā mayā bhaṇita”nti, vinidhāya diṭṭhim, vinidhāya khanti, vinidhāya ruci, vinidhāya saññam, vinidhāya bhāvam. Imehi atṭhahākārehi musāvādo hoti. **Mosavajjam pagāhatīti.** Mosavajjam pagāhati ogāhati ajjhogāhati pavisatīti – mosavajjam pagāhati.

Tenāha bhagavā –

“Atha satthāni kurute, paravādehi codito;  
Esa khvassa mahāgedho, mosavajjam pagāhatī”ti.

## 55. **Paṇḍitoti samaññāto, ekaccariyam [ekacariyam (sī. syā.)] adhiṭṭhito;** **Sa cāpi methune yutto, mandova parikissati.**

**Paṇḍitoti samaññātoti.** Idhekacco pubbe samañabhāve kitti vanṇagato hoti – “paṇḍito viyatto medhāvī bahussuto cittakathī kalyāṇapaṭibhāno suttantikoti vā vinayadharoti vā dhammakathikoti vā... pe... nevasaññānasaññāyatanasamāpattiya lābhī”ti vā. Evam nāto hoti paññāto samaññāto hotīti – paṇḍitoti samaññāto.

**Ekaccariyam adhiṭṭhitoti.** Dvīhi kāraṇehi ekaccariyam adhiṭṭhito – pabbajjāsañkhātena vā gaṇāvavassaggatthena vā. Katham pabbajjāsañkhātena ekaccariyam adhiṭṭhito? Sabbam gharāvāsapalibodham chinditvā...pe... evam pabbajjāsañkhātena ekaccariyam adhiṭṭhito. Katham gaṇāvavassaggatthena ekaccariyam adhiṭṭhito? So evam pabbajito samāno eko araññavanapatthāni pantāni...pe... evam gaṇāvavassaggatthena ekaccariyam adhiṭṭhitoti – ekaccariyam adhiṭṭhito.

**Sa cāpi methune yuttoti.** **Methunadhammo** nāma yo so asaddhammo gāmadhammo...pe... taṃkāraṇā vuccati methunadhammo. **Sa cāpi methune yuttoti.** So aparena samayena buddham dhammam saṅgham sikkham paccakkhāya hīnāyāvattitvā methunadhamme yutto [yutto samyutto (sī.)] payutto āyutto samāyuttoti – sa cāpi methune yutto.

**Mandova parikissatīti.** Kapaṇo viya mando viya momūho viya kissati parikissati parikilissati. Pāṇampi hanati, adinnampi ādiyati, sandhimpi chindati, nillopampi harati, ekāgārikampi karoti, paripanthepi tiṭṭhati, paradārampi gacchati, musāpi bhaṇati. Evampi kissati parikissati parikilissati.

Tamenam rājāno gahetvā vividhā kammakāraṇā kārenti – kasāhipi tālenti, vettehipi tālenti, addhadanḍakehipi tālenti, hatthampi chindanti, pādampi chindanti, hatthapādampi chindanti, kaṇṇampi chindanti, nāsampi chindanti, kaṇṇanāsampi chindanti, bilangathālikampi karonti, saṅkhamuṇḍikampi karonti, rāhumukhampi karonti, jotiṁālikampi karonti, hatthapajjotikampi karonti, erakavattikampi karonti, cirakavāsikampi karonti, eṇeyyakampi karonti, baṭisamamṣikampi karonti, kahāpaṇikampi karonti, khārāpatacchikampi [khārāpaticchakampi (ka.)] karonti, palighaparivattikampi karonti, palālapīṭhakampi karonti, tattenapi telena osiñcanti, sunakhehipi khādāpenti, jīvantampi sūle uttāsentī, asināpi sīsaṁ chindanti. Evampi kissati parikissati parikilissati.

Atha vā kāmataṇhāya abhibhūto pariyādinnacitto bhoge pariyesanto nāvāya mahāsamuddam pakkhandati, sītassa purakkhato uṇhassa purakkhato ḍāmsamakasavātātapasarīsapasamphassehi pīliyamāno khuppiṁpāsāya miyyamāno tigumbaṁ gacchatī, takkolam gacchatī, takkasīlam gacchatī, kālamukham gacchatī, purapūram gacchatī, vesuṅgam gacchatī, verāpatham gacchatī, javam gacchatī, tāmalim [kamalim (syā.), taṁmalim (ka.)] gacchatī, vaṅgam gacchatī, elabandhanaṁ gacchatī, suvaṇṇakūṭam gacchatī, suvaṇṇabhūmiṁ gacchatī, tambapāṇiṁ gacchatī, suppādakam gacchatī, bhārukacchaṁ gacchatī, suraṭṭham gacchatī, bhaṅgalokam gacchatī, bhaṅgaṇam gacchatī, saramatam gaṇam gacchatī, yonam gacchatī, paramayonam [pīnam (syā.)] gacchatī, vinakam [navakam (si.)] gacchatī, mūlapadam gacchatī, marukantāram gacchatī, jaṇhupatham gacchatī, ajapatham gacchatī, meṇḍapatham gacchatī, saṅkupatham gacchatī, chattapatham gacchatī, vamṣapatham gacchatī, sakunapatham gacchatī, mūsikapatham gacchatī, daripatham gacchatī, vettācāram gacchatī. Evampi kissati parikissati parikilissati.

Gavesanto na vindati, alābhāmūlakampi dukkham domanassam paṭisamvedeti. Evampi kissati parikissati parikilissati.

Gavesanto vindati, laddhāpi ārakkhamūlakampi dukkham domanassam paṭisamvedeti – “kinti me bhoge neva rājāno hareyyum, na corā hareyyum, na aggī daheyyum, na udakam vaheyya, na apiyā dāyādā hareyyu”nti. Tassa evam ārakkhato gopayato te bhogā vippalujjanti. So vippayogamūlakampi dukkham domanassam paṭisamvedeti. Evampi kissati parikissati parikilissatī – sa cāpi methune yutto, mandova parikissati.

Tenāha bhagavā –

“Panḍitoti samaññāto, ekaccariyam adhiṭṭhito;  
Sa cāpi methune yutto, mandova parikissatī”ti.

## 56. Etamādīnavam ūnatvā, muniṁ pubbāpare idha; Ekaccariyam dalham kayirā, na nisevetha methunam.

**Etamādīnavam ūnatvā, muni pubbāpare idhāti.** Etanti pubbe samañabhāve yaso ca kitti ca, aparabhāge buddham dhammam saṅgham sikkham paccakkhāya hīnāyāvattassa ayaso ca akitti ca; etam sampattiṁ vipattiñca. **Ūnatvāti** jānitvā tulayitvā tīrayitvā vibhāvayitvā vibhūtam katvā. **Munīti. Monam** vuccati ūnāmaṁ. Yā paññā pajānanā...pe... saṅgajālamaticca so muni. **Idhāti** imissā diṭṭhiyā imissā khantiyā imissā ruciyā imasmiṁ ādāye imasmiṁ dhamme imasmiṁ vinaye imasmiṁ dhammadvinaye imasmiṁ pāvacane imasmiṁ brahmačariye imasmiṁ satthusāsane imasmiṁ attabhāve imasmiṁ manussaloketi – etamādīnavam ūnatvā muni pubbāpare idha.

**Ekaccariyam dalham kayirāti.** Dvīhi kāraṇehi ekaccariyam dalham kareyya – pabbajjāsaṅkhātena vā gaṇāvavassaggatthena vā. Katham pabbajjāsaṅkhātena ekaccariyam dalham kareyya? Sabbam gharāvāsapalibodham chinditvā puttadārapalibodham chinditvā ūnatipalibodham chinditvā mittāmaccapalibodham chinditvā sannidhipalibodham chinditvā kesamassum ohāretvā

kāsāyāni vatthāni acchādetvā agārasmā anagāriyam pabbajitvā akiñcanabhāvam upagantvā eko careyya vihareyya iriyeyya vatteyya pāleyya yapeyya yāpeyya. Evam pabbajjāsaṅkhātena ekaccariyam daļham kareyya.

Katham gaṇāvavassaggatthena ekaccariyam daļham kareyya? So evam pabbajito samāno eko araññavanapattihāni pantāni senāsanāni paṭiseveyya appasaddāni appanigghosāni vijanavātāni manussarāhasseyyakāni paṭisallānasāruppāni. So eko gaccheyya, eko tiṭṭheyya, eko nisīdeyya, eko seyyam kappeyya, eko gāmam piṇḍaya paviseyya, eko paṭikkameyya, eko raho nisīdeyya, eko caṅkamam adhiṭṭheyya, eko careyya vihareyya iriyeyya vatteyya pāleyya yapeyya yāpeyya. Evam gaṇāvavassaggatthena ekaccariyam daļham kareyyāti – ekaccariyam daļham kareyya, thiram kareyya, daļham samādāno assa, avaṭṭhitasamādāno assa kusalesu dhammesūti – ekaccariyam daļham kayirā.

**Na nisevetha methunanti. Methunadhammo** nāma yo so asaddhammo gāmadhammo...pe... taṃkāraṇā vuccati methunadhammo. Methunadhammam na seveyya na samseveyya na paṭiseveyya na careyya na samācareyya na samādāya vatteyyāti – na nisevetha methunam.

Tenāha bhagavā –

“Etamādīnavam ñatvā, muni pubbāpare idha;  
Ekaccariyam daļham kayirā, na nisevetha methuna”nti.

**57. Vivekaññeva sikkhetha, etam ariyānamuttamam;**  
**Na tena setṭho maññetha, sa ve nibbānasantike.**

**Vivekaññeva sikkhethāti.** Vivekoti tayo vivekā – kāyaviveko, cittaviveko, upadhiviveko. Katamo kāyaviveko...pe... ayaṁ upadhiviveko. Kāyaviveko ca vivekaṭṭhakāyānam nekkhammābhiraṭānam. Cittaviveko ca parisuddhacittānam paramavodānappattānam. Upadhiviveko ca nirūpadhīnam puggalānam visaṅkhāragatānam. **Sikkhāti** tisso sikkhā – adhisīlasikkhā, adhicittasikkhā, adhipaññāsikkhā...pe... ayaṁ adhipaññāsikkhā. **Vivekaññeva sikkhethāti** vivekaññeva sikkheyya ācareyya samācareyya samādāya vatteyyāti – vivekaññeva sikkhetha.

**Etam ariyānamuttamanti. Ariyā** vuccanti buddhā ca buddhasāvakā ca pacceka-buddhā ca. Ariyānam etam aggam setṭham vissiṭṭham pāmokkham uttamam pavaram yadidam vivekacariyāti – etam ariyānamuttamam.

**Na tena setṭho maññethāti.** Kāyavivekacariyāya unnatiṁ na kareyya, unnamam na kareyya, mānam na kareyya, thāmaṁ na kareyya, thambham na kareyya, na tena mānam janeyya, na tena thaddho assa patthaddho paggahtasiroti – tena setṭho na maññetha.

**Sa ve nibbānasantiketi.** So nibbānassa santike sāmantā āsanne avidūre upakaṭṭheti – sa ve nibbānasaṇtike.

Tenāha bhagavā –

“Vivekaññeva sikkhetha, etam ariyānamuttamaṁ;  
Na tena setṭho maññetha, sa ve nibbānasantike”ti.

**58. Rittassa munino carato, kāmesu anapekkhino;**  
**Oghatiṇḍassa pihayanti, kāmesu gadhitā pajā.**

**Rittassa munino caratoti.** Rittassa vivittassa pavivittassa, kāyaduccaritenā rittassa vivittassa

pavivittassa. Vacīduccaritena...pe... manoduccaritena... rāgena... dosena... mohena... kodhena... upanāhena... makkhena... palāsenā... issāya... macchariyena... māyāya... sātheyeyena... thambhena... sārambhena... mānena... atimānena... madena... pamādena... sabbakilesehi... sabbaduccaritehi... sabbadarathehi... sabbapariłāhehi... sabbasantāpehi... sabbākusalābhisañkhārehi rittassa vivittassa pavivittassa. **Muninoti.** **Monam** vuccati ñāṇam...pe... saṅgajālamaticca so muni. **Caratoti** carato viharato iriyato vattato pālayato yapayato yāpayatoti – rittassa munino carato.

**Kāmesu anapekkhinoti.** Kāmāti uddānato dve kāmā – vatthukāmā ca kilesakāmā ca...pe... ime vuccanti vatthukāmā...pe... ime vuccanti kilesakāmā. Vatthukāme parijānityā kilesakāme pahāya pajahitvā vinodetvā byantim karitvā anabhāvam̄ gametvā kāmesu anapekkhamāno cattakāmo vantakāmo muttakāmo pahīnakāmo paṭinissaṭṭhakāmo, vītarāgo cattarāgo vantarāgo muttarāgo pahīnarāgo paṭinissaṭṭharāgo nicchāto nibbuto sītibhūto [sītibhūto (sī.)] sukhappaṭisamvedī brahmabhūtena attanā viharatīti – kāmesu anapekkhino.

**Oghatiṇṇassa pihayanti, kāmesu gadhitā pajāti.** Pajāti sattādhivacanam̄ pajā kāmesu rattā giddhā gadhitā mucchitā ajjhosannā laggā laggitā palibuddhā. Te kāmogham̄ tiṇṇassa bhavogham̄ tiṇṇassa diṭṭhogham̄ tiṇṇassa avijjogham̄ tiṇṇassa sabbasañkhārapatham̄ tiṇṇassa uttiṇṇassa nittiṇṇassa atikkantassa samatikkantassa vītvattassa pāram̄ gatassa pāram̄ pattassa antam̄ gatassa antam̄ pattassa koṭim̄ gatassa koṭim̄ pattassa pariyantam̄ gatassa pariyantam̄ pattassa vosānam̄ gatassa vosānam̄ pattassa tāṇam̄ gatassa tāṇam̄ pattassa leṇam̄ gatassa leṇam̄ pattassa saraṇam̄ gatassa saraṇam̄ pattassa abhayam̄ gatassa abhayam̄ pattassa accutam̄ gatassa accutam̄ pattassa amataṁ gatassa amataṁ pattassa nibbānam̄ gatassa nibbānam̄ pattassa icchanti sādiyanti patthayanti pihayanti abhijappanti. Yathā iṇāyikā ānaṇyam̄ [ānaṇyam̄ (atṭha.)] patthenti pihayanti, yathā ābādhikā ārogym̄ patthenti pihayanti, yathā bandhanabaddhā bandhanamokkham patthenti pihayanti, yathā dāsā bhujissam patthenti pihayanti, yathā kantāraddhānapakkhanda [kantāraddhānapakkhanṭā (sī.), kantāraddhānapakkhanñā (syā.)] khemantabhūmim patthenti pihayanti; evamevam pajā kāmesu rattā giddhā gadhitā mucchitā ajjhosannā laggā laggitā palibuddhā te kāmogham̄ tiṇṇassa bhavogham̄ tiṇṇassa...pe... nibbānam̄ gatassa nibbānam̄ pattassa icchanti sādiyanti patthayanti pihayanti abhijappantī – oghatiṇṇassa pihayanti, kāmesu gadhitā pajā.

Tenāha bhagavā –

“Rittassa munino carato, kāmesu anapekkhino;  
Oghatiṇṇassa pihayanti, kāmesu gadhitā pajā”ti.

Tissametteyyasuttaniddeso sattamo.

## 8. Pasūrasuttaniddeso

Atha pasūrasuttaniddesam vakkhati –

**59. Idheva suddhim̄ iti vādayanti, nāññesu dhammesu visuddhimāhu;**  
**Yam̄ nissitā tattha subham̄ vadānā, paccekasaccesu puthū niviṭṭhā.**

**Idheva suddhim̄ iti vādayantīti.** Idheva suddhim̄ visuddhim̄ parisuddhim̄ muttim̄ vimuttim̄ parimuttim̄ vadanti kathenti bhaṇanti dīpayanti voharanti. “Sassato loko, idameva saccam̄ moghamāñña”nti suddhim̄ visuddhim̄ parisuddhim̄ muttim̄ vimuttim̄ parimuttim̄ vadanti kathenti bhaṇanti dīpayanti voharanti. “Asassato loko ... antavā loko... anantavā loko... tam jīvam̄ tam sarīram... aññam̄ jīvam̄ aññam̄ sarīram... hoti tathāgato param̄ marañā... na hoti tathāgato param̄ marañā... hoti ca na ca hoti tathāgato param̄ marañā... neva hoti na na hoti tathāgato param̄ marañā,

idameva saccam moghamanñña”nti suddhim visuddhim parisuddhim muttim vimuttim parimuttim vadanti kathenti bhaṇanti dīpayanti voharantīti – idheva suddhim iti vādayanti.

**Nāññesu dhammesu visuddhimāhūti.** Attano satthāram dhammakkhānam gaṇam diṭṭhim paṭipadām maggam thapetvā sabbe paravāde khipanti ukkhipanti parikkhipanti. “So satthā na sabbaññū, dhammo na svākkhāto, gaṇo na suppaṭipanno, diṭṭhi na bhaddikā, paṭipadā na supaññattā, maggo na niyyāniko, natthettha suddhi vā visuddhi vā parisuddhi vā mutti vā vimutti vā parimutti vā, na tattha sujjhanti vā visujjhanti vā parisujjhanti vā mucanti vā vimuccanti vā parimuccanti vā, hīnā nihīnā omakā lāmakā chatukkā parittā”ti – evamāhamṣu evam vadanti evam kathenti evam bhaṇanti evam dīpayanti evam voharantīti – nāññesu dhammesu visuddhimāhu.

**Yam nissitā tattha subham vadānāti.** Yam nissitāti yam satthāram dhammakkhānam gaṇam diṭṭhim paṭipadām maggam nissitā ānissitā [patiṭṭhitā (sī.), sannissitā (syā.)] allīnā upagatā ajjhositā adhimuttā. **Tatthāti** sakāya diṭṭhiyā sakāya khantiyā sakāya ruci�ā sakāya laddhiyā. **Subham vadānāti** subhavādā sobhanavādā paṇḍitavādā thiravādā [dhīravādā (syā.)] nāyavādā hetuvādā lakkhaṇavādā kāraṇavādā ṭhānavādā sakāya laddhiyāti – yam nissitā tattha subham vadānā.

**Paccekasaccesu puthū niviṭṭhāti.** Puthū samaṇabrahmaṇā puthū paccekasaccesu niviṭṭhā patiṭṭhitā allīnā upagatā ajjhositā adhimuttā. “Sassato loko, idameva saccam moghamanñña”nti niviṭṭhā patiṭṭhitā allīnā upagatā ajjhositā adhimuttā. “Asassato loko...pe... neva hoti na na hoti tathāgato param maraṇā, idameva saccam moghamanñña”nti niviṭṭhā patiṭṭhitā allīnā upagatā ajjhositā adhimuttāti – paccekasaccesu puthū niviṭṭhā.

Tenāha bhagavā –

“Idheva suddhim iti vādayanti, nāññesu dhammesu visuddhimāhu;  
Yam nissitā tattha subham vadānā, paccekasaccesu puthū niviṭṭhā”ti.

#### 60. Te vādakāmā parisam vigayha, bālam dahantī mithu aññamaññam; Vadanti te aññasitā kathojjam, pasamsakāmā kusalāvadānā.

**Te vādakāmā parisam vigayhāti.** Te vādakāmāti te vādakāmā vādatthikā vādādhippāyā vādapurekkhārā vādapariyesanā carantā. **Parisam vigayhāti** khattiyaparisam brāhmaṇaparisam gahapatiparisam samaṇaparisam vigayha ogayha ajjhogāhetvā pavisitvāti – te vādakāmā parisam vigayha.

**Bālam dahantī mithu aññamaññanti.** **Mithūti** dve janā dve kalahakārakā dve bhaṇḍanakārakā dve bhassakārakā dve vivādakārakā dve adhikaraṇakārakā dve vādino dve sallāpakā; te aññamaññam bālato hīnato nihīnato omakato lāmakato chatukkato parittato dahanti passanti dakkhanti olokenti nijjhāyanti upaparikkhantīti – bālam dahantī mithu aññamaññam.

**Vadanti te aññasitā kathojjanti.** Aññam satthāram dhammakkhānam gaṇam diṭṭhim paṭipadām maggam nissitā ānissitā allīnā upagatā ajjhositā adhimuttā. **Kathojjam** vuccati kalaho bhaṇḍanam viggaho vivādo medhagam. Atha vā **kathojjanti** anojavantī nisākathā kathojjam vadanti, kalaham vadanti, bhaṇḍanam vadanti, viggahaṇam vadanti, vivādam vadanti, medhagam vadanti kathenti bhaṇanti dīpayanti voharantīti – vadanti te aññasitā kathojjam.

**Pasamsakāmā kusalāvadānāti.** Pasamsakāmāti pasamsakāmā pasamsatthikā pasamsādhippāyā pasamsapurekkhārā pasamsapariyesanā carantā. **Kusalāvadānāti** kusalavādā paṇḍitavādā thiravādā nāyavādā hetuvādā lakkhaṇavādā kāraṇavādā ṭhānavādā sakāya laddhiyāti – pasamsakāmā kusalāvadānā.

Tenāha bhagavā –

“Te vādakāmā parisam̄ vigayha, bālam̄ dahantī mithu aññamaññam̄;  
Vadanti te aññasitā kathojjam̄, pasamsakāmā kusalāvadānā”’ti.

**61. Yutto kathāyam̄ parisāya majjhe, pasamsamiccham̄ vinighāti hoti;  
Apāhatasmim̄ pana mañku hoti, nindāya so kuppati randhamesī.**

**Yutto kathāyam̄ parisāya majjheta.** Khattiyparisāya vā brāhmaṇaparisāya vā gahapatiparisāya vā samaṇaparisāya vā majjhe attano kathāyam̄ yutto payutto āyutto samāyutto sampayutto kathetunti – yutto kathāyam̄ parisāya majjhe.

**Pasamsamiccham̄ vinighāti hotīti.** Pasamsamicchanti pasamsam̄ thomanam̄ kittim̄ vaṇṇahāriyam̄ icchanto sādiyanto patthayanto pihayanto abhijappanto. **Vinighāti hotīti** pubbeva sallāpā kathaṁkathī vinighāti hoti. “Jayo nu kho me bhavissati, parājayo nu kho me bhavissati, kathaṁ niggaham̄ karissāmi, kathaṁ paṭikammaṁ karissāmi, kathaṁ visesam̄ karissāmi, kathaṁ paṭivisesam̄ karissāmi, kathaṁ āveṭhiyam̄ [āvedhiyam̄ (syā.)] karissāmi, kathaṁ nibbeṭhiyam̄ [nibbedhiyam̄ (syā. ka.)] karissāmi, kathaṁ chedam̄ karissāmi, kathaṁ mañḍalam̄ karissāmī”’ti, evam̄ pubbeva sallāpā kathaṁkathī vinighāti hotīti – pasamsamiccham̄ vinighāti hoti.

**Apāhatasmim̄ pana mañku hotīti.** Ye te pañhavimamsakā parisā pārisajjā pāsārikā [pāsanikā (syā.)], te apaharanti. “Atthāpagataṁ bhaṇita”’nti atthato apaharanti, “byañjanāpagaṭataṁ bhaṇita”’nti byañjanato apaharanti, “atthabyañjanāpagaṭataṁ bhaṇita”’nti atthabyañjanato apaharanti, “attho te dunnīto, byañjanam̄ te duropitam̄, atthabyañjanam̄ te dunnītam̄ duropitam̄, niggaho te akato, paṭikammam̄ te dukkaṭam̄, viseso te akato, paṭiviseso te dukkaṭo, āveṭhiyā te akatā, nibbeṭhiyā te dukkaṭā, chedo te akato, mañḍalam̄ te dukkaṭam̄ visamakatham̄ dukkathitam̄ dubbhaṇitam̄ dullapitam̄ duruttam̄ dubbhāsita”’nti apaharanti. **Apāhatasmim̄ pana mañku hotīti.** Apāhatasmim̄ mañku hoti pīlito ghaṭṭito byādhito domanassito hotīti – apāhatasmim̄ pana mañku hoti.

**Nindāya so kuppati randhamesīti.** Nindāya garahāya akittiyā avaṇṇahārikāya kuppati byāpajjati patiṭṭhīyati, kopañca dosañca appaccayañca pātukarotīti – nindāya so kuppati. **Randhamesīti** virandhamesī aparaddhamesī khalitamesī galitamesī vivaramesīti – nindāya so kuppati randhamesī.

Tenāha bhagavā –

“Yutto kathāyam̄ parisāya majjhe, pasamsamiccham̄ vinighāti hoti;  
Apāhatasmim̄ pana mañku hoti, nindāya so kuppati randhamesī”’ti.

**62. Yamassa vādam̄ parihīnamāhu, apāhatam̄ pañhavimamsakāse [pañhavimamsakā ye (syā.)];  
Paridevati socati hinavādo, upaccagā manti anutthunāti.**

**Yamassa vādam̄ parihīnamāhūti** yam̄ tassa vādam̄ hīnam̄ nihīnam̄ parihīnam̄ parihāpitam̄ na paripūritam̄, evamāham̄su evam̄ kathenti evam̄ bhaṇanti evam̄ dīpayanti evam̄ voharantīti – yamassa vādam̄ parihīnamāhu.

**Apāhatam̄ pañhavimamsakāseti.** Ye te pañhavimamsakā parisā pārisajjā pāsārikā, te apaharanti. “Atthāpagataṁ bhaṇita”’nti atthato apaharanti, “byañjanāpagaṭataṁ bhaṇita”’nti byañjanato apaharanti, “atthabyañjanāpagaṭataṁ bhaṇita”’nti atthabyañjanato apaharanti, “attho te dunnīto, byañjanam̄ te duropitam̄, atthabyañjanam̄ te dunnītam̄ duropitam̄, niggaho te akato, paṭikammam̄ te dukkaṭam̄, viseso te akato, paṭiviseso te dukkaṭo, āveṭhiyā te akatā, nibbeṭhiyā te dukkaṭā, chedo te akato, mañḍalam̄ te

dukkaṭam visamakatham dukkathitam dubbhaṇitam dullapitam duruttam dubbhāsita”nti, apaharantī – apāhataṁ pañhavimamṣakāse.

**Paridevati socati hīnavādoti.** **Paridevatīti** “aññam mayā āvajjitatam aññam cintitaṁ aññam upadhāritam, aññam upalakkhitam so mahāpakkho mahāpariso mahāparivāro; parisā cāyam vaggā, na samaggā; samaggāya parisāya hetu kathāsallāpo puna bhañjissāmi”ti, yā evarūpā [yo evarūpo (syā.)] vācā palāpo vippalāpo lālappāyanā lālappāyitattanti – paridevati. **Socatīti** “tassa jayo”ti socati “mayham parājayo”ti socati, “tassa lābho”ti socati, “mayham alābho”ti socati, “tassa yaso”ti socati, “mayham ayaso”ti socati, “tassa pasamṣā”ti socati, “mayham nindā”ti socati, “tassa sukha”nti socati, “mayham dukkha”nti socati, “so sakkato garukato mānito pūjito apacito lābhī cīvarapiṇḍapātasenāsanagilānapaccayabhesajjaparikkhārānam, ahamasmi asakkato agarukato amānito apūjito anapacito na lābhī cīvarapiṇḍapātasenāsanagilānapaccayabhesajjaparikkhārāna”nti socati kilamati paridevati urattālim kandati sammoham āpajjatīti – paridevati socati. **Hīnavādoti** hīnavādo nihīnavādo parihīnavādo parihāpitavādo na paripūrvavādoti – paridevati socati hīnavādo.

**Upaccagā manti anutthunātīti.** So maṁ vādena vādam accagā upaccagā atikkanto samatikkanto vītivattoti. Evampi upaccagā manti. Atha vā maṁ vādena vādam abhibhavitvā ajjhottaritvā pariyādiyitvā maddayitvā carati viharati iriyati vattati pāleti yapeti yāpetīti. Evampi upaccagā manti. Anutthunā vuccati vācā palāpo vippalāpo lālappāyanā lālappāyitattanti – upaccagā manti anutthunātīti.

Tenāha bhagavā –

“Yamassa vādam parihīnamāhu, apāhataṁ pañhavimamṣakāse;  
Paridevati socati hīnavādo, upaccagā manti anutthunātī”ti.

**63. Ete vivādā samañesu jātā, etesu ugghātinighāti hoti;**  
**Etampi disvā virame kathojjam, na haññadatthatthi pasamṣalābhā.**

**Ete vivādā samañesu jātāti.** **Samañāti** ye keci ito bahiddhā paribbajūpagatā paribbajasamāpannā. Ete ditthikalahaṁ ditthibhaṇḍanā ditthiviggahā ditthivivādā ditthimedhagā samañesu jātā sañjātā nibbattā abhinibbattā pātubhūtāti – ete vivādā samañesu jātā.

**Etesu ugghātinighāti hotīti.** Jayaparājayo hoti, lābhālābho hoti, yasāyaso hoti, nindāpasamṣā hoti, sukhadukkham hoti, somanassadomanassam hoti, iṭṭhāniṭṭham hoti, anunaya-paṭigham hoti, ugghātitanigghātitam hoti, anurodhavirodho hoti, jayena cittam ugghātitam hoti parājayena cittam nigghātitam hoti, lābhena cittam ugghātitam hoti alābhena cittam nigghātitam hoti, yasena cittam ugghātitam hoti ayasena cittam nigghātitam hoti, pasamṣāya cittam ugghātitam hoti nindāya cittam nigghātitam hoti, sukhena cittam ugghātitam hoti dukkhena cittam nigghātitam hoti, somanassena cittam ugghātitam hoti domanassena cittam nigghātitam hoti, unnatiyā [unṇatiyā (syā. ka.)] cittam ugghātitam hoti onatiyā [onatiyā (syā. ka.)] cittam nigghātitam hotīti – etesu ugghātinighāti hoti.

**Etampi disvā virame kathojjanti.** **Etampi disvāti** etam ādīnavam disvā passitvā tulayitvā tīrayitvā vibhāvayitvā vibhūtam katvā ditthikalahesu ditthibhaṇḍanesu ditthiviggahesu ditthivivādesu ditthimedhagesūti – **etampi disvā virame kathojjanti.** **Kathojjam** vuccati kalaho bhaṇḍanam viggaho vivādo medhagam. Atha vā **kathojjanti** anojavantī nisākathā kathojjam na kareyya, kalahaṁ na kareyya, bhaṇḍanam na kareyya, viggaham na kareyya, vivādam na kareyya, medhagam na kareyya, kalahabhaṇḍanaviggahavivādamedhagam pajaheyya vinodeyya byantim kareyya anabhāvam gameyya, kalahabhaṇḍanaviggahavivādamedhagā ārato assa virato paṭivirato nikkhanto nissaṭo vippayutto visaññutto vimariyādikatena cetasā vihareyyāti – etampi disvā virame kathojjam.

**Na haññadatthatthi pasam̄salābhāti.** Pasam̄salābhā añño attho natthi attattho vā parattho vā ubhayattho vā diññhadhammiko vā attho, samparāyiko vā attho, uttāno vā attho, gambhīro vā attho, gūlho vā attho, pañcchanno vā attho, neyyo vā attho, nīto vā attho, anavajjo vā attho, nikkileso vā attho, vodāno vā attho, paramattho vā attho natthi na santi na samvijjanti nupalabbhantī – na haññadatthatthi pasam̄salābhā.

Tenāha bhagavā –

“Ete vivādā samañesu jātā, etesu ugghātinighāti hoti;  
Etampi disvā virame kathojjam, na haññadatthatthi pasam̄salābhā”’ti.

- 64. Pasam̄sito vā pana tattha hoti, akkhāya vādañ pariśāya majjhe;**  
**So [so tam (sī.)] hassatī unnamatī [unñamatī (syā. ka.)] ca tena, pappuyya tamattham yathā mano ahu.**

**Pasam̄sito vā pana tattha hotīti.** Tatthāti sakāya diññhiyā sakāya khantiyā sakāya ruciyā sakāya laddhiyā pasam̄sito thomito kittito vaññito hotīti – pasam̄sito vā pana tattha hoti.

**Akkhāya vādañ pariśāya majjheto.** Khattiyapariśāya vā brāhmañapariśāya vā gahapatipariśāya vā samañapariśāya vā majjhe attano vādañ akkhāya ācikkhitvā anuvādañ akkhāya ācikkhitvā thambhayitvā brūhayitvā dīpayitvā jotayitvā voharitvā pariggañhitvāti – akkhāya vādañ pariśāya majjhe.

**So hassatī unnamatī ca tenāti.** So tena jayatthena tuññho hoti haññho pahaññho attamano paripuññasañkappo. Atha vā dantavidam̄sakam̄ hasamāno. **So hassatī unnamatī ca tenāti** so tena jayatthena unnato hoti unnamo dhajo sampaggāho ketukamyatā cittassāti – so hassatī unnamatī ca tena.

**Pappuyya tamattham yathā mano ahūti.** Tam jayattham pappuyya pāpuññitvā adhigantvā vinditvā pañilabhitvā. **Yathā mano ahūti** yathā mano ahu, yathā citto ahu, yathā sañkappo ahu, yathā viññāṇo ahūti – pappuyya tamattham yathā mano ahu.

Tenāha bhagavā –

“Pasam̄sito vā pana tattha hoti, akkhāya vādañ pariśāya majjhe;  
So hassatī unnamatī ca tena, pappuyya tamattham yathā mano ahū”’ti.

- 65. Yā unnatī sāssa vighātabhūmi, mānātimānam vadate paneso;**  
**Etampi disvā na vivādayetha, na hi tena suddhim kusalā vadanti.**

**Yā unnatī sāssa vighātabhūmīti.** Yā unnatī unnamo dhajo sampaggāho ketukamyatā cittassāti – yā unnatī. **Sāssa vighātabhūmīti** sā tassa vighātabhūmi upaghātabhūmi pīlanabhūmi ghañanabhūmi upaddavabhūmi upasaggabhūmīti – yā unnatī sāssa vighātabhūmi.

**Mānātimānam vadate panesoti.** So puggalo mānañca vadati atimānañca vadatīti – mānātimānam vadate paneso.

**Etampi disvā na vivādayethāti.** Etam̄ ādīnavam̄ disvā passitvā tulayitvā tīrayitvā vibhāvayitvā vibhūtam katvā diññikalahesu diññibhañdaneshu diññiviggahesu diññivivādesu diññimedhagesūti – etampi disvā. **Na vivādayethāti** na kalaham̄ kareyya na bhañdanam̄ kareyya na viggaham̄ kareyya na vivādañ kareyya, na medhagam̄ kareyya, kalahabhañdanaviggahavivādamedhagam̄ pajaheyya vinodeyya byantim̄ kareyya anabhāvam̄ gameyya, kalahabhañdanaviggahavivādamedhagā ārato assa

virato paṭivirato nikkhanto nissaṭo vippayutto visaññutto vimariyādikatena cetasā vihareyyāti – etampi disvā na vivādayetha.

**Na hi tena suddhim kusalā vadantīti.** **Kusalāti** ye te khandhakusalā dhātukusalā āyatana kusalā paṭiccasamuppādakusalā satipaṭṭhanakusalā sammappadhānakusalā iddhipādakusalā indriyakusalā balakusalā bojjhaṅgakusalā maggakusalā phalakusalā nibbānakusalā, te kusalā diṭṭhikalahaṇa diṭṭhibhaṇḍanena diṭṭhiviggahena diṭṭhivivādena diṭṭhimedhagena suddhim visuddhim parisuddhim, muttim vimuttim parimuttim na vadanti na kathenti na bhaṇanti na dīpayanti na voharantīti – na hi tena suddhim kusalā vadanti.

Tenāha bhagavā –

“Yā unnatī sāssa vighātabhūmi, mānātimānam vade paneso;  
Etampi disvā na vivādayetha, na hi tena suddhim kusalā vadantī”ti.

**66. Sūro yathā rājakhādāya puṭṭho, abhigajjameti paṭisūramiccham;**  
**Yeneva so tena palehi sūra, pubbeva natthi yadidam yudhāya.**

**Sūro yathā rājakhādāya puṭṭhoti.** **Sūroti** sūro vīro vikkanto abhīrū achambhī anutrāsī apalāyī. **Rājakhādāya puṭṭhoti** rājakhādanīyena rājabhojanīyena puṭṭho posito apādito vaḍḍhitoti – sūro yathā rājakhādāya puṭṭho.

**Abhigajjameti paṭisūramicchanti.** So gajjanto uggajjanto abhigajjanto eti upeti upagacchati paṭisūram paṭipurisam paṭisattum paṭimallam icchanto sādiyanto patthayanto pihayanto abhijappantoti – abhigajjameti paṭisūramiccham.

**Yeneva so tena palehi sūrāti.** Yeneva so diṭṭhigatiko tena palehi, tena vaja, tena gaccha, tena atikkama, so tuyham paṭisūro paṭipuriso paṭisattu paṭimalloti – yeneva so tena palehi sūra.

**Pubbeva natthi yadidam yudhāyāti.** Pubbeva bodhiyā mūle ye paṭisenikarā kilesā paṭilomakarā paṭikanḍakakarā paṭipakkhakarā te natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā nāṇagginā daḍḍhā. **Yadidam yudhāyāti** yadidam yuddhatthāya kalahatthāya bhaṇḍanatthāya viggahatthāya vivādatthāya medhagatthāyāti – pubbeva natthi yadidam yudhāya.

Tenāha bhagavā –

“Sūro yathā rājakhādāya puṭṭho, abhigajjameti paṭisūramiccham;  
Yeneva so tena palehi sūra, pubbeva natthi yadidam yudhāyā”ti.

**67. Ye diṭṭhimuggayha vivādayanti, idameva saccanti ca vādayanti;**  
**Te tvam vadassū na hi tedha atthi, vādamhi jāte paṭisenikattā.**

**Ye diṭṭhimuggayha vivādayantīti** ye dvāsaṭṭhidiṭṭhigatānam aññataraññataram diṭṭhigatam gahetvā gaṇhitvā uggaṇhitvā parāmasitvā abhinivisitvā vivādayanti kalahaṇam karonti bhaṇḍanam karonti ‘viggaham karonti vivādam karonti, medhagam karonti – “na tvam imam dhammadvinayam ājānāsi, aham imam dhammadvinayam ājānāmi, kiṃ tvam imam dhammadvinayam ājānissasi, micchāpaṭipanno tvamasi, ahamasmi sammāpaṭipanno, sahitam me, asahitam te, pure vacanīyam pacchā avaca, pacchā vacanīyam pure avaca, adhiciṇṇam te viparāvattam, āropito te vādo, niggahito tvamasi, cara vādapamokkhāya, nibbēthehi vā sace pahosī”ti – ye diṭṭhimuggayha vivādayanti.

**Idameva saccanti ca vādayantīti.** “Sassato loko, idameva saccam moghamāñña”nti vādayanti kathenti bhaṇanti dīpayanti voharanti. “Asassato loko...pe... neva hoti na na hoti tathāgato param maraṇā, idameva saccam moghamāñña”nti vādayanti kathenti bhaṇanti dīpayanti voharantīti – idameva saccanti ca vādayanti.

**Te tvam vadassū na hi tedha atthi, vādamhi jāte paṭisenikattāti.** Te tvam diṭṭhigatike vadassu vādena vādaṁ, niggahena niggaham, paṭikammema paṭikammaṁ, visesena visesam, paṭivisesena paṭivisesam, āveṭhiyāya āvethiyam, nibbeṭhiyāya nibbeṭhiyam, chedena chedam, maṇḍalena maṇḍalam, te tuyham paṭisūrā paṭipurisā paṭisattū paṭimallāti – te tvam vadassū na hi tedha atthi. **Vādamhi jāte paṭisenikattāti.** Vāde jāte sañjāte nibbatte abhinibbatte pātubhūteyeva paṭisenikattā [paṭisenikatā (ka.), evam sesesu tīsu padesupi] paṭilomakattā paṭibhaṇḍakattā paṭipakkhakattā kalahaṁ kareyyum bhaṇḍanam kareyyum viggaham kareyyum vivādam kareyyum medhagam kareyyum, te natthi na santi na samvijjanti nupalabbhanti, pahīnā...pe... nānagginā daḍḍhāti – te tvam vadassū na hi tedha atthi vādamhi jāte paṭisenikattā.

Tenāha bhagavā –

“Ye diṭṭhimuggayha vivādayanti, idameva saccanti ca vādayanti;  
Te tvam vadassū na hi tedha atthi, vādamhi jāte paṭisenikattā”ti.

#### **68. Visenikatvā pana ye caranti, diṭṭhīhi diṭṭhim avirujjhāmānā; Tusu tvam kim labhetha pasūra, yesidha natthi paramuggahītam.**

**Visenikatvā pana ye carantīti.** Senā vuccati mārasenā. Kāyaduccaritam mārasenā, vacīduccaritam mārasenā, manoduccaritam mārasenā, lobho mārasenā, doso mārasenā, moho mārasenā, kodho... upanāho... makkho... paṭāso... issā... macchariyam... māyā... sāṭheyayam... thambho... sārambho... māno... atimāno... mado... pamādo... sabbe kilesā... sabbe duccaritā... sabbe darathā... sabbe pariṇāhā... sabbe santāpā... sabbākusalābhisaṅkhārā mārasenā.

Vuttañhetam bhagavatā –

“Kāmā te paṭhamā senā, dutiyā arati vuccati...pe...;  
Na nam asuro jināti, jetvāva labhate sukha”nti.

Yato catūhi ariyamaggehi sabbā ca mārasenā sabbe ca paṭisenikarā kilesā jitā ca parājitā ca bhaggā vippaluggā parammukhā, tena vuccati visenikatvāti. Yeti arahanto khīnāsavā. **Carantīti** caranti viharanti iriyanti vattenti pālenti yapenti yāpentīti – visenikatvā pana ye caranti.

**Diṭṭhīhi diṭṭhim avirujjhāmānāti.** Yesam dvāsaṭṭhi diṭṭhigatāni pahīnāni samucchinnāni vūpasantāni paṭipassaddhāni abhabuppattikāni nānagginā daḍḍhāni, te diṭṭhīhi diṭṭhim avirujjhāmānā appaṭivirujjhāmānā appaṭihāñnamānā appaṭihatamānāti – diṭṭhīhi diṭṭhim avirujjhāmānā.

**Tusu tvam kim labhetha pasūrāti.** Tesu arahantesu khīnāsavesu kim labhetha paṭisūram paṭipurisam paṭisattum paṭimallanti – tesu tvam kim labhetha pasūra.

**Yesidha natthi paramuggahītanti.** Yesam arahantānam khīnāsavānam “idaṁ paramaṁ aggam setṭham visiṭṭham pāmokkham uttamam pavara”nti gahitam parāmatṭham abhiniviṭṭham ajjhositam adhimuttam, natthi na santi na samvijjanti nupalabbhanti, pahīnam samucchinnam vūpasantam paṭipassaddham abhabuppattikam nānagginā daḍḍhanti – yesidha natthi paramuggahītam.

Tenāha bhagavā –

“Visenikatvā pana ye caranti, diṭṭhīhi diṭṭhim avirujjhamañā;  
Tesu tvam̄ kiṁ labhetha pasūra, yesīdha natthi paramuggahīta’’nti.

69. Atha tvam̄ pavitakkamāgamā, [pavitakkamāgama (sī.), savitakkamāgamā (ka.)] manasā diṭṭhigatāni cintayanto;  
**Dhonena yugam̄ samāgamā, na hi tvam̄ sakkhasi sampayātave.**

**Atha tvam̄ pavitakkamāgamāti.** Athāti padasandhi padasaṁsaggo padapāripūrī akkharasamavāyo byañjanasiliṭhatā padānupubbatapetam – athāti. **Pavitakkamāgamāti** takkento vitakkento saṅkappento “jayo nu kho me bhavissati, parajayo nu kho me bhavissati, katham niggaham karissāmi, katham paṭikammam karissāmi, katham visesam karissāmi, katham paṭivisesam karissāmi, katham āveṭhiyam karissāmi, katham nibbethiyam karissāmi, katham chedam karissāmi, katham maṇḍalam karissāmi” evam takkento vitakkento saṅkappento āgatosi upagatosi sampattosi mayā saddhim samāgatosīti – atha tvam̄ pavitakkamāgamā.

**Manasā diṭṭhigatāni cintayantoti.** Manoti yam cittam mano mānasam hadayaṁ pañdaram, mano manāyatanaṁ manindriyam viññānam viññāṇakkhandho tajjā manoviññāṇadhātu. Cittena diṭṭhim cintento vicintento “sassato loko”ti vā, “asassato loko”ti vā...pe... “neva hoti na na hoti tathāgato param maraṇā”ti vāti – manasā diṭṭhigatāni cintayanto.

**Dhonena yugam̄ samāgamā, na hi tvam̄ sakkhasi sampayātaveti.** **Dhonā** vuccati paññā. Yā paññā pajānanā...pe... amoho dhammadicayo sammādiṭṭhi. Kiṁkāraṇā dhonā vuccati paññā? Tāya paññāya kāyaduccaritaṁ dhutañca dhotañca sandhotañca niddhotañca, vacīduccaritaṁ...pe... sabbākusalābhisaṅkhārā dhutā ca dhotā ca sandhotā ca niddhotā ca. Atha vā sammādiṭṭhiyā micchādiṭṭhi... sammāsaṅkappena micchāsaṅkappo...pe... sammāvimuttiyā micchāvimutti dhutā ca dhotā ca sandhotā ca niddhotā ca. Atha vā ariyena aṭṭhaṅgikena maggena sabbe kilesā... sabbe duccaritā... sabbe darathā... sabbe pariṭāhā... sabbe santāpā... sabbākusalābhisaṅkhārā dhutā ca dhotā ca sandhotā ca niddhotā ca. Bhagavā imehi dhoneyyehi dhammehi upeto samupeto upagato samupagato upapanno samupapanno samannāgato, tasmā bhagavā dhono. So dhutarāgo dhutapāpo dhutakileso dhutapariṭāhōti – dhonoti.

**Dhonena yugam̄ samāgamā, na hi tvam̄ sakkhasi sampayātaveti.** Pasūro paribbājako na paṭibalo dhonena buddhena bhagavatā saddhim yugam̄ samāgamam̄ samāgantvā yugaggāhaṁ gaṇhitvā sākacchetum sallapitum sākacchaṁ samāpajjituṁ. Tam̄ kissa hetu? Pasūro paribbājako hīno nihīno omako lāmako chatukko paritto. So hi bhagavā aggo ca seṭhō ca visiṭhō ca pāmokkho ca uttamo ca pavaro ca. Yathā saso na paṭibalo mattena mātaṅgena saddhim yugam̄ samāgamam̄ samāgantvā yugaggāhaṁ gaṇhitum; yathā kotthuko na paṭibalo sīhena migaraññā saddhim yugam̄ samāgamam̄ samāgantvā yugaggāhaṁ gaṇhitum; yathā vacchako taruṇako dhenupako na paṭibalo usabhenā calakakunā [balakkakunā (syā.)] saddhim yugam̄ samāgamam̄ samāgantvā yugaggāhaṁ gaṇhitum; yathā dhaṅko na paṭibalo garuṇena venateyyena saddhim yugam̄ samāgamam̄ samāgantvā yugaggāhaṁ gaṇhitum; yathā caṇḍalo na paṭibalo raññā cakkavattinā saddhim yugam̄ samāgamam̄ samāgantvā yugaggāhaṁ gaṇhitum; yathā pañsupisācako na paṭibalo indena devaraññā saddhim yugam̄ samāgamam̄ samāgantvā yugaggāhaṁ gaṇhitum; evameva pasūro paribbājako na paṭibalo dhonena buddhena bhagavatā saddhim yugam̄ samāgamam̄ samāgantvā yugaggāhaṁ gaṇhitum; yathā javanapañño tikkhapañño nibbedhikapañño, paññāpabhedakusalo pabhinnañāṇo adhigatapaṭisambhido, catuvesārajjappatto dasabaladhārī, purisāsabho purisāsīho purisanāgo purisājañño purisadhorayho, anantañāṇo anantatejo anantayaso addho mahaddhano dhanavā, netā vinetā anunetā, paññāpetā nijjhāpetā pekkhetā pasādetā. So hi bhagavā anuppannassa maggassa uppādetā, asañjātassa maggassa sañjanetā, anakkhātassa maggassa akkhātā, maggaññū maggavidū maggakovido maggānugā ca panassa

etarahi sāvakā viharanti pacchā samannāgatā.

So hi bhagavā jānam jānāti passam passati, cakkhubhūto nāṇabhūto dhammabhūto brahmabhūto, vattā pavattā athassa ninnetā amatassa dātā dhammassāmī tathāgato; natthi tassa bhagavato aññātam adiṭham aviditam asacchikataṁ aphassitam [aphusitam (syā.)] paññāya. Atītam anāgatam paccuppannam upādāya sabbe dhammā sabbākārena buddhassa bhagavato nāṇamukhe āpātham āgacchanti. Yam kiñci neyyam nāma atthi dhammam jānitabbaṁ. Attattho vā parattho vā ubhayattho vā diṭṭhadhammiko vā attho, samparāyiko vā attho, uttāno vā attho, gambhīro vā attho, gūlho vā attho, paṭicchanno vā attho, neyyo vā attho, nīto vā attho, anavajjo vā attho, nikkleso vā attho, vodāno vā attho, paramattho vā attho, sabbam tam antobuddhañāne parivattati.

Sabbam kāyakammam buddhassa bhagavato nāṇānuparivatti, sabbam vacīkammam nāṇānuparivatti, sabbam manokammam nāṇānuparivatti. Atīte buddhassa bhagavato appaṭihataṁ nāṇam, anāgate appaṭihataṁ nāṇam, paccuppanne appaṭihataṁ nāṇam, yāvatakam neyyam tāvatakam nāṇam, yāvatakam nāṇam tāvatakam neyyam, neyyapariyantikam nāṇam, nāṇapariyantikam neyyam, neyyam atikkamitvā nāṇam nappavattati, nāṇam atikkamitvā neyyapatho natthi. Aññamaññapariyantaṭṭhāyino te dhammā. Yathā dvinnam samuggapaṭalānam sammā phusitānam heṭṭhimam samuggapaṭalam uparimam nātivattati, uparimam samuggapaṭalam heṭṭhimam nātivattati aññamaññapariyantaṭṭhāyino; evameva buddhassa bhagavato neyyañca nāṇañca aññamaññapariyantaṭṭhāyino; yāvatakam neyyam tāvatakam nāṇam, yāvatakam nāṇam tāvatakam neyyam, neyyapariyantikam nāṇam, nāṇapariyantikam neyyam, neyyam atikkamitvā nāṇam nappavattati, nāṇam atikkamitvā neyyapatho natthi. Aññamaññapariyantaṭṭhāyino te dhammā sabbadhammesu buddhassa bhagavato nāṇam pavattati.

Sabbe dhammā buddhassa bhagavato āvajjanapaṭibaddhā ākaṇkhapaṭibaddhā manasikārapaṭibaddhā cittuppādaṭibaddhā. Sabbasattesu buddhassa bhagavato nāṇam pavattati, sabbesañca sattānam bhagavā āsayam jānāti anusayam jānāti caritam jānāti adhimuttim jānāti. Apparajakkhe mahārajakkhe tikkhindriye mudindriye svākare dvākare suviññāpaye bhabbābhabe satte pajānāti. Sadevako loko samārako sabrahmako sassamanabrāhmañi pajā sadevamanussā antobuddhañāne parivattati.

Yathā ye keci macchakacchapā antamaso timitimīgalam upādāya antomahāsamudde parivattanti; evameva sadevako loko samārako sabrahmako sassamanabrāhmañi pajā sadevamanussā antobuddhañāne parivattati. Yathā ye keci pakkhī antamaso garuḍam venateyyam upādāya ākāsassa padese parivattanti; evameva yepi te sāriputtasamā paññāya tepi buddhañānassa padese parivattanti. Buddhañānam devamanussānam paññam pharitvā abhibhavitvā tiṭṭhatiyeva.

Yepi te khattiyapanḍitā brāhmaṇapanḍitā gahapatipanḍitā samaṇapanḍitā nipiṇā kataparappavādā vālavedhirūpā. Vobhindantā [te bhindantā (ka.)] maññe caranti paññāgatena diṭṭhigatāni. Te pañhe abhisāñkharitvā abhisāñkharitvā tathāgate upasañkamitvā pucchanti gūlhāni ca paṭicchannāni ca. Kathitā visajjītāva te pañhā bhagavatā honti niddiṭṭhakāraṇā upakkhittakā ca. Te bhagavato sampajjanti. Atha kho bhagavāva tattha atirocati yadidam paññāyāti – dhonena yugam samāgamā, na hi tvam sakkhasi sampayātave.

Tenāha bhagavā –

“Atha tvam pavitakkamāgamā, manasā diṭṭhigatāni cintayanto;  
Dhonena yugam samāgamā, na hi tvam sakkhasi sampayātave”ti.

Pasūrasuttaniddeso atṭhamo.

## 9. Māgaṇḍiyasuttaniddeso

Atha māgaṇḍiyasuttaniddesam vakkhati –

- 70. Disvāna taṇham aratiṃ ragañca, nāhosī chando api methunasmim;**  
**Kimevidam muttakarīsapuṇṇam, pādāpi naṁ samphusitum na icche.**

**Disvāna taṇham aratiṃ ragañca, nāhosī chando api methunasminti.** Taṇhañca aratiñca ragañca māradhītaro disvā passitvā methunadhamme chando vā rāgo vā pemam vā nāhosīti – disvāna taṇham aratiṃ ragañca nāhosī chando api methunasmim.

**Kimevidam muttakarīsapuṇṇam, pādāpi naṁ samphusitum na iccheti.** Kimevidam sarīram muttapanūṇam karīsapuṇṇam semhapuṇṇam ruhirapuṇṇam atthisaṅghātanhārūsambandham rudhiramaṇsāvalepanam cammavinaddham chavyā paṭicchannam chiddāvachiddam uggarantam paggharantam kimisaṅghanisevitam nānākalimalapariपūram pādena akkamitum na iccheyya, kuto pana samvāso vā samāgamo vāti – kimevidam muttakarīsapuṇṇam, pādāpi naṁ samphusitum na icche. Anacchariyañcetam manuso dibbe kāme patthayanto mānusake kāme na iccheyya, mānusake vā kāme patthayanto dibbe kāme na iccheyya. Yam tvam ubhopi na icchasi na sādiyasi na patthesi na pihesi nābhijappasi, kiṁ te dassanam, katamāya tvam diṭṭhiyā samannāgatoti pucchatīti.

Tenāha bhagavā –

“Disvāna taṇham aratiṃ ragañca, nāhosī chando api methunasmim;  
 Kimevidam muttakarīsapuṇṇam, pādāpi naṁ samphusitum na icche”ti.

- 71. Etādisam ce ratanam na icchasi, nārim narindehi bahūhi patthitam;**  
**Diṭṭhigatam sīlavataṁ nu jīvitam, bhavūpapattiñca vadesi kīdisam.**
- 72. Idam vadāmīti na tassa hoti, [māgaṇḍiyāti [māgandiyāti (sī. syā.)] bhagavā]**  
**Dhammesu niccheyya samuggahītam;**  
**Passañca diṭṭhisu anuggahāya, ajjhattasantiṁ pacinam adassam.**

**Idam vadāmīti na tassa hotīti.** **Idam vadāmīti** idam vadāmi, etam vadāmi, ettakam vadāmi, ettāvatā vadāmi, idam diṭṭhigatam vadāmi – “sassato loko”ti vā...pe... “neva hoti na na hoti tathāgato param marañā”ti vā. **Na tassa hotīti** na mayham hoti, “ettāvatā vadāmī”ti na tassa hotīti – idam vadāmīti na tassa hoti.

**Māgaṇḍiyāti** bhagavā tam brāhmaṇam nāmena ālapati. **Bhagavāti** gāravādhivacanam...pe... sacchikā paññatti yadidam bhagavāti – māgaṇḍiyāti bhagavā.

**Dhammesu niccheyya samuggahītanti.** **Dhammesūti** dvāsaṭṭhiyā diṭṭhigatesu. **Niccheyyāti** nicchinitvā vinicchinitvā vicinitvā pavicinitvā tulayitvā tīrayitvā vibhāvayitvā vibhūtam katvā, odhiggāho bilaggāho varaggāho koṭṭhāsaggāhouccayaggāho samuccayaggāho, “idam saccam taccham tathām bhūtam yāthāvam aviparīta”nti gahitam parāmaṭṭham abhiniviṭṭham ajjhositam adhimuttam, natthi na santi na samvijjati nupalabbhati, pahīnam samucchinnam vūpasantam paṭipassaddham abhabuppattikam fiṇagginā daḍḍhanti – dhammesu niccheyya samuggahītam.

**Passañca diṭṭhisu anuggahāyāti.** Diṭṭhisu ādīnavam passanto diṭṭhiyo na gaṇhāmi na parāmasāmi nābhinivisāmi. Atha vā na gaṇhitabbā na parāmasitabbā nābhinivisitabbāti. Evampi passañca diṭṭhisu anuggahāya.

Atha vā “sassato loko, idameva saccam moghamanī” nti diṭṭhigatametam diṭṭhigahanam diṭṭhikantaro diṭṭhivisukayikam diṭṭhivipphanditam diṭṭhisainojanam, sadukkham savighatam saupayasam sapariļhaam, na nibbidaya na viragaya na nirodhaya na upasamaya na abhiññaya na sambodhaya na nibbanaya samvattatiti. Diṭṭhisu adinavam passanto diṭṭhiyo na gaṇhāmi na parāmasāmi nābhinivisāmi. Atha vā na gaṇhitabbā na parāmasitabbā nābhinivisitabbāti. Evampi passañca diṭṭhisu anuggahāya.

Atha vā “assato loko, antavā loko, anantavā loko, tam jīvam tam sarīram, aññam jīvam aññam sarīram, hoti tathāgato param marañā, na hoti tathāgato param marañā, hoti ca na ca hoti tathāgato param marañā, neva hoti na na hoti tathāgato param marañā, idameva saccam moghamanī” nti diṭṭhigatametam diṭṭhigahanam diṭṭhikantaro diṭṭhivisukayikam diṭṭhivipphanditam diṭṭhisainojanam, sadukkham savighatam saupayasam sapariļhaam na nibbidaya na viragaya na nirodhaya na upasamaya na abhiññaya na sambodhaya na nibbanaya samvattatiti. Diṭṭhisu adinavam passanto diṭṭhiyo na gaṇhāmi na parāmasāmi nābhinivisāmi. Atha vā na gaṇhitabbā na parāmasitabbā nābhinivisitabbāti. Evampi passañca diṭṭhisu anuggahāya.

Atha vā imā diṭṭhiyo evamgahitā evamparāmaṭṭhā evamgatikā bhavissanti evamabhisamparāyāti. Diṭṭhisu adinavam passanto diṭṭhiyo na gaṇhāmi na parāmasāmi nābhinivisāmi. Atha vā na gaṇhitabbā na parāmasitabbā nābhinivisitabbāti. Evampi passañca diṭṭhisu anuggahāya.

Atha vā imā diṭṭhiyo nirayasamvattanikā tiracchānayonisaṃvattanikā pettivisayasaṃvattanikāti. Diṭṭhisu adinavam passanto diṭṭhiyo na gaṇhāmi na parāmasāmi nābhinivisāmi. Atha vā na gaṇhitabbā na parāmasitabbā nābhinivisitabbāti. Evampi passañca diṭṭhisu anuggahāya.

Atha vā imā diṭṭhiyo aniccā saṅkhatā paṭiccasamuppannā khayadhammā vayadhammā virāgadhammā nirodhadhammāti. Diṭṭhisu adinavam passanto diṭṭhiyo na gaṇhāmi na parāmasāmi nābhinivisāmi. Atha vā na gaṇhitabbā na parāmasitabbā nābhinivisitabbāti. Evampi passañca diṭṭhisu anuggahāya.

**Ajjhattasanti pacinam adassanti.** Ajjhattasanti ajjhattam rāgassa santim, dosassa santim, mohassa santim, kothassa... upanāhassa... makkhassa ... palasassa... issāya... macchariyassa ... māyāya... sātHEYYASSA... thambhassa... sārambahassa... mānassa... atimānassa... madassa... pamādassa... sabbakilesānam... sabbaduccaritānam... sabbadarathānam... sabbapariļāhānam... sabbasantāpānam... sabbākusalābhisaṅkhārānam santim upasanti vūpasanti nibbutim paṭipassaddhim santim. **Pacinanti pacinanto pavincinanto tulayanto tīrayanto vibhāvayanto vibhūtam karonto,** “sabbe saṅkhārā aniccā”ti pacinanto vicinanto pavincinanto tulayanto tīrayanto vibhāvayanto vibhūtam karonto, “sabbe saṅkhārā dukkhā”ti... “sabbe dhammā anattā”ti pacinanto vicinanto pavincinanto... “yam kiñci samudayadhammā, sabbam tam nirodhadhamma”nti pacinanto vicinanto pavincinanto tulayanto tīrayanto vibhāvayanto vibhūtam karonto. **Adassanti adassam adakkhim apassim paṭivijjhinti – ajjhattasanti pacinam adassam.**

Tenāha bhagavā –

“Idam vadāmīti na tassa hoti, [māgandiyāti bhagavā]  
Dhammesu niccheyya samuggahītam;  
Passañca diṭṭhisu anuggahāya;  
Ajjhattasanti pacinam adassa”nti.

**73. Vinicchayā yāni pakappitāni, [iti māgaṇḍiyō]**  
**Te ve munī brūsi anuggahāya;**  
**Ajjhattasanti ti yametamattham, katham nu dhīrehi paveditam tam.**

**Vinicchayā yāni pakappitānīti.** Vinicchayā vuccanti dvāsaṭṭhi diṭṭhigatāni diṭṭhivinicchayā. **Pakappitānīti** kappitā pakappitā abhisankhatā sañṭhapitātipi pakappitā. Atha vā aniccā sañkhata paṭiccasamuppannā khayadhammā vayadhammā virāgadhammā nirodhadhammā vipariṇāmadhammātipi pakappitāti – vinicchayā yāni pakappitāni.

**Iti māgaṇḍiyoti.** Itīti padasandhi padasamsaggo padapāripūrī akkharasamavāyo byañjanasilitṭhatā padānupubbatāpetam – itīti. **Māgaṇḍiyoti** tassa brāhmaṇassa nāmaṇ sañkhā samaññā paññatti vohāro – iti māgaṇḍiyoti.

**Te ve munī brūsi anuggahāya, ajjhattasantīti yametamatthanti.** Te veti dvāsaṭṭhi diṭṭhigatāni. **Munīti.** **Monam** vuccati nāmaṇ...pe... saṅgajālamaticca so munīti. **Anuggahāyāti** diṭṭhīsu ādīnavam passanto diṭṭhiyo na gaṇhāmi na parāmasāmi nābhinivisāmīti ca bhaṇasi, ajjhattasantīti ca bhaṇasi. **Yametamatthanti** yaṁ paramatthanti – te ve munī brūsi anuggahāya, ajjhattasantīti yametamattham.

**Katham nu dhīrehi paveditam tanti.** **Katham** nūti padam samsayapucchā vimatipucchā dveḥakapucchā anekamṣapucchā, evam nu kho nanu kho kiṁ nu kho katham nu khoti – katham nu. **Dhīrehīti** dhīrehi paṇḍitehi paññavantehi [paññāvantehi (sī. syā.)] buddhimantehi nānīhi vibhāvīhi medhāvīhi. **Paveditanti** veditam paveditam ācikkhitam desitam paññāpitam paṭṭhapitam vivaṭam vibhattam uttānikataṁ pakāsitanti – katham nu dhīrehi paveditam tam.

Tenāha so brāhmaṇo –

“Vinicchayā yāni pakappitāni, [iti māgaṇḍiyo]  
Te ve munī brūsi anuggahāya;  
Ajjhattasantīti yametamattham, katham nu dhīrehi paveditam ta”nti.

74. **Na diṭṭhiyā na sutiyā na nāṇena, [māgaṇḍiyāti bhagavā]**  
**Sīlabbatenāpi na suddhimāha;**  
**Adiṭṭhiyā assutiyā añāṇā, asīlatā abbatā nopi tena;**  
**Ete ca nissajja anuggahāya, santo anissāya bhavam na jappe.**

**Na diṭṭhiyā na sutiyā na nāṇenāti.** Diṭṭhenāpi suddhim visuddhim parisuddhim, muttim vimuttim parimuttim nāha na kthesi na bhaṇasi na dīpayasi na voharasi; sutenāpi suddhim visuddhim parisuddhim, muttim vimuttim parimuttim nāha na kthesi na bhaṇasi na dīpayasi na voharasi; nāṇenāpi suddhim visuddhim parisuddhim, muttim vimuttim parimuttim nāha na kthesi na bhaṇasi na dīpayasi na voharasi – na diṭṭhiyā na sutiyā na nāṇena.

**Māgaṇḍiyāti** bhagavā tam brāhmaṇam nāmena ālapati. **Bhagavāti** gāravādhivacanam...pe... sacchikā paññatti yadidam bhagavāti – māgaṇḍiyāti bhagavā.

**Sīlabbatenāpi na suddhimāhāti.** Sīlenāpi suddhim visuddhim parisuddhim, muttim vimuttim parimuttim nāha na kthesi na bhaṇasi na dīpayasi na voharasi; vatenāpi suddhim visuddhim parisuddhim, muttim vimuttim parimuttim nāha na kthesi na bhaṇasi na dīpayasi na voharasi; sīlabbatenāpi suddhim visuddhim parisuddhim, muttim vimuttim parimuttim nāha na kthesi na bhaṇasi na dīpayasi na voharasīti – sīlabbatenāpi na suddhimāha.

**Adiṭṭhiyā assutiyā añāṇā, asīlatā abbatā nopi tenāti.** Diṭṭhipi icchitabbā. Dasavatthukā sammādiṭṭhi – atthi dinnam, atthi yiṭṭham, atthi hutam, atthi sukatadukkaṭānam [sukaṭadukkaṭānam (sī.)] kammānam phalam vipāko, atthi ayam loko, atthi paro loko, atthi mātā, atthi pitā, atthi sattā opapātikā, atthi loke samaṇabrahmaṇā sammaggatā [samaggatā (ka.)] sammāpaṭipannā ye imañca lokam parañca

lokam̄ sayam̄ abhiññā sacchikatvā pavedentīti; savanampi icchitabbam̄ – parato ghoso, suttam̄, geyyam̄, veyyākaraṇam̄, gāthā, udānam̄, itivuttakam̄, jātakam̄, abbhutadhammam̄, vedallaṁ; nāñampi icchitabbam̄ – kammassakataññānam̄, saccānulomikaññānam̄ [kammassakataññānam̄ saccānulomikam̄ nāñānam̄ (sī. ka.) nāñavibhaṅgepi], abhiññāññānam̄, samāpattiññānam̄; sīlampi icchitabbam̄ – pātimokkhasaññavaro; vatampi icchitabbam̄ – aṭṭha dhutaṅgāni – āraññikaṅgam̄, piṇḍapātikaṅgam̄, pañcukūlikaṅgam̄, tecīvarikaṅga, sapadānacārikaṅgam̄, khalupacchābhattikaṅgam̄, nesajjikaṅgam̄, yathāsanthatikāṅganti.

**Adiṭṭhiyā assutiyā aññāñā, asīlatā abbatā no pi tenāti.** Nāpi sammādiṭṭhimattena, nāpi savanamattena, nāpi nāñamattena, nāpi sīlamattena, nāpi vatamattena ajjhattasantiṁ patto hoti, nāpi vinā etehi dhammehi ajjhattasantiṁ pāpuṇāti. Api ca sambhārā ime dhammā honti ajjhattasantiṁ pāpuṇitum̄ adhigantum̄ phassitum̄ sacchikātunti – adiṭṭhiyā assutiyā aññāñā asīlatā abbatā no pi tena.

**Ete ca nissajja anuggahāyāti.** Eteti kañhapakkhikānam̄ dhammānam̄ samugghātato pahānam̄ icchitabbam̄, tedhātukesu kusalesu dhammesu atammayatā [akammayatā (sī. ka.)] icchitabbā, yato kañhapakkhiyā dhammā samugghātaphahānenā pahīnā honti ucchinnamūlā tālāvatthukatā anabhāvāñkatā āyatim̄ anuppādadhammā, tedhātukesu ca kusalesu dhammesu atammayatā hoti, ettāvatāpi na gañhāti na parāmasati nābhinivisati. Atha vā na gañhitabbā na parāmasitabbā nābhinivisitabbāti. Evampi ete ca nissajja anuggahāya. Yato tañhā ca diṭṭhi ca māno ca pahīnā honti ucchinnamūlā tālāvatthukatā anabhāvāñkatā āyatim̄ anuppādadhammāti, ettāvatāpi na gañhāti na parāmasati nābhinivisatīti. Evampi ete ca nissajja anuggahāya.

Yato puññābhisañkhāro ca apuññābhisañkhāro ca āneñjābhisañkhāro ca pahīnā honti ucchinnamūlā tālāvatthukatā anabhāvāñkatā āyatim̄ anuppādadhammāti, ettāvatāpi na gañhāti na parāmasati nābhinivisatīti. Evampi ete ca nissajja anuggahāya.

**Santo anissāya bhavam̄ na jappeti.** Santoti rāgassa samitattā santo, dosassa samitattā santo, mohassa samitattā santo, kodhassa... upanāhassa... makkhassa... palāsassa... issāya... macchariyassa... māyāya... sātHEYyassa... thambhassa... sārambhassa... mānassa... atimānassa... madassa... pamādassa... sabbakilesānam̄... sabbaduccaritānam̄... sabbadarathānam̄... sabbapariñjhānam̄... sabbasantāpānam̄... sabbākusalābhisañkhārānam̄ santattā samitattā vūpasamitattā vijjhātattā nibbutattā vigatattā paṭipassaddhātā santo upasanto vūpasanto nibbuto paṭipassaddhoti – santo.

**Anissāyāti** dve nissayā – tañhānissayo ca diṭṭhinissayo ca...pe... ayam̄ tañhānissayo...pe... ayam̄ diṭṭhinissayo. Tañhānissayam̄ pahāya diṭṭhinissayam̄ paṭinissajjivtā cakkhum̄ anissāya, sotam̄ anissāya, ghānam̄ anissāya, jivham̄ anissāya, kāyam̄ anissāya, manam̄ anissāya, rūpe... sadde... gandhe... rase... phoṭṭhabbe... kulam̄... gañam̄... āvāsam̄... lābham̄... yasam̄... pasāmsam̄... sukham̄... cīvaram̄... piṇḍapātam̄... senāsanam̄... gilānapaccayabhesajjaparikkhāram̄... kāmadhātum̄... rūpadhātum̄... arūpadhātum̄... kāmabhavam̄... rūpabhavam̄... arūpabhavam̄... saññābhavam̄... asaññābhavam̄... nevasaññānāsaññābhavam̄... ekavokārabhavam̄... catuvokārabhavam̄... pañcavokārabhavam̄... atītam̄... anāgatam̄... paccuppannam̄... diṭṭhasutamutaviññātabbe dhamme anissāya aggañhitvā aparāmasitvā anabhinivisitvāti – santo anissāya. **Bhavam̄ na jappeti** kāmabhavam̄ na jappeyya, rūpabhavam̄ na jappeyya, arūpabhavam̄ na jappeyya nappajappeyya na abhijappeyyāti – santo anissāya bhavam̄ na jape.

Tenāha bhagavā –

“Na diṭṭhiyā na sutiyā na nāñena, [māgañdiyāti bhagavā]  
Sīlabbenāpi na suddhimāha;  
Adiṭṭhiyā assutiyā aññāñā, asīlatā abbatā no pi tena;

Ete ca nissajja anuggahāya, santo anissāya bhavam na jappe”ti.

**75. No ce kira diṭṭhiyā na sutiyā na nāñena, [iti māgaṇḍiyo]**

**Silabbatenāpi na suddhimāha;**

**Adiṭṭhiyā assutiyā añāñā, asīlatā abbatā nopi tena;**

**Maññāmaham momuhameva dhammam, diṭṭhiyā eke paccenti suddhim.**

**No ce kira diṭṭhiyā na sutiyā na nāñenāti.** Diṭṭhiyāpi suddhim visuddhim parisuddhim, muttim vimuttim parimuttim nāha na kathesi na bhaṇasi na dīpayasi na voharasi; sutenāpi suddhim visuddhim parisuddhim, muttim vimuttim parimuttim... diṭṭhasutenāpi suddhim visuddhim parisuddhim, muttim vimuttim parimuttim... nāñenāpi suddhim visuddhim parisuddhim, muttim vimuttim parimuttim nāha na kathesi na bhaṇasi na dīpayasi na voharasīti – no ce kira diṭṭhiyā na sutiyā na nāñena.

**Iti māgaṇḍiyoti itīti padasandhi...pe.... Māgaṇḍiyoti tassa brāhmaṇassa nāmaṁ...pe... iti māgaṇḍiyo.**

**Silabbatenāpi na suddhimāhāti.** Sīlenāpi suddhim visuddhim parisuddhim...pe... vatenāpi suddhim visuddhim parisuddhim...pe... sīlabbenāpi suddhim visuddhim parisuddhim, muttim vimuttim parimuttim nāha na kathesi na bhaṇasi na dīpayasi na voharasīti – sīlabbenāpi na suddhimāha.

**Adiṭṭhiyā assutiyā añāñā, asīlatā abbatā nopi tenāti.** Diṭṭhipi icchitabbāti evam bhaṇasi, savanampi icchitabbanti evam bhaṇasi, nāñampi icchitabbanti evam bhaṇasi, na sakkosi ekaṁsena anujānitum, napi sakkosi ekaṁsena paṭikkhipitunti – adiṭṭhiyā assutiyā añāñā, asīlatā abbatā nopi tena.

**Maññāmaham momuhameva dhammanti.** Momūhadhammo ayam tuyham bāladhammo mūlhadhammo aññāñadhammo amarāvikkhepadhammoti evam maññāmi evam jānāmi evam ājānāmi evam vijānāmi evam paṭivijānāmi evam paṭivijjhāmīti – maññāmaham momuhameva dhammam.

**Diṭṭhiyā eke paccenti suddhinti.** Suddhidiṭṭhiyā eke samaṇabrāhmaṇā suddhim visuddhim parisuddhim, muttim vimuttim parimuttim paccenti; “sassato loko, idameva saccam moghamāñña”nti diṭṭhiyā eke samaṇabrāhmaṇā suddhim visuddhim parisuddhim, muttim vimuttim parimuttim paccenti; “asassato loko...pe... neva hoti na na hoti tathāgato param marañā, idameva saccam moghamāñña”nti diṭṭhiyā eke samaṇabrāhmaṇā suddhim visuddhim parisuddhim, muttim vimuttim parimuttim paccentīti – diṭṭhiyā eke paccenti suddhim.

Tenāha so brāhmaṇo –

“No ce kira diṭṭhiyā na sutiyā na nāñena, [iti māgaṇḍiyo]

**Silabbatenāpi na suddhimāha;**

**Adiṭṭhiyā assutiyā añāñā, asīlatā abbatā nopi tena;**

**Maññāmaham momuhameva dhammam, diṭṭhiyā eke paccenti suddhi”nti.**

**76. Diṭṭhiñca [diṭṭhisu (sī. syā. ka.)] nissāyanupucchamāno, [māgaṇḍiyāti bhagavā]**

**Samuggahitesu pamohamāgā [samohamāgā (ka.)] ;**

**Ito ca nāddakkhi aṇumpi saññam, tasmā tuvam momuhato dahāsi.**

**Diṭṭhiñca nissāyanupucchamānoti.** Māgaṇḍiyo brāhmaṇo diṭṭhim nissāya diṭṭhim pucchatī, lagganam nissāya lagganam pucchatī, bandhanam nissāya bandhanam pucchatī, palibodham nissāya palibodham pucchatī. **Anupucchamānoti** punappunam pucchatīti – diṭṭhiñca nissāyanupucchamāno.

**Māgaṇḍiyāti** bhagavā tam brahmaṇam nāmena ālapati. **Bhagavāti** gāravādhivacanam... pe... sacchikā paññatti yadidam bhagavāti – māgaṇḍiyāti bhagavā.

**Samuggahītesu pamohamāgāti.** Yā sā diṭṭhi tayā gahitā parāmaṭṭhā abhiniviṭṭhā ajjhositā adhimuttā, tāyeva tvam diṭṭhiyā mūlhosi pamūlhosi sammūlhosi moham āgatosi pamoham āgatosi sammoham āgatosi andhakāram pakkhandosīti – samuggahītesu pamohamāgā.

**Ito ca nāddakkhi aṇumpi saññānti.** Ito ajjhattasantito vā paṭipadāto vā dhammadesanāto vā, yuttasaññām pattasaññām lakkhaṇasaññām kāraṇasaññām tħānasaññām na paṭilabhati, kuto ñāṇanti. Evampi ito ca nāddakkhi aṇumpi saññām. Atha vā aniccam vā aniccasāññānulomam vā, dukkham vā dukkhasaññānulomam vā, anattam vā anattasaññānulomam vā, saññuppādamattam vā sañjānitamattam vā na paṭilabhati, kuto ñāṇanti. Evampi ito ca nāddakkhi aṇumpi saññām.

**Tasmā tuvam momuhato dahāsīti.** Tasmāti tasmā tamkāraṇā tamhetu tappaccayā tamnidānā momūhadhammato bāladhammato mūlhadhammato aññānadhammato amarāvikkhepadhammato dahāsi passasi dakkhasi olokesi nijjhāyasi upaparikkhasīti – tasmā tuvam momuhato dahāsi.

Tenāha bhagavā –

“Diṭṭhiñca nissāyanupucchamāno, [māgaṇḍiyāti bhagavā]  
Samuggahītesu pamohamāgā;  
Ito ca nāddakkhi aṇumpi saññām, tasmā tuvam momuhato dahāsī”ti.

**77. Samo visesī uda vā nihīno, yo maññati so vivadetha tena;  
Tīsu vidhāsu avikampamāno, samo visesīti na tassa hoti.**

**Samo visesī uda vā nihīno, yo maññati so vivadetha tenāti.** Sadisohamasmīti vā seyyohamasmīti vā hīnohamasmīti vā yo maññati, so tena mānena tāya diṭṭhiyā tena vā puggalena kalaham kareyya bhaṇḍanaṁ kareyya viggaham kareyya vivādaṁ kareyya medhagaṁ kareyya – “na tvam imam dhammavinayam ājānāsi, aham imam dhammavinayam ājānāmi, kim tvam imam dhammavinayam ājānissasi, micchāpatipanno tvamasi, ahamasmi sammāpatipanno, sahitam me, asahitam te, pure vacanīyam pacchā avaca, pacchā vacanīyam pure avaca, adhiciṇṇam te viparāvattam, āropito te vādo, niggahito tvamasi, cara vādappamokkhāya, nibbeṭhehi vā sace pahosi”ti – samo visesī uda vā nihīno yo maññati so vivadetha tena.

**Tīsu vidhāsu avikampamāno, samo visesīti na tassa hotīti.** Yassetā tisso vidhā pahīnā samucchinnā vūpasantā paṭipassaddhā abhabuppattikā ñāṇagginā daḍḍhā, so tīsu vidhāsu na kampati na vikampati, avikampamānassa puggalassa sadisohamasmīti vā seyyohamasmīti vā hīnohamasmīti vā. **Na tassa hotīti.** Na mayham hotīti tīsu vidhāsu avikampamāno, samo visesīti – na tassa hoti.

Tenāha bhagavā –

“Samo visesī uda vā nihīno, yo maññati so vivadetha tena;  
Tīsu vidhāsu avikampamāno, samo visesīti na tassa hotī”ti.

**78. Saccanti so brāhmaṇo kiṁ vadeyya, musāti vā so vivadetha kena;  
Yasmiṁ samam visamam vāpi natthi, sa kena vādam paṭisamuyujeyya.**

**Saccanti so brāhmaṇo kiṁ vadeyyāti.** Brāhmaṇoti sattannaṁ dhammānaṁ bāhitattā brāhmaṇo... pe... asito tādi pavuccate sa brahmā. **Saccanti so brāhmaṇo kiṁ vadeyyāti.** “Sassato loko, idameva saccam moghamāñña”nti brāhmaṇo kiṁ vadeyya kiṁ katheyya kiṁ bhaṇeyya kiṁ dīpayeyya kiṁ

vohareyya; “assassato loko...pe... neva hoti na na hoti tathāgato param maraṇā, idameva saccam moghamāñña”nti brāhmaṇo kiṁ vadeyya kiṁ katheyya kiṁ bhaṇeyya kiṁ dīpayeyya kiṁ vohareyyāti – saccanti so brāhmaṇo kiṁ vadeyya.

**Musāti vā so vivadetha kenāti.** Brāhmaṇo mayhaṁva saccam, tuyhaṁ musāti kena mānena, kāya ditṭhiyā, kena vā puggalena kalahaṁ kareyya bhaṇḍanam kareyya viggahaṁ kareyya vivādam kareyya medhagam kareyya – “na tvam imam dhammadvinayam ājānāsi...pe... nibbeṭhehi vā sace pahosī”ti – musāti vā so vivadetha kena.

**Yasmiṁ samam visamam vāpi natthīti.** Yasminiṁ puggale arahante khīṇāsave sadisohamasmiṁtī māno natthi, seyyohamasmiṁtī māno natthi, hīnohamasmiṁtī omāno natthi na santi na samvijjati nupalabbhati, pahīnam samucchinnam vūpasantam paṭipassaddham abhabuppattikam nānagginā daḍḍhanti – yasmiṁ samam visamam vāpi natthi.

**Sa kena vādaṁ paṭisamyujeyyāti.** So kena mānena, kāya ditṭhiyā, kena vā puggalena vādaṁ paṭisaññojeyya paṭibaleyya kalahaṁ kareyya bhaṇḍanam kareyya viggahaṁ kareyya vivādam kareyya medhagam kareyya – “na tvam imam dhammadvinayam ājānāsi...pe... nibbeṭhehi vā sace pahosī”ti – sa kena vādaṁ paṭisamyujeyya.

Tenāha bhagavā –

“Saccanti so brāhmaṇo kiṁ vadeyya, musāti vā so vivadetha kena;  
Yasmiṁ samam visamam vāpi natthi, sa kena vādaṁ paṭisamyujeyyā”ti.

#### 79. Okam pahāya aniketasārī, gāme akubbam muni santhavāni [sandhavāni (ka.)] ; Kāmehi ritto apurekkharāno, katham na viggayha janena kayirā.

Atha kho hāliddakāni [haliddakānī (sī.)] gahapati yenāyasmā mahākaccāno tenupasaṅkami; upasaṅkamitvā āyasmantam mahākaccānam abhvādetvā ekamantam nisidi. Ekamantam nisino kho hāliddakāni gahapati āyasmantam mahākaccānam etadavoca – “vuttamidaṁ bhante, kaccāna, bhagavatā atṭhakavaggike māgaṇḍiyapañhe –

“Okam pahāya aniketasārī, gāme akubbam muni santhavāni;  
Kāmehi ritto apurekkharāno, katham na viggayha janena kayirā”ti.

“Imassa nu kho bhante, kaccāna, bhagavatā saṅkhittena bhāsitassa katham vitthārena attho daṭṭhabbo”ti?

“Rūpadhātu kho, gahapati, viññāṇassa oko rūpadhātu rāgavinibandhañca [rāgavinibaddhañca (sī.)] pana viññāṇam okasārīti vuccati. Vedanādhātu kho, gahapati... saññādhātu kho, gahapati... saṅkhāradhātu kho, gahapati, viññāṇassa oko saṅkhāradhātu rāgavinibandhañca pana viññāṇam okasārīti vuccati. Evam kho, gahapati, okasārī hoti.

“Kathañca, gahapati, anokasārī hoti? Rūpadhātuyā kho, gahapati, yo chando yo rāgo yā nandī yā taṇhā ye upāyupādānā [upayupādānā (ka.)] cetaso adhiṭṭhānābhinivesānusayā te tathāgatassa pahīnā ucchinnaṁlā tālāvatthukatā anabhāvamkatā āyatim anuppādadhammā; tasmā tathāgato anokasārīti vuccati. Vedanādhātuyā kho, gahapati... saññādhātuyā kho, gahapati... saṅkhāradhātuyā kho, gahapati... viññāṇadhātuyā kho, gahapati, yo chando yo rāgo yā nandī yā taṇhā ye upāyupādānā cetaso adhiṭṭhānābhinivesānusayā te tathāgatassa pahīnā ucchinnaṁlā tālāvatthukatā anabhāvamkatā āyatim anuppādadhammā; tasmā tathāgato anokasārīti vuccati. Evam kho, gahapati, anokasārī hoti.

“Kathañca, gahapati, niketasārī hoti? Rūpanimittaniketavisāravinibandhā kho, gahapati, niketasārīti vuccati. Saddanimitta... gandhanimitta... rasanimitta... phoṭṭhabbanimitta... dhammanimittaniketavisāravinibandhā kho, gahapati, niketasārīti vuccati. Evam̄ kho, gahapati, niketasārī hoti.

“Kathañca, gahapati, aniketasārī hoti? Rūpanimittaniketavisāravinibandhā kho, gahapati, tathāgatassa pahīnā ucchinnamūlā tālāvatthukatā anabhāvāñkatā āyatim̄ anuppādadhammā; tasmā tathāgato aniketasārīti vuccati. Saddanimitta... gandhanimitta... rasanimitta... phoṭṭhabbanimitta... dhammanimittaniketavisāravinibandhā kho, gahapati, tathāgatassa pahīnā ucchinnamūlā tālāvatthukatā anabhāvāñkatā āyatim̄ anuppādadhammā; tasmā tathāgato aniketasārīti vuccati. Evam̄ kho, gahapati, aniketasārī hoti.

“Kathañca, gahapati, gāme santhavajāto hoti? Idha, gahapati, ekacco bhikkhu gihīhi saṃsaṭṭho viharati sahanandī sahasokī, sukhitesu sukhito, dukkhitessu dukkhitō, uppannesu kiccakaraṇīyesu attanā voyogam̄ āpajjati. Evam̄ kho, gahapati, gāme santhavajāto hoti.

“Kathañca, gahapati, gāme na santhavajāto hoti? Idha, gahapati, ekacco bhikkhu gihīhi asaṃsaṭṭho viharati na sahanandī na sahasokī, na sukhitesu sukhito, na dukkhitessu dukkhitō, uppannesu kiccakaraṇīyesu na attanā voyogam̄ āpajjati. Evam̄ kho, gahapati, gāme na santhavajāto hoti.

“Kathañca, gahapati, kāmehi aritto hoti? Idha, gahapati, ekacco bhikkhu kāmesu avītarāgo hoti avigatacchando avigatapemo avigatapipāso avigatapariļāho avigatataňho. Evam̄ kho, gahapati, kāmehi aritto hoti.

“Kathañca, gahapati, kāmehi ritto hoti? Idha, gahapati, ekacco bhikkhu kāmesu vītarāgo hoti vigatacchando vigatapemo vigatapipāso vigatapariļāho vigatataňho. Evam̄ kho, gahapati, kāmehi ritto hoti.

“Kathañca, gahapati, purekkharāno hoti? Idha, gahapati, ekaccassa bhikkhuno evam̄ hoti – ‘evam̄rūpo siyam̄ anāgatamaddhāna’nti tattha nandim̄ samannāneti, ‘evam̄vedano siyam̄... evam̄sañño siyam̄... evamsaṅkhāro siyam̄... evam̄viññāno siyam̄ anāgatamaddhāna’nti tattha nandim̄ samannāneti. Evam̄ kho, gahapati, purekkharāno hoti.

“Kathañca, gahapati, apurekkharāno hoti? Idha, gahapati, ekaccassa bhikkhuno evam̄ hoti – ‘evam̄rūpo siyam̄ anāgatamaddhāna’nti na tattha nandim̄ samannāneti, ‘evam̄vedano siyam̄... evam̄sañño siyam̄... evamsaṅkhāro siyam̄... evam̄viññāno siyam̄ anāgatamaddhāna’nti na tattha nandim̄ samannāneti. Evam̄ kho, gahapati, apurekkharāno hoti.

“Kathañca, gahapati, katham̄ viggayha janena kattā hoti? Idha, gahapati, ekacco evarūpiṁ katham̄ kattā hoti – ‘na tvam̄ imam̄ dhammadvinayam̄ ājānāsi, aham̄ imam̄ dhammadvinayam̄ ājānāmi, kiṁ tvam̄ imam̄ dhammadvinayam̄ ājānissasi, micchāpaṭipanno tvam̄asi, ahamasmi sammāpaṭipanno, sahitam̄ me, asahitam̄ te, pure vacanīyam̄ pacchā avaca, pacchā vacanīyam̄ pure avaca, adhiciṇṇam̄ te viparāvattam̄, āropito te vādo, niggahito tvam̄asi, cara vādappamokkhāya, nibbethehi vā sace pahosī’ti. Evam̄ kho, gahapati, katham̄ viggayha janena kattā hoti.

“Kathañca, gahapati, katham̄ viggayha janena na kattā hoti? Idha, gahapati, ekacco na evarūpiṁ katham̄ kattā hoti – ‘na tvam̄ imam̄ dhammadvinayam̄ ājānāsi... pe... nibbethehi vā sace pahosī’ti. Evam̄ kho, gahapati, viggayha janena na kattā hoti. Iti kho, gahapati, yam̄ tam̄ vuttam̄ bhagavatā atṭhakavaggike māgaṇḍiyapañhe –

“Okam̄ pahāya aniketasārī, gāme akubbam̄ muni santhavāni;

Kāmehi ritto apurekkharāno, katham na viggayha janena kayirā”ti.

“Imassa kho, gahapati, bhagavatā sañkhittena bhāsitassa evam vitthārena attho daṭṭhabbo”ti.

Tenāha bhagavā –

“Okam pahāya aniketasārī, gāme akubbam muni santhavāni;  
Kāmehi ritto apurekkharāno, katham na viggayha janena kayirā”ti.

- 80. Yehi vivitto vicareyya loke, na tāni uggayha vadeyya nāgo;**  
**Elambujam kaṇḍakavārijam [kaṇṭakam vārijam (sī.)] yathā, jalena pañkena canūpalittam;**  
**Evam munī santivādo agiddho, kāme ca loke ca anūpalitto.**

**Yehi vivitto vicareyya loketi.** Yehīti yehi diṭṭhigatehi. Vivittoti kāyaduccaritena ritto vivitto pavivitto, vacīduccaritena... manoduccaritena... rāgena...pe... sabbākusalābhisaṅkhārehi ritto vivitto pavivitto. **Vicareyyāti** vicareyya vihareyya iriyeyya vatteyya pāleyya yapeyya yāpeyya. **Loketi** manussaloketi – yehi vivitto vicareyya loke.

**Na tāni uggayha vadeyya nāgoti.** Nāgoti āgum na karotīti – nāgo, na gacchatīti – nāgo, nāgacchatīti – nāgo. Katham āgum na karotīti – nāgo? Āgū vuccanti pāpakā akusalā dhammā samkilesikā ponobhavikā sadarā dukkhavipākā āyatī jātijarāmaraṇiyā.

Āgum na karoti kiñci loke, [sabhiyāti bhagavā]  
 Sabbasaññoge visajja bandhanāni;  
 Sabbathā na sajjati vimutto, nāgo tādī pavuccate tathattā.

Evam āgum na karotīti – nāgo.

Katham na gacchatīti – nāgo? Na chandāgatīm gacchati, na dosāgatīm gacchati, na mohāgatīm gacchati, na bhayāgatīm gacchati, na rāgavasena gacchati, na dosavasena gacchati, na mohavasena gacchati, na mānavasena gacchati, na diṭṭhivasena gacchati, na uddhaccavasena gacchati, na vicikicchāvasena gacchati, nānusayavasena gacchati, na vaggehi dhammehi yāyati nīyati vuyhati samharīyati. Evam na gacchatīti – nāgo.

Katham nāgacchatīti – nāgo? Sotāpattimaggena ye kilesā pahīnā te kilese na puneti na pacceti na paccāgacchati. Sakadāgāmimaggena... anāgāmimaggena... arahattamaggena ye kilesā pahīnā te kilese na puneti na pacceti na paccāgacchati. Evam nāgacchatīti – nāgo.

**Na tāni uggayha vadeyya nāgoti.** Nāgo na tāni diṭṭhigatāni gahetvā uggahetvā gaṇhitvā parāmasitvā abhinivisitvā vadeyya katheyya bhaṇeyya dīpayeyya vohareyya; “sassato loko...pe... neva hoti na na hoti tathāgato param maraṇā, idameva saccam moghamāñña”nti vadeyya katheyya bhaṇeyya dīpayeyya vohareyyāti – na tāni uggayha vadeyya nāgo.

**Elambujam kaṇḍakavārijam yathā, jalena pañkena canūpalittanti.** Elam vuccati udakam, ambujam vuccati padumam, kaṇḍako vuccati kharadaṇḍo, vāri vuccati udakam, vārijam vuccati padumam vārisambhavam, jalam vuccati udakam, pañko vuccati kaddamo. Yathā padumam vārijam vārisambhavam jalena ca pañkena ca na limpati na palimpati na upalimpati, alittam asamplittam anupalittanti – elambujam kaṇḍakavārijam yathā jalena pañkena canūpalittam.

**Evam munī santivādo agiddho, kāme ca loke ca anūpalittoti.** Evanti opammasam̄paṭipādanam.

**Munīti.** Monam vuccati nānam...pe... saṅgajālamaticca so muni. **Santivādoti** santivādo muni tānavādo leñavādo saranavādo abhayavādo accutavādo amatavādo nibbānavādoti – evam muni santivādo. **Agiddhoti.** Gedho vuccati tañhā. Yo rāgo sārāgo...pe... abhijjhā lobho akusalamūlam. Yasseso gedho pahīno samucchinno vūpasanto paṭipassaddho abhabuppattiko nānagginā daḍḍho so vuccati agiddho. So rūpe agiddho, sadde... gandhe... rase... phoṭṭhabbe... kule... gaṇe... āvāse... lābhe... yase... pasamsāya... sukhe... cīvare... piñḍapāte ... senāsane... gilānapaccayabhesajjaparikkhāre... kāmadhātuyā ... rūpadhātuyā... arūpadhātuyā... kāmabhāve... rūpabhāve... arūpabhāve... saññābhāve... asaññābhāve... nevasaññānāsaññābhāve... ekavokārabhāve... catuvokārabhāve... pañcavokārabhāve... atīte... anāgate... paccuppanne... diṭṭha-suta-muta-viññātabbesu dhammesu agiddho agadhito amucchito anajjhosanno [anajjhāpanno (sī.), anajjhōpanno (syā.)], vītagedho vigatagedho cattagedho vantagedho muttagedho pahīnagedho paṭinissaṭṭhagedho, vītarāgo vigatarāgo cattarāgo vantarāgo muttarāgo pahīnarāgo paṭinissaṭṭharāgo, nicchāto nibbuto sītibhūto sukhappaṭisamvedī brahmabhūtena attanā viharatīti – evam muni santivādo agiddho.

**Kāme ca loke ca anūpalittoti.** Kāmāti udānato dve kāmā – vatthukāmā ca kilesakāmā ca...pe... ime vuccanti vatthukāmā...pe... ime vuccanti kilesakāmā. **Loketi** apāyaloke manussaloke devaloke khandhaloke dhātuloke āyatana-loke. **Lepāti** dve lepā – tañhālepo ca diṭṭhilepo ca...pe... ayam tañhālepo...pe... ayam diṭṭhilepo. Muni tañhālepam pahāya diṭṭhilepam paṭinissajjītvā kāme ca loke ca na limpatti na palimpatti na upalimpatti, alitto apalitto anupalitto nikkhanto nissaṭo vippamutto visaññutto vimariyādikatena cetasā viharatīti – evam munī santivādo agiddho, kāme ca loke ca anūpalitto.

Tenāha bhagavā –

“Yehi vivitto vicareyya loke, na tāni uggayha vadeyya nāgo;  
Elambujam kañḍakavārijam yathā, jalena pañkena canūpalittam;  
Evam munī santivādo agiddho, kāme ca loke ca anūpalitto”ti.

81. **Na vedagū diṭṭhiyā [diṭṭhiyāyako (ka. atṭha.) su. ni. 852] na mutiyā, sa mānameti na hittamayo so;**  
**Na kammunā nōpi sutena neyyo, anūpanīto sa nivesanesu.**

**Na vedagū diṭṭhiyā na mutiyā, sa mānametīti.** Nāti paṭikkhepo. **Vedagūti.** Vedo vuccati catūsu maggesu nānam, paññā paññindriyam paññābalam dhammadvayasambojjhaṅgo vīmāmsā vipassanā sammādiṭṭhi. Tehi vedehi jātijarāmarañassa antagato antappatto, koṭigato koṭippatto, pariyantagato pariyantappatto, vosānagato vosānappatto, tānagato tānappatto, leñagato leñappatto, sarañagato sarañappatto, abhayagato abhayappatto, accutagato accutappatto, amatagato amatappatto, nibbānagato nibbānappatto, vedānam vā antam gatoti vedagū, vedehi vā antam gatoti vedagū, sattannam vā dhammadānam vīditattā vedagū, sakkāyadiṭṭhi vīditā hoti, vicikicchā vīditā hoti, sīlabbataparāmāso vīdito hoti, rāgo vīdito hoti, doso vīdito hoti, moho vīdito hoti, māno vīdito hoti, vīdītāssa honti pāpakā akusalā dhammā samkilesikā ponobhavikā sadarā dukkhavipākā āyatim jātijarāmarañyā.

Vedāni viceyya kevalāni, [sabhiyāti bhagavā]  
Samanānam yānīdhaththi brāhmaṇānam;  
Sabbavedanāsu vītarāgo, sabbam vedamaticca vedagū soti.

**Na diṭṭhiyāti** tassa dvāsatthi diṭṭhigatāni pahīnāni samucchinnāni vūpasantāni paṭipassaddhāni abhabuppattikāni nānagginā daḍḍhāni. So diṭṭhiyā na yāyati na nīyati na vuyhati na saṁharīyati, napi tam diṭṭhigataṁ sārato pacceti na paccāgacchatīti – na vedagū diṭṭhiyā. **Na mutiyāti** mutarūpena vā parato ghosena vā mahājanasammutiyā vā mānam neti na upeti na upagacchatīti na ganhāti na parāmasati nābhinivisatīti – na vedagū diṭṭhiyā na mutiyā sa mānametīti.

**Na hi tammayo soti na taṇhāvasena diṭṭhivasena tammayo hoti tapparamo tapparāyano.** Yato taṇhā ca diṭṭhi ca māno cassa pahīnā honti ucchinnamūlā tālāvatthukatā anabhāvaṇkatā āyatim anuppādadharmmā ettāvata na tammayo hoti na tapparamo na tapparāyanoti – sa mānameti na hi tammayo so.

**Na kammunā nōpi sutena neyyoti.** **Na kammunāti** puññābhisaṅkhārena vā apuññābhisaṅkhārena vā āneñjābhisaṅkhārena vā na yāyati na nīyati na vuyhati na samharīyatī – na kammunā. **Nōpi sutena neyyoti** sutasuddhiyā vā parato ghosena vā mahājanasammutiyā vā na yāyati na nīyati na vuyhati na samharīyatī – na kammunā nōpi sutena neyyo.

**Anūpanīto sa nivesanesūti.** **Upayāti** dve upayā – taṇhūpayo ca diṭṭhūpayo ca...pe... ayam taṇhūpayo...pe... ayam diṭṭhūpayo. Tassa taṇhūpayo pahīno, diṭṭhūpayo paṭinissaṭṭho. Taṇhūpayassa pahīnattā, diṭṭhūpayassa paṭinissaṭṭhattā so nivesanesu anūpanīto anupalitto anupagato anajjhositō anadhimutto nikkhanto nissaṭo vippamutto visaññutto vimariyādikatena cetasā viharatī – anūpanīto sa nivesanesu.

Tenāha bhagavā –

“Na vedagū diṭṭhiyā na mutiyā, sa mānameti na hi tammayo so;  
Na kammunā nōpi sutena neyyo, anūpanīto sa nivesanesū”ti.

82. **Saññāvirattassa na santi ganthā, paññāvimuttassa na santi mohā;**  
**Saññānca diṭṭhiñca ye aggahesum, te ghaṭṭamānā [ghaṭṭayantā (syā.) su. ni. 853] vicaranti loke.**

**Saññāvirattassa na santi ganthāti.** Yo samathapubbaṅgamam ariyamaggam bhāveti tassa ādito upādāya ganthā vikkhambhitā honti, arahatte patte arahato ganthā ca mohā ca nīvaraṇā ca kāmasaññā byāpādasaññā vihiṁsāsaññā diṭṭhisaññā ca pahīnā honti ucchinnamūlā tālāvatthukatā anabhāvaṇkatā āyatim anuppādadharmmāti – saññāvirattassa na santi ganthā.

**Paññāvimuttassa na santi mohāti.** Yo vipassanāpubbaṅgamam ariyamaggam bhāveti, tassa ādito upādāya mohā vikkhambhitā honti, arahatte patte arahato mohā ca ganthā ca nīvaraṇā ca kāmasaññā byāpādasaññā vihiṁsāsaññā diṭṭhisaññā ca pahīnā honti ucchinnamūlā tālāvatthukatā anabhāvaṇkatā āyatim anuppādadharmmāti – paññāvimuttassa na santi mohā.

**Saññānca diṭṭhiñca ye aggahesum, te ghaṭṭamānā vicaranti loketi.** Ye saññām gaṇhanti kāmasaññām byāpādasaññām vihiṁsāsaññām te saññāvasena ghaṭṭenti saṅghaṭtentī. Rājānopi rājūhi vivadanti, khattiyañca khattiyehi vivadanti, brāhmañapi brāhmañehi vivadanti, gahapatīpi gahapatīhi vivadanti, mātāpi puttena vivadati, puttopi mātarā vivadati, pitāpi puttena vivadati, puttopi pitarā vivadati, bhātāpi bhātarā vivadati, bhaginīpi bhaginiyā vivadati, bhātāpi bhaginiyā vivadati, bhaginīpi bhātarā vivadati, sahāyopi sahāyena vivadati. Te tattha kalahaviggahavivādamāpannā aññamaññām pāññīhipi upakkamanti, leḍḍūhipi [[leḍḍūhipi \(ka.\)](#)] upakkamanti, danḍehipī upakkamanti, satthehipi upakkamanti. Te tattha maraṇampi nigacchanti maraṇamattampi dukkham. Ye diṭṭhim gaṇhanti “sassato loko”ti vā...pe... “neva hoti na na hoti tathāgato param maraṇā”ti vā te diṭṭhivasena ghaṭṭenti saṅghaṭtentī, satthārato satthāram ghaṭṭentī, dhammakkhānato dhammakkhānam ghaṭṭentī, gaṇato gaṇam ghaṭṭentī, diṭṭhiyā diṭṭhim ghaṭṭentī, paṭipadāya paṭipadām ghaṭṭentī, maggato maggām ghaṭṭentī.

Atha vā te vivadanti, kalaham karonti, bhaṇḍanam karonti, viggaham karonti, vivādam karonti, medhagam karonti – “na tvam imam dhammadvinayam ājānāsi...pe... nibbethehi vā sace pahosi”ti. Tesam abhisāṅkhārā appahīnā; abhisāṅkhārānam appahīnattā gatiyā ghaṭṭentī, niraye ghaṭṭentī, tiracchānayoniyā ghaṭṭentī, pettivisaye ghaṭṭentī, manussaloke ghaṭṭentī, devaloke ghaṭṭentī, gatiyā

gatim... upapattiyā upapattim... paṭisandhiyā paṭisandhim... bhavena bhavam... saṃsārena saṃsāram... vaṭṭena vaṭṭam ghaṭṭenti saṅghaṭṭenti vadanti vicaranti viharanti iriyanti vattenti pālenti yapenti yāpenti. **Loketi apāyaloke...pe... āyatanaloketi – saññañca diṭṭhiñca ye aggahesum te ghaṭṭamānā vicaranti loke.**

Tenāha bhagavā –

“Saññāvirattassa na santi ganthā, paññāvimmuttassa na santi mohā;  
Saññañca diṭṭhiñca ye aggahesum, te ghaṭṭamānā vicaranti loke”ti.

Māgaṇḍiyasuttaniddeso navamo.

## 10. Purābhedasuttaniddeso

Atha purābhedasuttaniddesam vakkhati –

- 83. Kathamḍassī kathamsilo, upasantoti vuccati;  
Tam me gotama pabrūhi, pucchito uttamam naram.**

**Kathamḍassī kathamsilo, upasantoti vuccatīti.** Kathamḍassīti kīdisena dassanena samannāgato, kiṃsaṇhitena, kiṃpakārena, kiṃpaṭibhāgenāti – kathamḍassī. **Kathamsīloti** kīdisena sīlena samannāgato, kiṃsaṇhitena, kiṃpakārena, kiṃpaṭibhāgenāti – kathamḍassī kathamsīlo. **Upasantoti vuccatīti** santo upasanto vūpasanto nibbuto paṭipassaddhoti vuccati pavuccati kathīyati bhaṇīyati dīpīyati voharīyati. Kathamḍassīti adhipaññam pucchatīti, kathamsīloti adhisīlam pucchatīti, upasantoti adhicittam pucchatīti – kathamḍassī kathamsīlo upasantoti vuccati.

**Tam me gotama pabrūhīti.** Tanti yam pucchāmi, yam yācāmi, yam ajjhēsāmi, yam pasādemi. **Gotamāti** so nimmito buddham bhagavantam gottena ālapati. **Pabrūhīti** brūhi ācikkha desehi paññapehi paṭṭhapehi vivara vibhaja uttānikarohi pakāsehīti – tam me gotama pabrūhi.

**Pucchito uttamam naranti.** Pucchitoti puṭṭho pucchito yācito ajjhēsito pasādito. **Uttamam naranti** aggam seṭṭham visiṭṭham pāmokkham uttamam pavaram naranti – pucchito uttamam naram.

Tenāha so nimmito –

“Kathamḍassī kathamsīlo, upasantoti vuccati;  
Tam me gotama pabrūhi, pucchito uttamam nara”nti.

- 84. Vītataṇho purābhedā, [iti bhagavā]  
Pubbamantamanissito;  
Vemajjhe nupasaṅkheyyo,  
Tassa natthi purakkhatam.**

**Vītataṇho purābhedāti.** Purā kāyassa bhedā, purā attabhāvassa bhedā, purā kalevarassa nikhepā, purā jīvitindriyassa upacchedā vītataṇho vigatataṇho cattataṇho vantataṇho muttataṇho pahīnataṇho paṭinissatṭhataṇho, vītarāgo vigatarāgo cattarāgo vantarāgo muttarāgo pahīnarāgo paṭinissatṭharāgo, nicchāto nibbuto sītibhūto sukhappaṭisamvedī brahmabhbūtena attanā viharati.

**Bhagavāti** gāravādhivacanam. Api ca bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggataṇhoti bhagavā, bhaggakilesoti

bhagavā, bhaji vibhaji pavibhaji dhammaratananti bhagavā, bhavānam antakaroti bhagavā, bhāvitakāyo bhāvitasilo bhāvitacitto bhāvitapaññoti bhagavā, bhaji vā bhagavā araññavanapaththāni pantāni senāsanāni appasaddāni appanigghosāni vijanavātāni manussarāhasseyyakāni pañsallānasāruppānīti bhagavā, bhāgī vā bhagavā cīvarapiñḍapātasenāsanagilānapaccayabhesajjaparikkhārānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhicittassa adhipaññāyāti bhagavā, bhāgī vā bhagavā catunnam jhānānam catunnam appamaññānam catunnam arūpasamāpattīnanti bhagavā, bhāgī vā bhagavā atthannam vimokkhānam atthannam abhibhāyatānānam navannam anupubbavīhārasamāpattīnanti bhagavā, bhāgī vā bhagavā dasannam paññābhāvanānam dasannam kasiṇasamāpattīnam ānāpānassatisamādhissa asubhasamāpattiyāti bhagavā, bhāgī vā bhagavā catunnam satipatthānānam catunnam sammappadhānānam catunnam iddhipādānānam pañcannam indriyānam pañcannam balānam sattannam bojjhaṅgānam ariyassa atthaṅgikassa maggassāti bhagavā, bhāgī vā bhagavā dasannam tathāgatabalānam catunnam vesārajjānam catunnam pañsamabhidānānam channam abhiññānam channam buddhadhammānanti bhagavā. Bhagavāti netā nāmā mātarā kataṁ, na pitarā kataṁ, na bhātarā kataṁ, na bhaginiyā kataṁ, na mittāmaccehi kataṁ, na nātisālohitēhi kataṁ, na samanābrāhmaṇehi kataṁ, na devatāhi kataṁ; vimokkhantikametām buddhānam bhagavantānam bodhiyā mūle saha sabbaññutaññāssa pañlābhā sacchikā paññatti yadidaṁ bhagavāti – vītatañho purābhedāti bhagavā.

**Pubbamantamanissitoti** pubbanto vuccati atīto addhā. Atītaṁ addhānam ārabba taṇhā pahīnā, diṭṭhi pañinissaṭṭhā taṇhāya pahīnattā, diṭṭhiyā pañinissaṭṭhattā. Evampi pubbamantamanissito. Atha vā “evamrūpo ahosi atītamaddhāna”nti tattha nandim na samannāneti, “evamvedano ahosi... evamṣañño ahosi... evamṣaṅkharo ahosi... evamviññāṇo ahosi atītamaddhāna”nti tattha nandim na samannāneti. Evampi pubbamantamanissito. Atha vā “iti me cakkhu [cakkhum (sī. ka.)] ahosi atītamaddhānam – iti rūpā”ti tattha na chandarāgapati**baddham** hoti viññānam, na chandarāgapati**baddhattā** viññāṇassa na tadabhinandati; na tadabhinandanto. Evampi pubbamantamanissito. “Iti me sotām ahosi atītamaddhānam – iti saddā”ti, “iti me ghānam ahosi atītamaddhānam – iti gandhā”ti, “iti me jivhā ahosi atītamaddhānam – iti rasā”ti, “iti me kāyo ahosi atītamaddhānam – iti phoṭṭhabbā”ti, “iti me mano ahosi atītamaddhānam – iti dhammā”ti tattha na chandarāgapati**baddham** hoti viññānam, na chandarāgapati**baddhattā** viññāṇassa na tadabhinandati; na tadabhinandanto. Evampi pubbamantamanissito. Atha vā yāni tāni pubbe mātugāmena saddhim hasitalapitakīlitāni na tadassādeti, na tam nikāmeti, na ca tena vittim āpajjati. Evampi pubbamantamanissito.

**Vemajjhe nupasaṅkheyoyti.** Vemajjhām vuccati paccuppanno addhā. Paccuppannam addhānam ārabba taṇhā pahīnā, diṭṭhi pañinissaṭṭhā. Taṇhāya pahīnattā, diṭṭhiyā pañinissaṭṭhattā rattoti nupasaṅkheyyo, duṭṭhoti nupasaṅkheyyo, mūlhoti nupasaṅkheyyo, vinibaddhoti nupasaṅkheyyo, parāmaṭṭhoti nupasaṅkheyyo, vikkhepagatoti nupasaṅkheyyo, aniṭṭhaṅgatoti nupasaṅkheyyo, thāmagatoti nupasaṅkheyyo; te abhisāṅkhārā pahīnā; abhisāṅkhānānam pahīnattā gatiyā nupasaṅkheyyo, nerayikoti vā tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññināsaññīti vā. So hetu natthi paccayo natthi kāraṇam natthi yena saṅkham gaccheyyāti – vemajjhe nupasaṅkheyyo.

**Tassa natthi purakkhatanti.** Tassāti arahato khīṇāsavassa. **Purekkhārāti** dve purekkhārā – taṇhāpurekkhāro ca diṭṭhipurekkhāro ca...pe... ayam taṇhāpurekkhāro...pe... ayam diṭṭhipurekkhāro. Tassa taṇhāpurekkhāro pahīno, diṭṭhipurekkhāro pañinissaṭṭho. Taṇhāpurekkhārassa pahīnattā, diṭṭhipurekkhārassa pañinissaṭṭhattā na taṇham vā diṭṭhim vā purato katvā carati, na taṇhādhajo na taṇhāketu na taṇhādhipeyyo, na diṭṭhidhajo na diṭṭhiketu na diṭṭhādhipeyyo, na taṇhāya vā diṭṭhiyā vā parivārito carati. Evampi tassa natthi purakkhatam. Atha vā “evamrūpo siyām anāgatamaddhāna”nti tattha nandim na samannāneti, “evamvedano siyām... evamṣañño siyām... evamṣaṅkharo siyām... evamviññāṇo siyām anāgatamaddhāna”nti tattha nandim na samannāneti. Evampi tassa natthi

purakkhatam. Atha vā “iti me cakkhu siyā anāgatamaddhānam – iti rūpā”ti appaṭiladdhassa paṭilābhāya cittam na panidahati, cetaso appaṇidhānappaccayā na tadabhinandati; na tadabhinandanto. Evampi tassa natthi purakkhatam. “Iti me sotam siyā anāgatamaddhānam – iti saddā”ti, “iti me ghānam siyā anāgatamaddhānam – iti gandhā”ti, “iti me jivhā siyā anāgatamaddhānam – iti rasā”ti, “iti me kāyo siyā anāgatamaddhānam – iti phoṭṭhabbā”ti, “iti me mano siyā anāgatamaddhānam – iti dhammā”ti appaṭiladdhassa paṭilābhāya cittam na panidahati, cetaso appaṇidhānappaccayā na tadabhinandati; na tadabhinandanto. Evampi tassa natthi purakkhatam. Atha vā “imīnāham sīlēna vā vatena vā tapena vā brahmacariyena vā devo vā bhavissāmi devaññatato”ti vā appaṭiladdhassa paṭilābhāya cittam na panidahati, cetaso appaṇidhānappaccayā na tadabhinandati; na tadabhinandanto. Evampi tassa natthi purakkhatam.

Tenāha bhagavā –

“Vītataṇho purābhedā, [iti bhagavā]  
Pubbamantanamissito;  
Vemajjhe nupasaṅkheyyo,  
Tassa natthi purakkhata”nti.

#### **85. Akkodhano asantāsī, avikatthī akukkuco; Mantabhāṇī anuddhato, sa ve vācāyato muni.**

**Akkodhano asantāsīti.** Akkodhanoti yañhi kho vuttam. Api ca kodho tāva vattabbo. Dasahākārehi kodho jāyati – “anattham me acarī”ti kodho jāyati, “anattham me caratī”ti kodho jāyati, “anattham me carissatī”ti kodho jāyati, “piyassa me manāpassa anattham acari... anattham carati... anattham carissatī”ti kodho jāyati, “appiyassa me amanāpassa attham acari... attham carati... attham carissatī”ti kodho jāyati, aṭṭhāne vā pana kodho jāyati. Yo evarūpo cittassa āghāto paṭighāto, paṭigham paṭivirodho, kopo pakopo sampakopo, doso padoso sampadoso, cittassa byāpatti manopadoso, kodho kujjhānā kujjhittattam, doso dussanā dussitattam, byāpatti byāpajjanā byāpajjittattam, virodho paṭivirodho caṇḍikkam,asuropo [[assuropo \(sī. ka.\)](#)] anattamanatā cittassa – ayam vuccati kodho.

Api ca kodhassa adhimattaparittatā veditabbā. Atthi kañci [[kiñci \(ka.\)](#)] kālam kodho cittāvilakaraṇamatto hoti, na ca tāva mukhakulānavikulāno hoti; atthi kañci kālam kodho mukhakulānavikulānamatto hoti, na ca tāva hanusañcopano hoti; atthi kañci kālam kodho hanusañcopanamatto hoti, na ca tāva pharusavācam nicchāraṇo [[pharusavācanicchāraṇo \(syā.\)](#)] hoti; atthi kañci kālam kodho pharusavācam nicchāraṇamatto hoti, na ca tāva disāvidisānuvilocano hoti; atthi kañci kālam kodho disāvidisānuvilonakanamatto hoti, na ca tāva daṇḍasatthaparāmasano hoti; atthi kañci kālam kodho daṇḍasatthaparāmasanamatto hoti, na ca tāva daṇḍasatthaabbhukkiraṇo hoti; atthi kañci kālam kodho daṇḍasatthaabbhukkiraṇamatto hoti, na ca tāva daṇḍasatthaabbhinipātano hoti; atthi kañci kālam kodho chinnavicchinnakaraṇamatto hoti, na ca tāva sambhañjanapalibhañjano hoti; atthi kañci kālam kodho sambhañjanapalibhañjanamatto hoti, na ca tāva aṅgamaṅgaapakadḍhano hoti; atthi kañci kālam kodho aṅgamaṅgaapakadḍhanamatto hoti, na ca tāva jīvitāvoropano [[jīvitapanāsano \(syā.\)](#)] hoti; atthi kañci kālam kodho jīvitāvoropanamatto hoti, na ca tāva sabbacāgapariccāgāya sañṭhitō hoti. Yato kodho parapuggalam ghāṭetvā attānam ghāṭeti, ettāvatā kodho paramussadagato paramavepullappatto hoti. Yassa so kodho pahīno samucchinno vūpasanto paṭipassaddho abhabuppattiko nāñagginā daḍḍho, so vuccati akkodhano. Kodhassa pahīnattā akkodhano, kodhavatthussa pariññatattā akkodhano, kodhahetussa upacchinattā akkodhanoti – akkodhano.

**Asantāsīti** idhekacco tāsī hoti uttāsī parittāsī, so tasati na uttasati parittasati bhāyati santāsam āpajjati. Kulam vā na labhāmi, gaṇam vā na labhāmi, āvāsam vā na labhāmi, lābhām vā na labhāmi, yasam vā na labhāmi, pasam̄sam vā na labhāmi, sukham vā na labhāmi, cīvaraṁ vā na labhāmi,

piṇḍapātam vā na labhāmi, senāsanam vā na labhāmi, gilānapaccayabhesajjaparikkhāram vā na labhāmi, gilānupaṭṭhākam vā na labhāmi, appaññātomhīti tasati uttasati parittasati bhāyati santāsam āpajjati.

Idha bhikkhu asantāsī hoti anuttāsī aparittāsī; so na tasati na uttasati na parittasati na bhāyati na santāsam āpajjati. Kulam vā na labhāmi, gaṇam vā na labhāmi, āvāsam vā na labhāmi, lābhām vā na labhāmi, yasaṁ vā na labhāmi, pasāmṣam vā na labhāmi, sukhaṁ vā na labhāmi, cīvaraṁ vā na labhāmi, piṇḍapātam vā na labhāmi, senāsanam vā na labhāmi, gilānapaccayabhesajjaparikkhāram vā na labhāmi, gilānupaṭṭhākam vā na labhāmi, appaññātomhīti na tasati na uttasati na parittasati na bhāyati na santāsam āpajjatīti – akkodhano asantāsī.

**Avikatthī akukkucoti.** Idhekacco katthī hoti vikatthī, so katthati vikatthati – ahamasmi sīlasampanno vā vatasampanno vā sīlabbatasampanno vā jātiyā vā gottena vā kolaputtiyena vā vanṇapokkharatāya vā dhanena vā ajjhelenā vā kammāyatana vā sippāyatana vā vijjāṭṭhānena vā sutena vā paṭibhānena vā aññataraññatarena vā vatthunā. Uccā kulā pabbajitoti vā mahākulā pabbajitoti vā, mahābhogakulā pabbajitoti vā ulārabhogakulā pabbajitoti vā, nāto yassī gahaṭṭhapabbajitānanti vā, lābhimhi cīvarapiṇḍapātāsenāsanagilānapaccayabhesajjaparikkhārānanti vā, suttantikoti vā vinayadharoti vā dhammakathikoti vā, āraññikoti vā piṇḍapātikoti vā pañṣukūlikoti vā tecīvarikoti vā, sapadānacārikoti vā khalupacchābhāttikoti vā nesajjikoti vā yathāsanthatikoti vā, paṭhamassa jhānassa lābhīti vā dutiyassa jhānassa lābhīti vā tatiyassa jhānassa lābhīti vā catutthassa jhānassa lābhīti vā, ākāsānaññācāyatana samāpatti yā... viññānaññācāyatana samāpatti yā... ākiñcaññācāyatana samāpatti yā... nevasaññānāsaññācāyatana samāpatti yā lābhīti vā katthati vikatthati. Evam na katthati na vikatthati, katthanā vikatthanā ārato virato paṭivirato nikkhanto nissaṭo vippamutto visaññutto vimariyādikatena cetā viharatīti – avikatthī.

**Akukkucoti. Kukkuccanti** hatthakukkuccampi kukkuccam, pādakukkuccampi kukkuccam, hatthapādakukkuccampi kukkuccam, akappiye kappiyasaññitā kappiye akappiyasaññitā, vikāle kālasaññitā kāle vikālasaññitā, avajje vajjasaññitā vajje avajjasaññitā; yaṁ evarūpam kukkuccam kukkuccāyanā kukkuccāyitattam cetaso vippaṭisāro manovilekho – idam vuccati kukkuccam.

Api ca dvīhi kāraṇehi uppajjati kukkuccam cetaso vippaṭisāro manovilekho katattā ca akatattā ca. Katham katattā ca akatattā ca uppajjati kukkuccam cetaso vippaṭisāro manovilekho? “Kataṁ me kāyaduccaritam, akataṁ me kāyasucarita” nti uppajjati kukkuccam cetaso vippaṭisāro manovilekho; “kataṁ me vacīduccaritam, akataṁ me vacīsucaritam... kataṁ me manoduccaritam, akataṁ me manusucarita” nti – uppajjati kukkuccam cetaso vippaṭisāro manovilekho; “kato me pāññātipāto, akatā me pāññātipāta veramañī” ti – uppajjati kukkuccam cetaso vippaṭisāro manovilekho; “kataṁ me adinnādānam, akatā me adinnādāna veramañī” ti – uppajjati kukkuccam cetaso vippaṭisāro manovilekho; “kato me kāmesumicchācāro, akatā me kāmesumicchācārā veramañī” ti – uppajjati kukkuccam cetaso vippaṭisāro manovilekho; “kato me musāvādo, akatā me musāvādā veramañī” ti... “katā me pisuñā vācā, akatā me pisuñāya vācāya veramañī” ti... “katā me pharusā vācā, akatā me pharusāya vācāya veramañī” ti... “kato me samphappalāpo, akatā me samphappalāpā veramañī” ti... “katā me abhijjhā, akatā me anabhijjhā” ti... “kato me byāpādo, akato me abyāpādo” ti... “katā me micchādiṭṭhi, akatā me sammādiṭṭhi” ti – uppajjati kukkuccam cetaso vippaṭisāro manovilekho. Evam katattā ca akatattā ca uppajjati kukkuccam cetaso vippaṭisāro manovilekho.

Atha vā “sīlesumhi na paripūrakārī” ti – uppajjati kukkuccam cetaso vippaṭisāro manovilekho; “indriyesumhi aguttadvārō” ti... “bhojane amattaññumhī” ti... “jāgariyam ananuyuttomhī” ti... “na satisampajaññena samannāgatohī” ti... “abhāvitā me cattāro satipaṭṭhānā” ti... “abhāvitā me cattāro sammappadhānā” ti... “abhāvitā me cattāro idhipādā” ti... “abhāvitāni me pañcindriyānī” ti... “abhāvitāni me pañca balānī” ti... “abhāvitā me satta bojjhangā” ti... “abhāvito me ariyo atṭhaṅgiko maggo” ti... “dukkham me apariññāta” nti... “samudayo me appahīno” ti... “maggo me abhāvito” ti...

“nirodho me asacchikato”ti – uppajjati kukkuccam cetaso vippatisāro manovilekho. Yassetam kukkuccam pahīnam samucchinnam vūpasantam paṭipassaddham abhabuppattikam nāṇagginā daḍḍham, so vuccati akukkuccoti – avikathī akukkuco.

**Mantabhāṇī anuddhatoti.** Mantā vuccati paññā. Yā paññā pajānanā...pe... amoho dhammadicayō sammādiṭṭhi. Mantāya pariggahetvā pariggahetvā vācam bhāsatī bahumpi kathento bahumpi bhananto bahumpi dīpayanto bahumpi voharanto. Dukkathitam dubbhānitam dullapitam duruttam dubbhāsitam vācam na bhāsatī – mantabhāṇī. **Anuddhatoti.** Tattha katamam uddhaccam? Yam cittassa uddhaccam avūpasamo cetaso vikkhepo bhantattam cittassa – idam vuccati uddhaccam. Yassetam uddhaccam pahīnam samucchinnam vūpasantam paṭipassaddham abhabuppattikam nāṇagginā daḍḍham, so vuccati anuddhatoti – mantabhāṇī anuddhato.

**Sa ve vācāyato munīti.** Idha bhikkhu musāvādām pahāya musāvādā paṭivirato hoti saccavādī saccasandho theto paccayiko avisamvādako lokassa. Pisūṇam vācam pahāya pisūṇāya vācāya paṭivirato hoti – ito sutvā na amutra akkhātā imesam bhedāya, amutra vā sutvā na imesam akkhātā amūsam bhedāya. Iti bhinnānam vā sandhātā, sahitānam vā anuppadātā, samaggārāmo samaggarato samagganandī samaggakaraṇīm vācam bhāsitā hoti. Pharusaṁ vācam pahāya pharusāya vācāya paṭivirato hoti – yā sā vācā nelā kaṇṭasukhā pemanīyā hadayaṅgamā porī bahujanakantā bahujanamanāpā tathārūpiṁ vācam bhāsitā hoti. Samphappalāpam pahāya samphappalāpā paṭivirato hoti – kālavādī bhūtavādī attavādī dhammavādī vinayavādī nidhānavatīm vācam bhāsitā hoti kālena sāpadesam pariyantavatīm atthasamhitam. Catūhi vacīsucaritehi samannāgato catuddosāpagatam vācam bhāsatī, bāttimśāya tiracchānakathāya ārato assa virato paṭivirato nikkhanto nissaṭo vippamutto visaññutto vimariyādikatena cetasā viharati.

Dasa kathāvatthūni kathesi, seyyathidam – appicchakatham katheti, santutthīkatham katheti, pavivekakatham... asaṃsaggakatham... vīriyārambhakatham... sīlakatham... samādhikatham... paññākatham... vimuttikatham... vimuttiñāṇadassanakatham... satipatthānakatham... sammappadhānakatham... idhipādakatham... indriyakatham... balakatham... bojjhaṅgakatham... maggakatham... phalakatham... nibbānakatham katheti. **Vācāyatoti** yatto pariyatto gutto gopito rakkhito vūpasanto. **Munīti.** **Monam** vuccati nāṇam. Yā paññā pajānanā...pe... amoho dhammadicayō sammādiṭṭhi...pe... saṅgajālamaticca so munīti – sa ve vācāyato muni.

Tenāha bhagavā –

“Akkodhano asantāsī, avikathī akukkuco;  
Mantabhāṇī anuddhato, sa ve vācāyato munī”ti.

#### **86. Nirāsatti anāgate, atītam nānusocati; Vivekadassī phassesu, diṭṭhīsu ca na nīyati.**

**Nirāsatti anāgateti.** **Āsatti** vuccati taṇhā. Yo rāgo sārāgo...pe... abhijjhā lobho akusalamūlam. Yassesā āsatti taṇhā pahīnā samucchinnā vūpasantā paṭipassaddhā abhabuppattikā nāṇagginā daḍḍhāti. Evampi nirāsatti anāgate. Atha vā “evamrūpo siyam anāgatamaddhāna”nti tattha nandīm na samannāneti, “evamvedano siyam... evamsañño siyam... evamsañkhāro siyam... evamviññāṇo siyam anāgatamaddhāna”nti tattha nandīm na samannāneti. Evampi nirāsatti anāgate. Atha vā “iti me cakkhu siyā anāgatamaddhānam – iti rūpā”ti appaṭiladdhassa paṭilābhāya cittam na paṇidahati, cetaso appaṇidhānappaccayā na tadabhinandati; na tadabhinandanto. Evampi nirāsatti anāgate. “Iti me sotam siyā anāgatamaddhānam – iti saddā”ti...pe... “iti me mano siyā anāgatamaddhānam – iti dhammā”ti appaṭiladdhassa paṭilābhāya cittam na paṇidahati, cetaso appaṇidhānappaccayā na tadabhinandati; na tadabhinandanto. Evampi nirāsatti anāgate. Atha vā “imināham sīlēna vā vatena vā tapena vā brahmacariyena vā devo vā bhavissāmi devaññataro vā”ti appaṭiladdhassa paṭilābhāya cittam na

pañidahati, cetaso appañidhānappaccayā na tadabhinandati; na tadabhinandanto. Evampi nirāsatti anāgate.

**Atītam nānusocatī.** Vipariṇataṁ vā vatthum na socati, vipariṇatasmiṁ vā vatthusmiṁ na socati, “cakkhu me vipariṇata”nti na socati, “sotam me... ghānam me... jivhā me... kāyo me... rūpā me... saddā me... gandhā me... rasā me... phoṭṭhabbā me... kulaṁ me... gaṇo me... āvāso me... lābho me... yaso me... pasāmsā me... sukham me... cīvaraṁ me... piṇḍapāto me... senāsanam me... gilānapaccayabhesajjaparikkhāro me... mātā me... pitā me... bhātā me... bhaginī me... putto me... dhītā me... mittā me... amaccā me... ītakā me... sālohitā me vipariṇatā”ti na socati na kilamati na paridevati na urattālim kandati na sammoham āpajjatī – atītam nānusocati.

**Vivekadassī phassesūti.** Cakkhusamphasso sotasamphasso ghānasamphasso jivhāsamphasso kāyasamphasso manosamphasso, adhivacanasamphasso paṭighasamphasso, sukhavedanīyo phasso dukkhavedanīyo phasso adukkhamasukhavedanīyo phasso, kusalo phasso akusalo phasso abyākato phasso, kāmāvacaro phasso rūpāvacaro phasso arūpāvacaro phasso, suññato phasso animitto phasso appanihito phasso, lokiyo phasso lokuttaro phasso, atīto phasso anāgato phasso paccuppanno phasso; yo evarūpo phasso phusanā samphusanā samphusitattam – ayam vuccati phasso.

**Vivekadassī phassesūti.** Cakkhusamphassam vivittam passati attena vā attaniyena vā niccena vā dhuvena vā sassatena vā avipariṇāmadhammena vā, sotasamphassam vivittam passati... ghānasamphassam vivittam passati... jivhāsamphassam vivittam passati... kāyasamphassam vivittam passati... manosamphassam vivittam passati... adhivacanasamphassam vivittam passati... paṭighasamphassam vivittam passati... sukhavedanīyam phassam... dukkhavedanīyam phassam... adukkhamasukhavedanīyam phassam... kusalam phassam... akusalam phassam... abyākataṁ phassam... kāmāvacaram phassam... rūpāvacaram phassam... arūpāvacaram phassam... lokiyaṁ phassam vivittam passati attena vā attaniyena vā niccena vā dhuvena vā sassatena vā avipariṇāmadhammena vā.

Atha vā atītam phassam anāgatehi ca paccuppannehi ca phassehi vivittam passati, anāgataṁ phassam atītehi ca paccuppannehi ca phassehi vivittam passati, paccuppannam phassam atītehi ca anāgatehi ca phassehi vivittam passati. Atha vā ye te phassā ariyā anāsavā lokuttarā suññatapaṭisaññuttā, te phasse vivitte passati rāgena dosena mohena kodhena upanāhena makkhena paṭasena issāya macchariyena māyāya sāṭheyyna thambhena sārambhena mānena atimānena madena pamādena sabbakilesehi sabbaduccaritehi sabbadarathēhi sabbapariṭāhehi sabbasantāpehi sabbākusalābhisaṅkhārehi vivitte passatī – vivekadassī phassesu.

**Dīṭhīsu ca na nīyatīti.** Tassa dvāsaṭṭhi dīṭhigatāni pahīnāni samucchinnāni vūpasantāni paṭipassaddhāni abhabuppattikāni īñānagginā daḍḍhāni. So dīṭhiyā na yāyati na nīyati na vuyhati na samharīyati; napi tam dīṭhigataṁ sārato pacceti na paccāgacchatīti – dīṭhīsu ca na nīyati.

Tenāha bhagavā –

“Nirāsatti anāgate, atītam nānusocati;  
Vivekadassī phassesu, dīṭhīsu ca na nīyatī”ti.

#### 87. Patilīno akuhako, apihālu amaccharī; Appagabbho ajeguccho, pesuṇeyye ca no yuto.

**Patilīno akuhakoti.** Patilīnoti rāgassa pahīnattā patilīno, dosassa pahīnattā patilīno, mohassa pahīnattā patilīno, kodhassa... upanāhassa ... makkhassa... paṭasassa... issāya... macchariyassa... pe... sabbākusalābhisaṅkhārānam pahīnattā patilīno. Vuttañhetam bhagavatā – “kathañca, bhikkhave,

bhikkhu patilīno hoti? Imassa, bhikkhave, bhikkhuno asmimāno pahīno hoti ucchinnamūlo tālāvatthukato anabhāvamkato āyatiṁ anuppādadhammo. Evaṁ kho, bhikkhave, bhikkhu patilīno hotī”ti – patilīno.

**Akuhakoti** tīṇi kuhanavatthūni – paccayapaṭisevanasaṅkhātam kuhanavatthu, iriyāpathasaṅkhātam kuhanavatthu, sāmantajappanasāṅkhātam kuhanavatthu.

Katamaṁ paccayapaṭisevanasaṅkhātam kuhanavatthu? Idha gahapatikā bhikkhum nimantenti cīvarapiṇḍapātasenāsanagilānapaccayabhesajjaparikkhārehi. So pāpiccho icchāpakato athiko cīvarapiṇḍapātasenāsanagilānapaccayabhesajjaparikkhārānaṁ bhiyyokamyataṁ upādāya cīvaraṁ paccakkhāti, piṇḍapātam paccakkhāti, senāsanam paccakkhāti, gilānapaccayabhesajjaparikkhāram paccakkhāti. So evamāha – “kim̄ samaṇassa mahagghena cīvarena! Etam sāruppam yam̄ samaṇo susānā vā saṅkārakūṭā vā pāpanikā vā nantakāni uccinivā saṅghātīm katvā dhāreyya. Kim̄ samaṇassa mahagghena piṇḍapātena! Etam sāruppam yam̄ samaṇo uñchācariyāya piṇḍiyālopēna jīvikam̄ kappeyya. Kim̄ samaṇassa mahagghena senāsanena! Etam sāruppam yam̄ samaṇo rukkhamūliko vā assa sosāniko vā abbhokāsiko vā. Kim̄ samaṇassa mahagghena gilānapaccayabhesajjaparikkhārena! Etam sāruppam yam̄ samaṇo pūtimuttena vā haritakīkhanḍena vā osadham̄ kareyyā”ti. Tadupādāya lūkham̄ cīvaraṁ dhāreti, lūkham̄ piṇḍapātam paribhuñjati, lūkham̄ senāsanam paṭisevati, lūkham̄ gilānapaccayabhesajjaparikkhāram paṭisevati. Tamenam̄ gahapatikā evam̄ jānanti – “ayaṁ samaṇo appiccho santuṭṭho pavivitto asamṣaṭṭho āraddhvīriyo dhutavādo”ti bhiyyo bhiyyo nimantenti cīvarapiṇḍapātasenāsanagilānapaccayabhesajjaparikkhārehi. So evamāha – “tiṇṇam̄ sammukhībhāvā saddho kulaputto bahum̄ puññam̄ pasavati. Saddhāya sammukhībhāvā saddho kulaputto bahum̄ puññam̄ pasavati, deyyadhammassa sammukhībhāvā saddho kulaputto bahum̄ puññam̄ pasavati, dakkhineyyānam̄ sammukhībhāvā saddho kulaputto bahum̄ puññam̄ pasavati. ‘Tumhākañcevāyam̄ saddhā atthi, deyyadhammo ca samvijjati, ahañca paṭiggāhako. Saceham̄ na paṭiggahessāmi, evam̄ tumhe puññena paribāhirā bhavissanti. Na mayham̄ iminā attho. Api ca tumhākam̄yeva anukampāya paṭiggañhāmī”ti. Tadupādāya bahumpi cīvaraṁ paṭiggañhāti, bahumpi piṇḍapātam paṭiggañhāti, bahumpi gilānapaccayabhesajjaparikkhāram paṭiggañhāti. Yā evarūpā bhākuṭikā bhākuṭiyam̄ kuhanā kuhāyanā kuhitattam – idam̄ paccayapaṭisevanasaṅkhātam kuhanavatthu.

Katamaṁ iriyāpathasaṅkhātam kuhanavatthu? Idhekacco pāpiccho icchāpakato sambhāvanādhippāyo, “evaṁ maṁ janō sambhāvessatī”ti, gamanam̄ sañṭhapeti thānam̄ sañṭhapeti nisajjam̄ sañṭhapeti sayanam̄ sañṭhapeti, pañidhāya gacchatī pañidhāya tiṭṭhatī pañidhāya nisīdati pañidhāya seyyam̄ kappeti, samāhito viya gacchatī samāhito viya tiṭṭhatī samāhito viya nisīdati samāhito viya seyyam̄ kappeti, āpāthakajjhāyīva hoti. Yā evarūpā iriyāpathassa ṭhapanā āṭhapanā [aṭṭhapanā (sī.)] sañṭhapanā bhākuṭikā bhākuṭiyam̄ kuhanā kuhāyanā kuhitattam – idam̄ iriyāpathasaṅkhātam kuhanavatthu.

Katamaṁ sāmantajappanasāṅkhātam kuhanavatthu? Idhekacco pāpiccho icchāpakato sambhāvanādhippāyo, “evaṁ maṁ janō sambhāvessatī”ti, ariyadhammasannissitaṁ vācam bhāsatī. “Yo evarūpam̄ cīvaraṁ dhāreti so samaṇo mahesakkho”ti bhaṇati; “yo evarūpam̄ pattam̄ dhāreti... lohathālakam̄ dhāreti... dhammadakaraṇam̄ dhāreti... parisāvanam̄ dhāreti... kuñcikam̄ dhāreti... upāhanaṁ dhāreti... kāyabandhanam̄ dhāreti... āyogam̄ dhāreti so samaṇo mahesakkho”ti bhaṇati; “yassa evarūpo upajjhāyō so samaṇo mahesakkho”ti bhaṇati; “yassa evarūpo ācariyo... evarūpā samānupajjhāyakā... samānācariyakā... mittā... sandiṭṭhā... sambhattā... sahāyā so samaṇo mahesakkho”ti bhaṇati; “yo evarūpe vihāre vasati so samaṇo mahesakkho”ti bhaṇati; “yo evarūpe adḍhayoge vasati... pāsāde vasati... hammiye vasati... guhāyam̄ vasati... leñe vasati... kuṭiyā vasati... kūṭagāre vasati... atṭe vasati ... māle vasati... uddanḍe vasati... upaṭṭhānasālāyam̄ vasati... manḍape vasati... rukkhamūle vasati, so samaṇo mahesakkho”ti bhaṇati.

Atha vā korajikakorajiko [korañjikakorañjiko (sī.)] bhākuṭikabhākuṭiko kuhakakuhako

lapakalapako mukhasambhāviko, “ayam samaṇo imāsaṁ evarūpānaṁ santānaṁ vihārasamāpattīnaṁ lābhī”ti tādisaṁ gambhīram gūlhaṁ nipiṇam paṭicchannam lokuttaram suññatāpaṭisaṁyuttam katham kathesi. Yā evarūpā bhākuṭikā bhākuṭiyam kuhanā kuḥayanā kuhitattam – idam sāmantajappanasāṅkhātaṁ kuhanavatthu. Yassimāni tīni kuhanavatthūni pahīnāni samucchinnāni vūpasantāni paṭipassaddhāni abhabuppattikāni nāṇagginā daḍḍhāni, so vuccati akuhakoti – patilīno akuhako.

**Apihālu amaccharīti.** Pihā vuccati taṇhā. Yo rāgo sārāgo...pe... abhijjhā lobho akusalamūlam. Yassesā pihā taṇhā pahīnā samucchinnā vūpasantā paṭipassaddhā abhabuppattikā nāṇagginā daḍḍhā, so vuccati apihālu. So rūpe na piheti, sadde... gandhe... rase... phoṭṭhabbe... kulam... gaṇam... āvāsam... lābham... yasam... pasamṣam... sukham... cīvaraṁ... piṇḍapātam... senāsanam... gilānapaccayabhesajjaparikkhāram... kāmadhātum... rūpadhātum... arūpadhātum... kāmabhavam... rūpabhavam... arūpabhavam... saññābhavam... asaññābhavam ... nevasaññānāsaññābhavam... ekavokārabhavam... catuvokārabhavam... pañcavokārabhavam... atītam... anāgataṁ... paccuppannam... diṭṭhasutamutaviññātabbe dhamme na piheti na icchatī na sādiyati na pattheti nābhijappatī – apihālu. **Amaccharīti** pañca macchariyāni – āvāsamacchariyam, kulamacchariyam, lābhamacchariyam, vanṇamacchariyam, dhammadmacchariyam. Yam evarūpam maccharam maccharāyanā maccharāyatattam veviccham kadariyam kaṭukañcukatā aggahitattam cittassa – idam vuccati macchariyam. Api ca khandhamacchariyampi macchariyam, dhātumacchariyampi macchariyam, āyatanamacchariyampi macchariyam gāho – idam vuccati macchariyam. Yassetam macchariyam pahīnāni samucchinnāni vūpasantāni paṭipassaddhāni abhabuppattikāni nāṇagginā daḍḍham, so vuccati amaccharīti – apihālu amaccharī.

**Appagabbho ajegucchoti.** Pāgabbhiyanti tīni pāgabbhiyāni – kāyikam pāgabbhiyam, vācasikam pāgabbhiyam, cetasikam pāgabbhiyam. Katamāni kāyikam pāgabbhiyam? Idhekacco saṅghagatopi kāyikam pāgabbhiyam dasseti, gaṇagatopi kāyikam pāgabbhiyam dasseti, bhojanasālāyampi kāyikam pāgabbhiyam dasseti, jantāgharepi kāyikam pāgabbhiyam dasseti, udakatitthepi kāyikam pāgabbhiyam dasseti, antaragharam pavasantopi kāyikam pāgabbhiyam dasseti, antaragharam pavitthoppi kāyikam pāgabbhiyam dasseti.

Katham saṅghagato kāyikam pāgabbhiyam dasseti? Idhekacco saṅghagato acittikārakato [acittikārakato (syā. ka.)] there bhikkhū ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsam pārupitvāpi nisīdati, ṭhitakopi bhaṇati, bāhāvikkhepakopi bhaṇati. Evam saṅghagato kāyikam pāgabbhiyam dasseti.

Katham gaṇagato kāyikam pāgabbhiyam dasseti? Idhekacco gaṇagato acittikārakato therānam bhikkhūnam anupāhanānam caṅkamantānam saupāhano caṅkamati, nīce caṅkame caṅkamantānam ucce caṅkame caṅkamati, chamāya caṅkamantānam caṅkame caṅkamati, ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsam pārupitvāpi nisīdati, ṭhitakopi bhaṇati, bāhāvikkhepakopi bhaṇati. Evam gaṇagato kāyikam pāgabbhiyam dasseti.

Katham bhojanasālāyam kāyikam pāgabbhiyam dasseti? Idhekacco bhojanasālāyam acittikārakato there bhikkhū anupakhajja nisīdati, navepi bhikkhū āsanena paṭibāhati, ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsam pārupitvāpi nisīdati, ṭhitakopi bhaṇati, bāhāvikkhepakopi bhaṇati. Evam bhojanasālāyam kāyikam pāgabbhiyam dasseti.

Katham jantāghare kāyikam pāgabbhiyam dasseti? Idhekacco jantāghare acittikārakato there bhikkhū ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, anāpuccchampi anajjhīṭṭhopi kaṭṭham pakkhipati, dvārampi pidahati, bāhāvikkhepakopi bhaṇati. Evam jantāghare kāyikam pāgabbhiyam dasseti.

Katham udakatitthe kāyikam pāgabbhiyam dasseti? Idhekacco udakatitthe acittikārakato there bhikkhū ghaṭṭayantopi otarati, puratopi otarati, ghaṭṭayantopi nhāyati [nahāyati (sī.)], puratopi nhāyati, uparitopi nhāyati, ghaṭṭayantopi uttarati, puratopi uttarati, uparitopi uttarati. Evam udakatitthe kāyikam pāgabbhiyam dasseti.

Katham antaragharam pavisanto kāyikam pāgabbhiyam dasseti? Idhekacco antaragharam pavisanto acittikārakato there bhikkhū ghaṭṭayantopi gacchat, puratopi gacchat, vokkammāpi therānam bhikkhūnaṁ purato purato gacchat. Evam antaragharam pavisanto kāyikam pāgabbhiyam dasseti.

Katham antaragharam paviṭṭho kāyikam pāgabbhiyam dasseti? Idhekacco antaragharam paviṭṭho, “na pavisa [pavisatha (sī.) evamaññesu padadvayesupi], bhante”ti vuccamāno pavisati, “na tiṭṭha, bhante”ti vuccamāno tiṭṭhati, “na nisīda, bhante”ti vuccamāno nisīdati, anokāsampi pavisati, anokāsepi tiṭṭhati, anokāsepi nisīdati, yānipi tāni honti kulānam ovarakāni gūlhāni ca paṭicchannāni ca. Yattha kulitthiyo kuladhītaro kulasuṇhāyo kulakumāriyo nisīdanti, tatthapi sahasā pavisati kumārakassapi siram parāmasati. Evam antaragharam paviṭṭho kāyikam pāgabbhiyam dasseti – idam kāyikam pāgabbhiyam dasseti.

Katamaṁ vācasikam pāgabbhiyam dasseti? Idhekacco saṅghagatopi vācasikam pāgabbhiyam dasseti, gaṇagatopi vācasikam pāgabbhiyam dasseti, antaragharam paviṭṭhopi vācasikam pāgabbhiyam dasseti.

Katham saṅghagato vācasikam pāgabbhiyam dasseti? Idhekacco saṅghagato acittikārakato there bhikkhū anāpuccham vā anajjhīṭho vā ārāmagatānam bhikkhūnaṁ dhammam bhaṇati, pañham visajjeti, pātimokkham uddisati, ṭhitakopi bhaṇati, bāhāvikkhepakopi bhaṇati. Evam saṅghagato vācasikam pāgabbhiyam dasseti.

Katham gaṇagato vācasikam pāgabbhiyam dasseti? Idhekacco gaṇagato acittikārakato there bhikkhū anāpuccham vā anajjhīṭho vā ārāmagatānam bhikkhūnaṁ dhammam bhaṇati, pañham visajjeti, ṭhitakopi bhaṇati, bāhāvikkhepakopi bhaṇati. Ārāmagatānam bhikkhunīnam upāsakānam upāsikānam dhammam bhaṇati, pañham visajjeti, ṭhitakopi bhaṇati, bāhāvikkhepakopi bhaṇati. Evam gaṇagato vācasikam pāgabbhiyam dasseti.

Katham antaragharam paviṭṭho vācasikam pāgabbhiyam dasseti? Idhekacco antaragharam paviṭṭho itthim vā kumārim vā evamāha – “itthamnāme itthamgotte kiṁ atthi? Yāgu atthi, bhattam atthi, khādanīyam atthi. Kiṁ pivissāma, kiṁ bhuñjissāma, kiṁ khādissāma? Kiṁ vā atthi, kiṁ vā me dassathā”ti vippalapati, yā evarūpā vācā palāpo vippalāpo lālappo lālappanā lālappitattam. Evam antaragharam paviṭṭho vācasikanam pāgabbhiyam dasseti – idam vācasikanam pāgabbhiyam.

Katamaṁ cetasikam pāgabbhiyam? Idhekacco na uccā kulā pabbajito samāno uccā kulā pabbajitena saddhim sadisam attānam dahati cittena, na mahākulā pabbajito samāno mahākulā pabbajitena saddhim sadisam attānam dahati cittena, na mahābhogakulā pabbajito samāno mahābhogakulā pabbajitena saddhim sadisam attānam dahati cittena, na ulārabhogakulā pabbajito samāno... na suttantiko samāno suttantikena saddhim sadisam attānam dahati cittena, na vinayadharo samāno... na dhammadhathiko samāno... na āraññiko samāno... na piñḍapātiko samāno... na pañsukūliko samāno... na tecīvariko samāno... na sapadānacāriko samāno... na khalupacchābhattiko samāno... na nesajjiko samāno... na yathāsanthatiko samāno... na paṭhamassa jhānassa lābhī samāno paṭhamassa jhānassa lābhīnā saddhim sadisam attānam dahati cittena... pe... na nevasaññānāsaññāyatanasamāpattiya lābhī samāno nevasaññānāsaññāyatanasamāpattiya lābhīnā saddhim sadisam attānam dahati cittena – idam cetasikam pāgabbhiyam. Yassimāni tīni pāgabbhiyāni pahīnāni samucchinnāni vūpasantāni paṭipassaddhāni abhabuppattikāni nānagginā daḍḍhāni, so vuccati appagabbhoti – appagabbho.

**Ajegucchoti.** Atthi puggalo jeguccho, atthi ajeguccho. Katamo ca puggalo jeguccho? Idhekacco puggalo dussilo hoti pāpadhammo asucisañkassarasamācāro pañcchannakammanto assamañō samañapaññō abrahmacārī brahmacāripaññō antopūti avassuto kasambujāto – ayam vuccati puggalo jeguccho. Atha vā kodhano hoti upāyāsabahulo, appampi vutto samāno abhisajjati kuppati byāpajjati patiññiyati, kopañca dosañca appaccayañca pātukaroti – ayam vuccati puggalo jeguccho. Atha vā kodhano hoti upanāhī, makkhī hoti paññāsi, issukī hoti maccharī, sañho hoti māyāvī, thaddho hoti atimānī, pāpiccho hoti micchādiññhi [[micchādiññhi \(sī.\)](#)], sandiññhiparāmāsī hoti ādānaggāhī duppañinissaggī – ayam vuccati puggalo jeguccho.

Katamo ca puggalo ajeguccho? Idha bhikkhu sīlavā hoti pātimokkhasañvarasamvuto viharati ācāragocarasampanno añumattesu vajjesu bhayadassāvī, samādāya sikkhati sikkhāpadesu – ayam vuccati puggalo ajeguccho. Atha vā akkodhano hoti anupāyāsabahulo, bahumpi vutto samāno na abhisajjati na kuppati na byāpajjati na patiññiyati, na kopañca dosañca appaccayañca pātukaroti – ayam vuccati puggalo ajeguccho. Atha vā akkodhano hoti anupanāhī, amakkhī hoti apaññāsi, anissukī hoti amaccharī, asañho hoti amāyāvī, athaddho hoti anatimānī, na pāpiccho hoti na micchādiññhi, asandiññhiparāmāsī hoti anādānaggāhī suppañinissaggī – ayam vuccati puggalo ajeguccho. Sabbe bālaputhujjanā jegucchā, puthujjanakalyāñakam upādāya aṭṭha ariyapuggalā ajegucchāti – appagabbho ajeguccho.

**Pesuññeye ca no yutoti.** Pesuññanti idhekacco pisuñavāco hoti, ito sutvā amutra akkhātā imesañ bhedāya, amutra vā sutvā imesañ akkhātā amūsañ bhedāya. Iti samaggānam vā bhettā [[bhedo \(ka.\)](#)], bhinnānam vā anuppadātā, vaggārāmo, vaggarato, vagganandī, vaggakarañinī vācam bhāsitā hoti – idam vuccati pesuññam.

Api ca dvīhi kārañehi pesuññam upasamharati – piyakamyatāya vā, bhedādhippāyena [[bhedādhippāyo \(bahūsu\)](#)] vā. Katham piyakamyatāya pesuññam upasamharati? Imassa piyo bhavissāmi, manāpo bhavissāmi, vissāsiko bhavissāmi, abbhantariko bhavissāmi, suhadayo bhavissāmīti. Evam piyakamyatāya pesuññam upasamharati. Katham bhedādhippāyena pesuññam upasamharati? “Katham ime nānā assu vinā assu vaggā assu dvedhā assu dvejjhā assu dve pakkhā assu bhijjeyyūm na samāgaccheyyūm dukkham na phāsu [[aphāsum \(sī.\)](#)] vihareyyu”nti. Evam bhedādhippāyena pesuññam upasamharati. Yassetam pesuññam pahīnam samucchinnam vūpasantam pañipassaddhañ abhabuppattikam nāñagginā daññham, so pesuññe no yuto na yutto na payutto na sammāyuttoti – pesuñneye ca no yuto.

Tenāha bhagavā –

“Patilīno akuhako, apiññalu amaccharī;  
Appagabbho ajeguccho, pesuñneye ca no yuto”ti.

#### 88. Sātiyesu anassāvī, atimāne ca no yuto; Sañho ca pañibhānavā, na saddho na virajjati.

**Sātiyesu anassāvī.** Sātiyā vuccanti pañca kāmaguñā. Kimkārañā sātiyā vuccanti pañca kāmaguñā? Yebhuyyena devamanussā pañca kāmaguñē icchanti sātiyanti pathayanti pihayanti abhijappanti, tamkārañā sātiyā vuccanti pañca kāmaguñā. Yesam esā sātiyā tañhā appahīnā tesam cakkhuto rūpatañhā savati āsavati [[pasavati \(syā.\)](#)] sandati pavattati, sotato saddatañhā... ghānato gandhatañhā... jivhāto rasatañhā... kāyato photthabbatañhā... manato dhammatāñhā savati āsavati sandati pavattati. Yesam esā sātiyā tañhā pahīnā samucchinnā vūpasantā pañipassaddhā abhabuppattikā nāñagginā daññhā tesam cakkhuto rūpatañhā na savati nāsavati [[na pasavati \(syā.\)](#)] na sandati na pavattati, sotato saddatañhā... pe... manato dhammatāñhā na savati nāsavati na sandati na pavattatīti – sātiyesu anassāvī.

**Atimāne ca no yutoti.** Katamo atimāno? Idhekacco param atimaññati jātiyā vā gottena vā...pe... aññataraññatarena vā vatthunā. Yo evarūpo māno maññanā maññitattam unnati unnamo dhajo sampaggāho ketukamyatā cittassa – ayam vuccati atimāno. Yasseso atimāno pahīno samucchinno vūpasanto paṭipassaddho abhabbuppattikoñāñagginā daḍḍho, so atimāne ca no yuto na nappayutto na sammāyuttoti – atimāne ca no yuto.

**Sañho ca paṭibhānavāti.** Sañhoti sañhena kāyakamma samannāgatoti sañho, sañhena vacīkamma... sañhena manokamma samannāgatoti sañho, sañhehi satipaṭṭhānehi samannāgatoti sañho, sañhehi sammappadhānehi... sañhehi iddhipādehi... sañhehi indriyehi... sañhehi balehi... sañhehi bojjhaṅgehi samannāgatoti sañho, sañhena ariyena aṭṭhaṅgikena maggena samannāgatoti – sañho.

**Paṭibhānavāti** tayo paṭibhānavanto – pariyattipaṭibhānavā, paripucchāpaṭibhānavā, adhigamapaṭibhānavā. Katamo pariyattipaṭibhānavā? Idhekaccassa pakatiyā pariyāpuṭam hoti – suttam geyyam veyyākaranam gāthā udānam itivuttakam jātakam abbhutadhammañ vedallam, tassa pariyattiñ nissāya paṭibhāyati – ayam pariyattipaṭibhānavā. Katamo paripucchāpaṭibhānavā? Idhekacco paripucchitā [paripucchitam (sī.), paripucchako (syā.)] hoti attatthe ca ñāyatthe ca lakkhaṇe ca kāraṇe ca ṭhānāṭhāne ca, tassa tam paripuccham nissāya paṭibhāyati – ayam paripucchāpaṭibhānavā. Katamo adhigamapaṭibhānavā? Idhekaccassa adhigatā honti cattāro satipaṭṭhāna cattāro sammappadhānā cattāro iddhipādā pañcindriyāni pañca balāni satta bojjhaṅgā ariyo aṭṭhaṅgiko maggo cattāro ariyamaggā cattāri sāmaññaphalāni catasso paṭisambhidāyo cha abhiññāyo, tassa attho ñāto dhammo ñāto nirutti ñātā, atthe ñātē attho paṭibhāyati, dhamme ñātē dhammo paṭibhāyati, niruttiñā ñātāya nirutti paṭibhāyati; imesu tīsu ñāñesu ñānam paṭibhānapaṭisambhidā. Imāya paṭibhānapaṭisambhidāya upeto samupeto upagato samupagato upapanno samupapanno samannāgato so vuccati paṭibhānavā. Yassa pariyatti natthi, paripucchā natthi, adhigamo natthi, kiṁ tassa paṭibhāyissatī – sañho ca paṭibhānavā.

**Na saddho na virajjatīti.** Na saddhoti sāmam sayam abhiññātam attapaccakkham dhammañ na kassaci saddahati aññassa samanassa vā brāhmaṇassa vā devassa vā mārassa vā brahmuno vā. “Sabbe sañkhārā aniccā”ti sāmam sayam abhiññātam...pe... “sabbe sañkhārā dukkhā”ti... “sabbe dhammā anatta”ti... “avijjāpaccayā sañkhārā”ti...pe... “jātipaccayā jarāmarañā”nti... “avijjānirodhā sañkhāranirodhō”ti...pe... “jātinirodhā jarāmarañānirodhō”ti... “idam dukkha”nti...pe... “ayam dukkhanirodhagāminī paṭipadā”ti... “ime āsavā”ti...pe... “ayam āsavanirodhagāminī paṭipadā”ti... “ime dhammā abhiññeyyā”ti...pe... “ime dhammā sacchikātabbā”ti sāmam sayam abhiññātam...pe... channam phassāyatanānam samudayañca atthaṅgamañca assādañca ādīnavañca nissaraṇañca, pañcannañam upādānakhandhānam samudayañca...pe... catunnam mahābhūtānam samudayañca atthaṅgamañca assādañca ādīnavañca nissaraṇañca sāmam sayam abhiññātam...pe... “yam kiñci samudayadhammañ sabbam tam nirodhadhamma”nti sāmam sayam abhiññātam attapaccakkham dhammañ na kassaci saddahati aññassa samanassa vā brāhmaṇassa vā devassa vā mārassa vā brahmuno vā [brahmuno vā...pe... (sī. ka.)].

Vuttañhetam bhagavatā – “saddahasi tvam, sāriputta, saddhindriyam bhāvitam bahulīkataṁ amatogadham hoti amataparāyanam amatapariyosānam; vīriyindriyam... satindriyam... samādhindriyam... paññindriyam bhāvitam bahulīkataṁ amatogadham hoti amataparāyanam amatapariyosāna”nti?

“Na khvāham ettha, bhante, bhagavato saddhāya gacchāmi saddhindriyam... vīriyindriyam... satindriyam... samādhindriyam... paññindriyam bhāvitam bahulīkataṁ amatogadham hoti amataparāyanam amatapariyosānam. Yesam nūnetam, bhante, aññātam assa adiṭṭham aviditañ asacchikataṁ aphassitam paññāya, te tattha paresam saddhāya gaccheyum saddhindriyam bhāvitam bahulīkataṁ amatogadham hoti amataparāyanam amatapariyosānam. Vīriyindriyam... satindriyam... samādhindriyam... paññindriyam bhāvitam bahulīkataṁ amatogadham hoti amataparāyanam

amatapariyosānam. Yesañca kho etam, bhante, nñātam diñtham vidiñam sacchikatañ phassitam paññāya, nikkañkhā te tattha nibbicikicchā. Saddhindriyam... vīriyindriyam... satindriyam... samādhindriyam... paññindriyam bhāvitam bahulikatañ amatogadham hoti amataparāyanam amatapariyosānam. Mayhañca kho, etam bhante, nñātam diñtham vidiñam sacchikatañ phassitam paññāya, nikkañkhoñam tattha nibbicikiccho. Saddhindriyam... vīriyindriyam... satindriyam... samādhindriyam... paññindriyam bhāvitam bahulikatañ amatogadham hoti amataparāyanam amatapariyosāna”nti.

“Sādu sādu, sāriputta! Yesañhetam, sāriputta, aññātam assa adiñtham aviditam asacchikatañ aphassitam paññāya, te tattha paresam saddhāya gaccheyyum saddhindriyam...pe... paññindriyam bhāvitam bahulikatañ amatogadham hoti amataparāyanam amatapariyosānanti.

“Assaddho akataññū ca, sandhicchedo ca yo naro;  
Hatāvakāso vantāso, sa ve uttamaporiso”ti.

**Na saddho na virajjatī.** Sabbe bālaputhujjanā rājjanti, puthujjanakalyāñakam upādāya satta sekkhā virajjanti. Arahā neva rājjati no virajjati, viratto so khayā rāgassa vītarāgattā khayā dosassa vītadosattā, khayā mohassa vītamohattā. So vuñthavāso ciññacaraño...pe... jātimarañasamsāro natthi tassa punabbhavoti – na saddho na virajjati.

Tenāha bhagavā –

“Sātiyesu anassāvī, atimāne ca no yuto;  
Sañho ca pañibhānavā, na saddho na virajjatī”ti.

#### 89. Lābhakamyā na sikkhati, alābhe ca na kuppatti; Aviruddho ca tañhāya, rasesu [rase ca (sī. syā.)] nānugijjhati.

**Lābhakamyā na sikkhati, alābhe ca na kuppatti.** Katham lābhakamyā sikkhati? Idha, bhikkhave, bhikkhu bhikkhuñ passati lābhīm cīvarapiñḍapātasenāsanagilānapaccayabhesajjaparikkhārānam. Tassa evam hoti – “kena nu kho ayamāyasmā lābhī cīvarapiñḍapātasenāsanagilānapaccayabhesajjaparikkhārāna”nti? Tassa evam hoti – “ayañ kho āyasmā suttantiko, tenāyamāyasmā lābhī cīvarapiñḍapātasenāsanagilānapaccayabhesajjaparikkhārāna”nti. So lābhahetu lābhapaccayā lābhakārañā lābhābhinibbattiyā lābhām paripācento suttantam pariñpūñāti. Evampi lābhakamyā sikkhati.

Atha vā bhikkhu bhikkhuñ passati lābhīm cīvarapiñḍapātasenāsanagilānapaccayabhesajjaparikkhārānam. Tassa evam hoti – “kena nu kho ayamāyasmā lābhī cīvarapiñḍapātasenāsanagilānapaccayabhesajjaparikkhārāna”nti? Tassa evam hoti – “ayañ kho āyasmā vinayadharo...pe... dhammakathiko... abhidhammiko, tenāyamāyasmā lābhī cīvarapiñḍapātasenāsanagilānapaccayabhesajjaparikkhārāna”nti. So lābhahetu lābhapaccayā lābhakārañā lābhābhinibbattiyā lābhām paripācento abhidhammam pariñpūñāti. Evampi lābhakamyā sikkhati.

Atha vā bhikkhu bhikkhuñ passati lābhīm cīvarapiñḍapātasenāsanagilānapaccayabhesajjaparikkhārānam. Tassa evam hoti – “kena nu kho ayamāyasmā lābhī cīvarapiñḍapātasenāsanagilānapaccayabhesajjaparikkhārāna”nti? Tassa evam hoti – “ayañ kho āyasmā āraññiko... piñḍapātiko... pañskukūliko... tecīvariko... sapadānacāriko... khalupacchābhaktiko... nesajjiko... yathāsanthatiko, tenāyamāyasmā lābhī cīvarapiñḍapātasenāsanagilānapaccayabhesajjaparikkhārāna”nti. So lābhahetu lābhapaccayā

lābhakāraṇā lābhābbinibbattiyā lābham paripācento āraññiko hoti...pe... yathāsanthatiko hoti. Evampi lābhakamyā sikkhati.

Katham na lābhakamyā sikkhati? Idha bhikkhu na lābhahetu, na lābhapaccayā, na lābhakāraṇā, na lābhābbinibbattiyā, na lābham paripācento, yāvadeva attadamatthāya attasamatthāya attaparinibbāpanatthāya suttantam pariyāpuṇāti, vinayam pariyāpuṇāti, abhidhammaṁ pariyāpuṇāti. Evampi na lābhakamyā sikkhati.

Atha vā bhikkhu na lābhahetu, na lābhapaccayā, na lābhakāraṇā, na lābhābbinibbattiyā, na lābham paripācento, yāvadeva appicchaññeva [appicchaññeva (sī.)] nissāya santuṭṭhiññeva nissāya sallekhaññeva nissāya pavivekaññeva nissāya idamathitaññeva [idamathikataññeva (sī.)] nissāya āraññiko hoti, piṇḍapātiko hoti, pamsukūliko hoti, tecīvariko hoti, sapadānacāriko hoti, khalupacchābhettiko hoti, nesajjiko hoti, yathāsanthatiko hoti. Evampi na lābhakamyā sikkhatī – lābhakamyā na sikkhati.

**Alābhe ca na kuppatti.** Katham alābhe kuppati? Idhekacco “kulam vā na labhāmi, gaṇam vā na labhāmi, āvāsam vā na labhāmi, lābham vā na labhāmi, yasaṁ vā na labhāmi, pasaṁsaṁ vā na labhāmi, sukham vā na labhāmi, cīvaraṁ vā na labhāmi, piṇḍapātam vā na labhāmi, senāsanam vā na labhāmi, gilānapaccayabhesajjaparikkhāram vā na labhāmi, gilānupatthākam vā na labhāmi, appaññātomhī”ti kuppati byāpajjati patiṭṭhīyati, kopañca dosañca appaccayañca pātukaroti. Evaṁ alābhe kuppati.

Katham alābhe na kuppati? Idha bhikkhu “kulam vā na labhāmi gaṇam vā na labhāmi...pe... appaññātomhī”ti na kuppati na byāpajjati na patiṭṭhīyati, na kopañca dosañca appaccayañca pātukaroti. Evaṁ alābhe na kuppatti – lābhakamyā na sikkhati alābhe ca na kuppati.

**Aviruddho ca taṇhāya, rasesu nānugijjhātī.** Viruddhoti yo cittassa āghāto paṭighāto, paṭigham paṭivirodho, kopo pakopo sampakopo, doso padoso sampadoso, cittassa byāpatti manopadoso, kodho kujjhānaṁ kujjhittatām, doso dussanā dussitattām, byāpatti byāpajjanā byāpajjittattām virodho paṭivirodho, caṇḍikkam, asuropo, anattamanatā cittassa – ayam vuccati virodho. Yasseso virodho pahīno samucchinno vūpasanto paṭipassaddho abhabbuppattiko nānagginā daḍḍho, so vuccati aviruddho. **Taṇhāti** rūpataṇhā saddataṇhā gandhataṇhā rasataṇhā phoṭṭhabbatāṇhā dhammadataṇhā. **Rasoti** mūlaraso khandharaso tacaraso pattaraso puppharaso phalaraso, ambilaṁ madhuraṁ tittakam kaṭukam loṇikam khārikam lambikam [lapilaṁ (sī.), lambilaṁ (syā.), labilaṁ (ka.), āyatana vibhaṅge] kasāvo sādu asādu sītaṁ uṇham. Sanke saamañabrahmaṇā rasagiddhā. Te jivhaggena rasaggāni pariyesantā āhiṇḍanti, te ambilaṁ labhitvā anambilam pariyesanti, anambilam labhitvā ambilaṁ pariyesanti; madhuraṁ labhitvā amadhuraṁ pariyesanti, amadhuraṁ labhitvā madhuraṁ pariyesanti; tittakam labhitvā atittakam pariyesanti, atittakam labhitvā tittakam pariyesanti; kaṭukam labhitvā akaṭukam pariyesanti, akaṭukam labhitvā kaṭukam pariyesanti; loṇikam labhitvā aloṇikam pariyesanti, aloṇikam labhitvā loṇikam pariyesanti; khārikam labhitvā akhārikam pariyesanti, akhārikam labhitvā khārikam pariyesanti; lambikam labhitvā kasāvam pariyesanti, kasāvam labhitvā lambikam pariyesanti; sādum labhitvā asādum pariyesanti, asādum labhitvā sādum pariyesanti; sītaṁ labhitvā uṇham pariyesanti, uṇham labhitvā sītaṁ pariyesanti. Te yam yam labhitvā tena tena na santussanti aparāparam pariyesanti, manāpikesu rasesu rattā giddhā gadhitā mucchitā ajjhosannā laggā laggitā palibuddhā. Yassesā rasataṇhā pahīnā samucchinnā vūpasantā paṭipassaddhā abhabbuppattikā nānagginā daḍḍhā, so paṭisaṅkhā yoniso āhāram āhāreti – “neva davāya na madāya na mañḍanāya na vibhūsanāya, yāvadeva imassa kāyassa ṭhitiyā yāpanāya vihiṁṣūparatiyā brahmacariyānuggahāya. Iti purāṇañca vedanam paṭīhaṅkhāmi, navañca vedanam na uppādēssāmi, yātrā ca me bhavissati anavajjatā ca phāsuvihāro cā”ti.

Yathā vanam ālimpeyya yāvadeva ropanatthāya, yathā vā pana akkham abbhañjeyya yāvadeva bhārassa nittharaṇatthāya, yathā vā pana puttamaṁsaṁ āhāram āhareyya yāvadeva kantārassa nittharaṇatthāya; evameva bhikkhu paṭisaṅkhā yoniso āhāram āhāreti – “neva davāya...pe...

phāsuvihāro cā”ti. Rasatañham pajahati vinodeti byantiṁ karoti anabhāvam̄ gameti, rasatañhāya ārato assa virato paṭivirato nikkhanto nissaṭo vippamutto visaññutto vimariyādikatena cetasā viharatī – aviruddho ca tañhāya rasesu nānugijjhati.

Tenāha bhagavā –

“Lābhakamyā na sikkhati, alābhe ca na kuppati;  
Aviruddho ca tañhāya, rasesu nānugijjhati”ti.

**90. Upekkhako sadā sato, na loke maññate samam;**  
**Na visesī na nīceyyo, tassa no santi ussadā.**

**Upekkhako sadā satoti.** Upekkhakoti chaṅgaupekkhāya samannāgato. Cakkhunā rūpam̄ disvā neva sumano hoti na dummano, upekkhako viharati sato sampajāno. Sotena saddam̄ sutvā...pe... manasā dhammaṁ viññāya neva sumano hoti na dummano, upekkhako viharati sato sampajāno. Cakkhunā rūpam̄ disvā manāpam̄ nābhigijjhati nābhīhamsati [nābhīhamsati (sī. syā.)] na rāgam̄ janeti, tassa ṭhitova kāyo hoti, ṭhitam̄ cittam̄ ajjhattam̄ susaṇṭhitam̄ suvimuttam̄. Cakkhunā kho paneva rūpam̄ disvā amanāpam̄ na mañku hoti appatiṭṭhitacitto [appatiṭṭhīna citto (syā.), appatiṭṭhanacitto (ka.)] alīnamanaso [ādinamanaso (syā.)] abyāpannacetaso, tassa ṭhitova kāyo hoti, ṭhitam̄ cittam̄ ajjhattam̄ susaṇṭhitam̄ suvimuttam̄. Sotena saddam̄ sutvā... ghānena gandham̄ ghāyitvā... jivhāya rasam̄ sāyitvā... kāyena phoṭṭhabbam̄ phusitvā... manasā dhammaṁ viññāya manāpam̄ nābhigijjhati nābhīhamsati na rāgam̄ janeti, tassa ṭhitova kāyo hoti, ṭhitam̄ cittam̄ ajjhattam̄ susaṇṭhitam̄ suvimuttam̄. Manasā kho paneva dhammaṁ viññāya amanāpam̄ na mañku hoti appatiṭṭhitacitto alīnamanaso abyāpannacetaso, tassa ṭhitova kāyo hoti, ṭhitam̄ cittam̄ ajjhattam̄ susaṇṭhitam̄ suvimuttam̄.

Cakkhunā rūpam̄ disvā manāpāmanāpesu rūpesu tassa ṭhitova kāyo hoti, ṭhitam̄ cittam̄ ajjhattam̄ susaṇṭhitam̄ suvimuttam̄. Sotena saddam̄ sutvā...pe... manasā dhammaṁ viññāya manāpāmanāpesu dhammesu tassa ṭhitova kāyo hoti, ṭhitam̄ cittam̄ ajjhattam̄ susaṇṭhitam̄ suvimuttam̄.

Cakkhunā rūpam̄ disvā rājanīye na rajjati, dussanīye [dosanīye (bahūsu)] na dussati, mohanīye na muyhati, kopanīye na kuppati, madanīye na majjati, kilesanīye na kilissati. Sotena saddam̄ sutvā...pe... manasā dhammaṁ viññāya rājanīye na rajjati dussanīye na dussati, mohanīye na muyhati, kopanīye na kuppati, madanīye na majjati, kilesanīye na kilissati. Dīṭhe dīṭhamatto, sute sutamatto, mute mutamatto, viññāte viññātamatto. Dīṭhe na limpati, sute na limpati, mute na limpati, viññāte na limpati. Dīṭhe anūpayo anapāyo anissito appaṭibaddho vippamutto visaññutto vimariyādikatena cetasā viharati. Sute... mute... viññāte anūpayo anapāyo anissito appaṭibaddho vippamutto visaññutto vimariyādikatena cetasā viharati.

Samvijjati arahato cakkhu, passati arahā cakkhunā rūpam̄. Chandarāgo arahato natthi, suvimuttacitto arahā. Samvijjati arahato sotam̄, sunāti arahā sotena saddam̄. Chandarāgo arahato natthi, suvimuttacitto arahā. Samvijjati arahato ghānam̄, ghāyati arahā ghānena gandham̄. Chandarāgo arahato natthi, suvimuttacitto arahā. Samvijjati arahato jivhā, sāyati arahā jivhāya rasam̄...pe... samvijjati arahato kāyo, phusati arahā kāyena phoṭṭhabbam̄...pe... samvijjati arahato mano, vijānāti arahā manasā dhammaṁ. Chandarāgo arahato natthi suvimuttacitto arahā.

Cakkhu rūpārāmaṁ rūparatam̄ rūpasammuditam̄, tam̄ arahato dantam̄ guttam̄ rakkhitam̄ samvutam̄, tassa ca samvarāya dhammaṁ deseti. Sotam̄ saddārāmaṁ...pe... ghānam̄ gandhārāmaṁ... jivhā rasārāmā rasaratā rasasammuditā, sā arahato dantā guttā rakkhitā samvutā, tassā ca samvarāya dhammaṁ deseti. Kāyo phoṭṭhabbārāmo...pe... mano dhammārāmo dhammarato dhammasammudito, so arahato danto gutto rakkhito samvuto, tassa ca samvarāya dhammaṁ deseti.

“Dantam nayanti samitim, dantam rājābhīrūhati;  
Danto setho manussesu, yotivākyam titikkhati.

“Varamassatarā dantā, ājānīyā ca [ājāniyāva (syā.)] sindhavā;  
Kuñjarā ca mahānāgā, attadanto tato varam.

“Na hi etehi yānehi, gaccheyya agataṁ disam;  
Yathāttanā sudantena, danto dantena gacchati.

“Vidhāsu na vikampanti, vippamuttā punabbhavā;  
Dantabhūmimanuppattā, te loke vijitāvino.

“Yassindriyāni bhāvitāni [vibhāvitāni (sī.)], ajjhattam bahiddhā ca [ajjhattabahiddhā ca (sī.),  
ajjhattañca bahiddhā ca (syā. ka.) su. ni. 521] sabbaloke;  
Nibbijha imam [nibbijjhimam (syā.), nibbijja imam (ka.)] parañca lokam, kālam kañkhati  
bhāvito sa danto”ti.

**Upekkhako sadāti.** Sadā sabbadā sabbakālam niccakālam dhuvakālam...pe... pacchime  
vayokhandhe. **Satoti** catūhi kārañehi sato – kāye kāyānupassanāsatipaṭṭhānam bhāvento sato,  
vedanāsu... citte... dhammesu dhammānupassanāsatipaṭṭhānam bhāvento sato...pe... so vuccati satoti –  
upekkhako sadā sato.

**Na loke maññate samanti.** “Sadisohamasmi”ti mānam na janeti jātiyā vā gottena vā...pe...  
aññataraññatarena vā vatthunāti – na loke maññate samam.

**Na visesī na nīceyyoti.** “Seyyohamasmi”ti atimānam na janeti jātiyā vā gottena vā...pe...  
aññataraññatarena vā vatthunā. “Hīnohamasmi”ti omānam na janeti jātiyā vā gottena vā...pe...  
aññataraññatarena vā vatthunāti – na visesī na nīceyyo.

**Tassa no santi ussadāti.** **Tassāti** arahato khīñāsavassa. **Ussadāti** sattussadā – rāgussado dosussado  
mohussado mānussado diṭṭhussado kilesussado kammussado. Tassime ussadā natthi na santi na  
saṃvijjanti nupalabbhanti, pahīnā samucchinnā vūpasantā paṭipassaddhā abhabuppattikā ñāṇagginā  
daḍḍhāti – tassa no santi ussadā.

Tenāha bhagavā –

“Upekkhako sadā sato, na loke maññate samam;  
Na visesī na nīceyyo, tassa no santi ussadā”ti.

#### **91. Yassa nissayatā [nissayanā (ka.)] natthi, ñatvā dhammam anissito; Bhavāya vibhavāya vā, tañhā yassa na vijjati.**

**Yassa nissayatā natthīti.** **Yassāti** arahato khīñāsavassa. **Nissayāti** dve nissayā – tañhānissayo ca  
diṭṭhinissayo ca...pe... ayam tañhānissayo...pe... ayam diṭṭhinissayo. Tassa tañhānissayo pahino,  
diṭṭhinissayo paṭinissaṭṭho; tañhānissayassa pahīnattā diṭṭhinissayassa paṭinissaṭṭhattā nissayatā yassa  
natthi na santi na saṃvijjati nupalabbhati, pahīnā samucchinnā vūpasantā paṭipassaddhā  
abhabuppattikā ñāṇagginā daḍḍhāti – yassa nissayatā natthi.

**Ñatvā dhammam anissitoti.** **Ñatvāti** ñatvā jānitvā tulayitvā tīrayitvā vibhāvayitvā vibhūtam katvā,  
“sabbe saṅkhārā aniccā”ti ñatvā jānitvā tulayitvā tīrayitvā vibhāvayitvā vibhūtam katvā, “sabbe  
saṅkhārā dukkhā”ti... “sabbe dhammā anattā”ti...pe... “yam kiñci samudayadhammam sabbaṁ tam

nirodhadhamma” nntti ñatvā jānitvā tulayitvā tīrayitvā vibhāvayitvā vibhūtam katvā. **Anissitoti** dve nissayā – tañhānissayo ca diñthinissayo ca...pe... ayam tañhānissayo...pe... ayam diñthinissayo. Tañhānissayam pahāya diñthinissayam pañinissajjītvā cakkhum anissito, sotam anissito, ghānam anissito, jivham anissito, kāyam anissito, manam anissito, rūpe... sadde... gandhe... rase... phoñhabbe... kulam... gañam... āvāsam...pe... diñhasutamutaviññātabbe dhamme anissito anallīno anupagato anajjhosito anadhimutto nikkhanto nissañ vippamutto visaññutto vimariyādikatena cetā viharatī – ñatvā dhammam anissito.

**Bhavāya vibhavāya vā, tañhā yassa na vijjatī.** Tañhāti rūpatañhā saddatañhā gandhatañhā rasatañhā phoñhabbatañhā dhammadatañhā. **Yassāti** arahato khīñāsavassa. **Bhavāyāti** bhavadiñthiyā, **vibhavāyāti** vibhavadiñthiyā; **bhavāyāti** sassatadiñthiyā, **vibhavāyāti** ucchedadiñthiyā; **bhavāyāti** punappunabhvāya punappunagatiyā punappunaupapattiyā punappunapatisandhiyā punappunaattabhāvābhinnabbattiyā. Tañhā yassa natthi na santi na samvijjati nupalabbhati, pahīnā samucchinnā vūpasantā pañipassaddhā abhappuppattikā ñāñagginā dañdhāti – bhavāya vibhavāya vā tañhā yassa na vijjati.

Tenāha bhagavā –

“Yassa nissayatā natthi, ñatvā dhammam anissito;  
Bhavāya vibhavāya vā, tañhā yassa na vijjatī”ti.

**92. Tam brūmi upasantoti, kāmesu anapekkhinam;**  
**Ganthā tassa na vijjanti, atarī so visattikam.**

**Tam brūmi upasantoti.** Upasanto vūpasanto nibbuto pañipassaddhoti. Tam brūmi tam kathemi tam bhañāmi tam dīpayāmi tam voharāmīti – tam brūmi upasantoti.

**Kāmesu anapekkhinanti.** Kāmāti uddānato dve kāmā – vatthukāmā ca kilesakāmā ca...pe... ime vuccanti vatthukāmā...pe... ime vuccanti kilesakāmā. Vatthukāme parijānitvā, kilesakāme pahāya pajahitvā vinodetvā byantim karitvā anabhāvam gametvā kāmesu anapekkhino vītakāmo cattakāmo vantakāmo muttakāmo pahīnakāmo pañinissatthakāmo, kāmesu vītarāgo vigatarāgo cattarāgo vantarāgo muttarāgo pahīnarāgo pañinissattharāgo nicchāto nibbuto sītibhūto sukhappañisamvedī brahmabhūtena attanā viharatī – kāmesu anapekkhinam.

**Ganthā tassa na vijjantīti.** Ganthāti cattāro ganthā – abhijjhā kāyaganthro, byāpādo kāyaganthro, sīlabbataparāmāso kāyaganthro, idamsaccābhiniveso kāyaganthro. Attano diñthiyā rāgo abhijjhā kāyaganthro, paravādesu āghāto appaccayo byāpādo kāyaganthro, attano sīlam vā vatañ vā sīlabbatam vā parāmāso sīlabbataparāmāso kāyaganthro, attano diñthi idamsaccābhiniveso kāyaganthro. **Tassāti** arahato khīñāsavassa. **Ganthā tassa na vijjantīti.** Ganthā tassa natthi na santi na samvijjanti nupalabbhati, pahīnā samucchinnā vūpasantā pañipassaddhā abhappuppattikā ñāñagginā dañdhāti – ganthā tassa na vijjanti.

**Atarī so visattikanti.** Visattikā vuccati tañhā. Yo rāgo sārāgo...pe... abhijjhā lobho akusalamūlam. **Visattikāti** kenañthena visattikā? Visatāti visattikā, visālāti visattikā, visañtāti visattikā, visamāti visattikā, visakkatīti visattikā, visamñharatīti visattikā, visañvādikāti visattikā, visamūlāti visattikā, visaphalāti visattikā, visaparibhogāti visattikā, visālā vā pana sā tañhā rūpe... sadde... gandhe... rase... phoñhabbe... kule... gañe... āvāse...pe... diñhasutamutaviññātabbesu dhammesu visatam vitthatāti visattikā. **Atarī so visattikanti.** So imam visattikam tañham atari uttari patari samatikkami vītivattīti – atarī so visattikam.

Tenāha bhagavā –

“Tam̄ brūmi upasantoti, kāmesu anapekkhinam̄;  
Ganthā tassa na vijjanti, atarī so visattika”nti.

**93. Na tassa puttā pasavo, khettam̄ vatthuñca vijjati;  
Attā vāpi nirattā vā, na tasmin̄ upalabbhati.**

**Na tassa puttā pasavo, khettam̄ vatthuñca vijjatīti.** Nāti paṭikkhepo. **Tassāti** arahato khīñāsavassa. **Puttāti** cattāro puttā – attajoutto, khettajoutto, dinnakoutto, antevāsikoutto. **Pasavoti.** Ajejakā kukkuṭasūkarā hatthigāvāssavalavā. **Khettanti** sālikhettam̄ vīhikhettam̄ muggakhettam̄ māsakhettam̄ yavakhettam̄ godhumakhettañ tilakhettam̄. **Vatthunti** gharavatthum̄ koṭṭhavatthum̄ purevatthum̄ pacchāvatthum̄ ārāmavatthum̄ vihāravatthum̄. **Na tassa puttā pasavo, khettam̄ vatthuñca vijjatīti.** Tassa puttāpariggaho vā pasupariggaho vā khettāpariggaho vā vatthupariggaho vā natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā ñāṇagginā daḍḍhāti – na tassa puttā pasavo, khettam̄ vatthuñca vijjati.

**Attā vāpi nirattā vā, na tasmin̄ upalabbhatīti.** Attāti attadiṭṭhi, **nirattāti** ucchedadiṭṭhi; **attāti** gahitam̄ natthi, **nirattāti** muñcitabbam̄ natthi. Yassa natthi gahitam̄ tassa natthi muñcitabbam̄. Yassa natthi muñcitabbam̄ tassa natthi gahitam̄. Gāhamuñcanasamatikkanto arahā vuddhiparihānivītivatto. So vuṭṭhavāso ciṇmacaraṇo...pe... jātimaraṇasamsāro natthi tassa punabbhavoti – attā vāpi nirattā vā, na tasmin̄ upalabbhati.

Tenāha bhagavā –

“Na tassa puttā pasavo, khettam̄ vatthuñca vijjati;  
Attā vāpi nirattā vā, na tasmin̄ upalabbhati”ti.

**94. Yena nam̄ vajjum puthujjanā, atho samañabrahmañā;  
Tam̄ tassa apurakkhatam̄, tasmā vādesu nejati.**

**Yena nam̄ vajjum puthujjanā, atho samañabrahmañāti.** Puthujjanāti puthu kilese janentīti puthujjanā, puthu avihatasakkāyadiṭṭhikāti puthujjanā, puthu satthārānam̄ mukhullokikāti [mukhullokakāti (sī.)] puthujjanā, puthu sabbagatīhi avuṭṭhitāti puthujjanā, puthu nānābhisañkhāre abhisāñkharontīti puthujjanā, puthu nānāoghehi vuyhantīti puthujjanā, puthu nānāsantāpehi santappentīti puthujjanā, puthu nānāparilāhehi pariḍayhantīti puthujjanā, puthu pañcasu kāmaguṇesu rattā giddhā gadhitā mucchitā ajjhosannā laggā laggitā palibuddhāti puthujjanā, puthu pañcahi nīvaraṇehi āvutā nivutā ovutā pihitā paṭicchannā paṭikujjītāti – puthujjanā. **Samañāti** ye keci ito bahiddhā paribbjūpagatā paribbajasamāpannā. **Brahmañāti** ye keci bhovādikā. **Yena nam̄ vajjum puthujjanā, atho samañabrahmañāti.** Puthujjanā yena tam̄ rāgena vadeyyum, yena dosena vadeyyum, yena mohena vadeyyum, yena mānena vadeyyum, yāya diṭṭhiyā vadeyyum, yena uddhaccena vadeyyum, yāya vicikicchāya vadeyyum, yehi anusayehi vadeyyum, rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā aniṭṭhangatoti vā thāmagatoti vā te abhisāñkhārā pahīnā; abhisāñkhārānam̄ pahīnattā gatiyā [gatiyo (syā.)] yena tam̄ vadeyyum – nerayikoti vā tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññīnāsaññīti vā. So hetu natthi paccayo natthi kāraṇam̄ natthi yena nam̄ vadeyyum katheyum bhaneyum dīpayeyum vohareyyungi – yena nam̄ vajjum puthujjanā, atho samañabrahmañā.

**Tam̄ tassa apurakkhatanti.** Tassāti arahato khīñāsavassa. **Purekkhārāti** dve purekkhārā – tañhāpurekkhāro ca diṭṭhipurekkhāro ca...pe... ayam tañhāpurekkhāro...pe... ayam diṭṭhipurekkhāro. Tassa tañhāpurekkhāro pahīno, diṭṭhipurekkhāro paṭinissaṭṭho; tañhāpurekkhārassa pahīnattā, diṭṭhipurekkhārassa paṭinissaṭṭhattā na tañhām̄ vā diṭṭhim̄ vā purato katvā carati, na tañhādhajo na tañhāketu na tañhādhipateyyo, na diṭṭhidhajo na diṭṭhiketu na diṭṭhādhipateyyo, na tañhāya vā na diṭṭhiyā

vā parivārito caratīti – tam tassa apurakkhatam.

**Tasmā vādesu nejatīti.** Tasmāti tasmā tamkāraṇā tamhetu tappaccayā tamnidānā vādesu upavādesu nindāya garahāya akittiyā avanṇahārikāya nejati na iñjati na calati na vedhati nappavedhati na sampavedhatīti – tasmā vādesu nejati.

Tenāha bhagavā –

“Yena nam vajjum puthujjanā, atho samanabrahmanā;  
Tam tassa apurakkhatam, tasmā vādesu nejatī”ti.

**95. Vītagedho amaccharī, na ussesu vadate muni;  
Na samesu na omesu, kappaṁ neti akappiyo.**

**Vītagedho amaccharīti.** Gedho vuccati tañhā. Yo rāgo sārāgo...pe... abhijjhā lobho akusalamūlam. Yasseso gedho pahīno samucchinno vūpasanto paṭipassaddho abhabuppattiko ñāṇagginā daḍdho, so vuccati vītagedho. So rūpe agiddho...pe... diṭṭhasutamutaviññātabbesu dhammesu agiddho agadhito amucchito anajjhositō, vītagedho vigatagedho cattagedho vantagedho muttagedho pahīnagedho paṭinissatthagedho nicchāto...pe... brahmabhūtena attanā viharatīti – vītagedho. **Amaccharīti macchariyanti** pañca macchariyāni – āvāsamacchariyam, kulamacchariyam, lābhamacchariyam, vanṇamacchariyam, dhammadmacchariyam. Yam evarūpaṁ...pe... gāho – idam vuccati macchariyam. Yassetam macchariyam pahīnam samucchinnam vūpasantam paṭipassaddham abhabuppattikam ñāṇagginā daḍḍham, so vuccati amaccharīti – vītagedho amaccharī.

**Na ussesu vadate muni, na samesu na omesūti.** **Munīti.** **Monam** vuccati ñāṇam...pe... saṅgajālamaticca so muni. “Seyyohamasmī”ti vā, “sadisohamasmī”ti vā, “hīnohamasmī”ti vā na vadati na katheti na bhañati na dīpayati na voharatīti – na ussesu vadate muni, na samesu na omesu.

**Kappaṁ neti akappiyoti.** Kappāti dve kappā – tañhākappo ca diṭṭhikappo ca...pe... ayam tañhākappo...pe... ayam diṭṭhikappo. Tassa tañhākappo pahīno, diṭṭhikappo paṭinissattho; tañhākappassa pahīnattā, diṭṭhikappassa paṭinissatthattā tañhākappam vā diṭṭhikappam vā neti na upeti na upagacchatī na gañhāti na parāmasati nābhinivisatīti – kappaṁ neti. **Akappiyoti.** Kappāti dve kappā – tañhākappo ca diṭṭhikappo ca...pe... ayam tañhākappo...pe... ayam diṭṭhikappo. Tassa tañhākappo pahīno, diṭṭhikappo paṭinissattho; tassa tañhākappassa pahīnattā, diṭṭhikappassa paṭinissatthattā tañhākappam vā diṭṭhikappam vā na kappeti na janeti na sañjaneti na nibbatteti nābhinibbattetīti – kappaṁ neti akappiyo.

Tenāha bhagavā –

“Vītagedho amaccharī, na ussesu vadate muni;  
Na samesu na omesu, kappaṁ neti akappiyo”ti.

**96. Yassa loke sakam natthīti, asatā ca na socati;  
Dhammesu ca na gacchatī, sa ve santoti vuccati.**

**Yassa loke sakam natthīti.** Yassāti arahato khīṇāsavassa. **Loke sakam natthīti.** Tassa mayham vā idam paresam vā idanti kiñci rūpagatam vedanāgatam saññāgatam sañkhāragatam viññāṇagatam, gahitam parāmaṭṭham abhinivittham aijhositam adhimuttaṁ, natthi na santi...pe... ñāṇagginā daḍḍhanti – yassa loke sakam natthi. **Asatā ca na socatīti.** Vipariṇatam vā vatthum na socati, vipariṇatasmiṁ vā vatthusmiṁ na socati. Cakkhu me vipariṇatanti na socati. Sotam me... ghānam me... jivhā me... kāyo me... mano me... rūpā me... saddā me... gandhā me... rasā me... phoṭṭhabbā me... kulam me... gaño

me... āvāso me... lābho me... yaso me... pasāmsā me... sukham̄ me... cīvaram̄ me... piṇḍapāto me... senāsanam̄ me... gilānapaccayabhesajjaparikkhārō me... mātā me... pitā me... bhātā me... bhaginī me... putto me... dhiṭā me... mittā me... amaccā me... nñatākā me... sālohitā me vipariṇatāti na socati na kilamati na paridevati na urattālīm kandati na sammoham̄ āpajjatīti. Evampi, asatā ca na socati.

Atha vā asantāya [asatāya (sī.), asatāya (syā.)] dukkhāya vedanāya phuṭho pareto samohito samannāgato na socati na kilamati na paridevati na urattālīm kandati na sammoham̄ āpajjati. Cakkhurogena phuṭho pareto samohito samannāgato na socati na kilamati na paridevati na urattālīm kandati na sammoham̄ āpajjati, sotarogena... ghānarogena... jivhārogena... kāyarogena... sīsarogena... kaṇharogena... mukharogena... dantarogena... kāsenā... sāsenā... pināsenā... dāhena... jarena... kucchirogena... mucchāya... pakkhandikāya... sūlenā... visūcikāya... kuṭṭhena... gaṇdēna... kilāsenā... sōsenā... apamārena... dadduyā... kaṇduyā... kacchuyā... rakhasāya ... vitacchikāya... lohitena... pittena... madhumehena... aṁsāya... piṭakāya... bhagandalena [bhagandalāya (sī. syā.)] ... pittasamuṭṭhānena ābādhena... semhasamuṭṭhānena ābādhena... vātasamuṭṭhānena ābādhena... sannipātikena ābādhena... utupariṇāmajena ābādhena... visamaparihārajena ābādhena... opakkamikena ābādhena... kammavipākajena ābādhena... sītena... uṇhena... jighacchāya... pipāsāya... ḍāmsamakasavātāpasarīsapasamphassehi phuṭho pareto samohito samannāgato na socati na kilamati na paridevati na urattālīm kandati na sammoham̄ āpajjatīti. Evampi, asatā ca na socati.

Atha vā asante asamvijjamāne anupalabbhamāne [anupalabbhiyamāne (syā. ka.)] – “aho vata me tam natthi, siyā vata me tam, tam vatāham̄ na ca labhām̄”ti na socati na kilamati na paridevati na urattālīm kandati na sammoham̄ āpajjatīti. Evampi asatā ca na socati. **Dhammesu ca na gacchatīti** na chandāgatīm gacchatī, na dosāgatīm gacchatī, na mohāgatīm gacchatī, na bhayāgatīm gacchatī, na rāgavasena gacchatī, na dosavasena gacchatī, na mohavasena gacchatī, na mānavasena gacchatī, na diṭṭhivasena gacchatī, na uddhaccavasena gacchatī, na vicikicchāvasena gacchatī, na anusayavasena gacchatī na ca vaggehi dhammehi yāyati nīyati vuyhati samharīyatīti – dhammesu ca na gacchatī.

**Sa ve santoti vuccatīti.** So santo upasanto vūpasanto nibbuto paṭipassaddhoti vuccati pavuccati kathīyati bhaṇīyati dīpiyati voharīyatīti – sa ve santoti vuccati.

Tenāha bhagavā –

“Yassa loke sakam̄ natthi, asatā ca na socati;  
Dhammesu ca na gacchatī, sa ve santoti vuccatī”ti.

Purābheda-suttaniddeso dasamo.

## 11. Kalahavivādasuttaniddeso

Atha kalahavivādasuttaniddesam̄ vakkhati –

**97. Kutopahūtā kalahā vivādā, paridevasokā sahamaccharā ca;**  
**Mānātimānā sahapesuṇā ca, kutopahūtā te tadiṅgha brūhi.**

**Kutopahūtā kalahā vivādāti.** Kalahoti ekena ākārena kalaho; vivādotipi taññeva. Yo kalaho so vivādo, yo vivādo so kalaho. Atha vā aparena ākārena vivādo vuccati kalahassa pubbabhāgo vivādo. Rājānopi rājūhi vivadanti, khattiyyāpi khattiyehi vivadanti, brāhmaṇāpi brāhmaṇehi vivadanti, gahapatīpi gahapatīhi vivadanti, mātāpi puttena vivadati, puttopi mātarā vivadati, pitāpi puttena vivadati, puttopi pitarā vivadati, bhātāpi bhātarā vivadati, bhātāpi bhaginīyā vivadati, bhaginīpi bhātarā vivadati, sahāyopi sahāyena vivadati – ayam vivādo. Katamo kalaho? Āgarikā daṇḍapasutā kāyena vācāya kalaham̄

karonti, pabbajitā āpattim āpajjantā kāyena vācāya kalaham karonti – ayam kalaho.

**Kutopahūtā kalahā vivādāti.** Kalahā ca vivādā ca kutopahūtā kutojātā kutosañjātā kutonibbattā kutoabhinibbattā kutopātubhūtā, kiñnidānā kiñsamudayā kiñjātikā kiñpabhavāti kalahassa ca vivādassa ca mūlam pucchati, hetum pucchati, nidānam pucchati, sambhavam pucchati, pabhavam pucchati, samuñthānam pucchati, āhāram pucchati, ārammañam pucchati, paccayañam pucchati, samudayam pucchati papucchati yācati ajhesati [ajjhosati (sī.)] pasādetīti – kutopahūtā kalahā vivādā.

**Paridevasokā sahamaccharā cāti.** Paridevoti nātibyananena vā phuñthassa, bhogabyasanena vā phuñthassa, rogabyasanena vā phuñthassa, sīlabyananena vā phuñthassa, diñthibyananena vā phuñthassa, aññataraññatarena vā byasanena samannāgatassa, aññataraññatarena vā dukkhadhammena phuñthassa, ādevo paridevo, ādevanā paridevanā, ādevitattam paridevitattam, vācā palāpo vippalāpo lālappo lālappāyanā lālappāyatattam. **Sokoti** nātibyananena vā phuñthassa, bhogarogañladiñthibyananena vā phuñthassa, aññataraññatarena vā byasanena samannāgatassa, aññataraññatarena vā dukkhadhammena phuñthassa, soko socanā socitattam, antosoko antoparisoko, antodāho antopariñdāho, cetaso pariñjhāyanā domanassam sokasallañam. **Maccharanti** pañca macchariyāni – āvāsamacchariyam, kulamacchariyam, lābhamacchariyam, vanñamacchariyam, dhammadmacchariyam. Yam evarūpam macchariyam maccharāyanam maccharāyatattam veviccham kadariyam kañukañcukatā aggahitattam cittassa – idam vuccati macchariyam. Api ca, khandhamacchariyampi macchariyam, dhātumacchariyampi macchariyam, āyatanamacchariyampi macchariyam gāho. Idam vuccati macchariyanti – paridevasokā sahamaccharā ca.

**Mānātimānā sahapesuñā cāti.** Mānoti idhekacco mānam janeti jātiyā vā gottena vā kolaputtiyena vā vanñapokkharatāya vā dhanena vā ajjenena vā kammāyatanena vā sippāyatanena vā vijjāñthānenā vā sutena vā pañibhānena vā aññataraññatarena vā vatthunā. **Atimānoti** idhekacco param atimaññati jātiyā vā gottena vā...pe... aññataraññatarena vā vatthunā. **Pesuññanti** idhekacco pisuñavāco hoti – ito sutvā amutra akkhātā imesam bhedāya, amutra vā sutvā imesam akkhātā amūsam bhedāya. Iti samaggānam vā bhettā, bhinnānam vā anuppadātā, vaggārāmo vaggarato vagganandī vaggakaranīm vācañ bhāsitā hoti – idam vuccati pesuññam. Api ca dvīhi kārañehi pesuññam upasamharati – piyakamyatāya vā bhedādhippāyena vā. Katham piyakamyatāya pesuññam upasamharati? Imassa piyo bhavissāmi, manāpo bhavissāmi, vissāsiko bhavissāmi, abbhantariko bhavissāmi, suhadayo bhavissāmīti – evam piyakamyatāya pesuññam upasamharati. Katham bhedādhippāyena pesuññam upasamharati? Katham ime nānā assu, vinā assu, vaggā assu, dvidhā assu, dvejjhā assu, dve pakkhā assu, bhijjeyyum na samāgaccheyyum, dukkham na phāsu vihareyyunti – evam bhedādhippāyena pesuññam upasamharatīti – mānātimānā sahapesuñā ca.

**Kutopahūtā te tadiñgha brūhīti.** Kalaho ca vivādo ca paridevo ca soko ca macchariyañca māno ca atimāno ca pesuññāñcāti – ime añtha kilesā kutopahūtā kutojātā kutosañjātā kutonibbattā kutoabhinibbattā kutopātubhūtā, kiñnidānā kiñsamudayā kiñjātikā kiñpabhavāti. Imesam añthannam kilesānam mūlam pucchati, hetum pucchati, nidānam pucchati, sambhavam pucchati, pabhavam pucchati, samuñthānam pucchati, āhāram pucchati, ārammañam pucchati, paccayañam pucchati, samudayam pucchati papucchati yācati ajhesati pasādetīti – kutopahūtā te tadiñgham brūhīti. Ingha brūhi ācikkha desehi paññapehi pañthapehi vivara vibhaja uttāñkarohi pakāsehīti – kutopahūtā te tadiñgha brūhi.

Tenāha so nimmito –

“Kutopahūtā kalahā vivādā, paridevasokā sahamaccharā ca;  
Mānātimānā sahapesuñā ca, kutopahūtā te tadiñgha brūhi”ti.

**98. Piyappahūtā kalahā vivādā, paridevasokā sahamaccharā ca;**

**Mānātimānā sahapesuṇā ca, maccherayuttā kalahā vivādā;**  
**Vivādajātesu ca pesuṇāni.**

**Piyappahūtā kalahā vivādā, paridevasokā sahamaccharā cāti.** Piyāti dve piyā – sattā vā saṅkhārā vā. Katame sattā piyā? Idha yassa te honti atthakāmā hitakāmā phāsukāmā yogakkhemakāmā mātā vā pitā vā bhātā vā bhaginī vā putto vā dhītā vā mittā vā amaccā vā ītā vā sālohitā vā – ime sattā piyā. Katame saṅkhārā piyā? Manāpikā rūpā manāpikā saddā manāpikā gandhā manāpikā rasā manāpikā phoṭṭhabbā – ime saṅkhārā piyā.

Piyā vatthum acchedasaṅkinopi kalahañ karonti, acchijjantepi kalahañ karonti, acchinnepi kalahañ karonti. Piyā vatthum vipariṇāmasaṅkinopi kalahañ karonti, vipariṇāmantepi kalahañ karonti, vipariṇatepi kalahañ karonti. Piyā vatthum acchedasaṅkinopi vivadanti, acchijjantepi vivadanti, acchinnepi vivadanti. Piyā vatthum vipariṇāmasaṅkinopi vivadanti, vipariṇāmantepi vivadanti, vipariṇatepi vivadanti. Piyā vatthum acchedasaṅkinopi paridevanti, acchijjantepi paridevanti, acchinnepi paridevanti. Piyā vatthum vipariṇāmasaṅkinopi paridevanti, vipariṇāmantepi paridevanti, vipariṇatepi paridevanti. Piyā vatthum acchedasaṅkinopi socanti, acchijjantepi socanti, acchinnepi socanti. Piyā vatthum vipariṇāmasaṅkinopi socanti, vipariṇāmantepi socanti, vipariṇatepi socanti. Piyā vatthum rakkhanti gopenti pariggañhanti mamāyanti maccharāyanti.

**Mānātimānā sahapesuṇā cāti.** Piyā vatthum nissāya mānañ janenti, piyā vatthum nissāya atimānañ janenti. Kathañ piyā vatthum nissāya mānañ janenti? Mayā lābhino manāpikānam rūpānañ saddānañ gandhānañ rasānañ phoṭṭhabbānanti. Evañ piyā vatthum nissāya mānañ janenti. Kathañ piyā vatthum nissāya atimānañ janenti? Mayā lābhino manāpikānam rūpānañ saddānañ gandhānañ rasānañ phoṭṭhabbānām, ime panaññe na lābhino manāpikānam rūpānañ saddānañ gandhānañ rasānañ phoṭṭhabbānanti. Evañ piyā vatthum nissāya atimānañ janenti. **Pesuññanti** idhekacco pisuñavāco hoti, ito sutvā amutra akkhātā imesam bhedāya...pe... evañ bhedādhippāyena pesuññam upasamharatī...pe... mānātimānā sahapesuṇā ca.

**Maccherayuttā kalahā vivādāti.** Kalaho ca vivādo ca paridevo ca soko ca māno ca atimāno ca pesuññāñcāti – ime satta kilesā macchariye yuttā payuttā āyuttā samāyuttāti – maccherayuttā kalahā vivādā.

**Vivādajātesu ca pesuṇāñtī.** Vivāde jāte sañjāte nibbatte abhinibbatte pātubhūte pesuññam upasamharanti; ito sutvā amutra akkhāyanti imesam bhedāya, amutra vā sutvā imesam akkhāyanti amūsam bhedāya. Iti samaggānam vā bhettāro, bhinnānam vā anuppadātāro, vaggārāmā vaggaratā vagganandī vaggakaraṇīm vācañ bhāsitāro honti – idam vuccati pesuññam. Api ca dvīhi kārañehi pesuññam upasamharanti – piyakamyatāya vā bhedādhippāyena vā. Kathañ piyakamyatāya pesuññam upasamharanti? Imassa piyā bhavissāma, manāpā bhavissāma, viśāsikā bhavissāma, abbhantarikā bhavissāma, suhadayā bhavissāmāti. Evañ piyakamyatāya pesuññam upasamharanti. Kathañ bhedādhippāyena pesuññam upasamharanti? “Kathañ ime nānā assu, vinā assu, vaggā assu, dvedhā assu, dvejjhā assu, dve pakkhā assu, bhijjeyyūm na samāgaccheyyūm, dukkham na phāsu vihareyyu”nti – evañ bhedādhippāyena pesuññam upasamharantī – vivādajātesu ca pesuṇāni.

Tenāha bhagavā –

“Piyappahūtā kalahā vivādā, paridevasokā sahamaccharā ca;  
**Mānātimānā sahapesuṇā ca, maccherayuttā kalahā vivādā;**  
**Vivādajātesu ca pesuṇāñtī**”ti.

- 99. Piyā su lokasmim kutonidānā, ye cāpi lobhā vicaranti loke;**  
**Āsā ca niṭṭhā ca kutonidānā, ye samparāyāya narassa honti.**

**Piyā su lokasmīm kutonidānāti.** Piyā kutonidānā kutojātā kutosañjātā kutonibbattā kutoabhinibbattā kutopātubhūtā, kiñnidānā kimsamudayā kiñjātikā kiñpabhavāti piyānam mūlam pucchati...pe... samudayam pucchati papucchati yācati ajjheshati pasādetīti – piyā su lokasmīm kutonidānā.

**Ye cāpi lobhā vicaranti loketi.** Ye cāpīti khattiyyā ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca. **Lobhāti** yo lobho lubbhanā lubbhittattam sārāgo sārajjanā sārajjitattam abhijjhā lobho akusalamūlam. **Vicarantīti** vicaranti viharanti iriyanti vattanti pālenti yapenti yāpentī. **Loketi** apāyaloke manussaloke devaloke khandhaloke dhātuloke āyatanaloketi – ye cāpi lobhā vicaranti loke.

**Āsā ca niṭṭhā ca kutonidānāti.** Āsā ca niṭṭhā ca kutonidānā kutojātā kutosañjātā kutonibbattā kutoabhinibbattā kutopātubhūtā, kiñnidānā kiñsamudayā kiñjātikā kiñpabhavāti āsāya ca niṭṭhāya ca mūlam pucchati...pe... samudayam pucchati papucchati yācati ajjheshati pasādetīti – āsā ca niṭṭhā ca kutonidānā. **Ye samparāyāya narassa hontīti.** Ye narassa parāyanā honti dīpā honti tāñā honti leñā honti sarañā honti niṭṭhā parāyanā hontīti – ye samparāyāya narassa honti.

Tenāha so nimmito –

“Piyā su lokasmīm kutonidānā, ye cāpi lobhā vicaranti loke;  
Āsā ca niṭṭhā ca kutonidānā, ye samparāyāya narassa hontī”ti.

**100. Chandānidānāni piyāni loke, ye cāpi [ye vāpi (syā.)] lobhā vicaranti loke;**  
**Āsā ca niṭṭhā ca itonidānā, ye samparāyāya narassa honti.**

**Chandānidānāni piyāni loketi.** Chandoti yo kāmesu kāmacchando kāmarāgo kāmanandī kāmatañhā kāmasneho kāmapariñlāho kāmamucchā kāmajjhosānam kāmogho kāmayogo kāmupādānam kāmacchandanīvaraṇam. Api ca pañca chandā – pariyesanacchando, pañilābhacchando, paribhogacchando, sannidhicchando, visajjanacchando. Katamo pariyesanacchando? Idhekacco ajjhositoyeva atthiko chandajāto rūpe pariyesati, sadde... gandhe... rase... phoṭṭhabbe pariyesati – ayam pariyesanacchando. Katamo pañilābhacchando? Idhekacco ajjhositoyeva atthiko chandajāto rūpe pañilabhati, sadde... gandhe... rase... phoṭṭhabbe pañilabhati – ayam pañilābhacchando. Katamo paribhogacchando? Idhekacco ajjhositoyeva atthiko chandajāto rūpe paribhuñjati, sadde... gandhe... rase... phoṭṭhabbe paribhuñjati – ayam paribhogacchando. Katamo sannidhicchando? Idhekacco ajjhositoyeva atthiko chandajāto dhanasannicayam karoti “āpadāsu bhavissati”ti – ayam sannidhicchando. Katamo visajjanacchando? Idhekacco ajjhositoyeva atthiko chandajāto dhanam visajjeti hatthārohānam assārohānam rathikānam dhanuggahānam pattikānam “ime mañ rakkhissantī gopissanti samparivārissantī”ti – ayam visajjanacchando. **Piyāntīti** dve piyā – sattā vā sañkhārā vā... pe... ime sattā piyā...pe... ime sañkhārā piyā. **Chandānidānāni piyāni loketi.** Piyā chandanidānā chandasamudayā chandajātikā chandapabhavāti – chandānidānāni piyāni loke.

**Ye cāpi lobhā vicaranti loketi.** Ye cāpīti khattiyyā ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca. **Lobhāti** yo lobho lubbhanā lubbhittattam sārāgo sārajjanā sārajjitattam abhijjhā lobho akusalamūlam. **Vicarantīti** vicaranti viharanti iriyanti vattanti pālenti yapenti yāpentī. **Loketi** apāyaloke...pe... āyatanaloketi – ye cāpi lobhā vicaranti loke.

**Āsā ca niṭṭhā ca itonidānāti.** Āsā vuccati tanhā. Yo rāgo sārāgo...pe... abhijjhā lobho akusalamūlam. **Niṭṭhāti** idhekacco rūpe pariyesanto rūpañ pañilabhati, rūpaniṭṭho hoti, sadde... gandhe... rase... phoṭṭhabbe... kulañ... gañam... āvāsañ... lābhañ... yasañ... pasamañ... sukham... cīvarañ... piñḍapātam... senāsanam... gilānapaccayabhesajjaparikkhāram... suttantam... vinayañ... abhidhammañ... āraññikañgam... piñḍapātikañgam... pañsukūlikañgam...

tecīvarikaṅgam... sapadānacārikaṅgam... khalupacchābhattikaṅgam... nesajjikaṅgam... yathāsanthatikaṅgam... paṭhamam jhānam... dutiyam jhānam... tatiyam jhānam... catuttham jhānam... ākāsānañcāyatanaśamāpattiṁ... viññānañcāyatanaśamāpattiṁ... ākiñcaññāyatanaśamāpattiṁ ... nevasaññānāsaññāyatanaśamāpattiṁ pariyesanto nevasaññānāsaññāyatanaśamāpattiṁ paṭilabhati, nevasaññānāsaññāyatanaśamāpattiñtho hoti.

“Āsāya kasate khettaṁ, bijam āsāya vappati;  
Āsāya vāṇijā yanti, samuddam dhanahārakā;  
Yāya āsāya tiṭṭhami, sā me āsā samijjhati”ti.

Āsāya samiddhi vuccate niṭṭhā. **Āsā ca niṭṭhā ca itonidānāti.** Āsā ca niṭṭhā ca ito chandanidānā chandasamudayā chandajātikā chandapabhavāti – āsā ca niṭṭhā ca itonidānā.

**Ye samparāyāya narassa hontīti.** Ye narassa parāyanā honti dīpā honti tāṇā honti leṇā honti saraṇā honti niṭṭhā parāyanā hontīti – ye samparāyāya narassa honti.

Tenāha bhagavā –

“Chandānidānāni piyāni loke, ye cāpi lobhā vicaranti loke;  
Āsā ca niṭṭhā ca itonidānā, ye samparāyāya narassa hontī”ti.

**101. Chando nu lokasmim kutonidāno, vinicchayā cāpi [vāpi (sī. syā.)] kutopahūtā; Kodho mosavajjañca kathamkathā ca, ye cāpi dharmā samañena vuttā.**

**Chando nu lokasmim kutonidānoti.** Chando kutonidāno kutojāto kutosañjāto kutonibbatto kutoabhinibbatto kutopātubhūto, kimnidāno kiṁsamudayo kiṁjātiko kiṁpabhavoti chandassa mūlam pucchatī...pe... samudayam pucchatī papucchatī yācati ajjheshati pasādetīti – chando nu lokasmim kutonidāno.

**Vinicchayā cāpi kutopahūtāti.** Vinicchayā kutopahūtā kutojātā kutosañjātā kutonibbattā kutoabhinibbattā kutopātubhūtā, kiṁnidānā kiṁsamudayā kiṁjātikā kiṁpabhavāti vinicchayānam mūlam pucchatī...pe... samudayam pucchatī papucchatī yācati ajjheshati pasādetīti – vinicchayā cāpi kutopahūtā.

**Kodho mosavajjañca kathamkathā cāti.** Kodhoti yo evarūpo cittassa āghāto paṭighāto, paṭigham paṭivirodho, kopo pakopo sampakopo, doso padoso sampadoso, cittassa byāpatti manopadoso, kodho kujjhānā kujjhittatā, doso dussanā dussitattā, byāpatti byāpajjanā byāpajjittatā, virodho paṭivirodho, caṇḍikkam asuropo anattamanatā cittassa. Mosavajjam vuccati musāvādo. Kathamkathā vuccati vicikicchāti – kodho mosavajjañca kathamkathā ca.

**Ye cāpi dharmā samañena vuttāti.** Ye cāpīti ye kodhena ca mosavajjena ca kathamkathāya ca sahagatā sahajātā saṁsaṭhā sampayuttā, ekuppādā ekanirodhā ekavaththukā ekārammaṇā – ime vuccanti ye cāpi dharmā. Atha vā ye te kilesā aññajātikā aññavihitakā – ime vuccanti ye cāpi dharmā.  
**Samañena vuttāti** samañena samitapāpena brāhmaṇena bāhitapāpadhammena bhikkhunā bhinnakilesamūlena sabbākusalamūlabandhanā pamuttena vuttā pavuttā ācikkhitā desitā paññapitā paṭṭhapitā vivaṭā vibhattā uttānikatā pakāsitāti – ye cāpi dharmā samañena vuttā.

Tenāha so nimmito –

“Chando nu lokasmim kutonidāno, vinicchatā cāpi kutopahūtā;  
Kodho mosavajjañca kathamkathā ca, ye cāpi dharmā samañena vuttā”ti.

**102. Sātam asātanti yamāhu loke, tamūpanissāya pahoti chando;  
Rūpesu disvā vibhavam bhavañca, vinicchayam kubbati [kūrute (syā.)] jantu loke.**

**Sātam asātanti yamāhu loketi.** Sātanti sukhā ca vedanā, iṭṭhañca vatthu [vatthum (sī. ka.)]. Asātanti dukkhā ca vedanā, aniṭṭhañca vatthu. **Yamāhu loketi** yam āhamṣu yam kathenti yam bhaṇanti yam dīpentī yam voharantī – sātam asātanti yamāhu loke.

**Tamūpanissāya pahoti chandoti.** Sātāsātam nissāya, sukhadukkham nissāya, somanassadomanassam nissāya, iṭṭhāniṭṭham nissāya, anunayapaṭigham nissāya chando pahoti pabhavati jāyati sañjāyati nibbattati abhinibbattatī – tamūpanissāya pahoti chando.

**Rūpesu disvā vibhavam bhavañcāti.** Rūpesūti cattāro ca mahābhūtā catunnañca mahābhūtānam upādāya rūpañ. Katamo rūpānam bhavo? Yo rūpānam bhavo jāti sañjāti nibbattti abhinibbatti pātubhāvo – ayam rūpānam bhavo. Katamo rūpānam vibhavo? Yo rūpānam khayo vayo bhedo paribheda aniccatā antaradhānam – ayam rūpānam vibhavo. **Rūpesu disvā vibhavam bhavañcāti** rūpesu bhavañca vibhavañca disvā passitvā tulayitvā tīrayitvā vibhāvayitvā vibhūtam katvāti – rūpesu disvā vibhavam bhavañca.

**Vinicchayam kubbati jantu loketi.** Vinicchayāti dve vinicchayā – tañhāvinicchayo ca, diṭṭhivinicchayo ca. Katham tañhāvinicchayam karoti? Idhekaccassa anuppannā ceva bhogā na uppajjanti, uppannā ca bhogā parikkhayam gacchanti. Tassa evam hoti – “kena nu kho me upāyena anuppannā ceva bhogā na uppajjanti, uppannā ca bhogā parikkhayam gacchanti”ti. Tassa pana evam hoti “surāmerayamajjappamādaṭṭhānānuyogam anuyuttassa me anuppannā ceva bhogā na uppajjanti, uppannā ca bhogā parikkhayam gacchanti; vikālavisikhācariyānuyogam anuyuttassa me anuppannā ceva bhogā na uppajjanti, uppannā ca bhogā parikkhayam gacchanti; samajjābhicaraṇam anuyuttassa me... jutappamādaṭṭhānānuyogam anuyuttassa me... pāpamittānuyogam anuyuttassa me anuppannā ceva bhogā na uppajjanti, uppannā ca bhogā parikkhayam gacchanti; ālasyānuyogam anuyuttassa me anuppannā ceva bhogā na uppajjanti, uppannā ca bhogā parikkhayam gacchanti”ti evam nāñam katvā cha bhogānam apāyamukhāni na sevati, cha bhogānam āyamukhāni sevati. Evampi tañhāvinicchayam karoti.

Atha vā kasiyā vā vaṇijjāya vā gorakkhena vā issatthena [issattena (ka. sī. ka.) isu + sattha] vā rājaporisena vā sippaññatarena vā paṭipajjati. Evampi tañhāvinicchayam karoti. Katham diṭṭhivinicchayam karoti? Cakkhusmīm uppanne jānāti – “attā me uppanno”ti, cakkhusmīm antarahite jānāti – “attā me antarahito vigato me attā”ti. Evampi diṭṭhivinicchayam karoti. Sotasmīm... ghānasmīm... jivhāya... kāyasmīm... rūpasmīm... saddasmīm... gandhasmīm... rasasmīm... phoṭṭhabbasmīm uppanne jānāti – “attā me uppanno”ti, phoṭṭhabbasmīm antarahite jānāti – “attā me antarahito vigato me attā”ti. Evampi diṭṭhivinicchayam karoti janeti sañjaneti nibbatteti abhinibbatteti. **Jantūti** satto naro mānavo...pe... manujo. **Loketi** apāyaloke ...pe... āyatanaloketi – vinicchayam kubbati jantu loke.

Tenāha bhagavā –

“Sātam asātanti yamāhu loke, tamūpanissāya pahoti chando;  
Rūpesu disvā vibhavam bhavañca, vinicchayam kubbati jantu loke”ti.

**103. Kodho mosavajjañca kathamkathā ca, etepi dhammā dvayameva sante;  
Kathamkathī nāñapathāya sikkhe, nātvā pavuttā samañena dhammā.**

**Kodho mosavajjañca kathamkathā cāti.** Kodhoti yo evarūpo cittassa āghāto paṭighāto...pe... mosavajjam vuccati musāvādo. Kathamkathā vuccati vicikicchā. Iṭṭham vatthum nissāyapi kodho jāyati,

aniṭṭham vatthum nissāyapi kodho jāyati. Iṭṭham vatthum nissāyapi musāvādo uppajjati, aniṭṭham vatthum nissāyapi musāvādo uppajjati. Iṭṭham vatthum nissāyapi kathamkathā uppajjati, aniṭṭham vatthum nissāyapi kathamkathā uppajjati.

Katham aniṭṭham vatthum nissāya kodho jāyati? Pakatiyā aniṭṭham vatthum nissāya kodho jāyati. Anattham me acarīti kodho jāyati, anattham me caratīti kodho jāyati, anattham me carissatīti kodho jāyati; piyassa me manāpassa anattham acari ... anattham carati... anattham carissatīti kodho jāyati; appiyassa me amanāpassa attham acari... attham carati... attham carissatīti kodho jāyati. Evam aniṭṭham vatthum nissāya kodho jāyati.

Katham iṭṭham vatthum nissāya kodho jāyati? Iṭṭham vatthum acchedasañkinopi kodho jāyati, acchijjanterpi kodho jāyati, acchinnepi kodho jāyati. Iṭṭham vatthum vipariñāmasañkinopi kodho jāyati, vipariñāmantepi kodho jāyati, vipariñatepi kodho jāyati. Evam iṭṭham vatthum nissāya kodho jāyati.

Katham aniṭṭham vatthum nissāya musāvādo uppajjati? Idhekacco andubandhanena [addubandhanena (syā. ka.)] vā baddho [bandho (syā. ka.)]; tassa bandhanassa mokkhatthāya sampajānamusā bhāsatī... rajjubandhanena vā baddho... saṅkhalikabandhanena vā baddho... vettabandhanena vā baddho... latābandhanena vā baddho... pakkhepabandhanena vā baddho... parikkhepabandhanena vā baddho... gāmanigamanagararaṭṭhabandhanena vā baddho... janapadabandhanena vā baddho; tassa bandhanassa mokkhatthāya sampajānamusā bhāsatī. Evam aniṭṭham vatthum nissāya musāvādo uppajjatīti.

Katham iṭṭham vatthum nissāya musāvādo uppajjati? Idhekacco manāpikānam [manāpānam (sī.)] rūpānam hetu sampajānamusā bhāsatī... manāpikānam saddānam... gandhānam... rasānam... phoṭṭhabbānam hetu... cīvarahetu... piṇḍapātahetu... senāsanahetu... gilānapaccayabhesajjaparikkhārahetu sampajānamusā bhāsatī. Evam iṭṭham vatthum nissāya musāvādo uppajjati.

Katham aniṭṭham vatthum nissāya kathamkathā uppajjati? “Muccissāmi [muñcissāmi (sī.)] nu kho cakkhurogato, na nu kho muccissāmi cakkhurogato. Muccissāmi nu kho sotarogato... ghānarogato... jivhārogato... kāyarogato... sīsarogato... kaññarogato... mukharogato... muccissāmi nu kho dantarogato, na nu kho muccissāmi dantarogato”ti. Evam aniṭṭham vatthum nissāya kathamkathā uppajjati.

Katham iṭṭham vatthum nissāya kathamkathā uppajjati? “Labhissāmi nu kho manāpike [manāpiye (sī. ka.)] rūpe, na nu kho labhissāmi manāpike rūpe. Labhissāmi nu kho manāpike sadde... gandhe... rase... phoṭṭhabbe... kulam... gaṇam... āvāsam... lābhām... yasam... pasānsam... sukham... cīvaram... piṇḍapātam... senāsanam... gilānapaccayabhesajjaparikkhāra”nti. Evam iṭṭham vatthum nissāya kathamkathā uppajjatīti – kodho mosavajjañca kathamkathā ca.

**Etepi dhammā dvayameva santeti.** Sātāsāte sante, sukhadukkhe sante, somanassadomanasse sante, itthāniṭṭhe sante, anunaya-paṭighe sante saṃvijjamāne atthi upalabbhamāneti – etepi dhammā dvayameva sante.

**Kathamkathī nāñapathāya sikkheti.** Nāñampi nāñapatho, nāñassa ārammaṇampi nāñapatho, nāñasahabhuṇopi dhammā nāñapatho. Yathā ariyamaggo ariyapatho, devamaggo devapatho, brahmamaggo brahmapatho; evameva nāñampi nāñapatho, nāñassa ārammaṇampi nāñapatho, nāñasahabhuṇopi dhammā nāñapatho.

**Sikkheti** tisso sikkhā – adhisīlasikkhā, adhicittasikkhā, adhipaññāsikkhā. Katamā adhisīlasikkhā? Idha bhikkhu sīlavā hoti, pātimokkhasaṃvara-saṃvuto viharati ācāragocarasampanno, aṇumattesu

vajjesu bhayadassāvī, samādāya sikkhati sikkhāpadesu, khuddako sīlakkhandho... mahanto sīlakkhandho... sīlam patīṭhā ādi caraṇam samyamo samvaro mukham pamukham kusalānam dhammānam samāpattiyā – ayam adhicittasikkhā. Katamā adhicittasikkhā? Idha bhikkhu vivicceva kāmehi...pe... catuttham jhānam upasampajja viharati – ayam adhicittasikkhā. Katamā adhipaññāsikkhā? Idha bhikkhu paññavā hoti, udayatthagāminiyā paññāya samannāgato ariyāya nibbedhikāya sammādukkhakkhayagāminiyā. So “idam dukkha”ti yathābhūtam pajānāti...pe... “ayam dukkhanirodhagāminī paṭipadā”ti yathābhūtam pajānāti, “ime āsavā”ti yathābhūtam pajānāti...pe... “ayam āsavanirodhagāminī paṭipadā”ti yathābhūtam pajānāti – ayam adhipaññāsikkhā.

**Kathaṁkathī nāṇapathāya sikkheti.** Kathamkathī puggalo saṅkho savilekho sadveļhako savicikiccho, nāṇādhigamāya nāṇaphusanāya nāṇasacchikiriyāya adhisīlampi sikkheyya, adhicittampi sikkheyya, adhipaññampi sikkheyya; imā tisso sikkhāyo āvajjanto sikkheyya, jānanto sikkheyya, passanto sikkheyya, paccavekkhanto sikkheyya, cittam adhiṭṭhahanto sikkheyya, saddhāya adhimuccanto sikkheyya, vīriyam paggañhanto sikkheyya, satiṁ upaṭṭhahanto sikkheyya, cittam samādahanto sikkheyya, paññāya pajānanto sikkheyya, abhiññeyyam abhijānanto sikkheyya, pariññeyyam parijānanto sikkheyya, pahātabbam pajahanto sikkheyya, bhāvetabbam bhāvento sikkheyya, sacchikātabbam sacchikaronto sikkheyya ācareyya samācareyya samādāya vatteyyāti – kathaṁkathī nāṇapathāya sikkhe.

**Natvā pavuttā samañena dhammāti.** Natvāti ñatvā jānitvā tulayitvā tīrayitvā vibhāvayitvā vibhūtam katvā vuttā vuttā pavuttā ācikkhitā desitā paññapitā paṭṭhapitā vivaṭā vibhattā uttānīkatā [uttānīm̄ katā (ka.)] pakāsitā. “Sabbe saṅkhārā aniccā”ti ñatvā jānitvā tulayitvā tīrayitvā vibhāvayitvā vibhūtam katvā vuttā pavuttā ācikkhitā desitā paññapitā paṭṭhapitā vivaṭā vibhattā uttānīkatā pakāsitā, “sabbe saṅkhārā dukkha”ti... “sabbe dhammā anattā”ti... “avijjāpacca�ā saṅkhārā”ti...pe... “jātipaccaযā jarāmarañā”ti... “avijjānirodhā saṅkhāranirodho”ti...pe... “jātinirodhā jarāmarañānirodhō”ti... “idam dukkha”ti...pe... “ayam dukkhanirodhagāminī paṭipadā”ti... “ime āsavā”ti...pe... “ayam āsavanirodhagāminī paṭipadā”ti... “ime dhammā abhiññeyyā”ti... “ime dhammā pariññeyyā”ti... “ime dhammā pahātabbā”ti... “ime dhammā bhāvetabbā”ti... “ime dhammā sacchikātabbā”ti... channam phassāyatānam samudayañca atthañgamañca assādañca ādīnavayañca nissarañañca... pañcannaṁ upādānakkhandhānam... catunnām mahābhūtānam... “yam kiñci samudayadhammam sabbam tam nirodhadhamma”nttiti ñatvā jānitvā tulayitvā tīrayitvā vibhūtam katvā vuttā pavuttā ācikkhitā desitā paññapitā paṭṭhapitā vivaṭā vibhattā uttānīkatā pakāsitā.

Vuttañhetam bhagavatā – “abhiññāyāham, bhikkhave, dhammaṁ desemi, no anabhiññāya. Sanidānāham, bhikkhave, dhammaṁ desemi, no anidānam. Sappāṭihāriyāham, bhikkhave, dhammaṁ desemi, no appāṭihāriyam. Tassa mayham, bhikkhave, abhiññāya dhammaṁ desayato, no anabhiññāya, sanidānam dhammaṁ desayato, no anidānam, sappāṭihāriyam dhammaṁ desayato, no appāṭihāriyam, karaṇīyo ovādo, karaṇīyā anusāsanī. Alañca pana, bhikkhave, vo tuṭṭhiyā alam pāmojāya alam somanassāya sammāsambuddho bhagavā, svākkhāto dhammo, suppaṭipanno saṅghoti. Imasmiñca pana veyyākaraṇasmiñ bhaññamāne dasasahassī lokadhātu akampitthā”ti – ñatvā pavuttā samañena dhammā.

Tenāha bhagavā –

“Kodho mosavajjañca kathaṁkathā ca, etepi dhammā dvayameva sante;  
Kathaṁkathī nāṇapathāya sikkhe, ñatvā pavuttā samañena dhammā”ti.

**104. Sātam asātañca kutonidānā, kismiṁ asante na bhavanti hete;**  
**Vibhavam̄ bhavañcāpi yametamattham̄, etam̄ me pabrūhi yatonidānam̄.**

**Sātam asātañca kutonidānāti.** Sātā asātā kutonidānā kutojātā kutosañjātā kutonibbattā

kutoabhinibbattā kutopātubhūtā, kiṁnidānā kiṁsamudayā kiṁjātikā kiṁpabhavāti sātāsātānam mūlam pucchatī...pe... samudayam pucchatī papucchatī yācatī ajhesati pasādetīti – sātam asātañca kutonidānā.

**Kismim asante na bhavanti heteti.** Kismim asante asamvijjamāne nathi anupalabbhamāne sātāsātāna na bhavanti nappabhavanti na jāyanti na sañjāyanti na nibbattanti na abhinibbattantīti – kismim asante na bhavanti hete.

**Vibhavam bhavañcāpi yametamatthanti.** Katamo sātāsātānam bhavo? Yo sātāsātānam bhavo pabhavo jāti sañjāti nibbatti abhinibbatti pātubhāvo – ayam sātāsātānam bhavo. Katamo sātāsātānam vibhavo? Yo sātāsātānam khayo vayo bhedo paribhedo aniccatā antaradhānam – ayam sātāsātānam vibhavo. **Yametamatthanti** yam paramatthanti – vibhavam bhavañcāpi yametamattham.

**Etam me pabrūhi yatonidānanti.** Etanti yam pucchāmi yam yācāmi yam ajhesāmi yam pasādemī. **Pabrūhi** brūhi vadehi ācikkha desehi paññapehi paṭṭhapehi vivara vibhaja uttānīkarohi pakāsehīti – etam me pabrūhi. **Yatonidānanti** yamnidānam yamṣamudayam yamjātikam yampabhavanti – etam me pabrūhi yatonidānam.

Tenāha so nimmito –

“Sātam asātañca kutonidānā, kismim asante na bhavanti hete;  
Vibhavam bhavañcāpi yametamattham, etam me pabrūhi yatonidāna”nti.

#### **105. Phassanidānam sātam asātam, phasse asante na bhavanti hete;** **Vibhavam bhavañcāpi yametamattham, etam te pabrūmi itonidānam.**

**Phassanidānam sātam asātanti.** Sukhavedanīyam phassam paṭicca uppajjati sukhā vedanā. Yā tasseva sukhavedanīyassa phassassa nirodhā, yam tajjam vedayitam sukhavedanīyam phassam paṭicca uppannā sukhā vedanā sā nirujjhati, sā vūpasammati. Dukkhavedanīyam phassam paṭicca uppajjati dukkhā vedanā. Yā tasseva dukkhavedanīyassa phassassa nirodhā, yam tajjam vedayitam dukkhavedanīyam phassam paṭicca uppannā dukkhā vedanā sā nirujjhati, sā vūpasammati. Adukkhamasukhavedanīyam phassam paṭicca uppajjati adukkhamasukhā vedanā. Yā tasseva adukkhamasukhavedanīyassa phassassa nirodhā, yam tajjam vedayitam adukkhamasukhavedanīyam phassam paṭicca uppannā adukkhamasukhā vedanā sā nirujjhati, vūpasammati. **Phassanidānam sātam asātanti.** Sātāsātā phassanidānā phassasamudayā phassajātikā phassappabhavāti – phassanidānam sātam asātam.

**Phasse asante na bhavanti heteti.** Phasse asante asamvijjamāne nathi anupalabbhamāne sātāsātāna na bhavanti nappabhavanti na jāyanti na sañjāyanti na nibbattanti nābhinibbattanti na pātubhavantīti – phasse asante na bhavanti hete.

**Vibhavam bhavañcāpi yametamatthanti.** Bhavadiṭṭhipi phassanidānā, vibhavadiṭṭhipi phassanidānā. **Yametamatthanti** yam paramatthanti – vibhavam bhavañcāpi yametamattham.

**Etam te pabrūmi itonidānanti.** Etanti yam pucchasi yam yācasi yam ajhesasi yam pasādesi. **Pabrūmīti** brūmi ācikkhāmi desemi paññapemī paṭṭhapemī vivarāmi vibhajāmi uttānīkaromi pakāsemīti – etam te pabrūmi. **Itonidānanti** ito phassanidānam phassasamudayam phassajātikam phassappabhavanti – etam te pabrūmi itonidānam.

Tenāha bhagavā –

“Phassanidānam sātam asātam, phasse asante na bhavanti hete;  
Vibhavam bhavañcāpi yametamattham, etam te pabrūmi itonidāna”nti.

**106. Phasso nu lokasmīm kutonidāno, pariggahā cāpi [vāpi (sī. syā.)] kutopahūtā;**  
**Kismīm asante na mamattamatthi, kismīm vibhūte na phusanti phassā.**

**Phasso nu lokasmīm kutonidānoti.** Phasso kutonidāno kutojāto kutosañjāto kutonibbatto kutoabhinibbatto kutopātubhūto, kiñnidāno kiñsamudayo kiñjātiko kiñpabhavoti phassassa mūlam pucchati hetum pucchati...pe... samudayam pucchati papucchati yācati ajhesati pasādetīti – phasso nu lokasmīm kutonidāno.

**Pariggahā cāpi kutopahūtāti** pariggahā kutopahūtā kutojātā kutosañjātā kutonibbattā kutoabhinibbattā kutopātubhūtā, kiñnidānā kiñsamudayā kiñjātikā kiñpabhavāti pariggahānam mūlam pucchati hetum pucchati...pe... samudayam pucchati papucchati yācati ajhesati pasādetīti – pariggahā cāpi kutopahūtā.

**Kismīm asante na mamattamatthīti.** Kismīm asante asamvijjamāne natthi anupalabbhamāne mamattā natthi na santi na sañvijjanti nupalabbhanti, pahīnā samucchinnā vūpasantā pañipassaddhā abhabuppattikā ñāñagginā daññāhati – kismīm asante na mamattamatthi.

**Kismīm vibhūte na phusanti phassāti.** Kismīm vibhūte vibhavite atikkante samatikkante vītivatte phassā na phusantīti – kismīm vibhūte na phusanti phassā.

Tenāha so nimmito –

“Phasso nu lokasmīm kutonidāno, pariggahā cāpi kutopahūtā;  
Kismīm asante na mamattamatthi, kismīm vibhūte na phusanti phassā”ti.

**107. Nāmañca rūpañca pañicca phasso, icchānidānāni pariggahāni;**  
**Icchāyasantyā na mamattamatthi, rūpe vibhūte na phusanti phassā.**

**Nāmañca rūpañca pañicca phassoti.** Cakkhuñca pañicca rūpe ca uppajjati cakkhuviññānam, tiññam sañgati phasso. Cakkhu ca [cakkhuñca (bahūsu)] rūpā ca rūpasmiñ cakkhusamphassam thapetvā sampayuttakā dhammā nāmasmiñ. Evampi nāmañca rūpañca pañicca phasso. Sotañca pañicca sadde ca uppajjati sotaviññānam, tiññam sañgati phasso. Sotañca saddā ca rūpasmiñ sotasamphassam thapetvā sampayuttakā dhammā nāmasmiñ. Evampi nāmañca rūpañca pañicca phasso. Ghānañca pañicca gandhe ca uppajjati ghānaviññānam, tiññam sañgati phasso. Ghānañca gandhā ca rūpasmiñ ghānasamphassam thapetvā sampayuttakā dhammā nāmasmiñ. Evampi nāmañca rūpañca pañicca phasso. Jivhañca pañicca rase ca uppajjati jivhāviññānam, tiññam sañgati phasso. Jivhā ca rasā ca rūpasmiñ jivhāsamphassam thapetvā sampayuttakā dhammā nāmasmiñ. Evampi nāmañca rūpañca pañicca phasso. Kāyañca pañicca phoñhabbe ca uppajjati kāyaviññānam, tiññam sañgati phasso. Kāyo ca phoñhabbā ca rūpasmiñ kāyasamphassam thapetvā sampayuttakā dhammā nāmasmiñ. Evampi nāmañca rūpañca pañicca phasso. Manañca pañicca dhamme ca uppajjati manoviññānam, tiññam sañgati phasso. Vatthu rūpam rūpasmiñ, dhammā rūpino rūpasmiñ manosamphassam thapetvā sampayuttakā dhammā nāmasmiñ. Evampi nāmañca rūpañca pañicca phasso.

**Icchānidānāni pariggahānīti.** Icchā vuccati tañhā. Yo rāgo sārāgo...pe... abhijjhā lobho akusalamūlam. **Pariggahāti** dve pariggahā – tañhāpariggaho ca diññhipariggaho ca...pe... ayam tañhāpariggaho...pe... ayam diññhipariggaho. **Icchānidānāni pariggahānīti.** Pariggahā icchānidānā icchāhetukā icchāpaccayā icchākārañā icchāpabhavāti – icchānidānāni pariggahāni.

**Icchāyasantyā na mamattamatthīti.** Icchā vuccati taṇhā. Yo rāgo sārāgo...pe... abhijjhā lobho akusalamūlam. **Mamattāti** dve mamattā – taṇhāmamattañca diṭṭhimamattañca ...pe... idam taṇhāmamattañ...pe... idam diṭṭhimamattam. **Icchāyasantyā na mamattamatthīti.** Icchāya asantyā asamvijjamānāya natthi anupalabbhamānāya mamattā natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā nāṇagginā daḍḍhāti – icchāyasantyā na mamattamatthi.

**Rūpe vibhūte na phusanti phassāti.** Rūpeti cattāro ca mahābhūtā catunnañca mahābhūtānam upādāya rūpam. **Rūpe vibhūteti** catūhi kāraṇehi [catūhi kāraṇehi (syā.)] rūpam vibhūtam hoti – nātavibhūtena [nāṇavibhūtena (sī.), tadaṭṭhakathāyam pana nātavītivattenāti dissati], tīraṇavibhūtena, pahānavibhūtena, samatikkamavibhūtena. Katham nātavibhūtena rūpam vibhūtam hoti? Rūpam jānāti – “yam kiñci rūpam sabbam rūpam cattāri ca mahābhūtāni catunnañca mahābhūtānam upādāya rūpa”nti jānāti passati. Evam nātavibhūtena rūpam vibhūtam hoti.

Katham tīraṇavibhūtena rūpam vibhūtam hoti? Evam nātām katvā rūpam tīreti, aniccato dukkhato rogato gaṇḍato sallato aghato ābādhato parato palokato ītito upaddavato bhayato upasaggato calato pabhaṅguto adhuvato atāñato aleñato asarañato rittato tucchato suññato anattato ādīnavato vipariñāmadhammato asārakato aghamūlato vadakato vibhavato sāsavato saṅkhatato mārāmisato jātidhammato jarādhammato byādhidhammato maraṇadhammato, sokaparidevadukkhadomanassupāyāsadhammato samkilesikadhammato samudayato atthaṅgamato, assādato ādīnavato nissarañato tīreti. Evam tīraṇavibhūtena rūpam vibhūtam hoti.

Katham pahānavibhūtena rūpam vibhūtam hoti? Evam tīrayitvā rūpe chandarāgam pajahati vinodeti byantim karoti anabhāvam gameti. Vuttañhetam bhagavatā – “yo, bhikkhave, rūpe chandarāgo tam pajahatha. Evam tam rūpam pahīnam bhavissati ucchinnañlam tālāvatthukatañ anabhāvamkatañ āyatim anuppādadhamma”nti. Evam pahānavibhūtena rūpam vibhūtam hoti.

Katham samatikkamavibhūtena rūpam vibhūtam hoti. Catasso arūpasamāpattiyo paṭiladdhassa rūpā vibhūtā honti vibhāvitā atikkantā samatikkantā vītivattā. Evam samatikkamavibhūtena rūpam vibhūtam hoti. Imehi catūhi kāraṇehi rūpam vibhūtam hoti.

**Rūpe vibhūte na phusanti phassāti.** Rūpe vibhūte vibhāvite atikkante samatikkante vītivatte pañca phassā na phusanti – cakkhusamphasso, sotasamphasso, ghānasamphasso, jivhāsamphasso, kāyasamphassoti – rūpe vibhūte na phusanti phassā.

Tenāha bhagavā –

“Nāmañca rūpañca paṭicca phasso, icchānidānāni pariggahāni;  
Icchāyasantyā na mamattamatthi, rūpe vibhūte na phusanti phassā”ti.

**108. Katham sametassa vibhoti rūpam, sukham dukhañcāpi [dukkham vāpi (syā.)] katham vibhoti;**  
**Etam me pabrūhi yathā vibhoti, tam jāniyāmāti [jānissāmāti (sī. ka.)] me mano ahu.**

**Katham sametassa vibhoti rūpanti.** **Katham sametassāti** katham sametassa katham paṭipannassa katham iriyantassa katham vattentassa katham pālentassa katham yāpentassa katham yāpentassa rūpam vibhoti vibhāvīyati atikkamīyati samatikkamīyati [vibhāvīyati atikkamīyati samatikkamīyati (bahūsu)] vītivattīyatīti – katham sametassa vibhoti rūpam.

**Sukham dukhañcāpi katham vibhotīti** sukhañca dukhañca katham vibhoti vibhāvīyati atikkamīyati samatikkamīyati vītivattīyatīti – sukham dukhañcāpi katham vibhoti.

**Etam me pabrūhi yathā vibhotīti.** Etanti yam pucchāmi yam yācāmi yam ajjhесāmi yam pasādemīti – etam. **Me pabrūhīti** me pabrūhi ācikkha desehi paññapehi paṭṭhapehi vivara vibhaja uttānīkarohi pakāsehīti – etam me pabrūhi. **Yathā vibhotīti** yathā vibhoti vibhāvīyati atikkamīyati samatikkamīyati vītvattīyatīti – etam me pabrūhi yathā vibhoti.

**Tam jāniyāmāti me mano ahūti.** Tam jāniyāmāti tam jāneyyāma ājāneyyāma vijāneyyāma paṭivijāneyyāma paṭivijjhēyyāmāti – tam jāniyāma. **Iti me mano ahūti** iti me mano ahu, iti me cittam ahu, iti me saṅkappo ahu, iti me viññānaṁ ahūti – tam jāniyāma iti me mano ahu.

Tenāha so nimmito –

“Katham sametassa vibhoti rūpam, sukham dukhañcāpi kathaṁ vibhoti;  
Etam me pabrūhi yathā vibhoti, tam jāniyāmāti me mano ahū”ti.

**109. Na saññasaññī na visaññasaññī, nōpi asaññī na vibhūtasaññī;**  
**Evam sametassa vibhoti rūpam, saññānidānā hi papañcasāñkhā.**

**Na saññasaññī na visaññasaññīti.** Saññasaññino vuccanti ye pakatisaññāya ṭhitā, napi so pakatisaññāya ṭhito. Visaññasaññino vuccanti ummattakā ye ca khittacittā [ukkhittacittā (syā.)], napi so ummattako, nōpi khittacittoti – na saññasaññī na visaññasaññī.

**Nōpi asaññī na vibhūtasaññīti.** Asaññino vuccanti nirodhasamāpannā ye ca asaññasattā, napi so nirodhasamāpanno, napi asaññasatto. Vibhūtasaññino vuccanti ye catunnam arūpasamāpattinam lābhino, napi so catunnam arūpasamāpattinam lābhīti – nōpi asaññī na vibhūtasaññī.

**Evam sametassa vibhoti rūpanti.** Idha bhikkhu sukhassa ca pahānā...pe... catuttham jhānaṁ upasampajja viharati. So evam samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte ākāsānañcāyatanasamāpattipaṭilābhathāya cittam abhinīharati abhininnāmeti ārūppamaggasamaṅgīti. Evam sametassa evam paṭipannassa evam iriyantassa evam vattentassa evam pālentassa evam yapentassa evam yāpentassa rūpam vibhoti vibhāvīyati atikkamīyati samatikkamīyati vītvattīyatīti – evam sametassa vibhoti rūpam.

**Saññānidānā hi papañcasāñkhāti.** Papañcāyeva papañcasāñkhā tañhāpapañcasāñkhā, ditthipapañcasāñkhā, mānapapañcasāñkhā saññānidānā saññāsamudayā saññājātikā saññāpabhavāti – saññānidānā hi papañcasāñkhā.

Tenāha bhagavā –

“Na saññasaññī na visaññasaññī, nōpi asaññī na vibhūtasaññī;  
Evam sametassa vibhoti rūpam, saññānidānā hi papañcasāñkhā”ti.

**110. Yam tam apucchimha akittayī no, aññam tam pucchāma tadiṅgha brūhi;**  
**Ettāvataggam nu vadanti heke, yakkhassa suddhim idha paṇḍitāse;**  
**Udāhu aññampi vadanti ettoto.**

**Yam tam apucchimha akittayī noti.** Yam tam apucchimha ayācimha ajjhēsimha pasādayimha. **Akittayī noti** kittitatam pakittitatam ācikkhitam desitam paññapitam paṭṭhapitam vivaṭtam vibhattam uttānīkataṁ pakāsitanti – yam tam apucchimha akittayī no.

**Aññam tam pucchāma tadiṅgha brūhīti.** Aññam tam pucchāma, aññam tam yācāma, aññam tam ajjhēsāma, aññam tam pasādema, uttarīm tam pucchāma. **Tadiṅgha brūhīti** iṅgha brūhi ācikkha desehi

paññapehi paññapehi vivara vibhaja uttānikarohi pakāsehīti – aññam tam pucchāma tadiṅgha brūhi.

**Ettāvataggam nu vadanti heke yakkhassa suddhim idha pañditāseti.** Eke samañabrahmañā etā arūpasamāpattiyo aggam setham visiñham pāmokkham uttamam pavaram vadanti kathenti bhañanti dīpayanti voharanti. **Yakkhassāti** sattassa narassa mānavassa posassa puggalassa jīvassa jantussa indagussa manujassa. **Suddhīti** suddhim visuddhim parisuddhim muttim vimuttim parimuttim. **Idha pañditāseti** idha pañditavādā thiravādā ñāyavādā hetuvādā lakkhaṇavādā kāraṇavādā ṭhānavādā sakāya laddhiyāti – ettāvataggam nu vadanti heke yakkhassa suddhim idha pañditāse.

**Udāhu aññampi vadanti ettoti.** Udāhu eke samañabrahmañā etā arūpasamāpattiyo atikkamitvā samatikkamitvā vītvattetvā etto arūpasamāpattito aññam uttarīm yakkhassa suddhim visuddhim parisuddhim muttim vimuttim parimuttim vadanti kathenti bhañanti dīpayanti voharantīti – udāhu aññampi vadanti etto.

Tenāha so nimmito –

“Yam tam apucchimha akittayī no, aññam tam pucchāma tadiṅgha brūhi;  
Ettāvataggam nu vadanti heke, yakkhassa suddhim idha pañditāse;  
Udāhu aññampi vadanti etto”ti.

### **111. Ettāvataggampi vadanti heke, yakkhassa suddhim idha pañditāse; Tesam paneke samayañ vadanti, anupādisese kusalāvadānā.**

**Ettāvataggampi vadanti heke, yakkhassa suddhim idha pañditāseti.** Santeke samañabrahmañā sassatavādā, etā arūpasamāpattiyo aggam setham visiñham pāmokkham uttamam pavaram vadanti kathenti bhañanti dīpayanti voharanti. **Yakkhassāti** sattassa narassa mānavassa posassa puggalassa jīvassa jāgussa jantussa indagussa manujassa. **Suddhīti** suddhim visuddhim parisuddhim, muttim vimuttim parimuttim. **Idha pañditāseti** idha pañditavādā thiravādā ñāyavādā hetuvādā lakkhaṇavādā kāraṇavādā ṭhānavādā sakāya laddhiyāti – ettāvataggampi vadanti heke yakkhassa suddhim idha pañditāse.

**Tesam paneke samayañ vadanti, anupādisese kusalāvadānāti** tesamyeva samañabrahmañānam eke samañabrahmañā ucchedavādā bhavatajjitā vibhavañ abhinandanti, te sattassa samam upasamam vūpasamam nirodham pañipassaddhīti vadanti, yato kiñ, bho, ayam attā kāyassa bhedā ucchijjati vinassati na hoti param marañā, ettāvatā anupādisesoti. **Kusalāvadānāti** kusalavādā pañditavādā thiravādā ñāyavādā hetuvādā lakkhaṇavādā kāraṇavādā ṭhānavādā sakāya laddhiyāti – tesam paneke samayañ vadanti anupādisese kusalāvadānā.

Tenāha bhagavā –

“Ettāvataggampi vadanti heke, yakkhassa suddhim idha pañditāse;  
Tesam paneke samayañ vadanti, anupādisese kusalāvadānā”ti.

### **112. Ete ca ñatvā upanissitāti, ñatvā munī nissaye so vīmañsi; Ñatvā vimutto na vivādameti, bhavābhavāya na sameti dhīro.**

**Ete ca ñatvā upanissitāti.** Ete diññigatike. **Upanissitāti** sassatadiññinissitāti ñatvā, ucchedadiññinissitāti ñatvā, sassatucchedadiññinissitāti ñatvā jānitvā tulayitvā tīrayitvā vibhāvayitvā vibhūtam katvāti – ete ca ñatvā upanissitāti.

**Ñatvā munī nissaye so vīmañsi.** **Munīti.** Monam vuccati ñānam...pe... saṅgajālamaticca so

muni. Muni sassatadiṭṭhinissitāti ñatvā, ucchedadiṭṭhinissitāti ñatvā, sassatuccchedadiṭṭhinissitāti ñatvā jānitvā tulayitvā tīrayitvā vibhāvayitvā vibhūtam katvā. **So vīmaṇsīti** paṇḍito paññavā buddhimā ñāṇī vibhāvī medhāvīti ñatvā muni nissaye so vīmaṇsī. **Ñatvā vimutto na vivādametīti** ñatvā jānitvā tulayitvā tīrayitvā vibhāvayitvā vibhūtam katvā. **Vimuttoti** mutto vimutto parimutto suvimutto accantaanupādāvimekkhena. “Sabbe saṅkhārā aniccā”ti ñatvā jānitvā tulayitvā tīrayitvā vibhāvayitvā vibhūtam katvā mutto vimutto parimutto suvimutto accantaanupādāvimekkhena. “Sabbe saṅkhārā dukkhā”ti... “sabbe dhammā anattā”ti...pe... “yam kiñci samudayadhammadā sabbam tam nirodhadhamma”nti ñatvā jānitvā tulayitvā tīrayitvā vibhāvayitvā vibhūtam katvā mutto vimutto parimutto suvimutto accantaanupādāvimekkhenāti – ñatvā vimutto. **Na vivādametīti** na kalahaṇam karoti, na bhaṇḍanam karoti, na viggaham karoti, na vivādaṇam karoti, na medhagaṇam karoti. Vuttañhetam bhagavatā – “evam vimuttacitto kho, aggivessana, bhikkhu na kenaci samvadati, na kenaci vivadati, yañca loke vuttaṇam tena ca volharati aparāmasa”nti – ñatvā vimutto na vivādametīti.

**Bhavābhavāya na sameti dhīroti.** **Bhavābhavāyatī** bhavāya kammabhavāya punabbhavāya kāmabhavāya, kammabhavāya kāmabhavāya punabbhavāya rūpabhavāya, kammabhavāya rūpabhavāya punabbhavāya arūpabhavāya, kammabhavāya arūpabhavāya punabbhavāya punappunabbhavāya punappunagatiyā punappunaupapatti�ā punappunaupatīsandhiyā punappunaattabhāvāya punappunābhinibbattiyā na sameti na samāgacchatī na gaṇhāti na parāmasati nābhinivisati. **Dhīroti** dhīro paṇḍito paññavā buddhimā ñāṇī vibhāvī medhāvīti – bhavābhavāya na sameti dhīro.

Tenāha bhagavā –

“Ete ca ñatvā upanissitāti, ñatvā munī nissaye so vīmaṇsī;  
Ñatvā vimutto na vivādametīti, bhavābhavāya na sameti dhīro”ti.

Kalahavivādasuttaniddeso ekādasamo.

## 12. Cūlaviyūhasuttaniddeso

Atha cūlaviyūhasuttaniddesaṇam vakkhati –

**113. Sakam sakam diṭṭhiparibbasānā, viggayha nānā kusalā vadanti;**  
**Yo evam jānāti [evam pajānāti (sī.)] sa vedī dhammadā, idam paṭikkosamakevalī so.**

**Sakam sakam diṭṭhiparibbasānāti.** Santeke samaṇabrāhmaṇā diṭṭhigatikā; te dvāsaṭṭhiyā diṭṭhigatānam aññataraññataram diṭṭhigataṇam gahetvā uggahetvā gaṇhitvā parāmasitvā abhinivisitvā sakāya sakāya diṭṭhiyā vasanti samvasanti āvasanti parivasanti. Yathā agārikā gharesu vasanti, sāpattikā vā āpattīsu vasanti, sakilesā vā kilesesu vasanti; evameva santeke samaṇabrāhmaṇā diṭṭhigatikā, te dvāsaṭṭhiyā diṭṭhigatānam aññataraññataram diṭṭhigataṇam gahetvā uggahetvā gaṇhitvā parāmasitvā abhinivisitvā sakāya sakāya diṭṭhiyā vasanti samvasanti āvasanti parivasantīti – sakam sakam diṭṭhiparibbasānā.

**Viggayha nānā kusalā vadantīti.** Viggayhāti gahetvā uggahetvā gaṇhitvā parāmasitvā abhinivisitvā nānā vadanti vividham vadanti aññoññam vadanti puthu [puthum (sī.)] vadanti, na ekam vadanti kathenti bhaṇanti dīpayanti volharanti. **Kusalāti** kusalavādā paṇḍitavādā thiravādā ñāyavādā hetuvādā lakkhaṇavādā kāraṇavādā ṭhānavādā sakāya laddhiyāti – viggayha nānā kusalā vadanti.

**Yo evam jānāti sa vedī dhammadā.** Yo imam [idam (sī. ka.)] dhammadā diṭṭhim paṭipadām maggam jānāti so dhammadā vedī aññāsi apassi paṭivijjhīti – yo evam jānāti sa vedī dhammadā.

**Idam paṭikkosamakevalī soti.** Yo imam dhammam diṭṭhim paṭipadaṁ maggam paṭikkosati, akevalī so asamatto so aparipuṇḍo so hīno nihīno omako lāmako chatukko parittoti – idam paṭikkosamakevalī so.

Tenāha so nimmito –

“Sakam sakam diṭṭhiparibbasānā, viggayha nānā kusalā vadanti;  
Yo evam jānāti sa vedi dhammam, idam paṭikkosamakevalī so”ti.

**114. Evampi viggayha vivādayanti, bālo paro akkusaloti cāhu;**  
**Sacco nu vādo katamo imesam, sabbeva hīme kusalāvadānā.**

**Evampi viggayha vivādayantīti.** Evam gahetvā uggahetvā gaṇhitvā parāmasitvā abhinivisitvā vivādayanti, kalahaṁ karonti, bhaṇḍanam karonti, viggahaṁ karonti, vivādaṁ karonti, medhagaṁ karonti – “na tvam imam dhammadvinayaṁ ājānāsi...pe... nibbeṭhehi vā sace pahosi”ti – evampi viggayha vivādayanti.

**Bālo paro akkusaloti cāhūti.** Paro bālo hīno nihīno omako lāmako chatukko paritto akusalo avidvā avijjāgato aññāñī avibhāvī duppaññoti, evamāhaṁsu evam kathenti evam bhaṇanti evam dīpayanti evam voharantīti – bālo paro akkusaloti cāhu.

**Sacco nu vādo katamo imesanti.** Imesam samaṇabrahmañānam vādo katamo sacco taccho tatho bhūto yāthāvo aviparītoti – sacco nu vādo katamo imesam.

**Sabbeva hīme kusalāvadānāti.** Sabbevime samaṇabrahmañā kusalavādā paṇḍitavādā thiravādā ñāyavādā hetuvādā lakkhaṇavādā kāraṇavādā ṭhānavādā sakāya laddhiyāti – sabbeva hīme kusalāvadānā.

Tenāha so nimmito –

“Evampi viggayha vivādayanti, bālo paro akkusaloti cāhu;  
Sacco nu vādo katamo imesam, sabbeva hīme kusalāvadānā”ti.

**115. Parassa ce dhammadmanānujānam, bālomako hoti nihīnapañño;**  
**Sabbeva bālā sunihīnapaññā, sabbevime diṭṭhiparibbasānā.**

**Parassa ce dhammadmanānujānanti.** Parassa dhammam diṭṭhim patipadaṁ maggam anānujānanto anānupassanto anānumananto anānumaññanto anānumodantoti – parassa ce dhammadmanānujānam.

**Bālomako hoti nihīnapaññoti.** Paro bālo hoti hīno nihīno omako lāmako chatukko paritto, hīnapañño nihīnapañño omakapañño lāmakapañño chatukkapañño parittapaññoti – bālomako hoti nihīnapañño.

**Sabbeva bālā sunihīnapaññāti.** Sabbevime samaṇabrahmañā bālā hīnā nihīnā omakā lāmakā chatukkā parittā, sabbeva hīnapaññā nihīnapaññā omakapaññā lāmakapaññā chatukkapaññā parittapaññāti – sabbeva bālā sunihīnapaññā.

**Sabbevime diṭṭhiparibbasānāti.** Sabbevime samaṇabrahmañā diṭṭhigatikā; te dvāsaṭṭhiyā diṭṭhigatānam aññatarāññatarām diṭṭhigataṁ gahetvā uggahetvā gaṇhitvā parāmasitvā abhinivisitvā sakāya sakāya diṭṭhiyā vasanti samvasanti āvasanti parivasanti. Yathā agārikā vā gharesu vasanti, sāpattikā vā āpattisu vasanti, sakilesā vā kilesesu vasanti; evameva sabbevime samaṇabrahmañā

diṭṭhigatikā...pe... parivasantīti – sabbevime diṭṭhiparibbasānā.

Tenāha bhagavā –

“Parassa ce dhammadanānujānam, bālomako hoti nihīnapañño;  
Sabbeva bālā sunihīnapaññā, sabbevime diṭṭhiparibbasānā”ti.

**116. Sandiṭṭhiyā ceva navīvadātā, [cevanavevadātā (sī.), ce pana vivadātā (syā.)]  
samsuddhapaññā kusalā mutīmā;**  
**Na tesam koci parihīnapañño, diṭṭhī hi tesampi tathā samattā.**

**Sandiṭṭhiyā ceva navīvadātāti.** Sakāya diṭṭhiyā sakāya khantiyā sakāya ruciyā sakāya laddhiyā anavīvadātā avodātā apariyodātā saṃkiliṭhā saṃkilesikāti – sandiṭṭhiyā ceva navīvadātā.

**Samsuddhapaññā kusalā mutīmāti.** Suddhapaññā visuddhapaññā parisuddhapaññā vodātapaññā pariyodātapaññā. Atha vā suddhadassanā visuddhadassanā parisuddhadassanā vodātadassanā pariyodātadassanāti – samsuddhapaññā. **Kusalāti** kusalā paṇḍitā paññavanto iddhimanto nāṇino vibhāvino medhāvinoti – samsuddhapaññā kusalā. **Mutīmāti** mutimā paṇḍitā paññavanto iddhimanto nāṇino vibhāvino medhāvinoti – samsuddhapaññā kusalā mutīmā.

**Tesam na koci parihīnapaññoti.** Tesam samaṇabrahmaṇānam na koci hīnapañño nihīnapañño omakapañño lāmakapañño chatukkapañño parittapañño atthi. Sabbeva setṭhapaññā visiṭṭhapaññā pāmokkhapaññā uttamapaññā pavarapaññāti – tesam na koci parihīnapañño.

**Diṭṭhī hi tesampi tathā samattāti.** Tesam samaṇabrahmaṇānam diṭṭhi tathā samattā samādinnā gahitā parāmatīthā abhinivitthā ajjhositā adhimuttāti – diṭṭhī hi tesampi tathā samattā.

Tenāha bhagavā –

“Sandiṭṭhiyā ceva navīvadātā, samsuddhapaññā kusalā mutīmā;  
Tesam na koci parihīnapañño, diṭṭhī hi tesampi tathā samattā”ti.

**117. Na vāhametam tathiyanti [tathivanti (syā.)] brūmi, yamāhu bālā mithu aññamaññam;**  
**Sakam sakam diṭṭhimakamṣu saccam, tasmā hi bāloti param dahanti.**

**Na vāhametam tathiyanti brūmīti.** Nāti paṭikkhepo. Etanti “dvāsaṭṭhidiṭṭhigatāni nāham etam taccham tathām bhūtam yāthāvam aviparīta”nti brūmi ācikkhāmi desemi paññapemī patthapemī vivarāmi vibhajāmi uttānīkaromi pakāsemīti – na vāhametam tathiyanti brūmi.

**Yamāhu bālā mithu aññamaññanti.** Mithūti dve janā, dve kalahakārakā, dve bhaṇḍanakārakā, dve bhassakārakā, dve vivādakārakā, dve adhikaraṇakārakā, dve vādino, dve sallapakā; te aññamaññām bālo [bālato (sī. ka.) evamaññesu chappadesupi topaccayantavasena] hīno nihīno omako lāmako chatukko parittoti, evamāhamṣu evam kathenti evam bhaṇanti evam dīpayanti evam voharantīti – yamāhu bālā mithu aññamaññām.

**Sakam sakam diṭṭhimakamṣu saccanti.** “Sassato loko, idameva saccam moghamāñña”nti – sakam sakam diṭṭhimakamṣu saccam. “Asassato loko, idameva saccam moghamāñña”nti...pe... “neva hoti na na hoti tathāgato param maraṇā, idameva saccam moghamāñña”nti – sakam sakam diṭṭhimakamṣu saccam.

**Tasmā hi bāloti param dahanīti.** Tasmāti tasmā tamkāraṇā tamhetu tappaccayā taṁnidānā param bālo hīno nihīno omako lāmako chatukko parittoti dahanti passanti dakkhanti olokenti nijjhāyanti upaparikkhantī – tasmā hi bāloti param dahanīti.

Tenāha bhagavā –

“Na vāhametam tathiyanti brūmi, yamāhu bālā mithu aññamaññam;  
Sakam sakam diṭṭhimakam su saccam, tasmā hi bāloti param dahanīti”ti.

**118. Yamāhu saccam tathiyanti eke, tamāhu aññepi [aññe (sī. ka.)] tuccham musāti;  
Evampi viggayha vivādayanti, kasmā na ekam samañā vadanti.**

**Yamāhu saccam tathiyanti eketi.** Yam dhammaṁ diṭṭhim paṭipadām maggam eke samañabrahmaṇā “idaṁ saccam taccham tathaṁ bhūtam yāthāvam aviparīta”nti, evamāhaṁsu evam kathenti evam bhaṇanti evam dīpayanti evam voharantī – yamāhu saccam tathiyanti eke.

**Tamāhu aññepi tuccham musātīti.** Tameva dhammaṁ diṭṭhim paṭipadām maggam eke samañabrahmaṇā “tuccham etam, musā etam, abhūtam etam, alikam etam, ayāthāvam eta”nti, evamāhaṁsu evam kathenti evam bhaṇanti evam dīpayanti evam voharantī – tamāhu aññepi tuccham musāti.

**Evampi viggayha vivādayantīti.** Evam gahetvā uggahetvā ganhitvā parāmasitvā abhinivisitvā vivādayanti, kalahaṁ karonti, bhaṇḍanam karonti, viggahaṁ karonti, vivādam karonti, medhagaṁ karonti – “na tvam imam dhammadvinayam ājānāsi...pe... nibbeṭhehi vā sace pahosī”ti – evampi viggayha vivādayanti.

**Kasmā na ekam samañā vadantīti.** Kasmāti kasmā kiṁkāraṇā kiṁhetu kiṁpacca�ā kiṁnidānā kiṁsamudayā kiṁjātikā kiṁpabhavā na ekam vadanti nānā vadanti vividham vadanti aññoññam [aññoñne (ka.)] vadanti puthu vadanti kathenti bhaṇanti dīpayanti voharantī – kasmā na ekam samañā vadanti.

Tenāha so nimmito –

“Yamāhu saccam tathiyanti eke, tamāhu aññepi tuccham musāti;  
Evampi viggayha vivādayanti, kasmā na ekam samañā vadantī”ti.

**119. Ekañhi saccam na dutīyamatthi, yasmiṁ pajā no vivade pajānam;  
Nānā te saccāni sayam thunanti, tasmā na ekam samañā vadanti.**

**Ekañhi saccam na dutīyamatthīti.** Ekaṁ saccam vuccati dukkhanirodho nibbānam. Yo so sabbasaṅkhārasamatho sabbūpadhipaṭinissaggo tanhakkhayo virāgo nirodho nibbānam. Atha vā ekaṁ saccam vuccati – maggasaccam, niyyānasaccam, dukkhanirodhagāminī paṭipadā, ariyo aṭṭhaṅgiko maggo, seyyathidam – sammādiṭṭhi, sammāsaṅkappo, sammāvācā, sammākammanto, sammājīvo, sammāvāyāmo, sammāsatī, sammāsamādhīti – ekañhi saccam na dutīyamatthi.

**Yasmiṁ pajā no vivade pajānanti.** Yasminti yasmiṁ sacce. **Pajāti** sattādhivacanam. **Pajānanti** [pajānam (sī. ka.), pajā (syā.)] yam saccam pajānantā ājānantā vijānantā paṭivijānantā paṭivijjhantā na kalahaṁ kareyyum, na bhaṇḍanam kareyyum, na viggahaṁ kareyyum, na vivādam kareyyum, na medhagaṁ kareyyum, kalahaṁ bhaṇḍanam viggahaṁ vivādam medhagaṁ pajāheyyum, vinodeyyum, byantī kareyyum [byantīkareyyum (sī. syā.)], anabhāvam gameyyunti – yasmiṁ pajā no vivade pajānam.

**Nānā te saccāni sayam̄ thunantīti.** Nānā te saccāni sayam̄ thunanti vadanti kathenti bhaṇanti dīpayanti voharanti. “Sassato loko, idameva saccam̄ moghamāñña”nti sayam̄ thunanti vadanti kathenti bhaṇanti dīpayanti voharanti. “Asassato loko...pe... neva hoti na na hoti tathāgato param̄ maraṇā, idameva saccam̄ moghamāñña”nti sayam̄ thunanti vadanti kathenti bhaṇanti dīpayanti voharantīti – nānā te saccāni sayam̄ thunanti.

**Tasmā na ekam̄ samaṇā vadantīti.** Tasmāti tasmā tamkāraṇā tamhetu tappaccayā tamnidānā na ekam̄ vadanti nānā vadanti vividhaṇ vadanti aññoññam̄ vadanti puthu vadanti kathenti bhaṇanti dīpayanti voharantīti – tasmā na ekam̄ samaṇā vadanti.

Tenāha bhagavā –

“Ekañhi saccam̄ na dutīyamatthi, yasmiṇ pajā no vivade pajānam; Nānā te saccāni sayam̄ thunanti, tasmā na ekam̄ samaṇā vadantī”ti.

#### **120. Kasmā nu saccāni vadanti nānā, pavādiyāse kusalāvadānā; Saccāni sutāni bahūni nānā, udāhu te takkamanussaranti.**

**Kasmā nu saccāni vadanti nānāti.** Kasmāti kasmā kiṃkāraṇā kiṃhetu kiṃpaccayā kiṃnidānā saccāni nānā [nānāni (ka.)] vadanti, vividhāni vadanti, aññoññāni vadanti, puthūni vadanti kathenti bhaṇanti dīpayanti voharantīti – kasmā nu saccāni vadanti nānā.

**Pavādiyāse kusalāvadānāti.** Pavādiyāseti vippavadantītipi pavādiyāse. Atha vā sakam̄ sakam̄ diṭṭhigataṁ pavadanti kathenti bhaṇanti dīpayanti voharanti. “Sassato loko, idameva saccam̄ moghamāñña”nti pavadanti kathenti bhaṇanti dīpayanti voharanti. “Asassato loko...pe... neva hoti na na hoti tathāgato param̄ maraṇā, idameva saccam̄ moghamāñña”nti pavadanti kathenti bhaṇanti dīpayanti voharanti. **Kusalāvadānāti** kusalavādā paṇḍitavādā thiravādā ñāyavādā hetuvādā lakkhanavādā kāraṇavādā ṭhānavādā sakāya laddhiyāti – pavādiyāse kusalāvadānā.

**Saccāni sutāni bahūni nānāti** saccāni sutāni bahukāni nānāni vividhāni aññoññāni puthūnīti – saccāni sutāni bahūni nānā.

**Udāhu te takkamanussarantīti** udāhu takkena saṅkappena yāyanti nīyanti vuyhanti samharīyantīti. Evampi udāhu te takkamanussaranti. Atha vā takkapariyāhatam vīmamsānucaritam sayam̄ paṭibhānam̄ vadanti kathenti bhaṇanti dīpayanti voharantīti. Evampi udāhu te takkamanussaranti.

Tenāha so nimmito –

“Kasmā nu saccāni vadanti nānā, pavādiyāse kusalāvadānā; Saccāni sutāni bahūni nānā, udāhu te takkamanussarantī”ti.

#### **121. Na heva saccāni bahūni nānā, aññatra saññāya niccāni loke; Takkañca diṭṭhīsu pakappayitvā, saccam̄ musāti dvayadhammadāhu.**

**Na heva saccāni bahūni nānāti** na heva saccāni bahukāni nānāni vividhāni aññoññāni puthūnīti – na heva saccāni bahūni nānā.

**Aññatra saññāya niccāni loketi** aññatra saññāya niccaggāhā ekaññeva saccam̄ loke kathīyati bhaṇyati dīpiyati voharīyati – dukkhanirodho nibbānaṁ. Yo so sabbasaṅkhārasamatho sabbūpadhipaṭinissaggo taṭhakkhayo virāgo nirodho nibbānaṁ. Atha vā ekam̄ saccam̄ vuccati maggасaccam̄, niyyānasaccam̄, dukkhanirodhagāminī paṭipadā, ariyo aṭṭhaṅgiko maggo, seyyathidam̄ –

sammādiṭṭhi ...pe... sammāsamādhīti – aññatra saññāya niccāni loke.

**Takkañca diṭṭhīsu pakappayitvā, saccam musāti dvayadhammamāhūti.** Takkam vitakkam saṅkappaṇam takkayitvā vitakkayitvā saṅkappayitvā diṭṭhigatāni janenti sañjanenti nibbattenti abhinibbattenti. Diṭṭhigatāni janetvā sañjanetvā nibbattetvā abhinibbattetvā “mayham saccam tuyham musā”ti, evamāhaṁsu evam kathenti evam bhaṇanti evam dīpayanti evam voharantīti – takkañca diṭṭhīsu pakappayitvā saccam musāti dvayadhammamāhu.

Tenāha bhagavā –

“Na heva saccāni bahūni nānā, aññatra saññāya niccāni loke;  
Takkañca diṭṭhīsu pakappayitvā, saccam musāti dvayadhammamāhū”ti.

**122. Diṭṭhe sute sīlavate mute vā, ete ca [etesu (sī.)] nissāya vimānadassī;**  
**Vinicchaye ṭhatvā pahassamāno, bālo paro akkusaloti cāha.**

**Diṭṭhe sute sīlavate mute vā, ete ca nissāya vimānadassīti.** Diṭṭham vā diṭṭhasuddhim vā, sutam vā sutasuddhim vā, sīlam vā sīlasuddhim vā, vataṇam vā vatasuddhim vā, mutam vā mutasuddhim vā nissāya upanissāya gaṇhitvā parāmasitvā abhinivisitvāti – diṭṭhe sute sīlavate mute vā. **Ete ca nissāya vimānadassīti.** Na sammānetītipi vimānadassī. Atha vā domanassam janetītipi vimānadassīti – diṭṭhe sute sīlavate mute vā ete ca nissāya vimānadassī.

**Vinicchaye ṭhatvā pahassamānoti.** Vinicchayā vuccanti dvāsaṭṭhi diṭṭhigatāni. Diṭṭhivinicchaye vinicchayadiṭṭhiyā ṭhatvā patiṭṭhahitvā gaṇhitvā parāmasitvā abhinivisitvāti – vinicchaye ṭhatvā. **Pahassamānoti** tuṭṭho hoti haṭṭho pahaṭṭho attamano paripuṇṇasankappo. Atha vā dantavidamṣakam pahassamānoti – vinicchaye ṭhatvā pahassamāno.

**Bālo paro akkusaloti cāhāti.** Paro bālo hīno nihīno omako lāmako chatukko paritto akusalo avidvā avijjāgato aññānī avibhāvī amedhāvī duppaññoti, evamāha evam katheti evam bhaṇati evam dīpayati evam voharatīti – bālo paro akkusaloti cāha.

Tenāha bhagavā –

“Diṭṭhe sute sīlavate mute vā, ete ca nissāya vimānadassī;

Vinicchaye ṭhatvā pahassamāno, bālo paro akkusaloti cāhā”ti.

**123. Yeneva bāloti param dahāti, tenātumānam kusaloti cāha;**  
**Sayamattanā so kusalāvadāno, aññam vimāneti tadeva pāva.**

**Yeneva bāloti param dahātīti.** Yeneva hetunā yena paccayena yena kāraṇena yena pabhavana param bālato hīnato nihīnato omakato lāmakato chatukkato parittato dahati passati dakkhati oloketi nijjhāyati upaparikkhatīti – yeneva bāloti param dahāti.

**Tenātumānam kusaloti cāhāti. Ātumāno** vuccati attā. Sopi teneva hetunā tena paccayena tena kāraṇena tena pabhavana attānam ahamasmi kusalo paṇḍito paññavā buddhimā ñānī vibhāvī medhāvīti – tenātumānam kusaloti cāha.

**Sayamattanā so kusalāvadānoti.** Sayameva attānam kusalavādo paṇḍitavādo thiravādo ñāyavādo hetuvādo lakkhaṇavādo kāraṇavādo ṭhānavādo sakāya laddhiyāti – sayamattanā so kusalāvadāno.

**Aññam vimāneti tadeva pāvāti.** Na sammānetītipi aññam vimāneti. Atha vā domanassam janetītipi aññam vimāneti. **Tadeva pāvāti** tadeva tam diṭṭhigataṁ pāvadati “itipāyam puggalo micchādiṭṭhiko viparitadassano”ti – aññam vimāneti tadeva pāvada.

Tenāha bhagavā –

“Yeneva bāloti param dahāti, tenātumānam kusaloti cāha;  
Sayamattanā so kusalāvadāno, aññam vimāneti tadeva pāvā”ti.

**124. Atisāradiṭṭhiyā so samatto, mānena matto paripuṇṇamānī;**  
**Sayameva sāmam manasābhisisitto, diṭṭhī hi sā tassa tathā samattā.**

**Atisāradiṭṭhiyā so samattoti.** Atisāradiṭṭhiyo vuccanti dvāsaṭṭhi diṭṭhigatāni. Kiṃkāraṇā atisāradiṭṭhiyo vuccanti dvāsaṭṭhi diṭṭhigatāni? Sabbā tā diṭṭhiyo kāraṇātikkantā lakkhaṇātikkantā ṭhānātikkantā, tamkāraṇā atisāradiṭṭhiyo vuccanti dvāsaṭṭhi diṭṭhigatāni. Sabbāpi diṭṭhiyo atisāradiṭṭhiyo [sabbepi titthiyā atisāradiṭṭhiyā (syā.)]. Kiṃkāraṇā sabbāpi diṭṭhiyo vuccanti atisāradiṭṭhiyo? Te [tā (ka.)] aññamaññam atikkamitvā samatikkamitvā vītvattitvā diṭṭhigatāni janenti sañjanenti nibbattenti abhinibbattenti, tamkāraṇā sabbāpi diṭṭhiyo vuccanti atisāradiṭṭhiyo. **Atisāradiṭṭhiyā so samattoti.** Atisāradiṭṭhiyā samatto paripuṇṇo anomoti – atisāradiṭṭhiyā so samatto.

**Mānena matto paripuṇṇamānīti.** Sakāya diṭṭhiyā diṭṭhimānena matto pamatto ummatto atimattoti – mānena matto. **Paripuṇṇamānīti** paripuṇṇamānī samattamānī anomamānīti – mānena matto paripuṇṇamānī.

**Sayameva sāmam manasābhisisitto.** Sayameva attānam cittena abhisīncati “ahamasmi kusalo pañđito paññavā buddhimā ñāṇī vibhāvī medhāvī”ti – sayameva sāmam manasābhisisitto.

**Diṭṭhī hi sā tassa tathā samattāti.** Tassa sā diṭṭhi tathā samattā samādinnā gahitā parāmatṭhā abhinivīṭhā ajjhositā adhimuttāti – diṭṭhī hi sā tassa tathā samattā.

Tenāha bhagavā –

“Atisāradiṭṭhiyā so samatto, mānena matto paripuṇṇamānī;  
Sayameva sāmam manasābhisisitto, diṭṭhī hi sā tassa tathā samattā”ti.

**125. Parassa ce hi vacasā nihīno, tumo sahā hoti nihīnapañño;**  
**Atha ce sayam vedagū hoti dhīro, na koci bālo samañesu atthi.**

**Parassa ce hi vacasā nihīnoti** parassa ce vācāya vacanena ninditakāraṇā garahitakāraṇā upavaditakāraṇā paro bālo hoti hīno nihīno omako lāmako chatukko parittoti – parassa ce hi vacasā nihīno. **Tumo sahā hoti nihīnapañño.** Sopi teneva sahā hoti hīnapañño nihīnapañño omakapañño lāmakapañño chatukkapapañño parittapañño – tumo sahā hoti nihīnapañño.

**Atha ce sayam vedagū hoti dhīroti** atha ce sayam vedagū hoti dhīro pañđito paññavā buddhimā ñāṇī vibhāvī medhāvīti – atha ce sayam vedagū hoti dhīro.

**Na koci bālo samañesu atthīti.** Samañesu na koci bālo hīno nihīno omako lāmako chatukko paritto atthi, sabbeva setṭhapaññā [aggapaññā setṭhapaññā (syā.)] visiṭṭhapaññā pāmokkhapaññā uttamapaññā pavarapaññāti – na koci bālo samañesu atthi.

Tenāha bhagavā –

“Parassa ce hi vacasā nihīno, tumo sahā hoti nihīnapañño;  
Atha ce sayañ vedagū hoti dhīro, na koci bālo samañesu atthī”ti.

**126. Aññam ito yābhivadanti dhammam, aparaddhā suddhimakevalī te;  
Evampi titthyā puthuso vadanti, sanditthirāgena hi tebhirattā.**

**Aññam ito yābhivadanti dhammam, aparaddhā suddhimakevalī** teti. Ito aññam dhammam diṭṭhim paṭipadam maggam ye abhivadanti, te suddhimaggam visuddhimaggam parisuddhimaggam vodātamaggam pariyodātamaggam viraddhā aparaddhā khalitā galitā aññāya aparaddhā akevalī te, asamattā te, aparipuññā te, hīnā nihīnā omakā lāmakā chatukkā parittāti – aññam ito yābhivadanti dhammam, aparaddhā suddhimakevalī te.

**Evampi titthyā puthuso vadantīti.** Tittham vuccati diṭṭhigatam. Titthiyā vuccanti diṭṭhigatikā. Puthudiṭṭhiyā puthudiṭṭhigatāni vadanti kathenti bhañanti dīpayanti voharantīti – evampi titthyā puthuso vadanti.

**Sandiṭṭhirāgena hi tebhirattāti.** Sakāya diṭṭhiyā diṭṭhirāgena rattā abhirattāti – sandiṭṭhirāgena hi tebhirattā.

Tenāha bhagavā –

“Aññam ito yābhivadanti dhammam, aparaddhā suddhimakevalī te;  
Evampi titthyā puthuso vadanti, sandiṭṭhirāgena hi tebhirattā”ti.

**127. Idheva suddhim iti vādayanti, nāññesu dhammesu visuddhimāhu;  
Evampi titthyā puthuso niviṭṭhā, sakāyane tattha daļham vadānā.**

**Idheva suddhim iti vādayantīti.** Idha suddhim visuddhim parisuddhim, muttim vimuttim parimuttim vadanti kathenti bhañanti dīpayanti voharanti. “Sassato loko, idameva saccam moghamāñña”nti idha suddhim visuddhim parisuddhim, muttim vimuttim parimuttim vadanti kathenti bhañanti dīpayanti voharanti. “Asassato loko...pe... neva hoti na na hoti tathāgato param marañā, idameva saccam moghamāñña”nti idha suddhim visuddhim parisuddhim muttim vimuttim parimuttim vadanti kathenti bhañanti dīpayanti voharantīti – idheva suddhim iti vādayanti.

**Nāññesu dhammesu visuddhimāhūti.** Attano satthāram dhammakkhānam gaṇam diṭṭhim paṭipadam maggam ṭhapetvā sabbe paravāde khipanti ukkhipanti parikkhipanti. “So satthā na sabbaññū, dhammo na svākkhāto, gaṇo na suppaṭipanno, diṭṭhi na bhaddikā, paṭipadā na supaññattā, maggo na niyyāniko, natthettha suddhi vā visuddhi vā parisuddhi vā, mutti vā vimutti vā parimutti vā, natthettha sujjhanti vā visujjhanti vā parisujjhanti vā, mucanti vā vimuccanti vā parimuccanti vā hīnā nihīnā omakā lāmakā chatukkā parittā”ti, evamāhamṣu evam kathenti evam bhañanti evam dīpayanti evam voharantīti – nāññesu dhammesu visuddhimāhu.

**Evampi titthyā puthuso niviṭṭhāti.** Tittham vuccati diṭṭhigatam. Titthiyā vuccanti diṭṭhigatikā. Puthudiṭṭhiyā [puthutitthiyā (sī. ka.) purimagāthāya pāṭhabhedo natthi] puthudiṭṭhigatesu niviṭṭhā patiṭṭhitā allīnā upagatā ajjhositā adhimuttāti – evampi titthyā puthuso niviṭṭhā.

**Sakāyane tattha daļham vadānāti.** Dhammo sakāyanam, diṭṭhi sakāyanam, paṭipadā sakāyanam, maggo sakāyanam, sakāyane daļhavādā thiravādā balikavādā avaṭṭhitavādāti – sakāyane tattha daļham vadānā.

Tenāha bhagavā –

“Idheva suddhim iti vādayanti, nāññesu dhammesu visuddhimāhu;  
Evampi titthyā puthuso niviṭṭhā, sakāyane tattha daļham vadānā”ti.

**128. Sakāyane vāpi daļham vadāno, kmettha [kam̄ tattha (sī. ka.)] bāloti param daheyya;  
Sayam̄va [sayameva (syā.)] so medhagamāvaheyya, param vadam  
bālamasuddhidhammadm̄.**

**Sakāyane vāpi daļham vadānoti.** Dhammo sakāyanam, diṭṭhi sakāyanam, paṭipadā sakāyanam, maggo sakāyanam, sakāyane daļhavādo thiravādo balikavādo avatthitavādoti – sakāyane vāpi daļham vadāno.

**Kmettha bāloti param daheyyāti.** Etthāti sakāya diṭṭhiyā sakāya khantiyā sakāya ruciyā sakāya laddhiyā param bālato hīnato nihīnato omakato lāmakato chatukkato parittato kam̄ daheyya kam̄ passeyya kam̄ dakkheyya kam̄ olokeyya kam̄ nijjhāyeyya kam̄ upaparikkheyyāti – kmettha bāloti param daheyya.

**Sayam̄va so medhagamāvaheyya, param vadam bālamasuddhidhammadanti.** Paro bālo hīno nihīno omako lāmako chatukko paritto asuddhidhammo avisuddhidhammo aparisuddhidhammo avodātadhammoti – evam vadanto evam kathento evam bhaṇtanto evam dīpayanto evam voharanto sayameva kalahaṁ bhaṇḍanam viggahaṁ vivādām medhagaṁ āvaheyya samāvaheyya āhareyya samāhareyya ākaḍḍheyya samākaḍḍheyya gaṇheyya parāmaseyya abhiniviseyyāti – sayam̄va so medhagamāvaheyya param vadam bālamasuddhidhammadam.

Tenāha bhagavā –

“Sakāyane vāpi daļham vadāno, kmettha bāloti param daheyya;  
Sayam̄va so medhagamāvaheyya, param vadam bālamasuddhidhammadma”nti.

**129. Vinicchaye ṭhatvā sayam̄ pamāya, uddham̄sa [uddham̄ so (syā.)] lokasmim vivādameti;  
Hitvāna sabbāni vinicchayāni, na medhagaṁ kubbati jantu loke.**

**Vinicchaye ṭhatvā sayam̄ pamāyāti.** Vinicchayā vuccanti dvāsatthi diṭṭhigatāni. Vinicchayadiṭṭhiyā ṭhatvā patiṭṭhahitvā gaṇhitvā parāmasitvā abhinivisitvā vinicchaye ṭhatvā. **Sayam̄ pamāyāti** sayam̄ pamāya paminitvā. “Ayam satthā sabbaññū”ti sayam̄ pamāya paminitvā, “ayam dhammo svākkhāto... ayam gaṇo suppaṭipanno... ayam diṭṭhi bhaddikā... ayam paṭipadā supaññattā... ayam maggo niyyāniko”ti sayam̄ pamāya paminitvāti – vinicchaye ṭhatvā sayam̄ pamāya.

**Uddham̄sa lokasmim vivādametīti.** Uddham̄so vuccati anāgatam. Attano vādam uddham̄ ṭhapetvā sayameva kalahaṁ bhaṇḍanam viggahaṁ vivādām medhagaṁ eti upeti upagacchatī gaṇhāti parāmasati abhinivisatīti. Evampi uddham̄sa lokasmim vivādametīti. Atha vā aññena uddham̄ vādena saddhiṁ kalahaṁ karoti bhaṇḍanam karoti viggahaṁ karoti vivādām karoti medhagaṁ karoti – “na tvam imam dhammavinayam ājānāsi...pe... nibbeṭhehi vā sace pahosi”ti. Evampi uddham̄sa lokasmim vivādametīti.

**Hitvāna sabbāni vinicchayānīti.** Vinicchayā vuccanti dvāsatthi diṭṭhigatāni. Diṭṭhivinicchayā sabbe vinicchaye [sabbā vinicchitadiṭṭhiyo (syā.), sabbā vinicchayadiṭṭhiyo (ka.)] hitvā cajitvā pariccajītvā jahitvā pajahitvā vinodetvā byantī karitvā anabhāvam gametvāti – hitvāna sabbāni vinicchayāni.

**Na medhagaṁ kubbati jantu loketi.** Na kalahaṁ karoti, na bhaṇḍanam karoti, na viggahaṁ

karoti, na vivādaṁ karoti, na medhagaṁ karoti. Vuttañhetam bhagavatā – “evam vimuttacitto kho, aggivessana, bhikkhu na kenaci saṁvadati, na kenaci vivadati, yañca loke vuttam tena ca voharati aparāmasa”nti. **Jantūti** satto naro mānavo poso puggalo jīvo jāgu jantu indagu manujo. **Loketi** apāyaloke...pe... āyatanaloketi – na medhagaṁ kubbati jantu loketi.

Tenāha bhagavā –

“Vinicchaye ṭhatvā sayam pamāya, uddhamṣa lokasmiṁ vivādamet; Hitvāna sabbāni vinicchayāni, na medhagaṁ kubbati jantu loke”ti.

Cūlaviyūhasuttaniddeso dvādasamo.

## 13. Mahāviyūhasuttaniddeso

Atha mahāviyūhasuttaniddesam vakkhati –

**130. Ye kecime diṭṭhiparibbasānā, idameva saccanti ca vādayanti** [saccanti pavādayanti (syā.)] ;

**Sabbeva te nindamanvānayanti, atho pasamsampi labhanti tattha.**

**Ye kecime diṭṭhiparibbasānāti.** Ye kecīti sabbena sabbam sabbathā sabbam asesam nissesam pariyādiyanavacanametam – ye kecīti. **Diṭṭhiparibbasānāti.** Santeke samaṇabrāhmaṇā diṭṭhigatikā; te dvāsaṭṭhiyā diṭṭhigatānam aññataraññataram diṭṭhigatam gahetvā ugghetvā gaṇhitvā parāmasitvā abhinivisitvā sakāya sakāya diṭṭhiyā vasanti samvasanti āvasanti parivasanti. Yathā agārikā vā gharesu vasanti, sāpattikā vā āpattīsu vasanti, sakilesā vā kilesu vasanti; evameva santeke...pe... parivasantī – ye kecime diṭṭhiparibbasānā.

**Idameva saccanti ca vādayantīti.** “Sassato loko, idameva saccam moghamāñña”nti vadanti kathenti bhaṇanti dīpayanti voharanti. “Asassato loko...pe... neva hoti na na hoti tathāgato param maraṇā, idameva saccam moghamāñña”nti vadanti kathenti bhaṇanti dīpayanti voharantīti – idameva saccanti ca vādayanti.

**Sabbeva te nindamanvānayantīti.** Sabbeva te samaṇabrāhmaṇā nindameva anventi, garahameva anventi, akittimeva anventi; sabbe ninditāyeva honti, garahitāyeva honti, akittitāyeva hontīti – sabbeva te nindamanvānayanti.

**Atho pasamsampi labhanti tatthāti.** Tattha sakāya diṭṭhiyā sakāya khantiyā sakāya ruciyā sakāya laddhiyā pasamsam thomanam kittim vaṇṇahārikam labhanti paṭilabhanti upagacchanti vindantīti – atho pasamsampi labhanti tattha.

Tenāha so nimmito –

“Ye kecime diṭṭhiparibbasānā, idameva saccanti ca vādayanti; Sabbeva te nindamanvānayanti, atho pasamsampi labhanti tatthā”ti.

**131. Appañhi etam na alam samāya, duve vivādassa phalāni brūmi;**  
**Etampi disvā na vivādayetha, khemābhīpāssam avivādabhūmim.**

**Appañhi etam na alam samāyāti.** Appañhi etanti appakam etam, omakam etam, thokakam etam, lāmakam etam, chatukkam etam, parittakam etanti – appañhi etam. **Na alam samāyāti** nālam rāgassa

samāya, dosassa samāya, mohassa samāya, kodhassa... upanāhassa... makkhassa... paññasassa... issāya... macchariyassa... māyāya... sātHEYYASSA... thambhassa... sārambhassa... mānassa... atimānassa... madassa... pamādassa... sabbakilesānam... sabbaduccaritānam... sabbadarathānam... sabbaparijāhānam... sabbasantāpānam... sabbākusalābhisañkhārānam samāya upasamāya vūpasamāya nibbānāya pañinissaggāya pañipassaddhiyāti – appañhi etam na alam samāya.

**Duve vivādassa phalāni brūmīti.** Diññikalahañca diññibhañdanassa diññiviggahassa diññivivādassa diññimedhagassa dve phalāni honti – jayaparājayo hoti, lābhālābho hoti, yasāyaso hoti, nindāpasamso hoti, sukhadukkham hoti, somanassadomanassam hoti, iññāniññham hoti, anunayaññātigham hoti, ugghātinigghāti hoti, anurodhavirodho hoti. Atha vā tam kammañ nirayasaññvattanikam, tiracchānayonisaññvattanikam, pettivisayasaññvattanikanti brūmi ācikkhāmi desemi paññapemi paññhapemi vivarāmi vibhajāmi uttānikaromi pakāsemīti – duve vivādassa phalāni brūmi.

**Etampi disvā na vivādayethāti.** Etampi disvāti etam ādīnavam disvā passitvā tulayitvā tīrayitvā vibhāvayitvā vibhūtam katvā diññikalahuñcesu diññibhañdaneshu diññiviggaheshu diññivivādesu diññimedhagesūti – etampi disvā. **Na vivādayethāti** na kalahañ kareyya, na bhañdanam kareyya, na viggaham kareyya, na vivādañ kareyya, na medhagam kareyya, kalahañ bhañdanam viggaham vivādañ medhagam pajaheyya vinodeyya byantim kareyya anabhāvam gameyya, kalahā bhañdanā viggahā vivādā medhagā ārato assa virato pañvirato nikkhanto nissañ vippamutto visaññutto vimariyādikatena cetasā vihareyyāti – etampi disvā na vivādayetha.

**Khemābhipassam avivādabhūmīnti.** Avivādabhūmīm vuccati amatañ nibbānam. Yo so sabbasañkhārasamatho sabbūpadhipañissaggo tañhakkhayo virāgo nirodho nibbānam. Etam avivādabhūmīññ khemato tāñato leñato sarañato abhayato accutato amatato nibbānato passanto dakkhanto olokento nijjhāyanto upaparikkhantoti – khemābhipassam avivādabhūmīm.

Tenāha bhagavā –

“Appañhi etam na alam samāya, duve vivādassa phalāni brūmi;  
Etampi disvā na vivādayetha, khemābhipassam avivādabhūmī”nti.

### 132. Yā kācimā sammutiyo puthujjā, sabbāva etā na upeti vidvā; Anūpayo so upayam kimeyya, diññhe sute khantimakubbamāno.

**Yā kācimā sammutiyo puthujjātī.** Yā kācīti sabbena sabbam sabbathā sabbam asesam nissesam pariyādiyanavacanametam – yā kācīti. **Sammutiyoti.** Sammutiyo vuccanti dvāsaññhi diññigatāni diññisammutiyo. **Puthujjātī** puthujjanehi janitā sammutiyoti puthujjā, puthu nānājanehi janitā vā sammutiyoti puthujjātī – yā kācimā sammutiyo puthujjā.

**Sabbāva etā na upeti vidvāti.** Vidvā vijjāgato ñāñī vibhāvī medhāvī. Sabbāva etā diññisammutiyo neti na upeti na upagacchatī na gañhāti na parāmasati nābhiniññitī – sabbāva etā na upeti vidvā.

**Anūpayo so upayam kimeyyāti.** Upayoti dve upayā – tañhūpayo ca diññūpayo ca...pe... ayañ tañhūpayo...pe... ayañ diññūpayo. Tassa tañhūpayo pahīno, diññūpayo pañinissaññho; tañhūpayassa pahīnattā, diññūpayassa pañinissaññhattā anūpayo puggalo kiñ rūpam upeyya upagaccheyya gañheyya parāmaseyya abhiniviseyya attā meti. Kiñ vedanam... kiñ saññam... kiñ sañkhāre... kiñ viññānam... kiñ gatim... kiñ upapattiñ... kiñ pañsandhiñ... kiñ bhavam... kiñ saññāram... kiñ vaññam upeyya upagaccheyya gañheyya parāmaseyya abhiniveseyyāti – anūpayo so upayam kimeyya.

**Diññhe sute khantimakubbamānoti.** Diññhe vā diññasuddhiyā vā sute vā sutasuddhiyā vā mute vā

mutasuddhiyā vā khantiṁ akubbamāno chandam̄ akubbamāno pemaṁ akubbamāno rāgam̄ akubbamāno ajanayamāno asañjanayamāno anibbattayamāno anabhinibbattayamānoti – diṭṭhe sute khantimakubbamāno.

Tenāha bhagavā –

“Yā kācimā sammutiyo puthujjā, sabbāva etā na upeti vidvā;  
Anūpayo so upayaṁ kimeyya, diṭṭhe sute khantimakubbamāno”ti.

**133. Sīluttamā saññamenāhu suddhim, vatam̄ samādāya upaṭṭhitāse;  
Idheva sikkhema athassa suddhim, bhavūpanītā kusalāvadānā.**

**Sīluttamā saññamenāhu suddhinti.** Santeke samaṇabrāhmaṇā sīluttamavādā; te sīlamattena saññamamattena saṃvaramattena avītikkamamattena suddhim visuddhim parivisuddhim, muttim vimuttim parivimuttim āhu [āhamṣu (sī. ka.)] vadanti kathenti bhaṇanti dīpayanti voharanti.

Samaṇamuṇḍikāputto evamāha – “catūhi kho aham̄, gahapati, dhammehi samannāgataṁ purisapuggalām paññapemi sampannakusalām paramakusalām uttamapattipattam̄ samaṇam̄ ayojjham̄. Katamehi catūhi? Idha, gahapati, na kāyena pāpakammam̄ karoti, na pāpikam̄ [pāpikam̄ (sī.)] vācaṁ bhāsatī, na pāpakaṁ saṅkappam̄ saṅkappeti, na pāpakaṁ ājīvam̄ ājīvati. Imehi kho aham̄, gahapati, catūhi dhammehi samannāgataṁ purisapuggalām paññapemi sampannakusalām paramakusalām uttamapattipattam̄ samaṇam̄ ayojjham̄; evameva santeke samaṇabrāhmaṇā sīluttamavādā; te sīlamattena saññamamattena saṃvaramattena avītikkamamattena suddhim visuddhim parivisuddhim, muttim vimuttim parimuttim āhu vadanti kathenti bhaṇanti dīpayanti voharantī”ti – sīluttamā saññamenāhu suddhim.

**Vatam̄ samādāya upaṭṭhitāseti.** Vatanti hathivataṁ vā assavataṁ vā govataṁ vā kukkuravataṁ vā kākavataṁ vā vāsudevavataṁ vā baladevavataṁ vā puṇḍabhaddavataṁ vā maṇibhaddavataṁ vā aggivataṁ vā nāgavataṁ vā supaṇṇavataṁ vā yakkhavataṁ vā asuravataṁ vā gandhabbavataṁ vā mahārājavataṁ vā candavataṁ vā sūriyavataṁ vā indavataṁ vā brahmavataṁ vā devavataṁ vā disāvataṁ vā ādāya samādāya ādiyitvā samādiyitvā gaṇhitvā parāmasitvā abhinivisitvā upaṭṭhitā paccupatṭhitā allīnā upagatā ajjhositā adhimuttāti – vataṁ samādāya upaṭṭhitāse.

**Idheva sikkhema athassa suddhinti.** **Idhāti** sakāya diṭṭhiyā sakāya khantiyā sakāya ruciyā sakāya laddhiyā. **Sikkhemāti** sikkhema ācarema samācarema samādāya vattemāti – idheva sikkhema. **Athassa suddhinti** athassa suddhim visuddhim parivisuddhim, muttim vimuttim parimuttinti – idheva sikkhema athassa suddhim.

**Bhavūpanītā kusalāvadānāti.** Bhavūpanītāti bhavūpanītā bhavūpagatā bhavajjhositā bhavādhimuttāti – bhavūpanītā. **Kusalāvadānāti** kusalavādā paṇḍitavādā thiravādā nāyavādā hetuvādā lakkhaṇavādā kāraṇavādā ṭhānavādā sakāya laddhiyāti – bhavūpanītā kusalāvadānā.

Tenāha bhagavā –

“Sīluttamā saññamenāhu suddhim, vatam̄ samādāya upaṭṭhitāse;  
Idheva sikkhema athassa suddhim, bhavūpanītā kusalāvadānā”ti.

**134. Sace cuto sīlavatato hoti, pavedhatī [sa vedhatī (sī syā.)] kammavirādhayitvā;  
Pajappatī [sa jappatī (sī. syā.)] patthayatī ca suddhim, satthāva hīno pavasam̄ ghamamhā.**

**Sace cuto sīlavatato hotīti.** Dvīhi kāraṇehi sīlavatato cavati – paravicchindanāya vā cavati, anabhisambhuṇto vā cavati. Katham̄ paravicchindanāya cavati? Paro vicchindati so satthā na

sabbaññū, dhammo na svākkhāto, gaṇo na suppaṭipanno, diṭṭhi na bhaddikā, paṭipadā na supaññattā, maggo na niyyāniko, natthettha suddhi vā visuddhi vā parisuddhi vā, mutti vā vimutti vā parimutti vā, natthettha sujjhanti vā visujjhanti vā parisujjhanti vā, mucanti vā vimuccanti vā, parimuccanti vā, hīnā nihīnā omakā lāmakā chatukkā parittāti. Evam̄ paro vicchindati. Evam̄ vicchindiyamāno satthārā cavati, dhammadakkhānā cavati, gaṇā cavati, diṭṭhiyā cavati, paṭipadāya cavati, maggato cavati. Evam̄ parivicchindanāya cavati. Katham̄ anabhisambhuṇanto cavati? Sīlam̄ anabhisambhuṇanto sīlato cavati, vataṁ anabhisambhuṇanto vatato cavati, sīlabbatam̄ anabhisambhuṇanto sīlabbatato cavati. Evam̄ anabhisambhuṇanto cavatīti – sace cuto sīlavatato hoti.

**Pavedhati kammavirādhayitvāti.** Pavedhatīti sīlam̄ vā vataṁ vā sīlabbatam̄ vā “viraddham̄ mayā, aparaddham̄ mayā, khalitam̄ mayā, galitam̄ mayā, aññāya aparaddho aha”nti vedhati pavedhati sampavedhatīti – pavedhati. **Kammavirādhayitvāti** puññābhisaṅkhāram̄ vā apuññābhisaṅkhāram̄ vā āneñjābhisaṅkhāram̄ vā “viraddham̄ mayā, aparaddham̄ mayā, khalitam̄ mayā, galitam̄ mayā, aññāya aparaddho aha”nti vedhati pavedhati sampavedhatīti – pavedhati kammavirādhayitvā.

**Pajappatī patthayatī ca suddhīnti.** Pajappatīti sīlam̄ vā jappati, vataṁ vā jappati, sīlabbatam̄ vā jappati pajappati abhijappatīti – pajappati. **Patthayatī ca suddhīnti** sīlasuddhiṁ vā pattheti, vatasuddhiṁ vā pattheti, sīlabbatasuddhiṁ vā pattheti piheti abhijappatīti – pajappatī patthayatī ca suddhiṁ.

**Satthāva hīno pavasam̄ gharamhāti.** Yathā puriso gharato nikkhanto satthena pavasam̄ vasanto satthā ohīno, tam̄ vā satthām̄ anubandhati sakam̄ vā gharam̄ paccāgacchat; evameva so diṭṭhigatiko tam̄ vā satthāram̄ gaṇhāti aññām̄ vā satthāram̄ gaṇhāti, tam̄ vā dhammadakkhānam̄ gaṇhāti aññām̄ vā dhammadakkhānam̄ gaṇhāti, tam̄ vā gaṇam̄ gaṇhāti aññām̄ vā gaṇam̄ gaṇhāti, tam̄ vā diṭṭhim̄ gaṇhāti aññām̄ vā diṭṭhim̄ gaṇhāti, tam̄ vā paṭipadam̄ gaṇhāti aññām̄ vā paṭipadam̄ gaṇhāti, tam̄ vā maggām̄ gaṇhāti aññām̄ vā maggām̄ gaṇhāti parāmasati abhinivisatīti – satthāva hīno pavasam̄ gharamhā.

Tenāha bhagavā –

“Sace cuto sīlavatato hoti, pavedhatī kammavirādhayitvā;  
Pajappatī patthayatī ca suddhiṁ, satthāva hīno pavasam̄ gharamhā”ti.

### 135. Sīlabbatam̄ vāpi pahāya sabbam̄, kammañca sāvajjanavajjametam̄; Suddhiṁ asuddhīnti apatthayāno, virato care santimanuggahāya.

**Sīlabbatam̄ vāpi pahāya sabbanti.** Sabbā sīlasuddhiyo pahāya pajahitvā vinodetvā byantim̄ karitvā anabhāvam̄ gametvā, sabbā vatasuddhiyo pahāya pajahitvā vinodetvā byantim̄ karitvā anabhāvam̄ gametvā, sabbā sīlabbatasuddhiyo pahāya pajahitvā vinodetvā byantim̄ karitvā anabhāvam̄ gametvāti – sīlabbatam̄ vāpi pahāya sabbam̄.

**Kammañca sāvajjanavajjametanti.** Sāvajjakammaṁ vuccati – kaṇham̄ kaṇhavipākam̄. Anavajjakammaṁ vuccati – sukkam̄ sukkavipākam̄. Sāvajjañca kammam̄ anavajjañca kammam̄ pahāya pajahitvā vinodetvā byantim̄ karitvā anabhāvam̄ gametvāti – kammañca sāvajjanavajjametam̄.

**Suddhiṁ asuddhīnti apatthayānoti.** Asuddhīnti asuddhiṁ paththenti, akusale dhamme paththenti, Suddhīnti suddhiṁ paththenti, pañca kāmaguṇe paththenti; asuddhiṁ paththenti, akusale dhamme paththenti, pañca kāmaguṇe paththenti; suddhiṁ paththenti, dvāsaṭṭhi diṭṭhigatāni paththenti, asuddhiṁ paththenti, akusale dhamme paththenti, pañca kāmaguṇe paththenti, dvāsaṭṭhi diṭṭhigatāni paththenti; suddhiṁ paththenti, tedhātuke kusale dhamme paththenti, asuddhiṁ paththenti, akusale dhamme paththenti, pañca kāmaguṇe paththenti, dvāsaṭṭhi diṭṭhigatāni paththenti, tedhātuke kusale dhamme paththenti; suddhiṁ paththenti, puthujjanakalyāṇakā [kalyāṇaputhujjanā (syā.) evam̄disesu ṭhānesu] niyāmāvakkantim̄

[niyāmāvattantī (ka.)] patthenti. Sekkhā aggadhammam arahattam patthenti. Arahatte patte arahā neva akusale dhamme pattheti, napi pañca kāmagune pattheti, napi dvāsaṭṭhi diṭṭhigatāni pattheti, napi tedhātuke kusale dhamme pattheti, napi niyāmāvakkantī pattheti, napi aggadhammam arahattam pattheti. Patthanā samatikkanto arahā vuddhipārihānīvītivatto [vuddhipārihānīvītivatto (sī.)]. So vuṭṭhavāso ciṇṇacaraṇo...pe... jātijarāmarañasāsāro natthi tassa punabbhavoti – suddhim asuddhīnti apatthayāno.

**Virato care santimanuggahāyāti.** Viratoti suddhiasuddhiyā ārato assa virato paṭivirato nikkhanto nissaṭo vippamutto visaññutto, vimariyādikatena cetasā viharatīti – virato. **Careti** careyya vicareyya vihareyya iriyeyya vatteyya pāleyya yapeyya yāpeyyāti – virato care. **Santimanuggahāyāti** santiyo vuccanti dvāsaṭṭhi diṭṭhigatāni diṭṭhisantiyo agaṇhanto aparāmasanto anabhinivisantoti – virato care santimanuggahāyā.

Tenāha bhagavā –

“Sīlabbatam vāpi pahāya sabbam, kammañca sāvajjanavajjametam;  
Suddhim asuddhīnti apatthayāno, virato care santimanuggahāyā”ti.

**136. Tamūpanissāya jigucchitam vā, atha vāpi diṭṭham va sutam mutam vā;**  
**Uddhamṣarā suddhimanutthunanti, avītataṇhāse bhavābhavesu.**

**Tamūpanissāya jigucchitam vāti.** Santeke samaṇabrāhmaṇā tapojigucchavādā tapojigucchāsārā tapojiguchanissitā ānissitā allīnā upagatā ajjhositā adhimuttāti – tamūpanissāya jigucchitam vā.

**Atha vāpi diṭṭham va sutam mutam vāti.** Diṭṭham vā diṭṭhasuddhim vā sutam vā sutasuddhim vā mutam vā mutasuddhim vā nissāya upanissāya gaṇhitvā parāmasitvā abhinivisitvāti – atha vāpi diṭṭham va sutam mutam vā.

**Uddhamṣarā suddhimanutthunantīti.** Santeke samaṇabrāhmaṇā uddhamṣarāvādā. Katame te samaṇabrāhmaṇā uddhamṣarāvādā? Ye te samaṇabrāhmaṇā accantasuddhikā, saṃsārasuddhikā, akiriyaadiṭṭhikā, sassatavādā – ime te samaṇabrāhmaṇā uddhamṣarāvādā. Te saṃsāre suddhim visuddhim parisuddhim, muttim vimuttim parimuttim thunanti vadanti kathenti bhaṇanti dīpayanti voharantīti – uddhamṣarā suddhimanutthunanti.

**Avītataṇhāse bhavābhavesūti.** Taṇhāti rūpataṇhā saddataṇhā gandhataṇhā rasataṇhā phoṭṭhabbataṇhā dhammadataṇhā. **Bhavābhavesūti** bhavābhave kammabhave punabbhave kāmabhave, kammabhave kāmabhave punabbhave rūpabhave, kammabhave rūpabhave punabbhave arūpabhave, kammabhave arūpabhave punabbhave punappunabbhave punappunagatiyā punappunaupapatti�ā punappunapaṭisandhiyā punappunaattabhāvābhinibbattiyā avītataṇhā avigatataṇhā acattataṇhā avantataṇhā amuttataṇhā appahīnataṇhā appaṭinissaṭṭhataṇhāti – avītataṇhāse bhavābhavesu.

Tenāha bhagavā –

“Tamūpanissāya jigucchitam vā, atha vāpi diṭṭham va sutam mutam vā;  
Uddhamṣarā suddhimanutthunanti, avītataṇhāse bhavābhavesū”ti.

**137. Patthayamānassa hi jappitāni, pavedhitam vāpi pakappitesu;**  
**Cutūpapāto idha yassa natthi, sa kena vedheyā kuhiṃ va jappe.**

**Patthayamānassa hi jappitānīti.** Patthanā vuccati taṇhā. Yo rāgo sārāgo...pe... abhijjhā lobho akusalamūlam. **Patthayamānassāti** patthayamānassa icchamānassa sādiyamānassa pihayamānassa

abhijappayamānassāti – pathayamānassa hi. **Jappitānīti.** **Jappanā** vuccati taṇhā. Yo rāgo sārāgo...pe... abhijjhā lobho akusalamūlanti – pathayamānassa hi jappitāni.

**Pavedhitam vāpi pakappitesūti.** **Pakappanāti** dve pakappanā – taṇhāpakappanā ca diṭṭhipakappanā ca...pe... ayam taṇhāpakappanā...pe... ayam diṭṭhipakappanā. **Pavedhitam vāpi pakappitesūti.** Pakappitam vatthum acchedasaṅkinopi vedhenti, accihijjanterpi vedhenti, acchinnepi vedhenti; pakappitam vatthum vipariṇāmasaṅkinopi vedhenti, vipariṇamantepi vedhenti, vipariṇatepi vedhenti pavedhenti sampavedhentīti – pavedhitam vāpi pakappitesu.

**Cutūpapāto idha yassa natthīti.** **Yassāti** arahato khīṇasavassa. Yassa gamanām āgamanām gamanāgamanām kālamgati bhavābhavo cuti ca upapatti ca nibbatti ca bhedo ca jāti ca jarāmarañāca natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabbuppattikā nāṇagginā daḍḍhāti – cutūpapāto idha yassa natthi.

**Sa kena vedheyya kuhiṃ va jappeti.** So kena rāgena vedheyya, kena dosena vedheyya, kena mohena vedheyya, kena mānena vedheyya, kāya diṭṭhiyā vedheyya, kena uddhaccena vedheyya, kāya vicikicchāya vedheyya, kehi anusayehi vedheyya – rattoti vā duṭṭhoti vā mūlhoti vā vinibaddhoti vā parāmaṭṭhoti vā vikkhepagatoti vā aniṭṭhangatoti vā thāmagatoti vā. Te abhisāṅkhārā pahīnā; abhisāṅkhārānam pahīnattā gatiyā kena vedheyya – nerayikoti vā tiracchānayonikoti vā pettivisayikoti vā manussoti vā devoti vā rūpīti vā arūpīti vā saññīti vā asaññīti vā nevasaññīnāsaññīti vā, so hetu natthi paccayo natthi kāraṇam natthi yena vedheyya pavedheyya sampavedheyyāti – sa kena vedheyya. **Kuhiṃva jappeti** kuhiṃ vā jappeyya kimhi jappeyya, kattha jappeyya pajappeyya abhijappeyyāti – sa kena vedheyya kuhiṃ va jappe.

Tenāha bhagavā –

“Patthayamānassa hi jappitāni, pavedhitam vāpi pakappitesu;  
Cutūpapāto idha yassa natthi, sa kena vedheyya kuhiṃ va jappe”ti.

### 138. Yamāhu dhammām paramanti eke, tameva hīnanti panāhu aññe; Sacco nu vādo katamo imesam, sabbeva hīme kusalāvadānā.

**Yamāhu dhammām paramanti eketi.** Yam dhammām diṭṭhim paṭipadam maggam eke samaṇabrāhmaṇā “idam paramam aggam setṭham visiṭṭham pāmokkham uttamam pavara”nti, evamāhamṣu evam kathenti evam bhaṇanti evam dīpayanti evam voharantīti – yamāhu dhammām paramanti eke.

**Tameva hīnanti panāhu aññeti** tameva dhammām diṭṭhim paṭipadam maggam eke samaṇabrāhmaṇā “hīnam etam, nihīnam etam, omakam etam, lāmakam etam, chatukkam etam, parittakam eta”nti, evamāhamṣu evam kathenti evam bhaṇanti evam dīpayanti evam voharantīti – tameva hīnanti panāhu aññe.

**Sacco nu vādo katamo imesanti.** Imesam samaṇabrāhmaṇānam vādo katamo sacco taccho tatho bhūto yāthāvo aviparītoti – sacco nu vādo katamo imesam.

**Sabbeva hīme kusalāvadānāti.** Sabbevime samaṇabrāhmaṇā kusalavādā paṇḍitavādā thiravādā nāyavādā hetuvādā lakkhaṇavādā kāraṇavādā ṭhānavādā sakāya laddhiyāti – sabbeva hīme kusalāvadānā.

Tenāha so nimmito –

“Yamāhu dhammam paramanti eke, tameva hīnanti panāhu aññe;  
Sacco nu vādo katamo imesam, sabbeva hīme kusalāvadānā”ti.

**139. Sakañhi dhammam paripuṇṇamāhu, aññassa dhammam pana hīnamāhu;  
Evampi viggayha vivādayanti, sakam sakam sammutimāhu saccam.**

**Sakañhi dhammam paripuṇṇamāhūti** sakam dhammam diṭṭhim paṭipadam maggam eke samañabrahmañā “idam samattam paripuṇṇam anoma”nti, evamāhamṣu...pe... evam voharantī – sakañhi dhammam paripuṇṇamāhu.

**Aññassa dhammam pana hīnamāhūti.** Aññassa dhammam diṭṭhim paṭipadam maggam eke samañabrahmañā “hīnam etam, nihīnam etam, omakam etam, lāmakam etam, chatukkam etam, parittakam eta”nti, evamāhamṣu evam kathenti evam bhaṇanti evam dīpayanti evam voharantī – aññassa dhammam pana hīnamāhu.

**Evampi viggayha vivādayantīti** evam gahetvā uggahetvā gaṇhitvā parāmasitvā abhinivisitvā vivādayanti, kalahañ karonti, bhaṇḍanam karonti, viggaham karonti, vivādam karonti, medhagam karonti – “na tvam imam dhammadvinayam ājānāsi...pe... nibbeṭhehi vā sace pahosī”ti – evampi viggayha vivādayanti.

**Sakam sakam sammutimāhu saccanti.** “Sassato loko, idameva saccam moghamāñña”nti – sakam sakam sammutimāhu saccam. “Asassato loko ...pe... neva hoti na na hoti tathāgato param maraṇā, idameva saccam moghamāñña”nti – sakam sakam sammutimāhu saccam.

Tenāha bhagavā –

“Sakañhi dhammam paripuṇṇamāhu, aññassa dhammam pana hīnamāhu;  
Evampi viggayha vivādayanti, sakam sakam sammutimāhu sacca”nti.

**140. Parassa ce vambhayitenā hīno, na koci dhammesu visesi assa;  
Puthū hi aññassa vadanti dhammam, nihīnato samhi dalham vadānā.**

**Parassa ce vambhayitenā hīnoti** parassa ce vambhayitakāraṇā ninditakāraṇā garahitakāraṇā upavaditakāraṇā paro bālo hoti hīno nihīno omako lāmako chatukko parittoti – parassa ce vambhayitenā hīno.

**Na koci dhammesu visesi assāti.** Dhammesu na koci aggo settho visiṭṭho pāmokkho uttamo pavaro assāti – na koci dhammesu visesi assa.

**Puthū hi aññassa vadanti dhammam, nihīnato.** Bahukāpi bahūnam dhammam vadanti upavadanti nindanti garahanti hīnato nihīnato omakato lāmako chatukkato parittato, bahukāpi ekassa dhammam vadanti upavadanti nindanti garahanti hīnato nihīnato omakato lāmako chatukkato parittato, ekopi bahūnam dhammam vadati upavadati nindati garahati hīnato nihīnato omakato lāmako chatukkato parittato, ekopi ekassa dhammam vadati upavadati nindati garahati hīnato nihīnato omakato lāmako chatukkato parittatoti – puthū hi aññassa vadanti dhammam.

**Nihīnato samhi dalham vadānāti.** Dhammo sakāyanam, diṭṭhi sakāyanam, paṭipadā sakāyanam, maggo sakāyanam, sakāyane dalhavādā thiravādā balikavādā aṭṭhitavādāti – nihīnato samhi dalham vadānā.

Tenāha bhagavā –

“Parassa ce vambhayitenā hīno, na koci dhammesu visesi assa;  
Puthū hi aññassa vadanti dhammā, nihīnato samhi daļham vadānā”ti.

- 141. Saddhammapūjāpi [saddhammapūjā ca (sī. syā.)] panā tatheva, yathā pasamsanti sakāyanāni;**  
**Sabbeva vādā [sabbe pavādā (syā.)] tathiyā [tathi vā (bahūsu)] bhaveyyum, suddhī hi nesam paccattameva.**

**Saddhammapūjāpi panā tathevāti.** Katamā saddhammapūjā? Sakam satthāram sakkaroti garum karoti māneti pūjeti “ayam satthā sabbaññū”ti – ayam saddhammapūjā. Sakam dhammakkhānam sakam gaṇam sakam diṭṭhim sakam paṭipadām sakam maggām sakkaroti garum karoti māneti pūjeti “ayam maggo niyyāniko”ti – ayam saddhammapūjā. **Saddhammapūjāpi panā tathevāti** saddhammapūjā tathā tacchā bhūtā yāthāvā aviparitā – saddhammapūjāpi panā tatheva.

**Yathā pasamsanti sakāyanāni.** Dhammo sakāyanam diṭṭhi sakāyanam paṭipadā sakāyanam maggo sakāyanam, sakāyanāni pasamsanti thomenti kittenti vanṇentīti – yathā pasamsanti sakāyanāni.

**Sabbeva vādā tathiyā bhaveyyunti** sabbeva vādā tathā tacchā bhūtā yāthāvā aviparitā bhaveyyunti – sabbeva vādā tathiyā bhaveyyum.

**Suddhī hi nesam paccattamevāti.** Paccattameva tesam samaṇabrāhmaṇānam suddhi visuddhi parisuddhi, mutti vimutti parimuttīti – suddhī hi nesam paccattameva.

Tenāha bhagavā –

“Saddhammapūjāpi panā tatheva, yathā pasamsanti sakāyanāni;  
Sabbeva vādā tathiyā bhaveyyum, suddhī hi nesam paccattamevā”ti.

- 142. Na brāhmaṇassa paraneyyamatthi, dhammesu niccheyya samuggahītam;**  
**Tasmā vivādāni upātivatto, na hi seṭṭhato passati dhammadamaññam.**

**Na brāhmaṇassa paraneyyamatthīti.** Nāti paṭikkhepo. Brāhmaṇoti sattannam dhammānam bāhitattā brāhmaṇo...pe... asito tādi pavuccate sa brahmā. **Na brāhmaṇassa paraneyyamatthīti** brāhmaṇassa paraneyyatā natthi, brāhmaṇo na paraneyyo, na parapattiyo, na parapaccayo, na parapaṭibaddhagū [parapaṭibandhagū (ka.)] jānāti passati asammūlho sampajāno paṭissato. “Sabbe saṅkhārā anicca”ti brāhmaṇassa paraneyyatā natthi, brāhmaṇo na paraneyyo, na parapattiyo, na parapaccayo, na parapaṭibaddhagū jānāti passati asammūlho sampajāno paṭissato. “Sabbe saṅkhārā dukkha”ti...pe... “yam kiñci samudayadhammañ sabbam tam nirodhadhamma”ntntti brāhmaṇassa paraneyyatā natthi, brāhmaṇo na paraneyyo, na parapattiyo, na parapaccayo, na parapaṭibaddhagū jānāti passati asammūlho sampajāno paṭissatoti – na brāhmaṇassa paraneyyamatthi.

**Dhammesu niccheyya samuggahītanti.** Dhammesūti dvāsaṭṭhiyā diṭṭhigatesu. Niccheyyāti nicchinitvā vinicchinitvā vicinitvā pavicinitvā tulayitvā tīrayitvā vibhāvayitvā vibhūtam katvā. Odhigāho bilaggāho varaggāho koṭṭhāsaggāho uccayaggāho samuccayaggāho “idañ saccam tathām bhūtam yāthāvām aviparīta”nti gahitām parāmatthām abhinivitthām ajjhositām adhimuttām natthi na santi na samvijjati nupalabbhati, pahīnam samucchinnam vūpasantām paṭipassaddham abhabuppattikam ñāṇagginā daddhanti – dhammesu niccheyya samuggahītam.

**Tasmā vivādāni upātivattoti.** Tasmāti tasmā tamkāraṇā tamhetu tappaccayā tamnidānā diṭṭhikalāhāni diṭṭhibhāṇḍānāni diṭṭhiviggahāni diṭṭhivivādāni diṭṭhimedhagāni upātivatto atikkanto samatikkanto vītvattoti – tasmā vivādāni upātivatto.

**Na hi setṭhato passati dhammadamaññanti.** Aññam satthāram dhammakkhānam gaṇam diṭṭhim paṭipadam maggām aññatra satipaṭṭhānehi, aññatra sammappadhānehi, aññatra iddhipādehi, aññatra indriyehi, aññatra balehi, aññatra bojjhaṅgehi, aññatra ariyā atṭhaṅgikā maggā, aggām setṭham visiṭṭham pāmokkham uttamam pavaram dhammam na passati na dakkhati na oloketi na nijjhāyati na upaparikkhatīti – na hi setṭhato passati dhammadamaññam.

Tenāha bhagavā –

“Na brāhmaṇassa paraneyyamatthi, dhammesu niccheyya samuggahītam;  
Tasmā vivādāni upātivatto, na hi setṭhato passati dhammadamañña”nti.

**143. Jānāmi passāmi tatheva etam, diṭṭhiyā eke paccenti suddhim;**  
**Adakkhi ce kiñhi tumassa tena, atisitvā aññena vadanti suddhim.**

**Jānāmi passāmi tatheva etanti.** Jānāmīti paracittaññena [paracittavijānanaññena (sī.) aṭṭhakathā oloketabbā] vā jānāmi, pubbenivāsānussatiññena vā jānāmi. **Passāmīti** maṃsacakkhunā vā passāmi, dibbena cakkhunā vā passāmi. **Tatheva etanti** etam tathaṁ tacchaṁ bhūtaṁ yāthāvam aviparītanti – jānāmi passāmi tatheva etam.

**Diṭṭhiyā eke paccenti suddhinti.** Diṭṭhiyā eke samaṇabrāhmaṇā suddhim visuddhim parisuddhim, muttiṁ vimuttiṁ parimuttiṁ paccenti. “Sassato loko, idameva saccam moghamāñña”nti diṭṭhiyā eke samaṇabrāhmaṇā suddhim visuddhim parisuddhim, muttiṁ vimuttiṁ parimuttiṁ paccenti. “Asassato loko... pe... neva hoti na na hoti tathāgato param maraṇā, idameva saccam moghamāñña”nti diṭṭhiyā eke samaṇabrāhmaṇā suddhim visuddhim parisuddhim, muttiṁ vimuttiṁ parimuttiṁ paccentīti – diṭṭhiyā eke paccenti suddhim.

**Adakkhi ce kiñhi tumassa tenāti.** Adakkhīti paracittaññena vā adakkhi, pubbenivāsānussatiññena vā adakkhi, maṃsacakkhunā vā adakkhi, dibbena cakkhunā vā adakkhīti – adakkhi ce. **Kiñhi tumassa tenāti.** Tassa tena dassanena kiṃ kataṃ? Na dukkhapariññā atthi, na samudayassa pahānaṃ atthi, na maggabhāvanā atthi, na phalasacchikiriyā atthi, na rāgassa samucchchedapahānaṃ atthi, na dosassa samucchchedapahānaṃ atthi, na mohassa samucchchedapahānaṃ atthi, na kilesānaṃ samucchchedapahānaṃ atthi, na saṃsāravaṭṭassa upacchedo atthīti – adakkhi ce kiñhi tumassa tena.

**Atisitvā aññena vadanti suddhinti** te titthiyā suddhimaggam visuddhimaggam parisuddhimaggam vodātamaggam parivodātamaggam atikkamitvā samatikkamitvā vītivattitvā aññatra satipaṭṭhānehi, aññatra sammappadhānehi, aññatra iddhipādehi, aññatra indriyehi, aññatra balehi aññatra bojjhaṅgehi, aññatra ariyā atṭhaṅgikā maggā suddhim visuddhim parisuddhim, muttiṁ vimuttiṁ parimuttiṁ vadanti kathenti bhaṇanti dīpayanti voharantīti. Evampi atisitvā aññena vadanti suddhim.

Atha vā buddhā ca buddhasāvakā ca pacceka-buddhā ca tesam titthiyanam asuddhimaggam avisuddhimaggam aparisuddhimaggam avodātamaggam aparivodātamaggam atikkamitvā samatikkamitvā vītivattitvā catūhi satipaṭṭhānehi catūhi sammappadhānehi catūhi iddhipādehi pañcahi indriyehi pañcahi balehi sattahi bojjhaṅgehi ariyena atṭhaṅgikena maggena suddhim visuddhim parisuddhim, muttiṁ vimuttiṁ parimuttiṁ vadanti kathenti bhaṇanti dīpayanti voharantīti – evampi atisitvā aññena vadanti suddhim.

Tenāha bhagavā –

“Jānāmi passāmi tatheva etam, diṭṭhiyā eke paccenti suddhim;  
Adakkhi ce kiñhi tumassa tena, atisitvā aññena vadanti suddhi”nti.

**144. Passam naro dakkhati nāmarūpam, disvāna vā nāyati [ñassati (sī. syā.)] tānimeva; Kāmaṁ bahum passatu appakam vā, na hi tena suddhim kusalā vadanti.**

**Passam naro dakkhati nāmarūpam** passam naro dakkhati paracittañānena vā passanto, pubbenivāsānussatiñānena vā passanto, maṁsacakkhunā vā passanto, dibbena cakkhunā vā passanto nāmarūpamyeva dakkhati niccato sukhato attato, na tesam dhammānam samudayam vā atthaṅgamam vā assādam vā ādīnavam vā nissaraṇam vā dakkhatīti – passam naro dakkhati nāmarūpam.

**Disvāna vā nāyati tānimevāti.** **Disvāti** paracittañānena vā disvā, pubbenivāsānussatiñānena vā disvā, maṁsacakkhunā vā disvā, dibbena cakkhunā vā disvā, nāmarūpamyeva disvā nāyati niccato sukhato attato, na tesam dhammānam samudayam vā atthaṅgamam vā assādam vā ādīnavam vā nissaraṇam vā nāyatīti – disvāna vā nāyati tānimeva.

**Kāmaṁ bahum passatu appakam vāti.** Kāmaṁ bahukam vā passanto nāmarūpam appakam vā niccato sukhato attatoti – kāmaṁ bahum passatu appakam vā.

**Na hi tena suddhim kusalā vadantīti.** **Kusalāti** ye te khandhakusalā dhātukusalā āyatanakusalā paṭiccasamuppādakusalā satipaṭṭhanakusalā sammappadhānakusalā idhipādakusalā indriyakusalā balakusalā bojjhaṅgakusalā maggakusalā phalakusalā nibbānakusalā, te kusalā paracittañānena vā pubbenivāsānussatiñānena vā maṁsacakkhunā vā dibbena cakkhunā vā nāmarūpadassanena suddhim visuddhim parisuddhim muttim vimuttim parimuttim na vadanti na kathenti na bhaṇanti na dīpayanti na voharantīti – na hi tena suddhim kusalā vadanti.

Tenāha bhagavā –

“Passam naro dakkhati nāmarūpam, disvāna vā nāyati tānimeva;  
Kāmaṁ bahum passatu appakam vā, na hi tena suddhim kusalā vadantī”ti.

**145. Nivissavādī na hi subbināyo, pakappitā diṭṭhipurekkharāno;**  
**Yam nissito tattha subham vadāno, suddhim vado tattha tathaddasā so.**

**Nivissavādī na hi subbināyoti.** “Sassato loko, idameva saccam moghamāñña”nti nivissavādī, “asassato loko...pe... neva hoti na na hoti tathāgato param marañā, idameva saccam moghamāñña”nti – nivissavādī. **Na hi subbināyoti.** Nivissavādī dubbinayo duppaññāpayo [duppaññāpiyo (sī.) evamīdisesu ṭhānesu] dunnijjhāpayo duppekhhāpayo duppasādayoti – nivissavādī na hi subbināyo.

**Pakappitā diṭṭhipurekkharānoti.** Kappitā pakappitā abhisankhatā sañṭhapitā diṭṭhim purekkhato katvā carati. Diṭṭhidhajo diṭṭhiketu diṭṭhādhipateyyo diṭṭhiyā parivārito caratīti – pakappitā diṭṭhipurekkharāno.

**Yam nissito tattha subham vadānoti.** Yam nissitoti yan satthāram dhammakkhānam gaṇam diṭṭhim paṭipadam maggam nissito ānissito allīno upagato ajjhositō adhimuttoti – yan nissito. **Tatthāti** sakāya diṭṭhiyā sakāya khantiyā sakāya ruciyā sakāya laddhiyā. **Subham vadānoti** subhavādo sobhanavādo paṇḍitavādo thiravādo nāyavādo hetuvādo lakkhaṇavādo kāraṇavādo ṭhānavādo sakāya laddhiyāti – yan nissito tattha subham vadāno.

**Suddhim vado tattha tathaddasā soti.** Suddhivādo visuddhivādo parisuddhivādo vodātavādo parivodātavādo. Atha vā suddhidassano visuddhidassano parisuddhidassano vodātadassano parivodātadassanoti – suddhim vādo. **Tatthāti** sakāya diṭṭhiyā sakāya khantiyā sakāya ruciyā sakāya laddhiyā tathām tacchām bhūtam yāthāvam aviparītanti addassa adakkhi apassi paṭivijjhīti – suddhim vādo tattha tathaddasā so.

Tenāha bhagavā –

“Nivissavādī na hi subbināyo, pakappitā diṭṭhipurekkharāno;  
Yaṁ nissito tattha subhaṁ vadāno, suddhiṁ vado tattha tathaddasā so”ti.

**146. Na brāhmaṇo kappamupeti saṅkhā, na diṭṭhisārī napi ḥāṇabandhu;  
Ñatvā ca so sammutiyo puthujjā, upekkhatī uggaḥaṇanti maññe.**

**Na brāhmaṇo kappamupeti saṅkhāti.** Nāti paṭikkhepo. Brāhmaṇoti sattannam dhammānam bāhitattā brāhmaṇo...pe... asito tādi pavuccate sa brahmā. Kappāti dve kappā – taṇhākappo ca diṭṭhikappo ca...pe... ayam taṇhākappo...pe... ayam diṭṭhikappo. Saṅkhā vuccati ḥāṇam. Yā paññā pajānanā...pe... amoho dhammadhicayo sammādiṭṭhi. **Na brāhmaṇo kappamupeti saṅkhāti.** Brāhmaṇo saṅkhāya jānitvā tulayitvā tīrayitvā vibhāvayitvā vibhūtam katvā. “Sabbe saṅkhārā aniccā... sabbe saṅkhārā dukkhā...pe... yaṁ kiñci samudayadhammām sabbam tam nirodhadhamma”ntntti saṅkhāya jānitvā tulayitvā tīrayitvā vibhāvayitvā vibhūtam katvā taṇhākappam vā diṭṭhikappam vā neti na upeti na upagacchatī na gaṇhāti na parāmasati nābhinivisatī – na brāhmaṇo kappamupeti saṅkhā.

**Na diṭṭhisārī napi ḥāṇabandhūti.** Tassa dvāsaṭṭhi diṭṭhigatāni pahīnāni samucchinnāni vūpasantāni paṭipassaddhāni abhabuppattikāni ḥāṇaggīnā daḍḍhāni. So diṭṭhiyā na yāyati na nīyati na vuyhati na samharīyati napi tam diṭṭhigatam sārato pacceki na paccāgacchatī – na diṭṭhisārī. **Napi ḥāṇabandhūti** atṭhasamāpattiñāṇena vā pañcābhiññāṇena vā taṇhābandhum vā diṭṭhibandhum vā na karoti na janeti na sañjaneti na nibbatteti nābhinibbattetī – na diṭṭhisārī napi ḥāṇabandhu.

**Ñatvā ca so sammutiyo puthujjāti.** Ñatvāti ḥāṇabandhūti. Ñatvāti jānitvā tulayitvā tīrayitvā vibhāvayitvā vibhūtam katvā. “Sabbe saṅkhārā aniccā”ti ñatvāti jānitvā tulayitvā tīrayitvā vibhāvayitvā vibhūtam katvā, “sabbe saṅkhārā dukkhā”ti...pe... “yaṁ kiñci samudayadhammām sabbam tam nirodhadhamma”nti ñatvāti jānitvā tulayitvā tīrayitvā vibhāvayitvā vibhūtam katvāti – ñatvā ca so. **Sammutiyo** vuccanti dvāsaṭṭhi diṭṭhigatāni diṭṭhisammutiyo. **Puthujjāti** puthujjanehi janitā vā tā sammutiyoti – puthujjā. Puthu nānājanehi janitā vā sammutiyoti puthujjāti – ñatvā ca so sammutiyo puthujjā.

**Upekkhatī uggaḥaṇanti maññeti.** Aññe taṇhāvasena diṭṭhivasena gaṇhanti parāmasanti abhinivisanti. Arahaṁ upekkhati na gaṇhāti na parāmasati nābhinivisatī – upekkhatī uggaḥaṇanti maññe.

Tenāha bhagavā –

“Na brāhmaṇo kappamupeti saṅkhā, na diṭṭhisārī napi ḥāṇabandhu;  
Ñatvā ca so sammutiyo puthujjā, upekkhatī uggaḥaṇanti maññe”ti.

**147. Vissajja ganthāni munīdha loke, vivādajātesu na vaggasārī;  
Santo asantesu upekkhako so, anuggaho uggaḥaṇanti maññe.**

**Vissajja ganthāni munīdha loketi.** Ganthāti cattāro ganthā – abhijjhā kāyagantho, byāpādo kāyagantho, sīlabbataparāmāso kāyagantho, idamśaccābhiniveso kāyagantho. Attano diṭṭhiyā rāgo abhijjhā kāyagantho, paravādesu āghāto appaccayo byāpādo kāyagantho, attano sīlam vā vatam vā sīlabbatam vā parāmasati sīlabbataparāmāso kāyagantho, attano diṭṭhim abhiniveso kāyagantho idamśaccābhiniveso kāyagantho. **Vissajjāti** ganthe vossajjītvā vissajja. Atha vā ganthe gadhite ganthite [gathite gaṇṭhite (bahūsu) suddhaṭṭhakasutte sattamagāthāvaṇṇanā oloketabbā] bandhe vibandhe ābandhe [baddhe vibaddhe ābaddhe (sī.)] lagge laggite palibuddhe bandhane phoṭayitvā vissajja. Yathā vayham vā ratham vā sakataṁ vā sandamānikam vā sajjam vissajjam karonti vikopenti; evameva ganthe vossajjītvā vissajja. Atha vā ganthe gadhite gaṇṭhite bandhe vibandhe ābandhe lagge laggite palibuddhe

bandhane phoṭayitvā vissajja. **Munīti. Monam** vuccati nāñam...pe... saṅgajālamaticca so muni. **Idhāti** imissā diṭṭhiyā...pe... imasmiñ manussaloketi – vissajja ganthāni munīdha loke.

**Vivādajātesu na vaggasārīti.** Vivādajātesu sañjātesu nibbattesu abhinibbattesu pātubhūtesu [vivāde jāte sañjāte nibbatte abhinibbatte pātubhūte (sī. ka.)] chandāgatim gacchantesu dosāgatim gacchantesu bhayāgatim gacchantesu mohāgatim gacchantesu na chandāgatim gacchatī, na dosāgatim gacchatī, na bhayāgatim gacchatī, na mohāgatim gacchatī, na rāgavasena gacchatī, na dosavasena gacchatī, na mohavasena gacchatī, na mānavasena gacchatī, na diṭṭhivasena gacchatī, na uddhaccavasena gacchatī, na vicikicchāvasena gacchatī, na anusayavasena gacchatī, na vaggehi dhammehi yāyati nīyati vuyhati samhāriyatīti – vivādajātesu na vaggasārī.

**Santo asantesu upekkhako soti.** Santoti rāgassa santattā santo, dosassa santattā santo, mohassa santattā santo...pe... sabbākusalaṁbhisaṅkhārānaṁ santattā samitattā vūpasamitattā vijjhātattā nibbutattā vigatattā paṭipassaddhattā santo upasanto vūpasanto nibbuto paṭipassaddhoti – santo. **Asantesūti** asantesu anupasantesu avūpasantesu anibbutesu appaṭipassaddhesūti – santo asantesu. **Upekkhako soti** arahā chaṅgupekkhāya samannāgato cakkhunā rūpam disvā neva sumano hoti na dummano upekkhako viharati sato sampajāno. Sotena saddam sutvā...pe... kālam kaṅkhati bhāvito santoti – santo asantesu upekkhako so.

**Anuggaho uggahaṇanti maññe.** Aññe taṇhāvasena diṭṭhivasena gaṇhante parāmasante abhinivisante. Arahā upekkhati na gaṇhāti na parāmasati nābhinivisatīti – anuggaho uggahaṇanti maññe.

Tenāha bhagavā –

“Vissajja ganthāni munīdha loke, vivādajātesu na vaggasārī;  
Santo asantesu upekkhako so, anuggaho uggahaṇanti maññe”ti.

#### 148. Pubbāsave hitvā nave akubbam, na chandagū nōpi nivissavādī; Sa vippamutto diṭṭhigatehi dhīro, na limpati loke anattagarahī.

**Pubbāsave hitvā nave akubbanti.** Pubbāsavā vuccanti atītā rūpavedanāsaññasaṅkhāraviññānā. Atīte saṅkhāre ārabba ye kilesā uppajjeyyum te kilese hitvā cajitvā pariccajivā pajahitvā vinodetvā byantim karitvā anabhāvam gametvāti – pubbāsave hitvā. **Nave akubbanti** navā vuccanti paccuppannā rūpavedanāsaññasaṅkhāraviññānā. Paccuppanne saṅkhāre ārabba chandañ [khantim (ka.)] akubbamāno pemañ akubbamāno rāgam akubbamāno ajanayamāno asañjanayamāno anibbattayamāno anabhinibbattayamānoti – pubbāsave hitvā nave akubbam.

**Na chandagū nōpi nivissavādīti.** Na chandāgatim gacchatī, na dosāgatim gacchatī, na mohāgatim gacchatī, na bhayāgatim gacchatī, na rāgavasena gacchatī, na dosavasena gacchatī, na mohavasena gacchatī, na mānavasena gacchatī, na diṭṭhivasena gacchatī, na uddhaccavasena gacchatī, na vicikicchāvasena gacchatī, na anusayavasena gacchatī, na vaggehi dhammehi yāyati nīyati vuyhati na samhāriyatīti – na chandagū. **Nōpi nivissavādīti** “sassato loko, idameva saccam moghamāñña”ti na nivissavādī...pe... “neva hoti na na hoti tathāgato param marañā, idameva saccam moghamāñña”ti na nivissavādīti – na chandagū nōpi nivissavādī.

**Sa vippamutto diṭṭhigatehi dhīroti** tassa dvāsaṭṭhi diṭṭhigatehi pahīnāni samucchinnāni vūpasantāni paṭipassaddhāni abhabuppattikāni nāñagginā daḍḍhāni. So diṭṭhigatehi vippamutto visaññutto vimariyādikatena cetasā viharati. **Dhīroti** dhīro paññito paññavā buddhimā nāñī vibhāvī medhāvīti – sa vippamutto diṭṭhigatehi dhīro.

**Na limpati loke anattagarahīti.** Lepāti dve lepā – taṇhālepo ca diṭṭhilepo ca...pe... ayam

tañhālepo ... pe... ayam diññilepo. Tassa tañhālepo pahīno, diññilepo pañinissaññho; tassa tañhālepassa pahīnattā, diññilepassa pañinissaññhattā apāyaloke na limpati, manussaloke na limpati, devaloke na limpati, khandhaloke na limpati, dhātuloke na limpati, āyatana-loke na limpati na palimpati na upalimpati, alitto apalitto anupalitto nikkhanto nissaññ vippamutto visaññutto vimariyādikatena cetasā viharatīti – na limpati loke.

**Anattagarahīti** dvīhi kārañehi attānam garahati – katattā ca akatattā ca. Katham̄ katattā ca akatattā ca attānam garahati? “Kataññ me kāyaduccaritam, akataññ me kāyasucarita”nti attānam garahati. “Kataññ me vacīduccaritam... pe... kataññ me manoduccaritam ... kato me pāññatipāto... pe... katā me micchādiññhi, akatā me sammādiññhi”ti attānam garahati. Evaññ katattā ca akatattā ca attānam garahati.

Atha vā “sīlesumhi na paripūrakārī”ti attānam garahati. “Indriyesumhi aguttadvāro”ti... “bhojanemhi amattaññū”ti... “jāgariyamhi ananuyutto”ti... “na satisampajaññenāmhi samannāgato”ti... “abhāvitā me cattāro satipaññhānā”ti... “abhāvitā me cattāro sammappadhānā”ti... “abhāvitā me cattāro iddhipādā”ti... “abhāvitāni me pañcindriyānī”ti... “abhāvitāni me pañca balānī”ti... “abhāvitā me satta bojjhañgā”ti... “abhāvito me ariyo atthañgiko maggo”ti... “dukkham me apariññāta”nti... “dukkhasamudayo me appahīno”ti... “maggo me abhāvito”ti... “nirodho me asacchikato”ti attānam garahati. Evaññ katattā ca akatattā ca attānam garahati. Evaññ attagarahī. Tayidam̄ kammañ akubbamāno ajanayamāno asañjanayamāno anibbattayamāno anabhinibbattayamāno anattagarahīti – na limpati loke anattagarahī.

Tenāha bhagavā –

“Pubbāsave hitvā nave akubbam̄, na chandagū no pi nivissavādī;  
Sa vippamutto diññigatehi dhīro, na limpati loke anattagarahī”ti.

**149. Sa sabbadhammesu visenibhūto, yaññ kiñci diññham̄ va sutam̄ mutam̄ vā;**  
**Sa pannabhāro muni vippamutto, na kappiyō nūparato na patthiyō.[iti bhagavā]**

**Sa sabbadhammesu visenibhūto yaññ kiñci diññham̄ va sutam̄ mutam̄ vāti.** Senā vuccati mārasenā. Kāyaduccaritam mārasenā, vacīduccaritam mārasenā, manoduccaritam mārasenā, rāgo... doso... moho... kodho... upanāho... makkho... paññaso... issā... macchariyam... māyā... sātheyyam... thambho... sārambho... māno... atimāno... mado... pamādo... sabbe kilesā... sabbe duccaritā... sabbe darathā... sabbe pariññāhā... sabbe santāpā... sabbākusalābhisañkhārā mārasenā.

Vuttañhetam bhagavatā –

“Kāmā te paññhamā senā, dutiyā arati vuccati... pe...;  
Na nam asuro jināti, jetvāva labhate sukha”nti.

Yato catūhi ariyamaggehi sabbā ca mārasenā sabbe ca pañisenikarā kilesā jitā ca parājitā ca bhaggā vippaluggā parammukhā – so vuccati visenibhūto. So diññhe visenibhūto, sute... mute ... viññāte visenibhūtoti – sa sabbadhammesu visenibhūto, yaññ kiñci diññham̄ va sutam̄ mutam̄ vā.

**Sa pannabhāro muni vippamuttoti.** Bhārāti tayo bhārā – khandhabhāro, kilesabhāro, abhisāñkhārabhāro. Katamo khandhabhāro? Pañisandhiyā rūpaññ vedanā saññā sañkhārā viññānaññ – ayam khandhabhāro. Katamo kilesabhāro? Rāgo doso moho... pe... sabbākusalābhisañkhārā – ayam kilesabhāro. Katamo abhisāñkhārabhāro? Puññābhisañkhārā apuññābhisañkhārā āneñjābhisañkhārā – ayam abhisāñkhārabhāro. Yato khandhabhāro ca kilesabhāro ca abhisāñkhārabhāro ca pahīnā honti ucchinnamūlā tālāvatthukatā anabhāvamkatā āyatim anuppādadhammā, so vuccati pannabhāro patitabhāro oropitabhāro samoropitabhāro nikkhittabhāro pañipassaddhabhāro.

**Munīti** monam vuccati ñāṇam. Yā paññā pajānanā vicayo pavicayo dhammavicyo sallakkhaṇā upalakkhaṇā paccupalakkhaṇā, pañdiccaṇ kosallaṇ nepuññam vebhabyā cintā upaparikkhā bhūri medhā parināyikā vipassanā sampajaññam patodo paññā paññindriyam paññabalaṇ paññāsattham paññāpāsādo paññāāloko paññāobhāso paññāpajjoto paññāratanaṇ amoho dhammavicyo sammādiṭṭhi. Tena ñāṇena samannāgato muni monappatto.

Tīṇi moneyyāni – kāyamoneyyyam, vacīmoneyyyam, manomoneyyyam. Katamaṇ kāyamoneyyyam? Tividhānam kāyaduccaritānam [[tividhakāyaduccaritānam \(ka.\) mahāni. 14\]](#) pahānaṇ kāyamoneyyyam, tividham kāyasucaritaṇ kāyamoneyyyam, kāyārammaṇe ñāṇam kāyamoneyyyam, kāyapariññā kāyamoneyyyam, pariññāsaṅhāro maggo kāyamoneyyyam, kāye chandarāgassa pahānaṇ kāyamoneyyyam, kāyasaṅkhāranirodho catutthajjhānasamāpatti kāyamoneyyyam – idam kāyamoneyyyam.

Katamaṇ vacīmoneyyyam? Catubbidhānaṇ vacīduccaritānam pahānaṇ vacīmoneyyyam, catubbidham vacīsucaritaṇ vacīmoneyyyam, vācārammaṇe ñāṇam vacīmoneyyyam, vācāpariññā vacīmoneyyyam, pariññāsaṅhāro maggo vacīmoneyyyam, vācāya chandarāgassa pahānaṇ vacīmoneyyyam, vacīsaṅkhāranirodho dutiyajjhānasamāpatti vacīmoneyyyam – idam vacīmoneyyyam.

Katamaṇ manomoneyyyam? Tividhānaṇ manoduccaritānam pahānaṇ manomoneyyyam, tividham manusucaritaṇ manomoneyyyam, cittārammaṇe ñāṇam manomoneyyyam, cittapariññā manomoneyyyam, pariññāsaṅhāro maggo manomoneyyyam, citte chandarāgassa pahānaṇ manomoneyyyam, cittasaṅkhāranirodho saññāvedayitanirodhasamāpatti manomoneyyyam – idam manomoneyyyam.

“Kāyamuniṇ vācāmuniṇ, manomunimanāsavam;  
Muniṇ moneyyasampannaṇ, āhu sabbappahāyinam.

“Kāyamuniṇ vācāmuniṇ, manomunimanāsavam;  
Muniṇ moneyyasampannaṇ, āhu ninhātapāpaka”nti [[ninahātapāpaki \(sī.\)](#)].

Imehi tīhi moneyyehi dhammehi samannāgatā cha munino [[munayo \(sī. syā. ka.\)](#)] – agāramunino, anagāramunino, sekhamunino, asekhamunino, paccekamunino, munimuninoti [[munimunino \(sī. syā. ka.\) mahāni. 14\]](#). Katame agāramunino? Ye te agārikā diṭṭhapadā viññātasāsanā – ime agāramunino. Katame anagāramunino? Ye te pabbajitā diṭṭhapadā viññātasāsanā – ime anagāramunino. Satta sekhā sekhamunino, arahanto asekhamunino. Paccekabuddhā paccekamunino. Munimunino vuccanti tathāgatā arahanto sammāsambuddhā.

“Na monena muni hoti, mūlharūpo aviddasu;  
Yo ca tulamva paggayha, varamādāya pañḍito.

“Pāpāni parivajjeti, sa muni tena so muni;  
Yo munāti ubho loke, muni tena pavuccati.

“Asatañca satañca ñatvā dhammad, ajjhattam bahiddhā ca sabbaloke;  
Devamanussehi pūjito yo, saṅgajālamaticca so muni”.

**Vippamuttoti** munino rāgā cittam muttam vimuttaṇ suvimuttaṇ; dosā cittam... mohā cittam muttam vimuttaṇ suvimuttaṇ...pe... sabbākusalābhisaṅkhārehi cittam muttam vimuttaṇ suvimuttanti – sa pannabhāro muni vippamutto.

**Na kappiyo nūparato na patthiyoti bhagavāti.** Kappāti dve kappā – tañhākappo ca diṭṭhikappo ca... pe... ayam tañhākappo... pe... ayam diṭṭhikappo. Tassa tañhākappo pahīno, diṭṭhikappo paṭinissaṭṭho; tañhākappassa pahīnattā diṭṭhikappassa paṭinissaṭṭhattā tañhākappam vā diṭṭhikappam vā

na kappeti na janeti na sañjaneti na nibbatteti nābhinibbattetīti – na kappiyō. **Nūparatoti.** Sabbe bālaputhujjanā rājanti, puthujjanakalyāṇakam upādāya satta sekhā appattassa pattiyā anadhigatassa adhigamāya asacchikatassa sacchikiriyā āramanti viramanti paṭiviramanti, arahā ārato virato paṭivirato nikkhanto nissaṭo vippamutto visaññutto vimariyādikatena cetasā viharatīti – na kappiyō nūparato. **Na patthiyoti. Patthanā** vuccati taṇhā. Yo rāgo sārāgo... pe... abhijjhā lobho akusalamūlam. Yassesā patthanā taṇhā pahīnā samucchinnā vūpasantā paṭipassaddhā abhabuppattikā nānagginā dāddhā, so vuccati na patthiyo.

**Bhagavāti** gāravādhivacanam. Api ca bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggakanḍakoti bhagavā, bhaggakilesoti bhagavā, bhaji vibhaji pavibhaji dhammaratananti bhagavā, bhavānam antakaroti bhagavā, bhāvitakāyo bhāvitasilo bhāvitacitto bhāvitapaññoti bhagavā; bhāgī vā bhagavā araññavanapaththāni pantāni senāsanāni appasaddāni appanigghosāni vijanavātāni manussarāḥasseyyakāni paṭisallānasārūppānīti bhagavā, bhāgī vā bhagavā cīvarapiṇḍapātasenāsanagilānapaccayabhesajjaparikkhārānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhicittassa adhipaññāyāti bhagavā, bhāgī vā bhagavā catunnām jhānānam catunnām appamaññānam catunnām arūpasamāpattīnanti bhagavā, bhāgī vā bhagavā aṭṭhannām vimokkhānam aṭṭhannām abhibhāyatanānam navannām anupubbavihārasamāpattīnanti bhagavā, bhāgī vā bhagavā dasannām saññābhāvanānam dasannām kasiṇasamāpattīnām ānāpānassatisamādhissa asubhasamāpattiyāti bhagavā, bhāgī vā bhagavā catunnām satipaṭṭhānānam catunnām sammappadhānānam catunnām idhipādānam pañcannām indriyānam pañcannām balānam sattannām bojjhaṅgānam ariyassa aṭṭhaṅgikassa maggassāti bhagavā, bhāgī vā bhagavā dasannām tathāgatabalānam catunnām vesārajjānam catunnām paṭisambhidānam channām abhiññānam channām buddhadhammānanti bhagavā, bhagavāti netām nāmām mātarā kataṁ na pitarā kataṁ na bhātarā kataṁ na bhaginiyā kataṁ na mittāmaccehi kataṁ na nātisālohitēhi kataṁ na samanabrāhmaṇehi kataṁ na devatāhi kataṁ; vimokkhantikametām buddhānam bhagavantānam bodhiyā mūle saha sabbaññutaññānassa paṭilābhā sacchikā paññatti yadidām bhagavāti – na kappiyō nūparato na patthiyo iti bhagavā.

Tenāha bhagavā –

“Sa sabbadhammesu visenibhūto, yaṁ kiñci diṭṭham va sutam mutam vā;  
Sa pannabhāro muni vippamutto, na kappiyō nūparato na patthiyo”.[iti bhagavāti]

Mahāviyūhasuttaniddeso terasamo.

## 14. Tuvaṭṭakasuttaniddeso

Atha tuvaṭṭakasuttaniddesam vakkhati –

**150. Pucchāmi tam ādiccabandhu, [ādiccabandhū (sī. syā.)] vivekaṁ santipadañca mahesi [mahesiṁ (sī. syā.)] ;**

**Kathaṁ disvā nibbāti bhikkhu, anupādiyāno lokasmiṁ kiñci.**

**Pucchāmi tam ādiccabandhūti.** Pucchāti tisso pucchā – adiṭṭhajotanā pucchā, diṭṭhasamsandanā pucchā, vimaticchedanā pucchā. Katamā adiṭṭhajotanā pucchā? Pakatiyā lakkhaṇam aññātam hoti adiṭṭham atulitam atīritam avibhūtam avibhāvitam, tassa nānāya dassanāya tulanāya tīraṇāya vibhāvanāya pañham pucchatī – ayam adiṭṭhajotanā pucchā. Katamā diṭṭhasamsandanā pucchā? Pakatiyā lakkhaṇam nātam hoti diṭṭham tulitam tīritam vibhūtam vibhāvitam, aññehi pañditehi saddhim samsandanatthāya pañham pucchatī – ayam diṭṭhasamsandanā pucchā. Katamā vimaticchedanā pucchā? Pakatiyā samsayapakkhando [samsayapakkhanno (sī. syā.)] hoti vimatipakkhando dvelhakajāto, “evam

nu kho, na nu kho, kiṁ nu kho, katham nu kho”ti so vimaticchedanatthāya pañham pucchati – ayam vimaticchedanā pucchā. Imā tisso pucchā.

Aparāpi tisso pucchā – manussapucchā, amanussapucchā, nimmitapucchā. Katamā manussapucchā? Manussā buddham bhagavantam upasaṅkamitvā pañham pucchanti, bhikkhū pucchanti, bhikkhuniyo pucchanti, upāsakā pucchanti, upāsikāyo pucchanti, rājāno pucchanti, khattiyā pucchanti, brāhmaṇā pucchanti, vessā pucchanti, suddā pucchanti, gahaṭhā pucchanti, pabbajitā pucchanti – ayam manussapucchā. Katamā amanussapucchā? Amanussā buddham bhagavantam upasaṅkamitvā pañham pucchanti, nāgā pucchanti, supaṇṇā pucchanti, yakkhā pucchanti, asurā pucchanti, gandhabbā pucchanti, mahārājāno pucchanti, indā pucchanti, brahmāno pucchanti, devatāyo pucchanti – ayam amanussapucchā. Katamā nimmitapucchā? Yam bhagavā rūpaṁ abhinimmināti manomayam sabbaṅgapaccāṅgam ahīnindriyam tam so nimmito buddham bhagavantam upasaṅkamitvā pañham pucchati, bhagavā tassa [natthi sī. syā. potthakesu] visajjeti – ayam nimmitapucchā. Imā tisso pucchā.

Aparāpi tisso pucchā – attatthapucchā, paratthapucchā, ubhayatthapucchā. Aparāpi tisso pucchā – diṭṭhadhammikatthapucchā, samparāyikatthapucchā, paramatthapucchā. Aparāpi tisso pucchā – anavajjatthapucchā, nikkilesatthapucchā [nikkhepatthapucchā (sī. ka.)], vodānatthapucchā. Aparāpi tisso pucchā – atītāpucchā, anāgatāpucchā, paccuppannapucchā. Aparāpi tisso pucchā – ajjhattapucchā, bahiddhāpucchā, ajjhatabahiddhāpucchā. Aparāpi tisso pucchā – kusalapucchā, akusalapucchā, abyākatapucchā. Aparāpi tisso pucchā – khandhapucchā, dhātupucchā, āyatana-pucchā. Aparāpi tisso pucchā – satipatthānapucchā, sammappadhānapucchā, iddhipādapucchā. Aparāpi tisso pucchā – indriyapucchā, balapucchā, bojjhaṅgapucchā. Aparāpi tisso pucchā – maggapucchā, phalapucchā, nibbānapucchā.

**Pucchāmi** tanti pucchāmi tam yācāmi tam ajjheshāmi tam pasādemī tam, “kathayassu me”ti – pucchāmi tam. **Ādiccabandhūti**. Ādicco vuccati sūriyo [sūriyo (sī. syā.)]. Sūriyo gotamo gottena, bhagavāpi gottena, bhagavā sūriyassa gottañātako gottabandhu; tasmā buddho ādiccabandhūti – pucchāmi tam ādiccabandhu.

**Vivekām santipadañca mahesīti.** Vivekāti tayo vivekā – kāyaviveko, cittaviveko, upadhviveko. Katamo kāyaviveko? Idha bhikkhu vivittam senāsanam bhajati araññam rukkhamūlam pabbatam kandaram giriguham susānam vanapattham abbhokāsam palālapuñjam kāyena vivittena viharati. So eko gacchatī, eko tiṭṭhatī, eko nisīdatī, eko seyyam kappeti, eko gāmaṁ piṇḍāya pavisati, eko paṭikkamatī, eko raho nisīdatī, eko cañkamam adhiṭṭhāti, eko carati viharati iriyati vattati pāleti yāpeti – ayam kāyaviveko.

Katamo cittaviveko? Paṭhamam jhānam samāpannassa nīvaraṇehi cittam vivittam hoti, dutiyam jhānam samāpannassa vitakkavicārehi cittam vivittam hoti, tatiyam jhānam samāpannassa pītiyā cittam vivittam hoti, catuttham jhānam samāpannassa sukhadukkhehi cittam vivittam hoti, ākāsānañcāyatanaṁ samāpannassa rūpasaññāya paṭighasaññāya nānattasaññāya cittam vivittam hoti, viññānañcāyatanaṁ samāpannassa ākāsānañcāyatanaṁ nānattasaññāya cittam vivittam hoti, ākiñcaññāyatanaṁ samāpannassa viññānañcāyatanaṁ nānattasaññāya cittam vivittam hoti, nevasaññānasaññāyatanaṁ samāpannassa ākiñcaññāyatanaṁ nānattasaññāya cittam vivittam hoti. Sotāpannassa sakkāyadiṭṭhiyā vicikicchāya sīlabbataparāmāsa diṭṭhānusayā vicikicchānusayā, tadekaṭṭhehi ca kilesehi cittam vivittam hoti. Sakadāgāmissa olārikā kāmarāgasaññojanā paṭighasaññojanā olārikā kāmarāgānusayā paṭighānusayā, tadekaṭṭhehi ca kilesehi cittam vivittam hoti. Anāgāmissa anusagatā kāmarāgasaññojanā paṭighasaññojanā anusagatā kāmarāgānusayā paṭighānusayā, tadekaṭṭhehi ca kilesehi cittam vivittam hoti. Arahatō rūparāgā arūparāgā mānā uddhaccā avijjāya mānānusayā bhavarāgānusayā avijjānusayā, tadekaṭṭhehi ca kilesehi bahiddhā ca sabbanimittehi cittam vivittam hoti – ayam cittaviveko.

Katamo upadhiviveko? **Upadhi** vuccati kilesā ca khandhā ca abhisankhārā ca. Upadhiviveko vuccati amataṁ nibbānam. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānam – ayam upadhiviveko. Kāyaviveko ca vivekaṭṭhakāyānam [vūpakaṭṭhakāyānam (sī.)] nekkhammābhiraṭānam, cittaviveko ca parisuddhacittānam paramavodānapattānam, upadhiviveko ca nirupadhiṇam puggalānam visaṅkhāragatānam. **Santīti** ekena ākārena santipi santipadampi tamyeva amataṁ nibbānam, yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānam. Vuttañhetam bhagavatā – “santametam padam, pañtametam padam, yadidam sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbāna”nti. Atha aparena ākārena ye dhammā santādhigamāya santiphusanāya santisacchikiriyāya samvattanti, seyyathidaṁ – cattāro satipaṭṭhānā, cattāro sammappadhānā, cattāro idhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggo – ime vuccanti santipadam tāṇapadam leṇapadam saraṇapadam abhayapadam accutapadam amatapadam nibbānapadam.

**Mahesīti** mahesi bhagavā. Mahantam sīlakkhandham esī gavesī pariyesīti mahesi, mahantam samādhikkhandham... pe... mahantam paññākkhandham... mahantam vimuttikkhandham... mahantam vimuttiñāṇadassanakkhandham esī gavesī pariyesīti mahesi; mahato tamokāyassa padālanam, mahato vipallāsassa bhedanam, mahato taṇhāsallassa abbahanam [abbūhanam (sī. syā.), abbhuhanam (ka.)], mahato diṭṭhisāṅghātassa viniveṭhanaṁ, mahato mānadhadjassa papātanaṁ [pavāhanam (syā.)], mahato abhisankhārassa vūpasamam, mahato oghassa nittharaṇam, mahato bhārassa nikhepanam, mahato samsāravaṭṭassa upacchedam, mahato santāpassa nibbāpanam, mahato pariṭāhassa paṭipassaddhim, mahato dhammadhadjassa ussāpanam esī gavesī pariyesīti mahesi, mahante satipaṭṭhāne mahante sammappadhāne mahante idhipāde mahantāni indriyāni mahantāni balāni mahante bojjhaṅge mahantam ariyam aṭṭhaṅgikam maggām mahantam paramattham amataṁ nibbānam esī gavesī pariyesīti mahesi; mahesakkhehi vā sattehi esito gavesito pariyesito kaham buddho kaham bhagavā kaham devadevo kaham narāsabhoti mahesīti – vivekam santipadañca mahesi.

**Katham disvā nibbāti bhikkhūti.** Katham disvā passitvā tulayitvā tīrayitvā vibhāvayitvā vibhūtam katvā attano rāgam nibbāpeti, dosam nibbāpeti, moham nibbāpeti, kodham... pe... upanāham... makkham... palāsam... issam... macchariyam... māyam... sāṭheyayam... thambham... sārambham... mānam... atimānam... madam... pamādam... sabbe kilese... sabbe duccarite... sabbe darathe... sabbe pariṭāhe... sabbe santāpe ... sabbākusalābhisaṅkhāre nibbāpeti sameti upasameti vūpasameti paṭipassambheti. **Bhikkhūti** puthujjanakalyāṇako vā bhikkhu sekho vā bhikkhūti – katham disvā nibbāti bhikkhu.

**Anupādiyāno lokasmīm kiñcīti.** Catūhi upādānehi anupādiyamāno agaṇhayamāno aparāmasamāno anabhinivisamāno. **Lokasmīnti** apāyaloke manussaloke devaloke, khandhaloke dhātuloke āyatana-loke. **Kiñcīti** kiñci rūpagataṁ vedanāgataṁ saññāgataṁ saṅkhāragataṁ viññāṇagatanti – anupādiyāno lokasmīm kiñci.

Tenāha so nimmito –

“Pucchāmi tam ādiccabandhu, vivekam santipadañca mahesi;  
Katham disvā nibbāti bhikkhu, anupādiyāno lokasmīm kiñci”ti.

**151. Mūlam papañcasāṅkhāya, [iti bhagavā]**  
**Mantā asmīti sabbamuparundhe [sabbamuparuddhe (syā.)] ;**  
**Yā kāci taṇhā ajjhattam, tāsam vinayā sadā sato sikkhe.**

**Mūlam papañcasāṅkhāya, [iti bhagavā] mantā asmīti sabbamuparundheti.** Papañcāyeva papañcasāṅkhā. Taṇhāpapañcasāṅkhā diṭṭhipapañcasāṅkhā. Katamam taṇhāpapañcassa mūlam? Avijjāmūlam, ayonisomanasikāro mūlam, asmimāno mūlam, ahirikam mūlam, anottappam mūlam,

uddhaccam mūlam – idam taṇhāpapañcassa mūlam. Katamam diṭṭhipapañcassa mūlam? Avijjāmūlam, ayonisomanasikāro mūlam, asmimāno mūlam, ahirikam mūlam, anottappam mūlam, uddhaccam mūlam – idam diṭṭhipapañcassa mūlam.

**Bhagavāti** gāravādhivacanam. Api ca bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggakandakoti bhagavā, bhaggakilesoti bhagavā, bhaji vibhaji pavibhaji dhammaratananti bhagavā, bhavānam antakaroti bhagavā, bhāvitakāyo bhāvitāsiло bhāvitacitto bhāvitapaññoti bhagavā; bhāgī vā bhagavā araññavanapaththāni pantāni senāsanāni appasaddāni appanigghosāni vijanavātāni manussarāḥasseyyakāni paṭisallānasārūppānīti bhagavā, bhāgī vā bhagavā cīvarapiṇḍapātasenāsanagilānapaccayabhesajjaparikkhārānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhicittassa adhipaññāyāti bhagavā, bhāgī vā bhagavā catunnām jhānānam catunnām appamaññānam catunnām arūpasamāpattīnanti bhagavā, bhāgī vā bhagavā aṭṭhannām vimokkhānam aṭṭhannām abhibhāyanānam navannām anupubbavihārasamāpattīnanti bhagavā, bhāgī vā bhagavā dasannām saññābhāvanānam dasannām kasiñasamāpattīnām ānāpānassatisamādhissa asubhasamāpattiyyāti bhagavā, bhāgī vā bhagavā catunnām satipatṭhānānam catunnām sammappadhānānam catunnām iddhipādānām pañcannām indriyānam pañcannām balānam sattannām bojjhaṅgānam ariyassa aṭṭhaṅgikassa maggassāti bhagavā, bhāgī vā bhagavā dasannām tathāgatabalānam catunnām vesārajjānam catunnām paṭisambhidānam channām abhiññānam channām buddhadhammānanti bhagavā, bhagavāti netām nāmām mātarā kataṁ na pitarā kataṁ na bhātarā kataṁ na bhaginiyā kataṁ na mittāmaccehi kataṁ na nātisālohitēhi kataṁ na samanabrahmañehi kataṁ na devatāhi kataṁ; vimokkhantikametām buddhānam bhagavantānam bodhiyā mūle saha sabbaññutaññāassa paṭīlābhā sacchikā paññatti yadidaṁ bhagavāti – mūlam papañcasāñkhāya iti bhagavā.

**Mantā asmīti sabbamuparundheti.** Mantā vuccati paññā. Yā paññā pajānanā... pe... amoho dhammadhicayo sammādiṭṭhi. Asmīti rūpe asmīti māno asmīti chando asmīti anusayo; vedanāya... saññāya... sañkhāresu... viññāne asmīti māno asmīti chando asmīti anusayoti. Mūlam papañcasāñkhāya iti bhagavā. **Mantā asmīti sabbamuparundheti.** Papañcasāñkhāya mūlañca asmimānañca mantāya sabbam rundheyya uparundheyya nirodheyya vūpasameyya atthaṅgameyya paṭipassambheyyāti – mūlam papañcasāñkhāya iti bhagavā, mantā asmīti sabbamuparundhe.

**Yā kāci taṇhā ajjhattanti.** Yā kācīti sabbena sabbam sabbathā sabbam asesam nissesam pariyādiyanavacanametām – yā kācīti. **Taṇhāti** rūpataṇhā... pe... dhammataṇhā. **Ajjhattanti** ajjhattasamuṭṭhānā vā [ajjhattam samuṭṭhāti (syā).] sā taṇhāti – ajjhattam. Atha vā **ajjhattikam** vuccati cittam. Yam cittam mano mānasam hadayam pañḍaram mano manāyatanaṁ manindriyam viññānam viññānakkhandho tajjā manoviññāṇadhātu. Cittena sā taṇhā sahagatā sahajātā samsatṭhā sampayuttā ekuppādā ekanirodhā ekavatthukā ekārammañātipi ajjhattanti – yā kāci taṇhā ajjhattam.

**Tāsam vinayā sadā sato sikkheti.** Sadāti sadā sabbadā sabbakālam niccakālam dhuvakālam, satatam samitam abbokinṇam poñkhānupoñkham udakūmigajātam avīcisantatisahitam phusitam, purebhuttam pacchābhuttam, purimam yāmam majjhimaṁ yāmam pacchimam yāmam, kāle junhe, vase hemante gimhe, purime vayokhandhe majjhime vayokhandhe pacchime vayokhandhe. **Satoti** catūhi kārañehi sato – kāye kāyānupassanāsatipatṭhānam bhāvento sato, vedanāsu... pe... citte... pe... dhammesu dhammānupassanāsatipatṭhānam bhāvento sato. Aparehipi catūhi kārañehi sato – asati parivajjanāya sato, satikaraṇīyānam dhammānam katattā sato, satipatṭipakkhānam dhammānam hatattā sato, satinimittānam asammuṭṭhattā sato. Aparehipi catūhi kārañehi sato – satiyā samannāgatattā sato, satiyā vasitattā sato, satiyā pāguññatāya sato, satiyā apaccorohanatāya sato. Aparehipi catūhi kārañehi sato – sattattā sato, santattā sato, samitattā sato, santadhammasamannāgatattā sato. Buddhanussatiyā sato, dhammānussatiyā sato, sañghānussatiyā sato, sīlānussatiyā sato, cāgānussatiyā sato, devatānussatiyā sato, ānāpānassatiyā sato, maraṇassatiyā sato, kāyagatāsatiyā sato, upasamānussatiyā sato. Yā sati anussati paṭissati, sati saraṇatā dhāraṇatā apilāpanatā asammussanatā, sati satindriyam

satibalaṁ sammāsatī satisambojjhaṅgo ekāyanamaggo – ayam vuccati sati. Imāya satiyā upeto samupeto, upagato samupagato, upapanno samupapanno, samannāgato so vuccati sato.

**Sikkheti** tisso sikkhā – adhisīlasikkhā, adhicittasikkhā, adhipaññāsikkhā. Katamā adhisīlasikkhā? Idha bhikkhu sīlavā hoti, pātimokkhasaṁvarasaṁvuto viharati ācāragocarasampanno, aṇumattesu vajjesu bhayadassāvī, samādāya sikkhati sikkhāpadesu, khuddako sīlakkhandho... mahanto sīlakkhandho, sīlam patiṭṭhā ādi caraṇam saṁyamo saṁvaro mukham pamukham kusalānam dhammānam samāpattiyyā – ayam adhisīlasikkhā.

Katamā adhicittasikkhā? Idha bhikkhu vivicceva kāmehi vivicca akusalehi dhammehi savitakkaṁ savicāraṁ vivekajam pītisukham paṭhamam jhānam upasampajja viharati. Vitakkavicārānam vūpasamā ajjhattam sampasādanam cetaso ekodibhāvam avitakkam avicāram samādhijam pītisukham dutiyam jhānam upasampajja viharati. Pītiyā ca virāgā upekkhako ca viharati sato ca sampajāno sukhañca kāyena paṭisamvedeti, yaṁ tam ariyā ācikkhanti “upekkhako satimā sukhavihārī”ti tatiyam jhānam upasampajja viharati. Sukhassa ca pahānā dukkhassa ca pahānā pubbeva somanassadomanassānam atthaṅgamā **adukkhamasukham** upekkhāsatipārisuddhiṁ catuttham jhānam upasampajja viharati – ayam adhicittasikkhā.

Katamā adhipaññāsikkhā? Idha bhikkhu paññavā hoti, udayatthagāminiyā paññāya samannāgato ariyāya nibbedhikāya sammādukkhakkhayagāminiyā. So idam dukkhanti yathābhūtam pajānāti, ayam dukkhasamudayoti yathābhūtam pajānāti, ayam dukkhanirodhoti yathābhūtam pajānāti, ayam dukkhanirodhagāminī paṭipadāti yathābhūtam pajānāti, ime āsavāti yathābhūtam pajānāti, ayam āsavasamudayoti yathābhūtam pajānāti, ayam āsavanirodhoti yathābhūtam pajānāti, ayam āsavanirodhagāminī paṭipadāti yathābhūtam pajānāti – ayam adhipaññāsikkhā.

**Tāsam vinayā sadā sato sikkheti.** Tāsam tanhānam vinayāya paṭivinayāya pahānāya vūpasamāya paṭinissaggāya paṭipassaddhiyā adhisīlampi sikkheyya, adhicittampi sikkheyya, adhipaññampi sikkheyya; imā tisso sikkhāyo āvajjanto sikkheyya, pajānanto sikkheyya, passanto sikkheyya, paccavekkhanto sikkheyya, cittam adhiṭṭhahanto sikkheyya, saddhāya adhimuccanto sikkheyya, vīriyam paggaṇhanto sikkheyya, satim upaṭṭhapento sikkheyya, cittam samādahanto sikkheyya, paññāya pajānanto sikkheyya, abhiññeyyam abhijānanto sikkheyya, pariññeyyam parijānanto sikkheyya, pahātabbam pajahanto sikkheyya, bhāvetabbam bhāvento sikkheyya, sacchikātabbam sacchikaronto sikkheyya ācareyya samādāya vatteyyāti – tāsam vinayā sadā sato sikkhe.

Tenāha bhagavā –

“Mūlam papañcasanākhaya, [iti bhagavā]  
Mantā asmīti sabbamuparundhe;  
Yā kāci tanhā ajjhattam, tāsam vinayā sadā sato sikkhe”ti.

**152. Yam kiñci dhammadabhijaññā, ajjhattam atha vāpi bahiddhā;**  
**Na tena thāmam kubbetha, na hi sā nibbuti satam vuttā.**

**Yam kiñci dhammadabhijaññā ajjhattanti.** Yam kiñci attano guṇam jāneyya kusale vā dhamme abyākate vā dhamme. Katame attano guṇā? Uccā kulā pabbajito vā assam [[assa \(syā.\)](#)], mahābhogakulā pabbajito vā assam, ulārabhogakulā pabbajito vā assam, nāto yasassi sagahaṭṭhapabbajitānanti vā assam, lābhimhi cīvarapiṇḍapātasenāsanagilānapaccayabhesajjaparikkhārānanti vā assam, suttantiko vā assam, vinayadharo vā assam, dhammadakhiko vā assam, āraññiko vā assam, piṇḍapātiko vā assam, paṁsukūliko vā assam, tecīvariko vā assam, sapadānacāriko vā assam, khalupacchābhātthiko vā assam, nesajjiko vā assam, yathāsanthatiko vā assam, pathamassa jhānassa lābhīti vā assam, dutiyassa jhānassa lābhīti vā assam, tatiyassa jhānassa lābhīti vā assam, catutthassa jhānassa lābhīti vā assam,

ākāsānañcāyatanasamāpattiyā lābhīti vā assam, viññānañcāyatanasamāpattiyā...  
 ākiñcaññāyatanasamāpattiyā... nevasaññānāsaññāyatanasamāpattiyā lābhīti vā assam – ime vuccanti attano guṇā. Yam kiñci attano guṇam jāneyya ājāneyya vijāneyya paṭivijāneyya paṭivijjhеyyāti – yam kiñci dhammadabhijaññā ajjhattam. **Atha vāpi bahiddhāti.** Upajjhāyassa vā ācariyassa vā te guṇā assūti [assūti ajjhattam (bahūsu)] – atha vāpi bahiddhā.

**Na tena thāmañ kubbethāti.** Attano vā guṇena paresam vā guṇena thāmañ na kareyya, thambham na kareyya, mānam na kareyya, unnatim na kareyya, unnamam na kareyya, na tena mānam janeyya, na tena thaddho assa pathhaddho paggahitasiroti – na tena thāmañ kubbetha.

**Na hi sā nibbuti satam vuttāti.** Satānam santānam sappurisānam buddhānam buddhasāvakānam pacceka-buddhānam sā nibbutīti na vuttā na pavuttā na ācikkhitā na desitā na paññapitā na paṭṭhapitā na vivaṭā na vibhattā na uttānikatā nappakāsitāti – na hi sā nibbuti satam vuttā.

Tenāha bhagavā –

“Yam kiñci dhammadabhijaññā, ajjhattam atha vāpi bahiddhā;  
 Na tena thāmañ kubbetha, na hi sā nibbuti satam vuttā”ti.

**153. Seyyo na tena maññeyya, nīceyyo atha vāpi sarikkho;  
 Phuṭṭho anekarūpehi, nātumānam vikappayam tiṭṭhe.**

**Seyyo na tena maññeyyāti.** “Seyyohamasmi”ti atimānam na janeyya jātiyā vā gottena vā kolaputtiyena vā vaṇṇapokkharatāya vā dhanena vā ajjhelenā vā kammāyatanena vā sippāyatanena vā vijjātīhānena vā sutena vā paṭibhānena vā aññatarāññatarena vā vatthunāti – seyyo na tena maññeyya.

**Nīceyyo atha vāpi sarikkhoti.** “Hīnohamasmī”ti omānam na janeyya jātiyā vā gottena vā...pe... aññatarāññatarena vā vatthunā. “Sadiso hamasmī”ti mānam na janeyya jātiyā vā gottena vā kolaputtiyena vā vaṇṇapokkharatāya vā dhanena vā ajjhelenā vā kammāyatanena vā sippāyatanena vā vijjātīhānena vā sutena vā paṭibhānena vā aññatarāññatarena vā vatthunāti – nīceyyo atha vāpi sarikkho.

**Phuṭṭho anekarūpehīti.** Anekavidhehi ākārehi phuṭṭho pareto samohito samannāgatoti – phuṭṭho anekarūpehi.

**Nātumānam vikappayam tiṭṭheti.** Ātumā vuccati attā. Attānam kappento vikappento vikappam āpajjanto na tiṭṭheyāti – nātumānam vikappayam tiṭṭhe.

Tenāha bhagavā –

“Seyyo na tena maññeyya, nīceyyo atha vāpi sarikkho;  
 Phuṭṭho anekarūpehi, nātumānam vikappayam tiṭṭhe”ti.

**154. Ajjhattamevupasame, na aññato bhikkhu santimeseyya;  
 Ajjhattam upasantassa, natthi attā [attam (syā.)] kuto nirattā [nirattam (syā.)] vā.**

**Ajjhattamevupasameti.** Ajjhattam rāgam sameyya, dosam sameyya, moham sameyya, kodham... pe... upanāham... makkham... paṭṭasam... issam... macchariyam... māyam... sāṭheyam... thambham... sārambham... mānam... atimānam... madam... pamādam... sabbe kilese... sabbe duccarite... sabbe darathe... sabbe pariļāhe... sabbe santāpe... sabbākusalābhisaṅkhāre sameyya upasameyya vūpasameyya nibbāpeyya paṭipassambheyyāti – ajjhattamevupasame.

**Na aññato bhikkhu santimeseyyāti.** Aññato asuddhimaggena, micchāpaṭipadāya, aniyānapanatena, aññatra satipaṭṭhānehi, aññatra sammappadhānehi, aññatra idhipādehi, aññatra indriyehi, aññatra balehi, aññatra bojjhaṅgehi, aññatra ariyā atthaṅgikā maggā santim upasantim vūpasantim nibbutim paṭipassaddhim na eseyya na gaveseyya na pariyeseyyāti – na aññato bhikkhu santimeseyya.

**Ajjhattam upasantassāti.** Ajjhattam rāgam santassa, dosam santassa, moham santassa... pe... sabbākusalābhisaṅkhāre santassa upasantassa vūpasantassa nibbutassa paṭipassaddhiyāti – ajjhattam upasantassa.

**Natthi attā kuto nirattā vāti.** Natthīti paṭikkhepo. Attāti attadiṭṭhi natthi; **nirattāti** ucchedadiṭṭhi natthi. Attāti gahitam natthi; **nirattāti** muñcitabbam natthi. Yassatti gahitam, tassatti muñcitabbam. Tassa gahitam gāham muñcanam samatikkanto arahā vuddhipārihānivītivatto. So vuṭṭhavāso ciṇṇacaraṇo... pe... jātimaraṇasamāsāro, natthi tassa punabbhavoti – natthi attā kuto nirattā vā.

Tenāha bhagavā –

“Ajjhattamevupasame, na aññato bhikkhu santimeseyya;  
Ajjhattam upasantassa, natthi attā kuto nirattā vā”ti.

**155. Majhe yathā samuddassa, ūmi no jāyatī ṭhito hoti;**  
**Evam ṭhito anejassa, ussadaṁ bhikkhu na kareyya [kare (sī.)] kuhiñci.**

**Majhe yathā samuddassa, ūmi no jāyatī ṭhito hotīti.** Samuddo caturāsītiyojanasahassāni ubbedhena gambhīro. Heṭṭā cattārīsayojanasañhāni udakam macchakacchapehi kampati. Upari cattārīsayojanasañhāni udakam vātehi kampati. Majhe cattārīsayojanasañhāni udakam na kampati na vikampati na calati na vedhati nappavedhati na sampavedhati. Anerito aghaṭṭito acalito alulito abhanto vūpasanto tatra ūmi no jāyati, ṭhito hoti samuddoti. Evampi majhe yathā samuddassa ūmi no jāyatī ṭhito hoti.

Atha vā sattannaṁ pabbatānaṁ antarikāsu sattasīdantarā mahāsamuddā. [sīdantarasaṁuddo (syā.)] Tatra udakam na kampati na vikampati na calati na vedhati nappavedhati na sampavedhati. Anerito aghaṭṭito acalito alulito abhanto vūpasanto tatra ūmi no jāyati, ṭhito hoti samuddoti. Evampi majhe yathā samuddassa ūmi no jāyatī ṭhito hoti.

**Evam ṭhito anejassāti.** Evanti opamasampaṭipādanam. **Thitoti lābhēpi** na kampati, alābhēpi na kampati, yasepi na kampati, ayasepi na kampati, pasamāsāyapi na kampati, nindāyapi na kampati, sukhepi na kampati, dukkhepi na kampati na vikampati na calati na vedhati nappavedhati na sampavedhatīti – evam ṭhito. **Anejassāti** ejā vuccati taṇḍhā. Yo rāgo sārāgo... pe... abhijjhā lobho akusalamūlam. Yassesā ejā taṇḍhā pahīnā ucchinnaṁ samucchinnaṁ vūpasantā paṭipassaddhā abhabuppattikā nāñagginā daḍḍhā, so vuccati anejo. Ejāya pahīnattā anejo; so lābhēpi na iñjati, alābhēpi na iñjati, yasepi na iñjati, ayasepi na iñjati, pasamāsāyapi na iñjati, nindāyapi na iñjati, sukhepi na iñjati, dukkhepi na iñjati, na calati na vedhati nappavedhati na sampavedhatīti – evam ṭhito anejassa.

**Ussadaṁ bhikkhu na kareyya kuhiñcīti.** Ussadāti sattussadā – rāgussadām [rāgussado (syā.)], dosussadām, mohussadām, mānussadām, diṭṭhussadām, kilesussadām, kammussadām na kareyya na janeyya na sañjaneyya na nibbatteyya nābhinibbatteyya. **Kuhiñcīti** kuhiñci kismiñci katthaci ajjhattam vā bahiddhā vā aijhatabahiddhā vāti – ussadaṁ bhikkhu na kareyya kuhiñci.

Tenāha bhagavā –

“Majhe yathā samuddassa, ūmi no jāyatī ṭhito hoti;

Evaṁ ṭhito anejassa, ussadaṁ bhikkhu na kareyya kuhiñci”ti.

**156. Akittayī vivaṭacakku, sakkhidhammad̄ parissayavinayaṁ;  
Paṭipadām vadehi bhaddante, pātimokkhaṁ atha vāpi samādhiṁ.**

**Akittayī vivaṭacakkhūti.** Akittayīti kittitam acikkhitam desitam paññapitam paṭṭhapitam vivaṭam vibhattam uttānikataṁ pakāsitanti – akittayi [akittayīti akittayi parikittayi ācikkhi desesi paññapesi paṭṭhapesi vivari vibhaji uttānimakāsi pakāsesīti akittayi (syā.)]. **Vivaṭacakkhūti** bhagavā pañcahi cakkhūhi vivaṭacakku – maṁsacakkhunāpi vivaṭacakku, dibbena cakkhunāpi vivaṭacakku, paññācakkhunāpi vivaṭacakku, buddhacakkhunāpi vivaṭacakku, samantacakkhunāpi vivaṭacakku.

Katham bhagavā maṁsacakkhunāpi vivaṭacakku? Maṁsacakkhumhipi bhagavato pañca vaṇṇā samvijjanti – niño ca vaṇṇo, pītako ca vaṇṇo, lohitako ca vaṇṇo, kaṇho ca vaṇṇo, odāto ca vaṇṇo. Akkhilomāni ca bhagavato yattha ca akkhilomāni patiṭṭhitāni taṁ nīlam hoti sunīlam pāsādikam dassaneyyam umāpupphasamānam [ummāpupphasamānam (sī. ka.), ummārapupphasamānam (syā.)]. Tassa parato pītakam hoti supītakam suvaṇṇavaṇṇam pāsādikam dassaneyyam kaṇikārapupphasamānam. Ubhayato ca akkhikūṭāni bhagavato lohitakāni honti sulohitakāni pāsādikāni dassaneyyāni indagopakasamānāni. Majjhe kaṇham hoti sukaṇham alūkham siniddham pāsādikam dassaneyyam addāriṭṭhakasamānam [alāriṭṭhakasamānam (syā.)]. Tassa parato odātam hoti suodātam setam pañḍaram pāsādikam dassaneyyam osadhitārakasamānam. Tena bhagavā pākatikena maṁsacakkhunā attabhāvapariyāpannena purimasucaritakammābhinibbattena samantā yojanam passati divā ceva rattiñca. Yadā hipi caturaṅgasamannāgato andhakāro hoti. Sūriyo vā atthaṅgato hoti. Kālapakkho ca uposatho hoti. Tibbo ca vanasaṇḍo hoti. Mahā ca kālamegho [akālamegho (syā.)] abbhūṭhito hoti. Evarūpepi caturaṅgasamannāgate andhakāre samantā yojanam passati. Natthi so kuṭṭo [kuḍḍo (sī.)] vā kavāṭam vā pākāro vā pabbato vā gaccho vā latā vā āvaraṇam rūpānam dassanāya. Ekañce tilaphalam nimittam katvā tilavāhe pakkhipeyya. Taññeva tilaphalam uddhareyya. Evaṁ parisuddham bhagavato pākatikam maṁsacakkhu. Evaṁ bhagavā maṁsacakkhunāpi vivaṭacakku.

Katham bhagavā dibbena cakkhunāpi vivaṭacakku? Bhagavā dibbena cakkhunā visuddhena atikkantamānusakena satte passati cavamāne upapajjamāne hīne pañīte suvaṇṇe dubbaṇṇe sugate duggate. Yathākammūpage satte pajānāti – “ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā ariyānam upavādakā micchādiṭṭhikā micchādiṭṭhikammasamādānā, te kāyassa bhedā param maraṇā apāyam duggatiṁ vinipātam nirayam upapannā. Ime vā pana bhonto sattā kāyasucaritena samannāgatā vacīsucaritena samannāgatā manosucaritena samannāgatā ariyānam anupavādakā sammādiṭṭhikā sammādiṭṭhikammasamādānā, te kāyassa bhedā param maraṇā sugatiṁ saggam lokam upapannā”ti. Iti dibbena cakkhunā visuddhena atikkantamānusakena satte passati cavamāne upapajjamāne hīne pañīte suvaṇṇe dubbaṇṇe sugate duggate; yathākammūpage satte pajānāti. Ākaṅkhamāno ca bhagavā ekampi lokadhātum passeyya, dvepi lokadhātuyo passeyya, tissopi lokadhātuyo passeyya, catassopi lokadhātuyo passeyya, pañcapi lokadhātuyo passeyya, dasapi lokadhātuyo passeyya, vīsampi lokadhātuyo passeyya, tiṁsampi lokadhātuyo passeyya, cattālīsampi lokadhātuyo passeyya, paññāsampi lokadhātuyo passeyya, satampi lokadhātuyo passeyya, sahassimpi cūlanikam lokadhātum passeyya, dvisahassimpi majjhimikam lokadhātum passeyya, tisahassimpi lokadhātum passeyya, mahāsaṁhassimpi [tisahassimpi mahāsaṁhassimpi (sī. ka.)] lokadhātum passeyya. Yāvatakam vā pana ākaṅkheyya tāvatakam passeyya. Evaṁ parisuddham bhagavato dibbacakkhu. Evaṁ bhagavā dibbena cakkhunāpi vivaṭacakku.

Katham bhagavā paññācakkhunāpi vivaṭacakku? Bhagavā mahāpañño puthupañño hāsapañño javanapañño tikkhapañño nibbedhikapañño paññāpabhedakusalo pabbhinnañāno adhigatapaṭisambhido catuvesārajjappatto dasabaladhārī purisāsabho purisāsaho purisanāgo purisājañño purisadhorayho anantañāno anantatejo anantayaso aḍḍho mahaddhano dhanavā netā vinetā anunetā paññāpetā anijjhāpetā pekkhetā paśādetā. So hi bhagavā anuppannassa maggassa uppādetā, asañjātassa maggassa

sañjanetā, anakkhātassa maggassa akkhātā, maggaññū maggavidū maggakovido maggānugā ca pana etarahi sāvakā viharanti pacchā samannāgatā.

So hi bhagavā jānam jānāti passam passati, cakkhubhūto ñāñabhūto dhammabhūto brahmabhūto vattā pavattā athassa ninnetā amatassa dātā dhammassāmī tathāgato. Natthi tassa bhagavato aññātam adittham aviditam asacchikataṁ aphassitam paññāya. Atītam anāgatam paccuppannam [atītāñāgatapaccuppannam (syā.) mahāni. 69] upādāya sabbe dhammā sabbakārena buddhassa bhagavato ñāñamukhe āpātham āgacchanti. Yañ kiñci neyyam nāma atthi jānitabbam [atthi dhammam jānitabbam (sī. ka.)] attattho vā parattho vā ubhayattho vā diṭṭhadhammiko vā attho samparāyiko vā attho uttāno vā attho gambhīro vā attho gūlho vā attho paṭicchanno vā attho neyyo vā attho nīto vā attho anavajjo vā attho nikkilesō vā attho vodāno vā attho paramattho vā attho, sabbam tam [paramattho vā, sabbantam (syā.)] antobuddhañāne parivattati.

Sabbam kāyakammaṁ buddhassa bhagavato ñāñānuparivatti sabbam vacikammaṁ... sabbam manokammaṁ... atīte buddhassa bhagavato appaṭihataṁ ñāñam, anāgate paccuppanne appaṭihataṁ ñāñam. Yāvatakam neyyam tāvatakam ñāñam, yāvatakam ñāñam tāvatakam neyyam; neyyapariyantikam ñāñam ñāñapariyantikam neyyam, neyyam atikkamitvā ñāñam nappavattati, ñāñam atikkamitvā neyyapatho natthi. Aññamaññapariyantaṭṭhāyino te dhammā. Yathā dvinnam samuggapaṭalānam sammāphusitānam hetṭhimam samuggapaṭalam uparimam nātivattati, uparimam samuggapaṭalam hetṭhimam nātivattati, aññamaññapariyantaṭṭhāyino; evameva buddhassa bhagavato neyyañca ñāñāñca aññamaññapariyantaṭṭhāyino. Yāvatakam neyyam tāvatakam ñāñam, yāvatakam ñāñam tāvatakam neyyam; neyyapariyantikam ñāñam ñāñapariyantikam neyyam. Neyyam atikkamitvā ñāñam nappavattati, ñāñam atikkamitvā neyyapatho natthi. Aññamaññapariyantaṭṭhāyino te dhammā.

Sabbadhammesu buddhassa bhagavato ñāñam pavattati. Sabbe dhammā buddhassa bhagavato āvajjanapaṭibaddhā ākañkhapaṭibaddhā manasikārapaṭibaddhā cittuppādapatibaddhā. Sabbasattesu buddhassa bhagavato ñāñam pavattati. Sabbesam sattānam bhagavā āsayam jānāti, anusayam jānāti, caritam jānāti, adhimuttim jānāti, apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye bhabbābhabe satte pajānāti. Sadevako loko samārako sabrahmako sassamaṇabrahmañī pajā sadevamanussā antobuddhañāne parivattati [parivattanti (ka.) pasūrasuttaniddese avasānepi].

Yathā ye keci macchakacchapā antamaso timitimiñgalam upādāya antomahāsamudde parivattanti; evameva sadevako loko samārako sabrahmako sassamaṇabrahmañī pajā sadevamanussā antobuddhañāne parivattati [parivattanti (ka.) pasūrasuttaniddese avasānepi]. Yathā ye keci pakkhī antamaso garuļam venateyyam upādāya ākāsassa padese parivattanti; evameva yepi te sāriputtasamā paññāya tepi buddhañānassa padese parivattanti; buddhañāñam devamanussānam paññam pharitvā abhibhavitvā tiṭṭhati. Yepi te khattiyanapañditā brāhmaṇapañditā gahapatipañditā samaṇapañditā nippuñā kataparappavādā vālavedhirūpā vohhindantā maññe caranti paññāgatena diṭṭhigatāni, te pañham abhisāñkharitvā abhisāñkharitvā tathāgatam upasañkamitvā pucchanti gūlhāni ca paṭicchannāni ca. Kathitā visajjīta ca te pañhā bhagavatā honti niddiṭṭhakāraṇā. Upakkittakā ca te bhagavato sampajjanti. Atha kho bhagavā tattha atirocati yadidañ paññāyāti. Evañ bhagavā paññācakkhunāpi vivaṭacakku.

Katham bhagavā buddhacakkhunāpi vivaṭacakku? Bhagavā buddhacakkhunā lokam volokento addasa satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye appekacce paralokavajjabhayadassāvino viharante, appekacce na paralokavajjabhayadassāvino viharante. Seyyathāpi nāma uppaliñiyam vā paduminiyam vā puñḍarīkiniyam vā appekaccāni uppaliñi vā padumāni vā puñḍarīkāni vā udake jātāni udake samvadḍhāni udakā anuggatāni antonimuggaposīni, appekaccāni uppaliñi vā padumāni vā puñḍarīkāni vā udake jātāni udake samvadḍhāni samodakam ṭhitāni, appekaccāni uppaliñi vā padumāni vā puñḍarīkāni vā udake jātāni udake samvadḍhāni udakā accuggamma tiṭṭhanti anupalittāni udakena;

evameva bhagavā buddhacakkunā lokam volokento addasa satte apparajakkhe mahārajakkhe tikkhindriye mudindriye svākare dvākare suviññāpaye duviññāpaye appekacce paralokavajjabhayadassāvino viharante, appekacce na paralokavajjabhayadassāvino viharante. Jānāti bhagavā – “ayam puggalo rāgacarito, ayam dosacarito, ayam mohacarito, ayam vitakkacarito, ayam saddhācarito, ayam nāñacarito”ti. Rāgacaritassa bhagavā puggalassa asubhakathaṁ katheti; dosacaritassa bhagavā puggalassa mettābhāvanāṁ ācikkhati; mohacaritassa bhagavā puggalassa uddese paripucchāya kālena dhammassavane kālena dhammasākacchāya garusaṁvāse niveseti; vitakkacaritassa bhagavā puggalassa ānāpānassatīṁ ācikkhati; saddhācaritassa bhagavā puggalassa pasādanīyam nimittam ācikkhati buddhasubodhiṁ [buddhasubuddhataṁ (ka.)] dhammasudhammatam saṅghasuppaṭipattiṁ sīlāni ca; attano nāñacaritassa bhagavā puggalassa ācikkhati vipassanānimittam aniccākāram dukkhākāram anattākāram.

“Sele yathā pabbatamuddhaniṭṭhito, yathāpi passe janataṁ samantato;  
Tathūpamaṁ dhammadmayam sumedha, pāsādamāruyha samantacakkhu;  
Sokāvatīṇam janatamapetasoko, avekkhassu jātijarābhībhūta”nti.

Evam bhagavā buddhacakkunāpi vivaṭacakku.

Katham bhagavā samantacakkunāpi vivaṭacakku? **Samantacakkhu** vuccati sabbaññutaññānam. Bhagavā sabbaññutaññena upeto samupeto upagato samupagato upapanno samupapanno samannāgato.

“Na tassa adiṭṭhamidhatthi kiñci, atho aviññātamajānitabbam;  
Sabbaṁ abhiññāsi yadatthi neyyam, tathāgato tena samantacakkhū”ti.

Evam bhagavā samantacakkunāpi vivaṭacakkhūti – akittayi vivaṭacakku.

**Sakkhidhammam parissayavinayanti.** **Sakkhidhammanti** na itihitiham, na itikirāya, na paramparāya, na piṭakasampadāya, na takkahetu, na nayahetu, na ākāraparivitakkena, na diṭṭhinijjhānakkhantiyā sāmaṁ sayamabhiññātam attapaccakkham dhammantī – sakkhidhammam. **Parissayavinayanti.** **Parissayāti** dve parissayā – pākaṭaparissayā ca paṭicchannaparissayā ca. Katame pākaṭaparissayā? Sīhā byagghā dīpī acchā taracchā kokā mahimśā [gomahisā (syā.) mahāni. 5] hatthī ahi vicchikā satapadī, corā vā assu mānavā vā katakammā vā akatakammā vā, cakkhurogo sotarogo ghānarogo jivhārogo kāyarogo sīsarogo kaṇṭharogo mukharogo dantarogo kāso sāso pināso dāho [daho (sī. syā.) mahāni. 5] jaro kucchirogo mucchā pakkhandikā sūlā visūcikā kuṭṭham gaṇḍo kilāso soso apamāro daddu kaṇḍu kacchu rakhasā vitacchikā lohitapittam [lohitam pittam (syā. ka.)] madhumeho aṁśā piṭakā bhagandalā, pittasamuṭṭhāna abādhā semhasamuṭṭhāna abādhā vātasamuṭṭhāna abādhā sannipātikā abādhā utupariṇāmajā abādhā visamaparihārajā abādhā opakkamikā abādhā kammavipākajā abādhā, sītaṁ uṇham jighacchā pipāsa uccāro passāvo ḍamṣamakasavātātapasarīsapasamphassā iti vā – ime vuccanti pākaṭaparissayā.

Katame paṭicchannaparissayā? Kāyaduccaritaṁ vacīduccaritaṁ manoduccaritaṁ kāmacchandanivaraṇam byāpādanīvaraṇam thinamiddhanīvaraṇam uddhaccakukkuccanīvaraṇam vicikicchānīvaraṇam rāgo doso moho kodho upanāho makkho paṭāso issā macchariyam māyā sāṭheyam thambho sārambho māno atimāno mado pamādo, sabbe kilesā sabbe duccaritā sabbe darathā sabbe pariṭāhā sabbe santāpā sabbākusalābhisaṅkhārā – ime vuccanti paṭicchannaparissayā.

**Parissayāti** kenaṭhena parissayā? Parisahantīti parissayā, pārihānya samvattantīti parissayā, tatrāsayāti parissayā. Katham parisahantīti parissayā? Te parissayā tam puggalam sahanti parisahanti abhibhavanti ajjhottaranti paryādiyanti maddanti. Evam parisahantīti – parissayā.

Katham pārihānya samvattantīti parissayā? Te parissayā kusalānam dhāmmānam antarāyāya

parihānāya saṃvattanti. Katamesam kusalānam dhammānam? Sammāpaṭipadāya anulomapaṭipadāya apaccanīkapāṭipadāya aviruddhapaṭipadāya anvatthapaṭipadāya dhammānudhammapaṭipadāya silesu paripūrakāritāya indriyesu guttadvāratāya bhojane mattaññutāya jāgariyānuyogassa satisampajaññassa catunnaṃ satipaṭṭhānānam bhāvanānuyogassa catunnaṃ sammappadhānānam catunnaṃ iddhipādānam pañcannānam indriyānam pañcannānam balānam sattannānam bojjhaṅgānam ariyassa atthaṅgikassa maggassa bhāvanānuyogassa – imesam kusalānam dhammānam antarāyāya parihānāya saṃvattanti. Evampi parihānāya saṃvattantī – parissayā.

Katham tatrāsayāti parissayā? Tatthete pāpakā akusalā dhammā uppajjanti attabhāvasannissayā. Yathā bile bilāsayā pāṇā sayanti, dake dakāsayā pāṇā sayanti, vane vanāsayā pāṇā sayanti, rukkhe rukkhāsayā pāṇā sayanti; evameva tatthete pāpakā akusalā dhammā uppajjanti attabhāvasannissayāti. Evampi tatrāsayāti – parissayā.

Vuttañhetam bhagavatā – “sāntevāsiko, bhikkhave, bhikkhu sācariyako dukkham na phāsu viharati. Kathañca, bhikkhave, bhikkhu sāntevāsiko sācariyako dukkham na phāsu viharati? Idha, bhikkhave, bhikkhuno cakkhunā rūpam disvā uppajjanti pāpakā akusalā dhammā sarasañkappā saññojaniyā, tyassa anto vasanti anvāssavanti pāpakā akusalā dhammāti. Tasmā sāntevāsikoti vuccati. Te nam samudācaranti, samudācaranti [samudācārenti (sī.)] nam pāpakā akusalā dhammāti. Tasmā sācariyakoti vuccati.

“Puna caparam, bhikkhave, bhikkhuno sotena saddam sutvā...pe... ghānena gandham ghāyitvā... jivhāya rasam sāyitvā... kāyena phoṭṭhabbam phusitvā ... manasā dhammam viññāya uppajjanti pāpakā akusalā dhammā sarasañkappā saññojaniyā, tyassa anto vasanti anvāssavanti pāpakā akusalā dhammāti. Tasmā sāntevāsikoti vuccati. Te nam samudācaranti, samudācaranti nam pāpakā akusalā dhammāti. Tasmā sācariyakoti vuccati. Evam kho, bhikkhave, bhikkhu sāntevāsiko sācariyako dukkham na phāsu viharati”ti. Evampi tatrāsayāti – parissayā.

Vuttañhetam bhagavatā – “tayome, bhikkhave, antarāmalā antarāamittā antarāsapattā antarāvadhakā antarāpaccatthikā. Katame tayo? Lobho, bhikkhave, antarāmalo [antarāmalam (sī. ka.) itiv. 88] antarāamitto antarāsapatto antarāvadhako antarāpaccatthiko; doso, bhikkhave...pe... moho, bhikkhave, antarāmalo antarāamitto antarāsapatto antarāvadhako antarāpaccatthiko. Ime kho, bhikkhave, tayo antarāmalā antarāamittā antarāsapattā antarāvadhakā antarāpaccatthikā”ti.

“Anatthajanano lobho, lobho cittappakopano;  
Bhayamantarato jātam, tam janō nāvabujjhati.

“Luddho attham na jānāti, luddho dhammam na passati;  
Andhantamam [andhatamam (syā.) itiv. 88] tadā hoti, yam lobho sahate naram.

“Anatthajanano doso, doso cittappakopano;  
Bhayamantarato jātam, tam janō nāvabujjhati.

“Kuddho attham na jānāti, kuddho dhammam na passati;  
Andhantamam tadā hoti, yam doso sahate naram.

“Anatthajanano moho, moho cittappakopano;  
Bhayamantarato jātam, tam janō nāvabujjhati.

“Mūlho attham na jānāti, mūlho dhammam na passati;  
Andhantamam tadā hoti, yam moho sahate nara”nti.

Evampi tatrāsayāti – parissayā.

Vuttañhetam bhagavatā – “tayo kho, mahārāja, purisassa dhammā aijhattam uppajjamānā uppajjanti ahitāya dukkhāya aphāsuvihārāya. Katame tayo? Lobho kho, mahārāja, purisassa dhammo aijhattam uppajjamānā uppajjati ahitāya dukkhāya aphāsuvihārāya; doso kho, mahārāja...pe... moho kho, mahārāja, purisassa dhammo aijhattam uppajjamānā uppajjati ahitāya dukkhāya aphāsuvihārāya. Ime kho, mahārāja, tayo purisassa dhammā aijhattam uppajjamānā uppajjanti ahitāya dukkhāya aphāsuvihārāya.

“Lobho doso ca moho ca, purisam pāpacetasam;  
Hiṁsanti attasambhūtā, tacasāramva samphala”nti.

Evampi tatrāsayāti – parissayā.

Vuttañhetam bhagavatā –

“Rāgo ca doso ca ito nidānā, aratī ratī lomahaṁso itojā;  
Ito samuṭṭhāya manovitakkā, kumārakā dhaṅkamivossajantī”ti.

Evampi tatrāsayāti – parissayā.

**Parissayavinayanti** parissayavinayam parissayappahānam parissayavūpasamam parissayapaṭinissaggam parissayapaṭipassaddhim amataṁ nibbānanti – sakkhidhammadam parissayavinayam.

**Paṭipadam vadehi bhaddanteti.** Paṭipadam vadehi – sammāpaṭipadam anulomapaṭipadam apaccanīkapaṭipadam aviruddhapaṭipadam anvatthapaṭipadam dhammānudhammapaṭipadam sīlesu paripūrakāritam indriyesu guttadvāratam bhojane mattaññutam jāgariyānuyogam satisampajaññam cattāro satipaṭṭhāne cattāro sammappadhāne cattāro iddhipāde pañcindriyāni pañca balāni satta bojjhange ariyam atṭhaṅgikam maggam nibbānañca nibbānagāminiñca paṭipadam vadehi ācikkha desehi paññapehi paṭṭhapehi vivara vibhaja uttānikarohi pakāsehī – paṭipadam vadehi. **Bhaddanteti** so nimmito buddham bhagavantaṁ ālapati. Atha vā yam tvam dhammam ācikkhasi desesi paññapesi paṭṭhapesi vivari vibhaji uttānakāsi pakāsesi sabbam tam sundaram bhaddakam kalyānam anavajjam sevitabbanti – paṭipadam vadehi bhaddante.

**Pātimokkham** atha vāpi samādhinti. **Pātimokkhanti** sīlam patiṭṭhā ādi caraṇam samyamo samvaro mukham pamukham kusalānam dhammānam samāpattiyā. **Atha vāpi samādhinti** yā cittassa ṭhiti sanṭhitī avaṭṭhitī avisāhāro avikkhepo avisāhatamānasatā samatho samādhindriyam samādhibalam sammāsamādhīti – pātimokkham atha vāpi samādhim.

Tenāha so nimmito –

“Akittayī vivatacakku, sakkhidhammadam parissayavinayam;  
Paṭipadam vadehi bhaddante, pātimokkham atha vāpi samādhī”nti.

**157. Cakkhūhi neva lolassa, gāmakathāya āvaraye sotam;**  
**Rase ca nānugijjheyya, na ca mamāyetha kiñci lokasmim.**

**Cakkhūhi neva lolassāti.** Katham cakkhuloloti? Idhekacco cakkhuloliyena samannāgato hoti – “adiṭṭham dakkhitabbam, diṭṭham samatikkamitabba”nti ārāmena ārāmañ uyyānena uyyānam gāmena gāmañ nigamena nigamam nagarena nagaram raṭṭhena raṭṭham janapadena janapadam dīghacārikam

anavaṭṭhitacārikam [anavatthitacārikam (sī. syā.)] anuyutto ca hoti rūpassa dassanāya. Evampi cakkhulolo hoti.

Atha vā bhikkhu antaragharam paviṭṭho vīthim paṭipanno samvuto gacchati hatthim olokento, assam olokento, rathaṁ olokento, pattiṁ olokento, itthiyo olokento, purise olokento, kumārake olokento, kumārikāyo olokento, antarāpaṇam olokento, ghamukhāni olokento, uddham olokento, adho olokento, disāvidisam vipekkhamāno gacchati. Evampi cakkhulolo hoti.

Atha vā bhikkhu cakkhunā rūpam disvā nimittaggāhī hoti anubyañjanaggāhī. Yatvādhikaraṇamenam cakkhundriyam asamvutam viharantam abhijjhādomanassā pāpakā akusalā dhammā anvāssaveyyum, tassa samvarāya na paṭipajjati, na rakkhati cakkhundriyam, cakkhundriye na samvaram āpajjati. Evampi cakkhulolo hoti.

Yathā vā paneke bhonto samaṇabrahmaṇā saddhādeyyāni bhojanāni bhuñjitvā te evarūpam visūkadassanam anuyuttā viharanti, seyyathidam – naccam gītam vāditam pekkham akkhānam pāṇissaram vetālam kumbhathūnam [kumbhathūnam (sī. syā. ka.)] sobhanakam [sobhanagarakam (sī. syā.)] caṇḍalam vamsam dhovanam hatthiyuddham assayuddham mahimsayuddham [mahisayuddham (sī. syā.)] usabhayuddham ajayuddham meṇdayuddham kukkuṭayuddham vaṭṭakayuddham daṇḍayuddham muṭṭhiyuddham nibbuddham uyyodhikam balaggam senābyūham anīkadassanam iti vā. Evampi cakkhulolo hoti.

Katham na cakkhulolo hoti? Idha bhikkhu antaragharam paviṭṭho vīthim paṭipanno samvuto gacchati na hatthim olokento, na assam olokento, na rathaṁ olokento, na pattiṁ olokento, na itthiyo olokento, na purise olokento, na kumārake olokento, na kumārikāyo olokento, na antarāpaṇam olokento, na ghamukhāni olokento, na uddham olokento, na adho olokento, na disāvidisāvipeckkhamāno gacchati. Evampi na cakkhulolo hoti.

Atha vā bhikkhu cakkhunā rūpam disvā na nimittaggāhī hoti nānubyañjanaggāhī. Yatvādhikaraṇamenam cakkhundriyam asamvutam viharantam abhijjhādomanassā pāpakā akusalā dhammā anvāssaveyyum, tassa samvarāya paṭipajjati, rakkhati cakkhundriyam, cakkhundriye samvaram āpajjati. Evampi na cakkhulolo hoti.

Yathā vā paneke bhonto samaṇabrahmaṇā saddhādeyyāni bhojanāni bhuñjitvā te evarūpam visūkadassanam ananuyuttā viharanti, seyyathidam – naccam gītam vāditam pekkham akkhānam...pe... anīkadassanam iti vā. Evarūpā visūkadassanā paṭivirato hoti. Evampi na cakkhulolo hoti.

**Cakkhūhi neva lolassāti.** Cakkhuloliyam pajaheyya vinodeyya byantim kareyya anabhāvam gameyya, cakkhuloliyā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – cakkhūhi neva lolassa.

**Gāmakathāya āvaraye sotanti.** Gāmakathā vuccati bāttimsa tiracchānakathā, seyyathidam – rājakathā corakathā mahāmattakathā senākathā bhayakathā yuddhakathā annakathā pānakathā vatthakathā yānakathā sayanakathā mālākathā gandhakathā nātikathā gāmakathā nigamakathā nagarakathā janapadakathā itthikathā [itthikathā purisakathā (bahūsu)] sūrakathā visikhākathā kumbhaṭṭhānakathā pubbapetakathā nānattakathā lokakkhāyikā samuddakkhāyikā itibhavābhavakathā iti vā. **Gāmakathāya āvaraye sotanti.** Gāmakathāya sotam āvareyya nivāreyya samvareyya rakkheyya gopeyya pidaheyya pacchindeyyāti – gāmakathāya āvaraye sotam.

**Rase ca nānugijjhēyyāti.** Rase cāti mūlaraso khandharaso tacaraso pattaraso puppharaso phalaraso ambilam madhuram tittakam katukam lonikam khārikam lambikam kasāvo sādu asādu sītam unham. Sanke saṇaṇabrahmaṇā rasagiddhā; te jivhaggena rasaggāni pariyesantā āhiṇḍanti, te ambilam

labhitvā anambilam pariyesanti, anambilam labhitvā ambilam pariyesanti...pe... sītam labhitvā uṇham pariyesanti, uṇham labhitvā sītam pariyesanti. Te yaṁ yaṁ labhitvā tena tena na tussanti, aparāparam pariyesanti, manāpikesu rasesu rattā giddhā gadhitā mucchitā ajjhosannā laggā laggitā palibuddhā. Yassesā rasatañhā pahīnā samucchinnā...pe... nānagginā daḍḍhā, so paṭisaṅkhā yoniso āhāram āhāreti neva davāya...pe... anavajjatā ca phāsuvihāro cāti.

Yathā vaṇam ālimpeyya yāvadeva āruhaṇatthāya [āruhanatthāya (ka.) purābheda-suttaniddese sattamagāthāvaṇṇanāyam], yathā vā pana akkham abbhaṇjeyya yāvadeva bhārassa nittharaṇatthāya, yathā vā puttamaṇsam āhāram āhāreyya yāvadeva kantārassa nittharaṇatthāya; evamevaṁ bhikkhu paṭisaṅkhā yoniso āhāram āhāreti neva davāya...pe... anavajjatā ca phāsuvihāro cāti rasatañham pajaheyya vinodeyya byantiṁ kareyya anabhbāvam gameyya, rasatañhāya ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – rase ca nānugijjhayya.

**Na ca mamāyetha kiñci lokasminti. Mamattāti dve mamattā – tañhāmamattañca**  
**diṭṭhimamattañca ...pe... idam tañhāmamattam...pe... idam diṭṭhimamattam. Tañhāmamattam pahāya**  
**diṭṭhimamattam paṭinissajjivtā cakkhum na mamāyeyya na gaṇheyya na parāmaseyya nābhini-viseyya;**  
**sotam... ghānam... jivham... kāyam... rūpe... sadde... gandhe... rase... phoṭṭhabbe... kulam...**  
**gaṇam... āvāsam... lābham... yasam... pasamsam... sukham... cīvaraṁ... piṇḍapātam... senāsanam...**  
**gilānapaccayabhesajjaparikkhāram... kāmadhātum... rūpadhātum... arūpadhātum... kāmabhavam...**  
**rūpabhavam... arūpabhavam... saññābhavam... asaññābhavam... nevasaññānāsaññābhavam ...**  
**ekavokārabhavam... catuvokārabhavam... pañcavokārabhavam ... atītam... anāgataṁ...**  
**paccuppannam... diṭṭhasutamutaviññātabbe dhamme na mamāyeyya na gaṇheyya na parāmaseyya**  
**nābhini-viseyya. Kiñcīti kiñci rūpagatam vedanāgataṁ saññāgataṁ saṅkhāragataṁ viññāṇagataṁ.**  
**Lokasminti apāyaloke...pe... āyatanaloketi – na ca mamāyetha kiñci lokasmim.**

Tenāha bhagavā –

“Cakkhūhi neva lolassa, gāmakathāya āvaraye sotam;  
Rase ca nānugijjhayya, na ca mamāyetha kiñci lokasmi”’nti.

### 158. Phassena yadā phuṭṭhassa, paridevam bhikkhu na kareyya kuhiñci; Bhavañca nābhijappeyya, bheravesu ca na sampavedheyā.

**Phassena yadā phuṭṭhassāti.** Phassoti rogapasso. Rogaphassena phuṭṭho pareto samohito samannāgato assa; cakkhurogena phuṭṭho pareto samohito samannāgato assa, sotarogena...pe... ghānarogena... jivhārogena... kāyarogena... sīsarogena... kaṇṇarogena... mukharogena... dantarogena... kāsenā... sāsenā... pināsenā... dāhenā... jarena... kucchirogena... mucchāya... pakkhandikāya... sūlāya... visūcikāya... kuṭṭhena... gaṇdenā... kilāsenā... sosena... apamārena... dadduyā... kaṇḍuyā... kacchuyā... rakhasāya... vitacchikāya... lohitena... pittena... madhumehena... amṣāya... piłakāya... bhagandalena... pittasamuṭṭhānena ābādhena... semhasamuṭṭhānena ābādhena... vātasamuṭṭhānena ābādhena... sannipātikena ābādhena... utupariñāmajena ābādhena... visamaparihārajena ābādhena... opakkamikena ābādhena... kammavipākajena ābādhena... sītena... uṇhena... jighacchāya... pipāsāya... uccārena... passāvena... ḍamṣamakasavātātapasarīsapasamphassehi phuṭṭho pareto samohito samannāgato assāti – phassena yadā phuṭṭhassa.

**Paridevam bhikkhu na kareyya kuhiñcīti.** Ādevam paridevam ādevanam paridevanaṁ ādevitattam paridevitattam vācā palāpam vippalāpam lālappam lālappāyanam lālappāyitattam na kareyya na janeyya na sañjaneyya na nibbatteyya nābhini-batteyya. **Kuhiñcīti** kuhiñci kimhici katthaci ajjhattam vā bahiddhā vā ajjhattabahiddhā vāti – paridevam bhikkhu na kareyya kuhiñci.

**Bhavañca nābhijappeyyāti.** Kāmabhavam na jappeyya, rūpabhavam na jappeyya, arūpabhavam na jappeyya na pajappeyya nābhijappeyyāti – bhavañca nābhijappeyya.

**Bheravesu ca na sampavedheyyāti.** Bheravāti ekenākārena bhayampi bheravampi taññeva. Vuttañhetam bhagavatā – “etam nūna tam bhayaṁ bheravam na jahe āgacchatī”ti. Bahiddhārammaṇam vuttañ sīhā byagghā dīpī acchā taracchā kokā mahimṣā assā hatthī ahi vicchikā satapadī, corā vā assu mānavā vā katakammā vā akatakammā vā. Athāparena ākārena bhayaṁ vuccati ajjhattikam cittasamuṭṭhanam bhayaṁ bhayānakam chambhitattam lomahaṁso cetaso ubbegō utrāso, jātibhayam jarābhayaṁ byādhibhayam maraṇabhayaṁ rājabhayam corabhayaṁ aggibhayam udakabhayaṁ attānuvādabhayaṁ parānuvādabhayaṁ daṇḍabhayaṁ duggatibhayam ūmibhayaṁ kumbhīlabhayaṁ āvaṭṭabhayaṁ susukābhayaṁ [sumsukābhayaṁ (syā.)] ājīvikabhayaṁ asilokabhayaṁ parisāya sārajjabhayaṁ madanabhayaṁ duggatibhayam bhayaṁ bhayānakam chambhitattam lomahaṁso cetaso ubbegō utrāso. **Bheravesu ca na sampavedheyyāti** bherave passitvā vā suṇitvā vā na vedheyya na pavedheyya na sampavedheyya na taseyya na uttaseyya na paritaseyya na bhāyeyya na santāsam āpajjeyya, abhīrū assa achambhī anutrāsī apalāyī, pahīnabhayabheravo vigatalomahaṁso vihareyyāti – bheravesu ca na sampavedheyya.

Tenāha bhagavā –

“Phassena yadā phuṭṭhassa, paridevam bhikkhu na kareyya kuhiñci;  
Bhavañca nābhijappeyya, bheravesu ca na sampavedheyyā”ti.

### 159. Annānamatho pānānam, khādanīyānamathopī vatthānam; Laddhā na sannidhim̄ kayirā, na ca parittase tāni alabhamāno.

**Annānamatho pānānam, khādanīyānamathopī vatthānanti.** Annānanti odano kummāso sattu maccho maṁsam. Pānānanti atṭha pānāni – ambapānam, jambupānam, cocapānam, mocapānam, madhupānam, muddikapānam, sālukapānam, phārusakapānam. Aparānipi atṭha pānāni – kosambapānam, kolapānam, badarapānam, ghatapānam, telapānam, payopānam, yāgupānam, rasapānam. Khādanīyānanti piṭṭhakkhajjakam, pūvakhajjakam, mūlakhajjakam, tacakhajjakam, pattakhajjakam, pupphakhajjakam, phalakhajjakam. Vatthānanti cha cīvarāni – khomam, kappāsikam, koseyyam, kambalam, sāṇam, bhaṅganti – annānamatho pānānam khādanīyānamathopī vatthānam.

**Laddhā na sannidhim̄ kayirāti.** Laddhāti laddhā labhitvā adhigantvā vinditvā paṭilabhitvā na kuhanāya, na lapanāya, na nemittikatāya, na nippesikatāya, na lābhena lābham nijigīsanatāya [nijigīmsanatāya (sī. syā.)], na kaṭṭhadānena, na veḍudānena, na pattadānena, na pupphadānena, na phaladānena, na sinānadānena, na cuṇḍadānena, na mattikādānena, na dantakaṭṭhadānena, na mukhodakadānena, na cāṭukamyatāya, na muggasūpyatāya [na muggasuppatāya (sī.), na muggasūpatāya (syā.)], na pāribhaṭayatāya, na pīṭhamaddikatāya [piṭṭhimāmsikatāya (sī.), piṭṭhimaddikatāya (ka.)], na vatthuvijjāya, na tiracchānavijjāya, na aṅgavijjāya, na nakkhattavijjāya, na dūtagamanena, na pahiṇagamanena, na jaṅghapesaniyena, na vejjakammena, na navakammena, na piṇḍapātipiṇḍakena, na dānānuppadānena dhammena samena laddhā labhitvā adhigantvā vinditvā paṭilabhitvāti – laddhā. **Na sannidhim̄ kayirāti** annasannidhim̄ pānasannidhim̄ vatthasannidhim̄ yānasannidhim̄ sayanasannidhim̄ gandhasannidhim̄ āmisasannidhim̄ na kareyya na janeyya na sañjaneyya na nibbatteyya nābhinibbatteyyāti – laddhā na sannidhim̄ kayirā.

**Na ca parittase tāni alabhamānoti.** Annam vā na labhāmi, pānam vā na labhāmi, vattham vā na labhāmi, kulam vā na labhāmi, gaṇam vā na labhāmi, āvāsam vā na labhāmi, lābham vā na labhāmi, yasam vā na labhāmi, pasamsam vā na labhāmi, sukham vā na labhāmi, cīvaraṁ vā na labhāmi, piṇḍapātam vā na labhāmi, senāsanam vā na labhāmi, gilānapaccayabhesajjaparikkhāram vā na labhāmi, gilānupaṭṭhākam vā na labhāmi, “appaññātomhī”ti na taseyya na uttaseyya na parittaseyya na bhāyeyya

na santāsam āpajjeyya, abhīrū assa achambhī anutrāsī apalāyī, pahīnabhayabheravo vigatalomahamso vihareyyāti – na ca parittase tāni alabhamāno.

Tenāha bhagavā –

“Annānamatho pānānam, khādanīyānamathopī vatthānam;  
Laddhā na sannidhiṃ kayirā, na ca parittase tāni alabhamāno”ti.

### **160. Jhāyī na pādalolassa, virame kukkuccā nappamajjeyya; Athāsaneshu sayanesu, appasaddesu bhikkhu vihareyya.**

**Jhāyī na pādalolassāti.** Jhāyīti paṭhamenapi jhānena jhāyī, dutiyenapi jhānena jhāyī, tatiyenapi jhānena jhāyī, catutthenapi jhānena jhāyī, savitakkasavicārenapi jhānena jhāyī, avitakkavivicāramattenapi jhānena jhāyī, avitakkaavicārenapi jhānena jhāyī, sappītikenapi jhānena jhāyī, nippītikenapi jhānena jhāyī, pītisahagatenapi jhānena jhāyī, sātasahagatenapi jhānena jhāyī, sukhasahagatenapi jhānena jhāyī, upekkhāsaḥagatenapi jhānena jhāyī, suññatenapi jhānena jhāyī, animittenapi jhānena jhāyī, appaṇihitenapi jhānena jhāyī, lokiyenapi jhānena jhāyī, lokuttarenapi jhānena jhāyī, jhānarato ekattamanuyutto paramatthagarukoti [sadatthagarukoti (sī. syā.)] – jhāyī.

**Na pādalolassāti.** Katham pādalolo hoti? Idhekacco pādaloliyena samannāgato hoti ārāmena ārāmaṇam uyyānena uyyānam gāmena gāmaṇam nigamena nigamaṇam nagarena nagaram raṭṭhena raṭṭham janapadena janapadaṇam dīghacārikam anavaṭṭhitacārikam anuyutto viharati. Evampi pādalolo hoti.

Atha vā bhikkhu antopisaṅghārāme pādaloliyena samannāgato hoti. Na attahetu na kāraṇahetu uddhato avūpasantacitto pariveṇato pariveṇam gacchatī vihārato vihāram gacchatī adḍhayogato adḍhayogam gacchatī pāsādato pāsādaṇam gacchatī hammiyato hammiyam gacchatī guhāya guhaṇam gacchatī leṇato leṇam gacchatī kuṭito kuṭim gacchatī kūṭagārato kūṭagāram gacchatī atṭato atṭam gacchatī mālato mālam gacchatī uddaṇḍato uddaṇḍam gacchatī upaṭṭhānasālato upaṭṭhānasālaṇam gacchatī maṇḍalamālato maṇḍalamālam gacchatī rukkhamūlato rukkhamūlam gacchatī. Yattha vā pana bhikkhū nisīdanti tahiṇi gacchatī, tattha ekassa vā dutiyo hoti, dvinnam vā tatiyo hoti, tiṇṇam vā catuttho hoti. Tattha bahum samphappalāpam palapati, seyyathidam – rājakatham corakatham mahāmattakatham senākatham bhayakatham yuddhakatham annakatham pānakatham vatthakatham yānakatham sayanakatham mālākatham gandhakatham nātikatham gāmakatham nigamakatham nagarakatham janapadakatham itthikatham sūrakatham visikhākatham kumbhaṭṭhānakatham pubbatetakatham nānattakatham lokakkhāyikam samuddakkhāyikan iti bhavābhavakatham iti vā. Evampi pādalolo hoti.

**Na pādalolassāti.** Pādaloliyam pajaheyya vinodeyya byantim kareyya anabhāvaṇam gameyya, pādaloliyā ārato assa virato paṭivirato nikkhanto nissaṇo vippamutto visaññutto vimariyādikatena cetasā vihareyya careyya vicareyya iriyeyya vatteyya pāleyya yapeyya yāpeyya, paṭisallānārāmo assa paṭisallānarato ajjhattam cetosamathamanuyutto anirākatajjhāno vipassanā samannāgato brūhetā suññāgārānam jhāyī jhānarato ekattamanuyutto paramatthagarukoti – jhāyī na pādalolassa.

**Virame kukkuccā nappamajjeyyāti.** Kukkuccanti hatthakukkuccampi kukkuccam, pādakukkuccampi kukkuccam, hatthapādakukkuccampi kukkuccam, akappiye kappiyasaññitā, kappiye akappiyasaññitā, avajje vajjasaññitā, vajje avajjasaññitā, yam evarūpam kukkuccam kukkuccāyanā kukkuccāyatattam cetaso vippaṭisāro manovilekho – idam vuccati kukkuccam.

Api ca dvīhi kāraṇehi uppajjati kukkuccam cetaso vippaṭisāro manovilekho – katattā ca akatattā ca. Katham katattā ca akatattā ca uppajjati kukkuccam cetaso vippaṭisāro manovilekho? “Kataṁ me kāyaduccaritam, akatam me kāyasucarita”nti uppajjati kukkuccam cetaso vippaṭisāro manovilekho, “katam me vacīduccaritam, akatam me vacīsucarita”nti uppajjati kukkuccam cetaso vippaṭisāro

manovilekho, “kataṁ me manoduccaritam, akataṁ me manosucaritanti...pe... “kato me pāñatipāto, akatā me pāñatipātā veramaṇī”ti uppajjati kukkuccam...pe... manovilekho, “kataṁ me adinnādānam... kato me kāmesumicchācāro... kato me musāvādo... katā me pisuṇavācā... katā me pharusavācā... kato me samphappalāpo... katā me abhijjhā... kato me byāpādo... katā me micchādiṭṭhi, akatā me sammādiṭṭhi”ti uppajjati kukkuccam cetaso vippaṭisāro manovilekho. Evam katattā ca akatattā ca uppajjati kukkuccam cetaso vippaṭisāro manovilekho.

Atha vā “sīlesumhi na paripūrakārī”ti uppajjati kukkuccam cetaso vippaṭisāro manovilekho, “indriyesumhi aguttadvārō”ti...pe... “bhojane amattañnumhī”ti... “jāgariyam ananuyuttomhī”ti... “na satisampajaññena samannāgatomhī”ti... “abhāvitā me cattāro satipaṭṭhānā”ti... “abhāvitā me cattāro sammappadhānā”ti... “abhāvitā me cattāro idhipādā”ti... “abhāvitāni me pañcindriyānī”ti... “abhāvitāni me pañca balānī”ti... “abhāvitā me satta bojjhaṅgā”ti... “abhāvito me ariyo atṭhaṅgiko maggo”ti... “dukkham me apariññāta”nti... “samudayo me appahīno”ti... “maggio me abhāvito”ti... “nirodho me asacchikato”ti uppajjati kukkuccam cetaso vippaṭisāro manovilekho. **Virame kukkuccāti** kukkuccā ārameyya virameyya paṭivirameyya kukkuccam pajaheyya vinodeyya byantim kareyya anabhāvam gameyya. Kukkuccā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – virame kukkuccā.

**Nappamajjeyyāti** sakkaccakārī assa sātaccakārī atṭhitakārī anolīnavuttiko anikkhittacchando anikkhittadhu appamādo kusalesu dhammesu. “Kadāham apariipūram vā sīlakkhandham paripūreyyam, paripūram vā sīlakkhandham tattha tattha paññāya anuggaṇheyya”nti? Yo tattha chando ca vāyāmo ca ussāho ca ussolhī ca thāmo ca appaṭivānī ca sati ca sampajaññañca ātappam padhānam adhiṭṭhānam anuyogo appamādo kusalesu dhammesu. “Kadāham apariipūram vā samādhikkhandham... pe... paññākkhandham... vimuttikkhandham... vimuttiññādassanakkhandham... kadāham apariññātam vā dukkham pariñāneyyam, appahīne vā kilese pajaheyyam, abhāvitam vā maggām bhāveyyam, asacchikataṁ vā nirodham sacchikareyya”nti? Yo tattha chando ca vāyāmo ca ussāho ca ussolhī ca thāmo ca appaṭivānī ca sati ca sampajaññañca ātappam padhānam adhiṭṭhānam anuyogo appamādo kusalesu dhammesūti – virame kukkuccā nappamajjeyya.

**Athāsaneshu sayanesu, appasaddesu bhikkhu vihareyyāti.** Athāti padasandhi...pe... āsanam vuccati yattha nisīdati – mañco pīṭham bhisi taṭṭikā cammakhaṇḍo tinasanthāro paññasanthāro palālasanthāro. Sayanaṁ vuccati senāsanam vihāro adḍhayogo pāsādo hammiyam guhāti – athāsaneshu sayanesu.

**Appasaddesu bhikkhu vihareyyāti.** Appasaddesu appanigghosesu vijanavātesu manussarāhasseyyakesu paṭisallānasāruppesu senāsaneshu careyya vicareyya vihareyya iriyeyya vatteyya pāleyya yapeyya yāpeyyāti – athāsaneshu sayanesu appasaddesu bhikkhu vihareyya.

Tenāha bhagavā –

“Jhāyī na pādalolassa, virame kukkuccā nappamajjeyya;  
Athāsaneshu sayanesu, appasaddesu bhikkhu vihareyyā”ti.

#### **161. Niddam na bahulikareyya, jāgariyam bhajeyya ātāpī; Tandim māyam hassam khiḍdam, methunam vippajahe savibhūsam.**

**Niddam na bahulikareyyāti.** Rattindivam chakoṭṭhāsam kāretvā pañcakoṭṭhāsam paṭipajjeyya ekakoṭṭhāsam nippajjeyyāti – niddam na bahulikareyya.

**Jāgariyam bhajeyya ātāpīti.** Idha bhikkhu divasam cañkamena nisajjāya āvaraṇīyehi dhammehi cittam parisodheyya, rattiya paṭhamam yāmam cankamena nisajjāya āvaraṇīyehi dhammehi cittam

parisodheyya, rattiya majjhimaṁ yāmaṁ dakkhiṇena passena sīhaseyyaṁ kappeyya pādepādaṁ accādhāya sato sampajāno uṭṭhānasaññam manasikaritvā, rattiya pacchimaṁ yāmaṁ paccuṭṭhāya caṅkamena nisajjāya āvaraṇīyehi dhammehi cittaṁ parisodheyya.

**Jāgariyam bhajeyyāti** jāgariyam bhajeyya sambhajeyya seveyya niseveyya samseveyya patiseveyyāti – jāgariyam bhajeyya.

**Ātāpīti.** Ātappam vuccati vīriyam [vīriyam (sī. syā.)]. Yo cetasiko vīriyārambho nikamo parakkamo uyyāmo vāyāmo ussāho ussolhī thāmo ṭhiti asithilaparakkamatā anikkhittacchandatā anikkhittadheratā dhurasampaggaho vīriyam vīriyindriyam vīriyabalam sammāvāyāmo. Iminā ātāpena upeto samupeto upagato samupagato upapanno samupapanno samannāgato so vuccati ātāpīti – jāgariyam bhajeyya ātāpī.

**Tandim māyam hassam khippam, methunam vippajahe savibhūsanti.** **Tandīti** [tandinti (sī.)] tandī tandiyanā tandiyitattam [natthi attadandasuttaniddese khuddakavatthuvibhaṅgepi] tandimanakatā ālasyam ālasyāyanā ālasyāyittam. Māyā vuccati vañcanikā cariyā. Idhekacco kāyena duccaritam caritvā... pe... vācāya manasā duccaritam caritvā tassa paṭicchādanahetu pāpikam iccham paṇidahati. Mā mam jaññāti [jaññūti (ka.)] icchatī, mā mam jaññāti saṅkappeti, mā mam jaññāti vācam bhāsati, mā mam jaññāti kāyena parakkamati. Yā evarūpā māyāvitā accasarā vañcanā nikati nikiraṇā parihaṇaṇā gūhanā parigūhanā chādanā paricchādanā [paṭicchādanā (sī. ka.) mahāniddese] anuttānīkammam anāvikammaṁ vocchādanā pāpakiriyā – ayam vuccati māyā. **Hassanti** idhekacco ativelam dantavidamṣakam hasati. Vuttañhetam bhagavatā – “kumārakamidam, bhikkhave, ariyassa vinaye yadidam ativelam dantavidamṣakam hasita”nti.

**Khippāti** dve khippā – kāyikā ca khippā vācasikā ca khippā. Katamā kāyikā khippā? Hatthīhi kīlanti, assehipi kīlanti, rathehipi kīlanti, dhanūhipi kīlanti, aṭṭhapadehipi kīlanti, dasapadehipi kīlanti, ākāsepi kīlanti, parihārapathepi kīlanti, santikāyapi kīlanti, khalikāyapi kīlanti, ghaṭikāyapi kīlanti, salākahatthenapi kīlanti, akkhenapi kīlanti, pañkacīrenapi kīlanti, vañkakenapi kīlanti, mokkhacikāyapi kīlanti, ciñgulakenapi kīlanti, pattālhakenapi kīlanti, rathakenapi kīlanti, dhanukenapi kīlanti, akkharikāyapi kīlanti, manesikāyapi kīlanti, yathāvajjenapi kīlanti – ayam kāyikā khippā. Katamā vācasikā khippā? Mukhabherikam [mukhabheriyam (syā.)] mukhālambaram mukhaṇḍimakam [mukhadeṇḍimakam (sī. syā.)] mukhavalimakam mukhabherulakam [mukhabherulakam (sī.)] mukhadaddarikam nāṭakam lāpam gītam davakammaṁ – ayam vācasikā khippā.

Methunadhammo nāma yo so asaddhammo gāmadhammo vasaladhammo duṭṭhullo odakantiko rahasso dvayaṁdvayasamāpatti. Kimkāraṇā vuccati methunadhammo? Ubhinnam rattānam sārattānam avassutānam pariyuṭṭhitānam pariyādinnacittānam ubhinnam sadisānam dhammoti, tamkāraṇā vuccati methunadhammo. Yathā ubho kalahakārakā methunakāti vuccanti, ubho bhaṇḍanakārakā... pe... ubho bhassakārakā... ubho adhikaraṇakārakā... ubho vivādakārakā... ubho vādino... ubho sallāpakā methunakāti vuccanti; evameva ubhinnam rattānam sārattānam avassutānam pariyuṭṭhitānam pariyādinnacittānam ubhinnam sadisānam dhammoti, tamkāraṇā vuccati methunadhammo.

**Vibhūsāti** dve vibhūsā – atthi agāriyassa vibhūsā, atthi pabbajitassa vibhūsā. Katamā agāriyassa vibhūsā? Kesā ca massu ca mālā ca gandhā ca vilepanā ca ābharaṇā ca pilandhanā ca vatthañca sayanāsanañca veṭhanañca ucchādanam parimaddanam nhāpanam sambāhanam ādāsam añjanam mālāvilepanam mukhacuṇṇakam mukhalepam hatthabandham sikhābandham [vasikkhābandham (syā.)] daṇḍanāliyam khaggam chattam citrā upāhanā unhīsaṁ maṇīm vālabījaniṁ odātāni vatthāni dīghadasāni iti vā – ayam agāriyassa vibhūsā. Katamā pabbajitassa vibhūsā? Cīvaraṇḍanā pattamaṇḍanā senāsanamaṇḍanā imassa vā pūtikāyassa bāhirānam vā parikkhārānam maṇḍanā vibhūsanā keļanā parikelanā gedhitatā gedhitattam capalatā cāpalyam – ayam pabbajitassa vibhūsā.

**Tandim māyam hassam khipdam, methunam vippajahe savibhūsanti.** Tandiñca māyañca hassañca khipdañca methunadhammañca savibhūsam saparivāram saparibhanḍam saparikkhāram pajaheyya vinodeyya byantim kareyya anabhāvam gameyyāti – tandim māyam hassam khipdam, methunam vippajahe savibhūsam.

Tenāha bhagavā –

“Niddam na bahulikareyya, jāgariyam bhajeyya ātāpī;  
Tandim māyam hassam khipdam, methunam vippajahe savibhūsa”nti.

**162. Āthabbañam supinam lakkhañam, no vidahe athopi nakkhattam;**  
**Virutañca gabbhakarañam, tikitcam māmako na seveyya.**

**Āthabbañam supinam lakkhañam, no vidahe athopi nakkhattanti.** Āthabbañikā āthabbañam payojenti, nagare vā ruddhe [rundhe (ka.)] saṅgāme vā paccupatthite parasenapaccatthikesu paccāmittesu itim uppādenti, upaddavam uppādenti, rogam uppādenti, pajjarakam karonti, sūlam karonti, visūcikam karonti, pakkhandikam karonti. Evam āthabbañikā āthabbañam payojenti.

Supinapāthakā supinam ādisanti, yo pubbañhasamayam supinam passati, evam vipāko hoti. Yo majjhankasamayam [majjhantikasamayam (bahūsu)] supinam passati, evam vipāko hoti. Yo sāyanhasamayam supinam passati, evam vipāko hoti. Yo purime yāme...pe... yo majjhime yāme... yo pacchime yāme... yo dakkhiñena passena nipanno... yo vāmena passena nipanno... yo uttānam nipanno... yo avakujja nipanno... yo candañ passati... yo sūriyam passati... yo mahāsamuddam passati... yo sinerum pabbatarājānam passati... yo hatthim passati... yo assam passati... yo ratham passati... yo pattim passati... yo senābyūham passati... yo ārāmarāmañeyyakam passati... yo vanarāmañeyyakam passati... yo bhūmirāmañeyyakam passati... yo pokkharañirāmañeyyakam [pokkharañirāmañeyyakam (syā.)] passati, evam vipāko hotīti. Evam supinapāthakā supinam ādisanti.

Lakkhañapāthakā lakkhanam ādisanti – mañilakkhañam dañdalakkhañam vatthalakkhañam asilakkhañam usulakkhañam dhanulakkhañam āvudhalakkhañam itthilakkhañam purisalakkhañam kumārikālakkhañam kumāralakkhañam dāsilakkhañam dāsalakkhañam hatthilakkhañam assalakkhañam mahimśalakkhañam usabhalakkhañam goñalakkhañam ajalakkhañam meñdalakkhañam kukkutalakkhañam vatthalakkhañam godhālakkhañam kañnikālakkhañam kacchapalakkhañam migalakkhañam iti vāti. Evam lakkhañapāthakā lakkhañam ādisanti.

Nakkhattapāthakā nakkhattam ādisanti. Aṭṭhavīsati nakkhattāni. Iminā nakkhattena gharappaveso kattabbo, iminā nakkhattena makutam bandhitabbam, iminā nakkhattena vāreyyam kāretabbam, iminā nakkhattena bijāñihāro [bijāñihāro (syā. ka.)] kattabbo, iminā nakkhattena samvāso [gharavāso (syā.)] gantabboti. Evam nakkhattapāthakā nakkhattam ādisanti.

**Āthabbañam supinam lakkhañam, no vidahe athopi nakkhattanti.** Āthabbañica supinañca lakkhañica nakkhattañca no vidaheyya na careyya na samācareyya na samādāya vatteyya. Atha vā na gañheyya na uggañheyya na dhāreyya na upadhāreyya na upalakkheyya nappayojeyyāti – āthabbañam supinam lakkhañam, no vidahe athopi nakkhattam.

**Virutañca gabbhakarañam, tikitcam māmako na seveyyāti.** Virutam vuccati migavākkam. Migavākkapāthakā [migacakkam, migacakkapāthakā (syā.)] migavākkam ādisanti – sakuntānam vā catuppadānam vā rutam [rudam (syā.)] vassitam jānantīti. Evam migavākkapāthakā migavākkam ādisanti. Gabbhakarañyā gabbham sañthāpenti. Dvīhi kārañehi gabbho na sañthāti – pāñakehi vā vātakuppehi vā. Pānakānam vā vātakuppānam vā patighātāya osadham dentīti. Evam gabbhakarañyā gabbham sañthāpenti. **Tikitcam** pañca tikicchā – sālakatiyam, sallakattiyam, kāyatikiccham, bhūtiyam,

komārabhaccam. **Māmakoti** buddhamāmako dhammadāmako saṅghamāmako, so vā bhagavantam mamāyati bhagavā vā tam puggalam pariggaṇhāti. Vuttañhetam bhagavatā – “ye te, bhikkhave, bhikkhū kuhā thaddhā lapā singī unnaṭā asamāhitā na me te, bhikkhave, bhikkhū māmakā, apagatā ca te, bhikkhave, bhikkhū imasmā dhammadvinayā, na ca te bhikkhū imasmiṁ dhammadvinaye vuddhiṁ virūḍhiṁ vepullam āpajjanti. Ye ca kho, bhikkhave, bhikkhū nikkuhā nillapā dhīrā atthaddhā susamāhitā te kho me, bhikkhave, bhikkhū māmakā na ca apagatā te, bhikkhave, bhikkhū imasmā dhammadvinayā, te ca bhikkhū imasmiṁ dhammadvinaye vuddhiṁ virūḍhiṁ vepullam āpajjanti”.

“Kuhā thaddhā lapā siṅgī, unnaṭā asamāhitā;  
Na te dhamme virūhanti, sammāsambuddhadesite.

“Nikkuhā nillapā dhīrā, atthaddhā susamāhitā;  
Te ve dhamme virūhanti, sammāsambuddhadesite”.

**Virutañca gabbhakaraṇam, tikitccham māmako na seveyyāti.** Virutañca gabbhakaraṇañca tikitchañca māmako na seveyya na niseveyya na samseveyya nappaṭiseveyya na careyya na samācareyya na samādāya vatteyya. Atha vā na gaṇheyya na uggaṇheyya na dhāreyya na upadhāreyya na upalakkheyya nappayojeyyāti – virutañca gabbhakaraṇam tikitccham māmako na seveyya.

Tenāha bhagavā –

“Āthabbaṇam supinam lakkhanam, no viduhe athopi nakkhattam;  
Virutañca gabbhakaraṇam, tikitccham māmako na seveyyā”ti.

### 163. Nindāya nappavedheyya, na unnameyya pasāmsito bhikkhu; Lobham saha macchariyena, kodham pesuṇiyañca panudeyya.

**Nindāya nappavedheyyāti.** Idhekacce bhikkhū nindanti jātiyā vā gottena vā kolaputtiyena vā vanṇapokkharatāya vā dhanena vā ajjhena vā kammāyatanena vā sippāyatanena vā vijjāṭṭhānena vā sutena vā paṭibhānena vā aññatarāññatarena vā vatthunā nindanti garahanti upavadanti, nindito garahito upavadito nindāya garahāya upavādena akittiyā avaṇṇahārikāya na vedheyya nappavedheyya na sampavedheyya na taseyya na uttaseyya na paritaseyya na bhāyeyya na santāsam āpajjeyya, abhīrū assa achambhī anutrāsī apalāyī, pahīnabhayabheravo vigatalomahāmso vihareyyāti – nindāya nappavedheyya.

**Na unnameyya pasāmsito bhikkhūti.** Idhekacce bhikkhū pasāmsanti jātiyā vā gottena vā kolaputtiyena vā vanṇapokkharatāya vā dhanena vā ajjhena vā kammāyatanena vā sippāyatanena vā vijjāṭṭhānena vā sutena vā paṭibhānena vā aññatarāññatarena vā vatthunā pasāmsanti thomenti kittenti vanṇenti, pasāmsito thomito kittito vanṇito pasāmsāya thomanena kittiyā vanṇahārikāya unnatim na kareyya unnamam na kareyya mānam na kareyya thambham na kareyya, na tena mānam janeyya na tena thaddho assa pathaddho paggahitasiroti – na unnameyya pasāmsito bhikkhu.

**Lobham saha macchariyena, kodham pesuṇiyañca panudeyyāti.** Lobhoti yo lobho lubbhanā lubbhittattam sārāgo sārajjanā sārajjitattam abhijjhā lobho akusalamūlam. **Macchariyanti** pañca macchariyāni – āvāsamacchariyam...pe... gāho vuccati macchariyam. **Kodhoti** yo cittassa āghāto paṭighāto paṭigham paṭivirodho, kopo pakopo sampakopo, doso padoso sampadoso, cittassa byāpatti manopadoso, kodho kujjhānā kujjhittattam, doso dussanā dussitattam, byāpattim byāpajjanā byāpajjittattam, virodho paṭivirodho caṇḍikkam asuropo anattamanatā cittassa. **Pesuṇñanti** idhekacco pisuṇavāco hoti ito sutvā amutra akkhātā imesam bhedāya, amutra vā sutvā imesam akkhātā amūsam bhedāya. Iti samaggānam vā bhettā bhinnānam vā anuppadātā, vaggārāmo vaggarato vagganandī vaggakaraṇim vācam bhāsitā hoti – idam vuccati pesuṇñam.

Api ca dvīhi kāraṇehi pesuññam upasam̄harati – piyakamyatāya vā bhedādhippāyena vā. Katham̄ piyakamyatāya pesuññam upasam̄harati? Imassa piyo bhavissāmi manāpo bhavissāmi vissāsiko bhavissāmi abbhantariko bhavissāmi suhadayo bhavissāmīti. Evaṁ piyakamyatāya pesuññam upasam̄harati. Katham̄ bhedādhippāyena pesuññam upasam̄harati? Katham̄ ime nānā assu vinā assu vaggā assu dvedhā assu dve pakkhā assu bhijjhelyum na samāgaccheyyum dukkham na phāsu vihareyyunti. Evaṁ bhedādhippāyena pesuññam upasam̄harati. **Lobham̄ saha macchariyena, kodham̄ pesuñiyañca panudeyyāti.** Lobhañca macchariyañca kodhañca pesuññañca nudeyya panudeyya pajaheyya vinodeyya byantim kareyya anabhāvam gameyyāti – lobham̄ saha macchariyena, kodham̄ pesuñiyañca panudeyya.

Tenāha bhagavā –

“Nindāya nappavedheyya, na unnameyya pasam̄sito bhikkhu;  
Lobham̄ saha macchariyena, kodham̄ pesuñiyañca panudeyyā”ti.

#### **164. Kayavikkaye na tiṭṭheyya, upavādaṁ bhikkhu na kareyya kuhiñci; Gāme ca nābhisaṁjeyya, lābhakamyā janam na lapayeyya.**

**Kayavikkaye na tiṭṭheyāti.** Ye kayavikkayā vinaye paṭikkhittā na te imasmiṁ atthe adhippetā. Katham̄ kayavikkaye tiṭṭhati? Pañcannam̄ saddhim̄ pattam̄ vā cīvaraṁ vā aññam̄ vā kiñci parikkhāram̄ vañcaniyam̄ vā karonto udayam̄ vā pathayanto parivatteti. Evaṁ kayavikkaye tiṭṭhati. Katham̄ kayavikkaye na tiṭṭhati? Pañcannam̄ saddhim̄ pattam̄ vā cīvaraṁ vā aññam̄ vā kiñci parikkhāram̄ na vañcaniyam̄ vā karonto na udayam̄ vā pathayanto parivatteti. Evaṁ kayavikkaye na tiṭṭhati.

**Kayavikkaye na tiṭṭheyāti.** Kayavikkaye na tiṭṭheyāna santiṭṭheyā, kayavikkayam̄ pajaheyya vinodeyya byantim kareyya anabhāvam gameyya, kayavikkayā ārato assa virato paṭivirato nikkhanto nissaṭo vippamutto visaññutto vimariyādikatena cetā vihareyyāti – kayavikkaye na tiṭṭheyā.

**Upavādaṁ bhikkhu na kareyya kuhiñcīti.** Katame upavādakarāti kilesā? Santekē samañabrāhmaṇā iddhimanto dibbacakkhukā paracittaviduno, te dūratopi passanti āsannāpi na dissanti cetasāpi cittam̄ pajānanti, devatāpi kho santi iddhimantiniyo dibbacakkhukā paracittaviduniyo, tā dūratopi passanti, āsannāpi na dissanti cetasāpi cittam̄ pajānanti. Te olārikehi vā kilesehi majjhimehi vā kilesehi sukhumehi vā kilesehi upavadeyyum. Katame olārikā kilesā? Kāyaduccaritaṁ vacīduccaritaṁ manoduccaritaṁ – ime vuccanti olārikā kilesā. Katame majjhimā kilesā? Kāmavitakko byāpādavitakko vihiṁsāvitakko – ime vuccanti majjhimā kilesā. Katame sukhumā kilesā? Nātivitakko, janapadavitakko, aparavitakko, parānudayatā paṭisaññutto vitakko, lābhaskārasilokapaṭisaññutto vitakko, anavaññattipaṭisaññutto vitakko – ime vuccanti sukhumā kilesā. Te olārikehi vā kilesehi majjhimehi vā kilesehi sukhumehi vā kilesehi na upavadeyya upavādaṁ na kareyya upavādakare kilese na kareyya na janeyya na sañjaneyya na nibbatteyya nābhinibbatteyya, upavādakare kilese pajaheyya vinodeyya byantim kareyya anabhāvam gameyya, upavādakarehi kilesehi ārato assa virato paṭivirato nikkhanto nissaṭo vippamutto visaññutto vimariyādikatena cetā vihareyya. **Kuhiñcīti** kuhiñci kimhici katthaci ajjhattam̄ vā bahiddhā vā ajjhattabahiddhā vāti – upavādaṁ bhikkhu na kareyya kuhiñci.

**Gāme ca nābhisaṁjeyāti.** Katham̄ gāme sajjati? Idha bhikkhu gāme gihīhi saṁsaṭho viharati sahanandī sahasokī sukhitesu sukhito dukkhitesu dukkhito, uppannesu kiccakaraṇīyesu attanā voyogam̄ āpajjati. Evampi gāme sajjati.

Atha vā bhikkhu pubbañhasamayam nivāsetvā pattacīvaramādāya gāmam vā nigamaṁ vā piṇḍāya pavisati arakkhiteneva kāyena arakkhitāya vācāya arakkhitena cittena anupaṭṭhitāya satiyā asamvuthehi indriyehi. So tatra tatra sajjati tatra tatra gañhāti tatra tatra bajjhāti tatra tatra anayabyasanam̄ āpajjati. Evampi gāme sajjati.

Katham gāme na sajjati? Idha bhikkhu gāme gihīhi asaṁsaṭho viharati na sahanandī na sahasokī na sukhitesu sukhito na dukkhitesu dukkhito, uppannesu kiccakaraṇīyesu na attanā voyogam āpajjati. Evampi gāme na sajjati.

Atha vā bhikkhu pubbañhasamayaṁ nivāsetvā pattacīvaramādāya gāmaṁ vā nigamaṁ vā piṇḍāya pavisati rakkhiteneva kāyena rakkhitāya vācāya rakkhitena cittena upatthitāya satiyā samvutehi indriyehi. So tatra tatra na sajjati tatra tatra na gaṇhāti tatra tatra na bajjhāti tatra tatra na anayabyasanaṁ āpajjati. Evampi gāme na sajjati. **Gāme ca nābhisaṁjeyyātī** gāme na sajjeyya na gaṇheyya na bajjhneyya na palibajjhneyya, agiddho assa agadhito amucchito anajjhosanno vītagedho vigatagedho cattagedho... pe... brahmabhūtena attanā vihareyyātī – gāme ca nābhisaṁjeyya.

**Lābhakamyā janam na lapayeyyātī.** Katamā lapanā? Lābhāsakkārasilo kasannissitassa pāpicchassa icchāpakaṭassā āmisacakkuhukassa lokadhammagarukassa yā paresam ālapanā lapanā sallapanā ullapanā samullapanā unnahanā samunnahanā ukkācanā samukkācanā [ukkāpanā samukkāpanā (syā.)] anupiyabhaṇitā cātukamyatā muggasūpyatā pāribhaṭyatā parapiṭṭhimāṁsikatā [piṭṭhimāṁsikatā (ka.) visuddhimagge sīlaniddesavaṇṇanā oloketabbā], yā tattha saṇhavācatā sakhilavācatā sithilavācatā [mettavācakatā (syā.)] apharusavācatā – ayam vuccati lapanā.

Api ca dvīhi kāraṇehi janam lapati – attānam vā nīcam ṭhapento param uccam ṭhapento janam lapati, attānam vā uccam ṭhapento param nīcam ṭhapento janam lapati. Katham attānam nīcam ṭhapento param uccam ṭhapento janam lapati? “Tumhe me bahūpakārā, aham tumhe nissāya labhāmi cīvara piṇḍapāta senāsanagilānapaccayabhesajjaparikkhāram, yepi me aññe dātum vā kātum vā maññanti, tumhe nissāya tumhe sampassantā yampi me purānam mātāpettikam nāmadheyyam tampi me antarahitam. Tumhehi aham nāyāmi asukassa kulūpako asukāya kulūpako”ti. Evaṁ attānam nīcam ṭhapento param uccam ṭhapento janam lapati.

Katham attānam uccam ṭhapento param nīcam ṭhapento janam lapati? “Aham tumhākam bahūpakāro, tumhe mam āgamma buddham saraṇam gatā, dhammam saraṇam gatā, saṅgham saraṇam gatā, pāṇātipātā paṭiviratā, adinnādānā paṭiviratā, kāmesumicchācārā paṭiviratā, musāvādā paṭiviratā, surāmerayamajjappamādaṭṭhānā paṭiviratā. Aham tumhākam uddesam demi, paripuccham demi, uposatham ācikkhāmi, navakammam adhitthāmi. Atha pana tumhe mam ujjhitvā aññe sakkarotha garum karotha mānetha pūjethā”ti. Evaṁ attānam uccam ṭhapento param nīcam ṭhapento janam lapati.

**Lābhakamyā janam na lapayeyyātī.** Lābhāhetu lābhāpaccayā lābhakāraṇā lābhābhinibbattiya lābhām paripācento janam na lapayeyya, lapanam pajaheyya vinodeyya byantiṁ kareyya anabhāvam gameyya, lapanā ārato assa virato paṭivirato nikkhanto nissaṭo vippamutto visaññutto vimariyādikatena cetā vihareyyātī – lābhakamyā janam na lapayeyya.

Tenāha bhagavā –

“Kayavikkaye na tiṭṭheyā, upavādaṁ bhikkhu na kareyya kuhiñci;  
Gāme ca nābhisaṁjeyya, lābhakamyā janam na lapayeyyā”ti.

**165. Na ca katthiko [katthitā (syā. ka.)] siyā bhikkhu, na ca vācam payuttam bhāseyya;  
Pāgabbhiyan na sikkheyya, katham viggāhikam na kathayeyya.**

**Na ca katthiko siyā bhikkhūti.** Idhekacco katthī hoti vikatthī. So katthati vikatthati ahamasmi sīlasampannoti vā vatasampannoti vā sīlabbatasampannoti vā jātiyā vā gottena vā kolaputtiyena vā vanṇapokkharatāya vā dhanena vā ajjhelenā vā kammāyatanena vā sippāyatanena vā vijjāṭṭhānenā vā sutena vā paṭibhānenā vā aññatarāññatarena vā vatthunā. Uccā kulā pabbajitoti vā mahābhogakulā pabbajitoti vā ulārabhogakulā pabbajitoti vā suttantikoti vā vinayadharoti vā dhammadhikoti vā

āraññikoti vā...pe... nevasaññānāsaññāyatanasamāpattiyā lābhīti vā katthati vikatthati. Evam na kattheyya na vikattheyya, kattham pajaheyya vinodeyya byantiṁ kareyya anabhāvam gameyya, katthanā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – na ca katthiko siyā bhikkhu.

**Na ca vācam payuttam bhāseyyāti.** Katamā payuttavācā? Idhekacco cīvarapayuttam vācam bhāsatī, piṇḍapātāpayuttam vācam bhāsatī, senāsanapayuttam vācam bhāsatī, gilānapaccayabhesajjaparikkhārapayuttam vācam bhāsatī – ayampi vuccati payuttavācā.

Atha vā cīvarahetu piṇḍapātahetu senāsanahetu gilānapaccayabhesajjaparikkhārahetu saccampi bhaṇati musāpi bhaṇati, pisuṇampi bhaṇati apisuṇampi bhaṇati, pharusampi bhaṇati apharusampi bhaṇati, samphappalāpampi bhaṇati asamphappalāpampi bhaṇati, mantāpi vācam bhāsatī – ayampi vuccati payuttavācā. Atha vā pasannacitto paresam dhammam deseti – “aho vata me dhammam suṇeyyūm, sutvāva dhammam pasīdeyyūm, pasannā ca me pasannākāram kareyyu”nti – ayam vuccati payuttavācā. **Na ca vācam payuttam bhāseyyāti.** Antamaso dhammadesanam vācam upādāya payuttavācam na bhāseyya na kattheyya na bhaṇeyya na dīpeyya na vohareyya, payuttam vācam pajaheyya vinodeyya byantiṁ kareyya anabhāvam gameyya, payuttavācāya ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – na ca vācam payuttam bhāseyya.

**Pāgabbhiyam na sikkheyāti.** **Pāgabbhiyanti** tīṇi pāgabbhiyāni – kāyikam pāgabbhiyam, vācasikam pāgabbhiyam, cetasikam pāgabbhiyam. Katamam kāyikam pāgabbhiyam? Idhekacco saṅghagatopi kāyikam pāgabbhiyam dasseti, gaṇagatopi kāyikam pāgabbhiyam dasseti, bhojanasālāyapi kāyikam pāgabbhiyam dasseti, jantāgharepi kāyikam pāgabbhiyam dasseti, udakatitthepi kāyikam pāgabbhiyam dasseti, antaragharam pavasantopi kāyikam pāgabbhiyam dasseti, antaragharam paviṭṭhopi kāyikam pāgabbhiyam dasseti.

Katham saṅghagato kāyikam pāgabbhiyam dasseti? Idhekacco saṅghagato acittikārakato there bhikkhū ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsam pārupitvā nisīdati, ṭhitakopi bhaṇati, bāhāvikkhepakopi bhaṇati. Evam saṅghagato kāyikam pāgabbhiyam dasseti.

Katham gaṇagato kāyikam pāgabbhiyam dasseti? Idhekacco gaṇagato acittikārakato therānam bhikkhūnaṁ anupāhanānam caṅkamantānam saupāhano caṅkamati, nīce caṅkame caṅkamantānam ucce caṅkame caṅkamati, chamāya caṅkamantānam caṅkame caṅkamati, ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsam pārupitvā nisīdati, ṭhitoppi bhaṇati, bāhāvikkhepakopi bhaṇati. Evam gaṇagato kāyikam pāgabbhiyam dasseti.

Katham bhojanasālāya kāyikam pāgabbhiyam dasseti? Idhekacco bhojanasālāya acittikārakato there bhikkhū anupakhajja nisīdati, navepi bhikkhū āsanena paṭibāhati, ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, sasīsam pārupitvā nisīdati, ṭhitakopi bhaṇati, bāhāvikkhepakopi bhaṇati. Evam bhojanasālāya kāyikam pāgabbhiyam dasseti.

Katham jantāghare kāyikam pāgabbhiyam dasseti? Idhekacco jantāghare acittikārakato there bhikkhū ghaṭṭayantopi tiṭṭhati, ghaṭṭayantopi nisīdati, puratopi tiṭṭhati, puratopi nisīdati, uccepi āsane nisīdati, anāpucchāpi kattham pakkhipati, anāpucchāpi dvāram pidahati. Evam jantāghare kāyikam pāgabbhiyam dasseti.

Katham udakatitthe kāyikam pāgabbhiyam dasseti? Idhekacco udakatitthe acittikārakato there bhikkhū ghaṭṭayantopi otarati, puratopi otarati, ghaṭṭayantopi nhāyati, puratopi nhāyati, uparitopi

nhāyati, ghaṭayantopi uttarati, puratopi uttarati. Evam udakatitthe kāyikam pāgabbhiyam dasseti.

Katham antaragharam pavisanto kāyikam pāgabbhiyam dasseti? Idhekacco antaragharam pavisanto acittikārakato there bhikkhū ghaṭayantopi gacchatī, puratopi gacchatī, vokkammapi therānam bhikkhūnam purato gacchatī. Evam antaragharam pavisanto kāyikam pāgabbhiyam dasseti.

Katham antaragharam paviṭṭho kāyikam pāgabbhiyam dasseti? Idhekacco antaragharam paviṭṭho “na pavisa, bhante”ti vuccamāno pavisati, “na tiṭṭha, bhante”ti vuccamāno tiṭṭhati, “na nisīda, bhante”ti vuccamāno nisīdati, anokāsampi pavisati, anokāsepi tiṭṭhati, anokāsepi nisīdati, yānipi tāni honti kulānam ovarakāni gūlhāni ca paṭicchannāni ca, yattha kulitthiyo kuladhītaro kulasuṇhāyo kulakumāriyo nisīdanti tatthapi sahasā pavisati, kumārakassa sīsampi parāmasati. Evam antaragharam paviṭṭho kāyikam pāgabbhiyam dasseti – idam kāyikam pāgabbhiyam.

Katamañ vācasikam pāgabbhiyam? Idhekacco saṅghagatopi vācasikam pāgabbhiyam dasseti, gaṇagatopi vācasikam pāgabbhiyam dasseti, antaragharam paviṭṭhopi vācasikam pāgabbhiyam dasseti. Katham saṅghagato vācasikam pāgabbhiyam dasseti? Idhekacco saṅghagato acittikārakato there bhikkhū anāpuccham vā anajjhīṭho vā ārāmagatānam bhikkhūnam dhammam bhaṇati, pañham visajjeti, pātimokkham uddisati, ṭhitakopi bhaṇati, bāhāvikkhepakopi bhaṇati. Evam saṅghagato vācasikam pāgabbhiyam dasseti.

Katham gaṇagato vācasikam pāgabbhiyam dasseti? Idhekacco gaṇagato acittikārakato there bhikkhū anāpuccham vā anajjhīṭho vā ārāmagatānam bhikkhūnam dhammam bhaṇati, pañham visajjeti, ṭhitakopi bhaṇati, bāhāvikkhepakopi bhaṇati; ārāmagatānam bhikkhūnam upāsakānam upāsikānam dhammam bhaṇati, pañham visajjeti, ṭhitakopi bhaṇati, bāhāvikkhepakopi bhaṇati. Evam gaṇagato vācasikam pāgabbhiyam dasseti.

Katham antaragharam paviṭṭho vācasikam pāgabbhiyam dasseti? Idhekacco antaragharam paviṭṭho itthim vā kumārim vā evamāha – “itthannāme itthamgotte kiṁ atthi? Yāgu atthi, bhattam atthi, khādanīyam atthi? Kiṁ pivissāma, kiṁ bhuñjissāma, kiṁ khādissāma, kiṁ vā atthi, kiṁ vā me dassathā”ti vippalapati. Evam antaragharam paviṭṭho vācasikam pāgabbhiyam dasseti – idam vācasikam pāgabbhiyam.

Katamañ cetasikam pāgabbhiyam? Idhekacco na uccā kulā pabbajito samāno uccā kulā pabbajitena saddhim sadisam attānam karoti cittena, na mahābhogakulā pabbajito samāno mahābhogakulā pabbajitena saddhim sadisam attānam karoti cittena, na ulārabhogakulā pabbajito samāno ulārabhogakulā pabbajitena saddhim sadisam attānam karoti cittena, na suttantiko samāno suttantikena saddhim sadisam attānam karoti cittena, na vinayadharo samāno vinayadharena... na dhammakathiko samāno dhammakathikena... na āraññiko samāno āraññakena... na piṇḍapātiko samāno piṇḍapātikena... na paṃsukūliko samāno paṃsukūlikena... na tecīvariko samāno tecīvarakena... na sapadānacāriko samāno sapadānacāriken... na khalupacchābhāttiko samāno khalupacchābhāttikena... na nesajjiko samāno nesaññiken... na yathāsanthatikko samāno yathāsanthatikena saddhim sadisam attānam karoti cittena, na paṭhamassa jhānassa lābhī samāno paṭhamassa jhānassa lābhīnā saddhim sadisam attānam karoti cittena, na dutiyassa jhānassa lābhī samāno dutiyassa... na tatiyassa jhānassa lābhī samāno tatiyassa... na catutthassa jhānassa lābhī samāno lābhī samāno catutthassa... na ākāsānañcāyatana samāpattiya lābhī samāno ākāsānañcāyatana samāpattiya... na viññānañcāyatana samāpattiya lābhī samāno viññānañcāyatana samāpattiya... na ākiñcaññāyatana samāpattiya lābhī samāno ākiñcaññāyatana samāpattiya... na nevasaññānaññāyatana samāpattiya lābhī samāno nevasaññānaññāyatana samāpattiya lābhīnā saddhim sadisam attānam karoti cittena – idam cetasikam pāgabbhiyam. Na sikkheyāti pāgabbhiyam na sikkheyā na careyyā na ācareyyā na samācareyyā na samādāya vatteyya, pāgabbhiyam pajaheyya vinodeyya byantiṁ kareyya anabhāvam gameyya, pāgabbhiyā ārato assa virato paṭivirato nikkhanto

nissaṭo vippamutto visaññutto vimariyādikatena cetasā vihareyyāti – pāgabbhiyam na sikkheyya.

**Katham viggāhikam na kathayeyyāti.** Katamā viggāhikā kathā? Idhekacco evarūpiṇḍ katham kattā hoti – “na tvaṇ imam dhammadvinayaṇ ājānasi...pe... nibbethehi vā sace pahosi”’ti. Vuttañhetam bhagavatā – “viggāhikāya kho, mogallāna, kathāya sati kathābāhullam pātikāñkham, kathābāhulle sati uddhaccaṇ, uddhatassa asamvaro, asamvutassa ārā cittam samādhimhā”’ti. **Katham viggāhikam na kathayeyyāti.** Viggāhikam katham na kathayya na bhaṇeyya na dīpeyya na vohareyya, viggāhikam katham pajaheyya vinodeyya byantim kareyya anabhāvam gameyya, viggāhikakathāya ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – katham viggāhikam na kathayeyya.

Tenāha bhagavā –

“Na ca katthiko siyā bhikkhu, na ca vācaṇ payuttaṇ bhāseyya;  
Pāgabbhiyam na sikkheyya, katham viggāhikam na kathayeyyā”’ti.

#### 166. Mosavajje na niyyetha, sampajāno saṭhāni na kayirā; Atha jīvitena paññāya, sīlabbatena nāññamatimaññe.

**Mosavajje na niyyethāti.** Mosavajjam vuccati musāvādo. Idhekacco sabhaggato [sabhāgaggato (sī. ka.)] vā parisaggato [parisagato (sī. ka.)] vā...pe... āmisakiñcikkhahetu vā sampajānamusā bhāsitā hoti – idam vuccati mosavajjam. Api ca tīhākārehi musāvādo hoti – pubbevassa hoti “musā bhaṇissa”’nti, bhaṇantassa hoti “musā bhaṇāmī”’ti, bhaṇitassa hoti “musā mayā bhaṇita”’nti, imehi tīhākārehi musāvādo hoti. Api ca catūhākārehi... pañcahākārehi... chahākārehi... sattahākārehi... aṭṭhahākārehi... musāvādo hoti – pubbevassa hoti “musā bhaṇissa”’nti, bhaṇantassa hoti “musā bhaṇāmī”’ti, bhaṇitassa hoti “musā mayā bhaṇita”’nti vinidhāya diṭṭhim vinidhāya khantiṇ vinidhāya ruciṇ vinidhāya saññam vinidhāya bhāvam – imehi aṭṭhahākārehi musāvādo hoti. **Mosavajje na niyyethāti.** Mosavajje na yāyeyya na niyyāyeyya na vaheyya [na vuyheyya (sī. ka.), natthi syā, potthake] na saṃhareyya, mosavajjam pajaheyya vinodeyya byantim kareyya anabhāvam gameyya, mosavajjā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – mosavajje na niyyetha.

**Sampajāno saṭhāni na kayirāti.** Katamaṇ sāṭheyyaṇ? Idhekacco saṭho hoti parisaṭho, yam tattha saṭham saṭhatā sāṭheyyaṇ kakkaratā kakkariyam parikkhattatā pārikkhattiyam – idam vuccati sāṭheyyaṇ. **Sampajāno saṭhāni na kayirāti.** Sampajāno hutvā sāṭheyyaṇ na kareyya na janeyya na sañjaneyya na nibbatteyya nābhinibbatteyya, sāṭheyyaṇ pajaheyya vinodeyya byantim kareyya anabhāvam gameyya, sāṭheyyā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – sampajāno saṭhāni na kayirā.

**Atha jīvitena paññāya, sīlabbatena nāññamatimaññeti.** Athāti padasandhi...pe... padānupubbatāpetam – athāti. Idhekacco lūkhajīvitam jīvanto param pañṭajīvitam jīvantam atimaññati – “kim panāyam bahulājīvo sabbam saṃbhakkheti, seyyathidam – mūlabījām khandhabījām phaṭubījām aggabījām bījabījameva pañcamam asanivicakkadantakūṭasamaṇappadhānenā”’ti [asanīva cakkam dantakūṭam samaṇappadhānenāti (sī.)]. So tāya lūkhajīvitāya param pañṭajīvitam jīvantam atimaññati.

Idhekacco pañṭajīvitam jīvanto param lūkhajīvitam jīvantam atimaññati – “kim panāyam appapuñño appesakkho na lābhī cīvaraṇipñḍapātāsenāsanagilānapaccayabhesajjaparikkhārāna”’nti. So tāya pañṭajīvitāya param lūkhajīvitam jīvantam atimaññati. Idhekacco paññāsampanno hoti. So puṭṭho paññam visajjeti. Tassa evam hoti – “ahamasmi paññāsampanno, ime panaññe na paññāsampannā”’ti. So tāya paññāsampannāya param atimaññati. Idhekacco sīlasampanno hoti, pātimokkhasaṃvarasamvuto viharati ācāragocarasampanno, aṇumattesu vajjesu bhayadassāvī, samādāya sikkhati sikkhāpadesu.

Tassa evam hoti – “ahamasmi sīlasampanno, ime panaññe bhikkhū dussīlā pāpadhammā”ti. So tāya sīlasampadāya param atimaññati. Idhekacco vatasampanno hoti āraññiko vā piñçapātiko vā pañcukūliko vā tecīvariko vā sapadānacāriko vā khalupacchābhāttiko vā nesajjiko vā yathāsanthatiko vā. Tassa evam hoti – “ahamasmi vata sampanno, ime panaññe na vatasampannā”ti. So tāya vatasampadāya param atimaññati. **Atha jīvitena paññāya, sīlabbatena nāññamatimaññeti.** Lūkhajīvitāya vā paññāsampadāya vā sīlasampadāya vā vatasampadāya vā param nātimaññeyya, nāvajāneyya, na tena mānam janeyya, na tena thaddho assa, patthaddho paggahitasiroti – atha jīvitena paññāya sīlabbatena nāññamatimaññē.

Tenāha bhagavā –

“Mosavajje na niyyetha, sampajāno sathāni na kayirā;  
Atha jīvitena paññāya, sīlabbatena nāññamatimaññē”ti.

**167. Sutvā rusito [dūsito (sī. syā.)] bahum vācam, samañānam vā puthujanānam [puthuvacanānam (sī. syā.)];  
Pharusena ne na pañvajjā, na hi santo pañsenim karonti [pañseni karoti (syā.)].**

**Sutvā rusito bahum vācam, samañānam puthujanānanti.** Rusitoti dūsito khumsito ghaṭṭito vambhito garahito upavadito. **Samañānanti** ye keci ito bahiddhā paribbjāpagatā paribbajasamāpannā. **Puthujanānanti** khattiya ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca, te bahukāhi vācahi aniṭṭhāhi akantāhi amanāpāhi akkoseyyum paribhāseyyum roseyyum viroseyyum himseyyum vihimseyyum heṭheyum viheṭheyum ghāteyyum upaghāteyyum upaghātam kareyyum tesam bahum vācam aniṭṭham akantaṁ amanāpam sutvā suṇitvā uggahitvā upadhārayitvā upalakkhayitvāti – sutvā rusito bahum vācam, samañānam vā puthujanānam.

**Pharusena ne na pañvajjāti.** Pharuseṇāti pharusena kakkhalena na pañvajjā nappañibhaṇeyya, akkosantam na paccakkoseyya, rosantam nappañiroseyya, bhañdanam nappañibhaṇdeyya na kalahañ kareyya na bhañdanam kareyya na viggaham kareyya na vivādam kareyya na medhagam kareyya, kalahabhañdanaviggahavivādamedhagam pajaheyya vinodeyya byantim kareyya anabhāvam gameyya, kalahabhañdanaviggahavivādamedhagā ārato assa virato pañvirato nikkhanto nissañ vippamutto visaññutto vimariyādikatena cetasā vihareyyāti – pharusena ne na pañvajjā.

**Na hi santo pañsenim karontīti.** Santoti rāgassa santattā santo, dosassa... mohassa... kodhassa... upanāhassa...pe... sabbākusalābhisaṅkhārānam santattā samitattā vūpasamitattā vijjhātattā nibbutattā vigatattā pañipassaddhattā santo upasanto vūpasanto nibbuto pañipassaddhoti – santo. **Na hi santo pañsenim karontīti.** Santo pañsenim pañimallam pañikañṭakam [pañibandhanam (sī.)] pañipakkham na karonti na janenti na sañjanenti na nibbattenti nābhinibbattentīti – na hi santo pañsenim karonti.

Tenāha bhagavā –

“Sutvā rusito bahum vācam, samañānam vā puthujanānam;  
Pharusena ne na pañvajjā, na hi santo pañsenim karontī”ti.

**168. Etañca dhammadamaññāya, vicinam bhikkhu sadā sato sikkhe;**  
**Santīti nibbutim ñatvā, sāsane gotamassa nappamajjeyya.**

**Etañca dhammadamaññāyāti.** Etanti ācikkhitam desitam paññapitam paññhapitam vivaṭam vibhuttam uttānīkataṁ pakāsitaṁ dhammadam aññāya jānitvā tulayitvā tīrayitvā vibhāvayitvā vibhūtam katvāti. Evampi etañca dhammadamaññāya. Atha vā samañca visamañca pathañca vipathañca sāvajjañca anavajjañca hīnañca paññitañca kañhañca sukkañca viññūgarahitañca viññūpasatthañca dhammadam

aññāya jānitvā tulayitvā tīrayitvā vibhāvayitvā vibhūtam̄ katvāti. Evampi etañca dhammadmaññāya. Atha vā sammāpañipadam̄ anulomapañipadam̄ apaccanikapañipadam̄ aviruddhapañipadam̄ anvatthapañipadam̄ dhammānudhammapañipadam̄ silesu paripūrakāritam̄ indriyesu guttadvāratam̄ bhojane mattaññutam̄ jāgariyānuyogam̄ satisampajaññam̄, cattāro satipañthāne cattāro sammappadhāne cattāro iddhipāde pañcindriyāni pañca balāni satta bojjhañge ariyam̄ atthañgikam̄ maggam̄, nibbānañca nibbānagāminiñca pañipadam̄ dhammagam̄ aññāya jānitvā tulayitvā tīrayitvā vibhāvayitvā vibhūtam̄ katvāti. Evampi tañca dhammadmaññāya.

**Vicinam̄ bhikkhu sadā sato sikkheti.** Vicinanti vicinanto pavicinanto tulayanto tīrayanto vibhāvayanto vibhūtam̄ karonto. “Sabbe sañkhārā aniccā”ti...pe... “yam̄ kiñci samudayadhammagam̄ sabbam̄ tam̄ nirodhadhamma”nti vicinanto pavicinanto tulayanto tīrayanto vibhāvayanto vibhūtam̄ karontoti – vicinam̄ bhikkhu. **Sadāti** sadā sabbadā sabbakālam...pe... pacchime vayokhandhe. **Satoti** catūhi kārañehi sato – kāye kāyānupassanāsatipañthānam̄ bhāvento sato...pe... so vuccati sato. **Sikkheti** tisso sikkhāyo – adhisīlasikkhā, adhicittasikkhā, adhipaññāsikkhā...pe... ayam̄ adhipaññāsikkhā. Imā tisso sikkhāyo āvajjanto sikkhey...pe... sikkhey...ācareyya samācareyya samādāya vatteyyāti – vicinam̄ bhikkhu sadā sato sikkhe.

**Santīti nibbutim̄ ñatvāti.** Rāgassa nibbutim̄ santīti ñatvā, dosassa... mohassa...pe... sabbākusalābhisañkhārānam̄ nibbutim̄ santīti ñatvā jānitvā tulayitvā tīrayitvā vibhāvayitvā vibhūtam̄ katvāti – santīti nibbutim̄ ñatvā.

**Sāsane gotamassa nappamajjeyyāti.** Gotamassa sāsane buddhasāsane jinasāsane tathāgatasāsane devasāsane arahantasāsane. **Nappamajjeyyāti** sakkaccakārī assa sātaccakārī atthitakārī anolīnavuttiko anikkhittacchando anikkhittadhuoro kusalesu dhammesu. “Kadāham̄ aparipūram̄ vā sīlakkhandham̄ paripūreyyam...pe... aparipūram̄ vā samādhikkhandham̄... paññākkhandham̄... vimuttikkhandham̄... vimuttiññādassanakkhandham̄? Kadāham̄ apariññātam̄ vā dukkham̄ parijāneyyam̄, appahīne vā kilese pajaheyyam̄, abhāvitam̄ vā maggam̄ bhāveyyam̄, asacchikataam̄ vā nirodhām̄ sacchikareyya”nti? Yo tattha chando ca vāyāmo ca ussāho ca ussoñhī ca thāmo ca appatīvānī ca sati ca sampajaññañca ātappam̄ padhānam̄ adhiñthānam̄ anuyogo appamādo kusalesu dhammesūti – sāsane gotamassa nappamajjeyya.

Tenāha bhagavā –

“Etañca dhammadmaññāya, vicinam̄ bhikkhu sadā sato sikkhe; Santīti nibbutim̄ ñatvā, sāsane gotamassa nappamajjeyyā”ti.

**169. Abhibhū hi so anabhibhūto, sakkhidhammanītihamaddasi;**  
**Tasmā hi tassa bhagavato sāsane, appamatto sadā namassamanusikkhe.**[iti bhagavā]

**Abhibhū hi so anabhibhūtoti.** Abhibhūti rūpābhibhū [abhibhūtarūpā (syā.) evamaññesu pañcapadesupi] saddābhibhū gandhābhibhū rasābhibhū phoñhabbābhibhū dhammābhibhū, anabhibhūto kehici kilesehi, abhibhosī ne pāpake [abhibhū hi ne hīne pāpake (sī. ka.), abhibhū hi pāpake (syā.)] akusale dhamme sañkilesike ponobhavike sadare dukkhavipāke āyatim̄ jātijarāmarañyeti – abhibhū hi so anabhibhūto.

**Sakkhidhammanītihamaddasīti.** Sakkhidhammantī na itihitiham̄ na itikiriyāya na paramparāya na piñkasampadāya na takkahetu na nayahetu na ākāraparavittakenna na diñhiniñjhānakkhantiyā sāmañ sayamabhiññātam̄ attapaccakkhadhammagam̄ addasi addakkhi apassi pañtivijjhīti – sakkhidhammanītihamaddasi.

**Tasmā hi tassa bhagavato sāsaneti.** Tasmāti tasmā tamkārañā tamhetu tappaccayā tamnidānā.  
**Tassa bhagavato sāsaneti.** Tassa bhagavato sāsane gotamasāsane buddhasāsane jinasāsane

tathāgatasāsane devasāsane arahantasāsaneti – tasmā tassa bhagavato sāsane.

**Appamatto sadā namassamanusikkhe (iti bhagavā)ti.** Appamattoti sakkaccakārī...pe... appamādo kusalesu dhammesu. **Sadāti** sadā sabbakālam...pe... pacchime vayokhandhe. **Namassanti** kāyena vā namassamāno vācāya vā namassamāno cittena vā namassamāno anvatthapaṭipattiyā vā namassamāno dhammānudhammapaṭipattiyā vā namassamāno sakkurumāno garukurumāno [sakkāramāno garukāramāno (syā.)] mānayamāno pūjayamāno apacayamāno. **Anusikkheti** tisso sikkhāyo – adhisīlasikkhā, adhicitasikkhā, adhipaññāsikkhā...pe... ayam adhipaññāsikkhā. Imā tisso sikkhāyo āvajjanto sikkheyya...pe... sacchikātabbam sacchikaronto sikkheyya careyya ācareyya samācareyya samādāya vatteyya. **Bhagavāti** gāravādhivacanam...pe... sacchikā paññatti yadidaṁ bhagavāti – appamatto sadā namassamanusikkhe. (Iti bhagavā).

Tenāha bhagavā –

“Abhibhū hi so anabhibhūto, sakkhidhammadmanītihamaddasi;  
Tasmā hi tassa bhagavato sāsane, appamatto sadā namassamanusikkhe”. [iti bhagavāti]

Tuvaṭṭakasuttaniddeso [tuvaṭṭakasuttaniddeso (sī. syā.) suttanipātepī] cuddasamo.

## 15. Attadaṇḍasuttaniddeso

Atha attadaṇḍasuttaniddesam vakkhati –

**170. Attadaṇḍā bhayam jātam, janam passatha medhagam;**  
**Samvegam kittayissāmi, yathā samvijitam mayā.**

**Attadaṇḍā bhayam jātanti.** Dandāti tayo dandā – kāyadando, vacīdaṇḍo, manodaṇḍo. Tividham kāyaduccaritam kāyadando, catubbidham vacīduccaritam vacīdaṇḍo, tividham manoduuccaritam manodaṇḍo. **Bhayanti** dve bhayāni – diṭṭhadhammikañca bhayam samparāyikañca bhayam. Katamam diṭṭhadhammikam bhayam? Idhekacco kāyena duccaritam carati, vācāya duccaritam carati, manasā duccaritam carati, pāṇampi hanati, adinnampi ādiyati, sandhimpi chindati, nillopampi harati, ekāgārikampi karoti, paripanthepi tiṭṭhati, paradārampi gacchatī, musāpi bhaṇati. Tamenam gahetvā rañño dassenti – “ayam, deva, coro āgucārī. Imassa yaṁ icchasi tam daṇḍam pañehī”ti. Tamenam rājā paribhāsatī. So paribhāsapaccayā bhayampi uppādeti, dukkham domanassam [dukkhadomanassam (syā.)] paṭisamvvedeti. Etam bhayam dukkham domanassam kuto tassa? Attadaṇḍato jātam sañjātam nibbattam abhinibbattam pātubhūtam.

Ettakenapi rājā na tussati. Tamenam rājā bandhāpeti andubandhanena vā rajjubandhanena vā saṅkhaliibandhanena vā vettabandhanena vā latābandhanena vā pakkhepabandhanena vā [pekkhabandhanena vā (syā.)] parikkhepabandhanena vā gāmabandhanena vā nigamabandhanena vā nagarabandhanena vā ratṭhabandhanena vā janapadabandhanena vā antamaso savacanīyampi karoti – “na te labbhā ito pakkamitu”nti. So bandhanapaccayāpi dukkham domanassam paṭisamvvedeti. Etam bhayam dukkham domanassam kuto tassa? Attadaṇḍato jātam sañjātam nibbattam abhinibbattam pātubhūtam.

Ettakenapi rājā na tussati. Rājā tassa dhanam āharāpeti – satam vā sahassam vā satasahassam vā. So dhanajānipaccayāpi dukkham domanassam paṭisamvvedeti. Etam bhayam dukkham domanassam kuto tassa? Attadaṇḍato jātam sañjātam nibbattam abhinibbattam pātubhūtam.

Ettakenapi rājā na tussati. Tamenam rājā vividhā kammakāraṇā kārāpeti – kasāhipi tāleti, vettehipi

tāleti, aḍḍhadaṇḍakehipi tāleti, hatthampi chindati, pādampi chindati, hatthapādampi chindati, kaṇṇampi chindati, nāsampi chindati, kaṇṇanāsampi chindati, bilaṅgathālikampi karoti, saṅkhamuṇḍikampi karoti, rāhumukhampi karoti, jotiṁālikampi karoti, hatthapajjotikampi karoti, erakapattikampi karoti, cīrakavāsikampi karoti, eṇeyyakampi karoti, baṭisamamsikampi karoti, kahāpaṇikampi karoti, khārāpatacchikampi karoti, palighaparivattakampi karoti, palalapīṭhakampi karoti, tattenapi telena osiñcati, sunakhehipi khādāpeti, jīvantampi sūle uttāseti, asināpi sīsam chindati. So kammakāraṇapaccayāpi dukkhaṁ domanassam paṭisamvedeti. Etam bhayaṁ dukkhaṁ domanassam kuto tassa? Attadaṇḍato jātam sañjātam nibbattam abhinibbattam pātubhūtam. Rājā imesam catunnam daṇḍānam issaro.

So sakena kammena kāyassa bhedā param marañā apāyaṁ duggatiṁ vinipātam nirayaṁ upapajjati. Tamenam nirayapālā pañcavidhabandhanam nāma kammakāraṇam kārenti – tattam ayokhilam hatthe gamenti, tattam ayokhilam dutiye hatthe gamenti, tattam ayokhilam pāde gamenti, tattam ayokhilam dutiye pāde gamenti, tattam ayokhilam majjhe urasmiṁ gamenti. So tattha dukkhā tibbā [tippā (syā.)] kaṭukā vedanā vedeti; na ca tāva kālaṁkaroti yāva na tam pāpakammaṁ byantihoti. Etam bhayaṁ dukkhaṁ domanassam kuto tassa? Attadaṇḍato jātam sañjātam nibbattam abhinibbattam pātubhūtam.

Tamenam nirayapālā samvesetvā [samvesitvā (syā.) ma. ni. 3.267] kuṭhārīhi [kudhārīhi (syā. ka.)] tacchenti. So tattha dukkhā tibbā kaṭukā vedanā vedeti; na ca tāva kālaṁkaroti yāva na tam pāpakammaṁ byantihoti. Tamenam nirayapālā uddhampādaṁ [uddhampādaṁ (sī.)] adhosiram gahetvā vāsīhi tacchenti. Tamenam nirayapālā rathe yojetvā ādittāya pathaviyā sampajjalitāya sajotibhūtāya sārentipi paccāsārentipi [hārentipi paccāhārentipi (sī. ka.)] ...pe... tamenam nirayapālā mahantam aṅgārapabbatam ādittam sampajjalitam sajotibhūtām āropentipi oropentipi...pe... tamenam nirayapālā uddhampādaṁ adhosiram gahetvā tattāya lohakumbhiyā pakkipanti ādittāya sampajjalitāya sajotibhūtāya. So tattha phenuddehakam paccati. So tattha phenuddehakam paccamāno sakimpi uddham gacchat, sakimpi adho gacchat, sakimpi tiriyaṁ gacchat. So tattha dukkhā tibbā kaṭukā vedanā vedeti; na ca tāva kālaṁkaroti yāva na tam pāpakammaṁ byantihoti. Etam bhayaṁ dukkhaṁ domanassam kuto tassa? Attadaṇḍato jātam sañjātam nibbattam abhinibbattam pātubhūtam. Tamenam nirayapālā mahāniraye pakkipanti. So kho pana mahānirayo –

“Catukkaṇo catudvāro, vibhatto bhāgaso mito;  
Ayopākārapariyanto [... pariyatto (syā. ka.)], ayasā paṭikujjito.

“Tassa ayomayā bhūmi, jalitā tejasā yutā;  
Samantā yojanasataṁ, pharitvā tiṭṭhati sabbadā.

“Kadariyātapanā ghorā, accimanto durāsadā;  
Lomahaṁsanarūpā ca, bhismā paṭibhayā dukhā.

“Puratthimāya bhittiyā, accikkhandho samuṭṭhito;  
Dahanto pāpakammante, pacchimāya paṭihaññati.

“Pacchimāya ca bhittiyā, accikkhandho samuṭṭhito;  
Dahanto pāpakammante, puratthimāya paṭihaññati.

“Uttarāya ca bhittiyā, accikkhandho samuṭṭhito;  
Dahanto pāpakammante, dakkhiṇāya paṭihaññati.

“Dakkhiṇāya ca bhittiyā, accikkhandho samuṭṭhito;  
Dahanto pāpakammante, uttarāya paṭihaññati.

“Heṭṭhato ca samuṭṭhāya, accikkhandho bhayānako;  
Dahanto pāpakammante, chadanasmiṃ paṭīhaññati.

“Chadanamhā samuṭṭhāya, accikkhandho bhayānako;  
Dahanto pāpakammante, bhūmiyam paṭīhaññati.

“Ayokapālamādittam, santattam jalitam yathā;  
Evaṃ avīcinirayo, hetṭhā upari passato.

“Tattha sattā mahāluddā, mahākibbisakārino;  
Accantapāpakammantā, paccanti na ca miyyare [mīyare (sī.)].

“Jātavedasamo kāyo, tesam nirayavāsinaṃ;  
Passa kammānam daḥhattam, na bhasmā hoti napī masi.

“Puratthimenapi dhāvanti, tato dhāvanti pacchimam;  
Uttarenapi dhāvanti, tato dhāvanti dakkhiṇam.

“Yam yaṃ disam padhāvanti [disampi dhāvanti (syā.)], tam tam dvāram pidhīyati [pithīyati (sī. syā.)];  
Abhinikkhamitāsā te, sattā mokkhagavesino.

“Na te tato nikkhamitum, labhanti kammapaccayā;  
Tesañca pāpakammantam, avipakkam kataṃ bahu”nti.

Etaṃ bhayaṃ dukkham domanassam kuto tassa? Attadaṇḍato jātam sañjātam nibbattam abhinibbattam pātubhūtam. Yāni ca nerayikāni dukkhāni yāni ca tiracchānayonikāni dukkhāni yāni ca pettivisayikāni dukkhāni yāni ca mānusikāni dukkhāni; tāni kuto jātāni kuto sañjātāni kuto nibbattāni kuto abhinibbattāni kuto pātubhūtāni? Attadaṇḍato jātāni sañjātāni nibbattāni abhinibbattāni pātubhūtāni – attadaṇḍā bhayaṃ jātam.

**Janam passatha medhaganti.** Jananti khattiya ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca medhagam janam kalaham janam viruddham janam paṭiviruddham janam āhatam janam paccāhatam janam āghātitam janam paccāghātitam janam passatha dakkhatha oloketha nijjhāyetha upaparikkhathāti – janam passatha medhagam.

**Samvegam kittayissāmīti.** Samvegam ubbegam utrāsam bhayaṃ pīlanam ghaṭṭanam upaddavam upasaggam. **Kittayissāmīti** pakittayissāmi ācikkhissāmi desessāmi paññapessāmi paṭhapessāmi vivarissāmi vibhajissāmi uttānīkarissāmi pakāsissāmīti – samvegam kittayissāmi.

**Yathā samvijitam mayāti.** Yathā mayā attanāyeva attānam samvejito ubbejito samvegamāpāditoti – yathā samvijitam mayā.

Tenāha bhagavā –

“Attadaṇḍā bhayaṃ jātam, janam passatha medhagam;  
Samvegam kittayissāmi, yathā samvijitam mayā”ti.

**171. Phandamānam pajam disvā, macche appodake yathā;**  
**Aññamaññehi byāruddhe, disvā mam bhayamāvisi.**

**Phandamānam pajam disvāti.** Pajāti sattādhivacanam. Pajam taṇhāphandanāya phandamānam diṭṭhiphandanāya phandamānam kilesaphandanāya phandamānam duccaritaphandanāya phandamānam payogaphandanāya phandamānam vipākaphandanāya phandamānam rattaṁ rāgena phandamānam duṭṭham dosena phandamānam mūlham mohena phandamānam vinibaddham mānena phandamānam parāmaṭṭham diṭṭhiyā phandamānam vikkhepagatam uddhaccena phandamānam aniṭṭhangataṁ vicikicchāya phandamānam thāmagatam anusayehi phandamānam lābhena phandamānam alābhena phandamānam yasena phandamānam ayasena phandamānam pasamsāya phandamānam nindāya phandamānam sukhena phandamānam dukkhena phandamānam jātiyā phandamānam jarāya phandamānam byādhinā phandamānam marañena phandamānam sokaparidevadukkhadomanassupāyāsehi phandamānam nerayikena dukkhena phandamānam tiracchānayonikena dukkhena phandamānam pettivisayikena dukkhena phandamānam mānusikena dukkhena phandamānam gabbhokkantimūlakena dukkhena... gabbhaṭṭhitimūlakena [gabbheṭhitimūlakena (ka.) mahāni. 11] dukkhena... gabbhāvutṭhānamūlakena dukkhena... jātassūpanibandhakena dukkhena... jātassa parādheyayakena dukkhena... attūpakkamena dukkhena... parūpakkamena dukkhena... dukkhadukkhena... saṅkhāradukkhena... vipariṇāmadukkhena... cakkhurogena dukkhena... sotarogena... ghānarogena... jīvhārogena... kāyarogena... sīsarogena... kaṇṭharogena... mukharogena... dantarogena... kāsena... sāsena... pināsena... dāhena... jarena... kucchirogena... mucchāya... pakkhandikāya... sūlāya... visūcikāya... kuṭṭhenā... gaṇdena... kilāsena... sosena... apamārena... dadduyā... kaṇḍuyā... kacchuyā... rakhasāya... vitacchikāya... lohitena... pittena... madhumehena... amṣāya... pīlakāya... bhagandalena... pittasamuṭṭhānena ābādhena... semhasamuṭṭhānena ābādhena... vātasamuṭṭhānena ābādhena... sannipātikena ābādhena... utupariṇāmajena ābādhena... visamaparihārajena ābādhena... opakkamikena ābādhena... kammavipākajena ābādhena... sītena... uṇhena... jighacchāya... pipāsāya... uccārena... passāvena... damsamakasavātātapasarīsapasamphassena dukkhena... mātumarañena dukkhena... pitumarañena dukkhena... bhātumarañena dukkhena... bhaginimarañena dukkhena... puttamarañena dukkhena... dhītumarañena dukkhena... nātimarañena dukkhena... bhogabyasanena dukkhena... rogabyasanena dukkhena... sīlabyasanena dukkhena... diṭṭhibyasanena dukkhena phandamānam samphandamānam vippandamānam vedhamānam pavedhamānam sampavedhamānam. **Disvāti** disvā passitvā tulayitvā tīrayitvā vibhāvayitvā vibhūtam katvā

**Macche appodake yathāti** yathā macchā appodake udakapariyādāne kākehi vā kulalehi vā balākāhi vā paripātiyamānā ukkhipiyamānā khajjamānā phandanti samphandanti vippandanti vedhanti pavedhanti sampavedhanti; evameva pajā taṇhāphandanāya phandanti...pe... diṭṭhibyasanena dukkhena phandanti samphandanti vippandanti vedhanti pavedhanti sampavedhantīti – macche appodake yathā.

**Aññamaññehi byāruddheti** aññamaññam sattā viruddhā paṭiviruddhā āhatā paccāhatā āghātitā paccāghātitā. Rājānopi rājūhi vivadanti, khattiyyāpi khattiyehi vivadanti, brāhmaṇāpi brāhmaṇehi vivadanti, gahapatīpi gahapatīhi vivadanti, mātāpi puttena vivadati, puttopi mātarā vivadati, pitāpi puttena vivadati, puttopi pitarā vivadati, bhātāpi bhātarā vivadati, bhaginīpi bhaginiyā vivadati, bhātāpi bhaginiyā vivadati, bhaginipi bhātarā vivadati, sahāyopi sahāyena vivadati; te tattha kalahaviggahavivādāpannā aññamaññam pāṇīhipi upakkamanti, ledūhipi upakkamanti, danḍehipi upakkamanti, satthehipi upakkamanti, te tattha marañampi nigacchanti marañamatampi dukkhanti – aññamaññehi byāruddhe.

**Disvā mam bhayamāvisīti.** Disvāti disvā passitvā tulayitvā tīrayitvā vibhāvayitvā vibhūtam katvā bhayam pīlanam ghaṭṭanam upaddavo upasaggo āvisīti [āvīsīti (sī.), āvisatīti (syā.)] – disvā mam bhayamāvisi.

Tenāha bhagavā –

“Phandamānam pajam disvā, macche appodake yathā;

Aññamaññehi byāruddhe, disvā mañ bhayamāvisī”ti.

**172. Samantamasāro loko, disā sabbā sameritā;  
Iccham bhavanamattano, nāddasāsim anositam.**

**Samantamasāro lokoti.** Lokoti nirayaloko tiracchānayoniloko pettivisayaloko manussaloko devaloko, khandhaloko dhātuloko āyatanaloko, ayam loko paro loko, brahmaloko devaloko – ayam vuccati loko. Nirayaloko asāro nissāro sārāpagato niccasārasārena vā sukhasārasārena vā attasārasārena vā niccena vā dhuvena vā sassatena vā avipariñāmadhammena vā. Tiracchānayoniloko...pe... pettivisayaloko... manussaloko... devaloko... khandhaloko... dhātuloko... āyatanaloko... ayam loko... paro loko... brahmaloko... devaloko asāro nissāro sārāpagato niccasārasārena vā sukhasārasārena vā attasārasārena vā niccena vā dhuvena vā sassatena vā avipariñāmadhammena vā.

Yathā pana naļo asāro nissāro sārāpagato, yathā eraṇdo asāro nissāro sārāpagato, yathā udumbaro asāro nissāro sārāpagato, yathā setakaccho asāro nissāro sārāpagato, yathā pāribhaddako asāro nissāro sārāpagato, yathā pheṇapiṇḍo asāro nissāro sārāpagato, yathā udakapubbulam [bubbulakam (si.), pubbulakam (syā.)] asāram nissāram sārāpagataṁ, yathā marīci asārā nissārā sārāpagatā, yathā kadalikkhandho asāro nissāro sārāpagato, yathā māyā asārā nissārā sārāpagatā; evameva nirayaloko asāro nissāro sārāpagato niccasārasārena vā sukhasārasārena vā attasārasārena vā niccena vā dhuvena vā sassatena vā avipariñāmadhammena vā.

Tiracchānayoniloko... pettivisayaloko... manussaloko... devaloko asāro nissāro sārāpagato niccasārasārena vā sukhasārasārena vā attasārasārena vā niccena vā dhuvena vā sassatena vā avipariñāmadhammena vā. Khandhaloko... dhātuloko... āyatanaloko... ayam loko... paro loko... brahmaloko... devaloko asāro nissāro sārāpagato niccasārasārena vā sukhasārasārena vā attasārasārena vā niccena vā dhuvena vā sassatena vā avipariñāmadhammena vā – samantamasāro loko.

**Disā sabbā sameritāti.** Ye puratthimāya disāya saṅkhārā, tepi eritā sameritā calitā ghaṭṭitā aniccatāya jātiyā anugatā jarāya anusaṭā byādhinā abhibhūtā maraṇena abbhāhatā dukkhe patiṭṭhitā atāñā aleñā asarañā asarañībhūtā. Ye pacchimāya disāya saṅkhārā...pe... ye uttarāya disāya saṅkhārā... ye dakkhināya disāya saṅkhārā... ye puratthimāya anudisāya saṅkhārā... ye pacchimāya anudisāya saṅkhārā... ye uttarāya anudisāya saṅkhārā... ye dakkhināya anudisāya saṅkhārā... ye heṭṭhimāya disāya saṅkhārā... ye uparimāya disāya saṅkhārā... ye dasasu disāsu saṅkhārā, tepi eritā sameritā calitā ghaṭṭitā aniccatāya jātiyā anugatā jarāya anusaṭā byādhinā abhibhūtā maraṇena abbhāhatā dukkhe patiṭṭhitā atāñā aleñā asarañā asarañībhūtā. Bhāsitampi cetam –

“Kiñcāpi cetam jalatī vimānam, obhāsayam uttariyam disāya;  
Rūpe raṇam disvā sadā pavedhitam, tasmā na rūpe ramatī sumedho.

“Maccunābbhāhato loko, jarāya parivārito;  
Taṇhāsallena otīṇo, icchādhūmāyito [icchādhūmāyiko (syā.)] sadā.

“Sabbo ādīpito loko, sabbo loko padhūpito;  
Sabbo pajjalito loko, sabbo loko pakampito”ti.

Disā sabbā sameritā.

**Iccham bhavanamattanoti.** Attano bhavanam tāṇam leṇam saraṇam gatim parāyanam icchanto sādiyanto pathayanto pihayanto abhijappantoti – iccham bhavanamattano. **Nāddasāsim anositanti.** Ajjhositamyeva addasam, anajjhositam nāddasam, sabbam yobbaññam jarāya ositam, sabbam ārogynam byādhinā ositam, sabbam jīvitam maraṇena ositam, sabbam lābhena ositam, sabbam yasam

ayasena ositam, sabbam pasamsam nindaya ositam, sabbam sukham dukkhena ositam.

“Lābho alābho yaso ayaso ca, nindā pasamsā ca sukham dukhañca;  
Ete anicca manujesu dhammā, asassatā vipariñāmadhammā”ti.

Nāddasāsim anositaṁ.

Tenāha bhagavā –

“Samantamasāro loko, disā sabbā sameritā;  
Iccham bhavanamattano, nāddasāsim anosita”nti.

**173. Osāne tveva byāruddhe, disvā me aratī ahu;  
Athettha sallamaddakkhim, duddasam hadayassitam.**

**Osāne tveva byāruddheti.** **Osāne tvevāti** sabbam yobbaññam jarā osāpeti, sabbam ārogyam byādhi osāpeti, sabbam jīvitam maraṇam osāpeti, sabbam lābhām alābho osāpeti, sabbam yasam ayaso osāpeti, sabbam pasamsam nindā osāpeti, sabbam sukham dukham osāpetiti – osāne tveva.  
**Byāruddheti** yobbaññakāmā sattā jarāya paṭiviruddhā, ārogyakāmā sattā byādhinā paṭiviruddhā, jīvitukāmā sattā maraṇena paṭiviruddhā, lābhakāmā sattā alābhena paṭiviruddhā, yasakāmā sattā ayasena paṭiviruddhā, pasaṁsakāmā sattā nindaya paṭiviruddhā, sukhakāmā sattā dukkhena paṭiviruddhā āhatā paccāhatā āghātitā paccāghātitāti – osāne tveva byāruddhe.

**Disvā me aratī ahūti.** **Disvāti** disvā passitvā tulayitvā tīrayitvā vibhāvayitvā vibhūtam katvāti – disvā. **Me aratīti** yā arati yā anabhirati yā anabhiramanā yā ukkanṭhitā yā paritasitā ahūti – disvā me aratī ahu.

**Athettha sallamaddakkhīnti.** **Athāti** padasandhi...pe... padānupubbatapetam – athāti. **Etthāti** sattesu. **Sallanti** satta sallāni – rāgasallam, dosasallam, mohasallam, mānasallam, diṭṭhisallam, sokasallam, kathamkathāsallam. **Addakkhīnti** addasam adakkhim apassim paṭivijjhīnti – athettha sallamaddakkhim.

**Duddasam hadayassitanti.** **Duddasanti** duddasam duddakkham duppassam dubbjjhām duranubjjham dappaṭivijjhanti – duddasam. **Hadayassitanti** hadayam vuccati cittam. Yam cittam mano mānasam hadayam pañdaram mano manāyatanaṁ manindriyam viññānam viññāṇakkhandho tajjā manoviññāṇadhadhātu. **Hadayassitanti** hadayanissitam cittasitam cittanissitam cittena sahagataṁ sahajātām samsattham sampayuttam ekuppādaṁ ekanirodham ekavatthukam ekārammaṇanti – duddasam hadayassitam.

Tenāha bhagavā –

“Osāne tveva byāruddhe, disvā me aratī ahu;  
Athettha sallamaddakkhim, duddasam hadayassita”nti.

**174. Yena sallena otīṇo, disā sabbā vidhāvati;  
Tameva sallamabbuyha, na dhāvati na sīdati.**

**Yena sallena otīṇo, disā sabbā vidhāvatīti.** **Sallanti.** Satta sallāni – rāgasallam, dosasallam, mohasallam, mānasallam, diṭṭhisallam, sokasallam, kathamkathāsallam. Katamam rāgasallam? Yo rāgo sārāgo anunayo anurodho nandirāgo cittassa sārāgo...pe... abhijjhā lobho akusalamūlam – idam rāgasallam.

Katamam̄ dosasallam̄? “Anattham̄ me acarī”ti āghāto jāyati “anattham̄ me caratī”ti āghāto jāyati, “anattham̄ me carissatī”ti āghāto jāyati...pe... caṇḍikkam̄ asuropo anattamanatā cittassa – idam̄ dosasallam̄.

Katamam̄ mohasallam̄? Dukkhe aññānam̄...pe... dukkhanirodhagāminiyā paṭipadāya aññānam̄, pubbante aññānam̄, aparante aññānam̄, pubbantāparante aññānam̄, idappaccayatāpaṭiccasamuppannesu dhammesu aññānam̄. Yam evarūpam̄ adassanam̄ anabhisamayo ananubodho asambodho appaṭivedho asaṅgāhanā apariyogāhaṇā [asaṅgāhatā apariyogāhatā (syā.), asaṅgāhanā apariyogāhanā (ka.)] asamapek Khanā apaccavekkhanā apaccakkhakammaṇ dummejjham̄ bālyam̄ moho pamoho sammoho avijjā avijjogho avijjāyogo avijjānusayo avijjāpariyutthānam̄ avijjālaṅgī moho akusalamūlam̄ – idam̄ mohasallam̄.

Katamam̄ mānasallam̄? “Seyyohamasmī”ti māno, “sadisohamasmī”ti māno, “hīnohamasmī”ti māno. Yo evarūpo māno maññanā maññitattam̄ unnati unnamo dhajo sampaggāho ketukamyatā cittassa – idam̄ mānasallam̄.

Katamam̄ diṭṭhisallam̄? Vīsativatthukā sakkāyadiṭṭhi, dasavatthukā micchādiṭṭhi, dasavatthukā antaggāhikā diṭṭhi. Yā evarūpā diṭṭhi diṭṭhigataṇam̄ diṭṭhigahanam̄ diṭṭhikantāro diṭṭhivisūkāyikam̄ diṭṭhivipphanditam̄ diṭṭhisaññojanam̄ gāho paṭiggāho abhiniveso parāmāso kummaggo [kumaggo (ka.) mahāni. 38] micchāpatho micchattam̄ titthāyatanam̄ vipariyāsaggāho viparītaggāho vipallāsaggāho micchāgāho ayāthāvakasmim̄ “yāthāvaka”nti gāho yāvatā dvāsaṭṭhi diṭṭhigatāni – idam̄ diṭṭhisallam̄.

Katamam̄ sokasallam̄? Nātibyasanena vā phuṭṭhassa rogabyasanena vā phuṭṭhassa bhogabyasanena vā phuṭṭhassa sīlabyasanena vā phuṭṭhassa diṭṭhibyasanena vā phuṭṭhassa aññataraññatarena byasanena samannāgatassa aññataraññatarena dukkhadhammena phuṭṭhassa soko socanā sociattam̄ antosoko antoparisoko antoḍāho antopariḍāho cetaso pariijhāyanā domanassam̄ – idam̄ sokasallam̄.

Katamam̄ katham̄kathāsallam̄? Dukkhe kañkhā, dukkhasamudaye kañkhā, dukkhanirodhe kañkhā, dukkhanirodhagāminiyā paṭipadāya kañkhā, pubbante kañkhā, aparante kañkhā, pubbantāparante kañkhā, idappaccayatāpaṭiccasamuppannesu dhammesu kañkhā. Yā evarūpā kañkhā kañkhāyanaṇa kañkhāyitattam̄ vimati vicikicchā dvejhakam̄ dvedhāpatho samsayo anekam̄saggāho āsappanā parisappanā apariyogāhaṇā chambhitattam̄ cittassa manovilekho – idam̄ katham̄kathāsallam̄.

**Yena sallena otīṇo, disā sabbā vidhāvatīti.** Rāgasallena otīṇo viddho phuṭṭho pareto samohito samannāgato kāyena duccaritaṇ carati, vācāya duccaritaṇ carati, manasā duccaritaṇ carati, pāṇampi hanati, adinnampi ādiyati, sandhimpi chindati, nillopampi harati, ekāgārikampi karoti, paripanthepi tiṭṭhati, paradārampi gacchatī, musāpi bhaṇati; evampi rāgasallena otīṇo viddho phuṭṭho pareto samohito samannāgato dhāvati vidhāvati sandhāvati saṃsarati. Atha vā rāgasallena otīṇo viddho phuṭṭho pareto samohito samannāgato bhoge pariyesanto nāvāya mahāsamuddam̄ pakkhandati. Sītassa purakkhato uṇhassa purakkhato ḍāmsamakasavātātapasarīsapasamphassehi pīliyamāno [rissamāno (sī. syā.)] khuppi pāsāya miyyamāno tigumbam̄ gacchatī, takkolam̄ gacchatī, takkasīlam̄ gacchatī, kālāmukham̄ gacchatī, purapūram̄ gacchatī, vesuṅgam̄ gacchatī, verāpatham̄ gacchatī, javam̄ gacchatī, tāmalim̄ gacchatī, vañkam̄ gacchatī, elābandhanaṇ gacchatī, suvaṇṇakūtam̄ gacchatī, suvaṇṇabhūmim̄ gacchatī, tambapaṇṇim̄ gacchatī, suppādakam̄ [suppārakam̄ (sī. ka.), suppāram̄ (syā.)] gacchatī, bhārukaccham̄ gacchatī, suraṭṭham̄ gacchatī, bhaṅgalokam̄ [aṅgalokam̄ (sī.), aṅgaṇekam̄ (syā.)] gacchatī, bhaṅgaṇam̄ [gaṅgaṇam̄ (sī. syā.)] gacchatī, paramabhaṅgaṇam̄ gacchatī, yonam̄ gacchatī, paramayonam̄ gacchatī, vinakam̄ gacchatī, mūlapadam̄ gacchatī, marukantāram̄ gacchatī, janṇupatham̄ gacchatī, ajapatham̄ gacchatī, menḍapatham̄ gacchatī, saṅkupatham̄ gacchatī, chattapatham̄ gacchatī, vamṣapatham̄ gacchatī, sakuṇapatham̄ gacchatī, mūsikapatham̄ gacchatī, daripatham̄ gacchatī, vettācāram̄ gacchatī; pariyesanto na labhati, alābhāmūlakampi dukkham̄ domanassam̄ paṭisam̄vedeti, pariyesanto labhati, laddhā ārakkhamūlakampi dukkham̄ domanassam̄ paṭisam̄vedeti “kinti me bhoge

neva rājāno hareyyum na corā hareyyum na aggi daheyya na udakaṁ vaheyya na appiyā dāyādā hareyyu”nti. Tassa evam̄ ārakkhato gopayato te bhogā vippalujjanti, so vippayogamūlakampi dukkhaṁ domanassam̄ paṭisaṁvedeti. Evampi rāgasallena otīṇo viddho phuṭṭho pareto samohito samannāgato dhāvati vidhāvati sandhāvati saṁsarati.

Dosasallena...pe... mohasallena... mānasallena otīṇo viddho phuṭṭho pareto samohito samannāgato kāyena duccaritaṁ carati, vācāya duccaritaṁ carati, manasā duccaritaṁ carati, pāṇampi hanati, adinnampi ādiyati, sandhimpi chindati, nillopampi harati, ekāgārikampi karoti, paripanthepi tiṭṭhati, paradārampi gacchati, musāpi bhaṇati. Evam̄ mānasallena otīṇo viddho phuṭṭho pareto samohito samannāgato dhāvati vidhāvati sandhāvati saṁsarati.

Ditthisallena otīṇo viddho phuṭṭho pareto samohito samannāgato acelako hoti muttācāro hatthāpalekhano [hatthāvaledkhano (syā.)], na ehibhadantiko, na tiṭṭhabhadantiko; nābhīhaṭam̄, na uddissakataṁ, na nimantanaṁ sādiyati, so na kumbhimukhā paṭiggaṇhāti, na kaṭopimukhā [kaṭopimukhā (sī.)] paṭiggaṇhāti, na elakamantaram̄, na daṇḍamantaram̄, na musalamantaram̄, na dvinnam̄ bhuñjamānānam̄, na gabbhiniyā, na pāyamānāya, na purisantaragatāya, na samkittīsu, na yattha sā upaṭṭhihoti, na yattha makkhikā saṇḍasaṇḍacarinī. Na maccham̄ na maṁsam̄ na suram̄ na merayam̄ na thusodakaṁ pivati. So ekāgāriko vā hoti ekālopiko, dvāgāriko vā hoti dvālopiko...pe... sattāgāriko vā hoti sattālopiko. Ekissāpi bhāttiyā yāpeti, dvīhipi bhāttīhi yāpeti...pe... sattāhipi bhāttīhi yāpeti. Ekāhikampi āhāram̄ āhāreti, dvīhikampi āhāram̄ āhāreti...pe... sattāhikampi āhāram̄ āhāreti. Iti evarūpam̄ addhamāsikampi pariyāyabhāttabhojanānuyogamanuyutto viharati. Evampi ditthisallena otīṇo viddho phuṭṭho pareto samohito samannāgato dhāvati vidhāvati sandhāvati saṁsarati.

Atha vā ditthisallena otīṇo viddho phuṭṭho pareto samohito samannāgato so sākabhakkho vā hoti, sāmākabhakkho vā hoti, nīvārabhakkho vā hoti, daddulabhakkho vā hoti, haṭabhakkho vā hoti, kaṇabhakkho vā hoti, ācāmabhakkho vā hoti, piññākabhakkho vā hoti, tilabhakkho vā hoti, tiṇabhakkho vā hoti, gomayabhakkho vā hoti, vanamūlaphalāhāro yāpeti pavattaphalabhojano. So sāṇānipi dhāreti, masāṇānipi dhāreti, chavadussānipi dhāreti, paṁsukūlānipi dhāreti, tirītanānipi dhāreti, ajinānipi dhāreti, ajinakkhipampi dhāreti, kusacīrampi dhāreti, vākacīrampi dhāreti, phalakacīrampi dhāreti, kesakambalampi dhāreti, ulūkapakkhampi dhāreti, kesamassulocakopi hoti, kesamassulocanānuyogamanuyutto viharati. Ubbhaṭṭhakopi hoti āsanapaṭikkhitto, ukkuṭikopi hoti ukkuṭikappadhanamanuyutto, kaṇṭakāpassayiko hoti, kaṇṭakāpassaye seyyam̄ kappeti, phalakaseyyampi kappeti, thaṇḍilaseyyampi kappeti, ekāpassayiko hoti rajojalladharo, abbhokāsikopi hoti yathāsanthatiko, vekaṭikopi hoti vikaṭabhojanānuyogamanuyutto, apānakopi hoti apānakattamanuyutto, sāyatatiyakampi udakorohanānuyogamanuyutto viharati. Iti evarūpam̄ anekavihitam̄ kāyassa ātāpanaparitāpanānuyogamanuyutto viharati. Evampi ditthisallena otīṇo viddho phuṭṭho pareto samohito samannāgato dhāvati vidhāvati sandhāvati saṁsarati.

Sokasallena otīṇo viddho phuṭṭho pareto samohito samannāgato socati kilamati paridevati urattāliṁ kandati sammoham̄ āpajjati. Vuttañhetam̄ bhagavatā –

“Bhūtapubbam̄, brāhmaṇa, imissāyeva sāvathiyā aññatarissā itthiyā mātā kālamakāsi. Sā tassā kālam̄ kiriyāya ummattikā khittacittā rathiyāya rathiyam̄, singhāṭakena singhāṭakam̄ upasaṅkamitvā evamāha – ‘api me mātaram̄ addassatha, api me mātaram̄ addassathā’ti.

“Bhūtapubbam̄, brāhmaṇa, imissāyeva sāvathiyā aññatarissā itthiyā pitā kālamakāsi... bhātā kālamakāsi... bhaginī kālamakāsi... putto kālamakāsi... dhītā kālamakāsi... sāmiko kālamakāsi. Sā tassa kālam̄ kiriyāya ummattikā khittacittā rathiyāya rathiyam̄, singhāṭakena singhāṭakam̄ upasaṅkamitvā evamāha – ‘api me sāmikam̄ addassatha, api me sāmikam̄ addassathā’ti.

“Bhūtapubbam̄, brāhmaṇa, imissāyeva sāvathiyā aññatarassa purisassa mātā kālamakāsi. So tassā

kālam kiriyāya ummattako khittacitto rathiyāya rathiyam, siṅghātakena siṅghātakam upasāṅkamitvā evamāha – ‘api me mātarām addassatha, api me mātarām addassathā’ti.

“Bhūtapubbam, brāhmaṇa, imissāyeva sāvatthiyā aññatarassa purisassa pitā kālamakāsi... bhātā kālamakāsi... bhaginī kālamakāsi... putto kālamakāsi... dhītā kālamakāsi... pajāpati kālamakāsi. So tassā kālam kiriyāya ummattako khittacitto rathiyāya rathiyam, siṅghātakena siṅghātakam upasāṅkamitvā evamāha – ‘api me pajāpatim addassatha, api me pajāpatim addassathā’ti.

“Bhūtapubbam, brāhmaṇa, imissāyeva sāvatthiyā aññatarā itthī nātikulam agamāsi. Tassā te nātakā sāmikam acchinditvā aññassa dātukāmā, sā ca nam na icchatī. Atha kho sā itthī sāmikam etadavoca – ‘ime, ayyaputta, nātakā tava acchinditvā aññassa dātukāmā, ubho mayam marissāmā’ti. Atha kho so puriso tam itthim dvidhā chetvā attānam opāteti – ‘ubho pecca bhavissāmā’’ti. Evam sokasallena otīṇo viddho phuṭṭho pareto samohito samannāgato dhāvati vidhāvati sandhāvati saṃsarati.

Kathām kathāsallena otīṇo viddho phuṭṭho pareto samohito samannāgato saṃsayapakkhando hoti vimatipakkhando dveṭhakajāto – “ahosim nu kho aham atītamaddhānam, nanu kho ahosim atītamaddhānam, kiṃ nu kho ahosim atītamaddhānam, kathām nu kho ahosim atītamaddhānam, kiṃ hutvā kiṃ ahosim nu kho atītamaddhānam, bhavissāmi nu kho aham anāgatamaddhānam, nanu kho bhavissāmi anāgatamaddhānam, kiṃ nu kho bhavissāmi anāgatamaddhānam, kathām nu kho bhavissāmi anāgatamaddhānam, kiṃ hutvā kiṃ bhavissāmi nu kho anāgatamaddhānam, etarahi vā paccuppannam addhānam ajjhattam kathām kathī hoti, aham nu khosmi, no nu khosmi, kiṃ nu khosmi kathām nu khosmi, ayaṃ nu kho satto kuto āgato, so kuhiṃ gāmī bhavissatī’ti. Evam kathām kathāsallena otīṇo viddho phuṭṭho pareto samohito samannāgato dhāvati vidhāvati sandhāvati saṃsarati.

Te selle abhisāṅkharoti; te selle abhisāṅkharonto sallābhisaṅkhāravasena puratthimam disam dhāvati, pacchimam disam dhāvati, uttaram disam dhāvati, dakkhiṇam disam dhāvati. Te sallābhisaṅkhārā appahīnā; sallābhisaṅkhārānaṃ appahīnattā gatiyā dhāvati, niraye dhāvati, tiracchānayoniyā dhāvati, pettivisaye dhāvati, manussaloke dhāvati, devaloke dhāvati, gatiyā gatim, upapattiyā upapattim, paṭisandhiyā paṭisandhim, bhavena bhavam, saṃsārena saṃsāram, vaṭṭena vaṭṭam dhāvati vidhāvati sandhāvati saṃsaratī – yena sallena otīṇo disā sabbā vidhāvati.

**Tameva sallamabbuyha, na dhāvati na sīdatīti.** Tameva rāgasallaṃ dosasallaṃ mohasallaṃ mānasallaṃ diṭṭhisallaṃ sokasallaṃ kathām kathāsallaṃ abbuyha abbuhitvā uddharityā samuddharityā uppāṭayitvā samuppāṭayitvā [uppādayitvā samuppādayitvā (syā. ka.)] pajahitvā vinodetvā byantiṃ karityā anabhāvam gametvā neva puratthimam disam dhāvati na pacchimam disam dhāvati na uttaram disam dhāvati na dakkhiṇam disam dhāvati. Te sallābhisaṅkhārā pahīnā; sallābhisaṅkhārānaṃ pahīnattā gatiyā na dhāvati, niraye na dhāvati, tiracchānayoniyā na dhāvati, pettivisaye na dhāvati, manussaloke na dhāvati, devaloke na dhāvati, na gatiyā gatim, na upapattiyā upapattim, na paṭisandhiyā paṭisandhim, na bhavena bhavam, na saṃsārena saṃsāram, na vaṭṭena vaṭṭam dhāvati vidhāvati sandhāvati saṃsaratī – tameva sallamabbuyha na dhāvati. **Na sīdatīti** kāmoghe na sīdati, bhavoghe na sīdati, diṭṭhoghe na sīdati, avijjoghe na sīdati, na saṃsīdati na osīdati na avasīdati na gacchatī na avagacchatī – tameva sallamabbuyha, na dhāvati na sīdati.

Tenāha bhagavā –

“Yena sallena otīṇo, disā sabbā vidhāvati;  
Tameva sallamabbuyha, na dhāvati na sīdatī”ti.

**175. Tattha sikkhānugīyanti, yāni loke gadhitāni;**  
**Na tesu pasuto siyā, nibbjijha sabbaso kāme;**  
**Sikkhe nibbānamattano.**

**Tattha sikkhānugiyanti, yāni loke gadhitānīti.** Sikkhāti hatthisikkhā assasikkhā rathasikkhā dhanusikkhā sālākiyam sallakattiyam kāyatikiccham bhūtiyam komārabhaccaṁ [komāratikiccham (syā.), komārasaccam (ka.)]. Anugiyantīti gīyanti niggīyanti kathīyanti bhañiyanti dīpiyanti vohariyanti. Atha vā gīyanti gañhīyanti uggañhīyanti dhārīyanti upadhārīyanti upalakkhīyanti gadhitapatiilābhāya. Gadhitā vuccanti pañca kāmaguṇā – cakkhuviññeyyā rūpā iṭhā kantā manāpā piyarūpā kāmūpasañhitā rājanīyā, sotaviññeyyā saddā... pe... ghānaviññeyyā gandhā... jivhāviññeyyā rasā... kāyaviññeyyā phoṭṭhabbā iṭhā kantā manāpā piyarūpā kāmūpasañhitā rājanīyā. Kīmkāraṇā gadhitā vuccanti pañca kāmaguṇā? Yebhuyyena devamanussā pañca kāmaguṇe icchanti sādiyanti patthayanti pihayanti abhijappanti tamkāraṇā gadhitā vuccanti pañca kāmaguṇā. **Loketi** manussaloketi – tattha sikkhānugiyanti, yāni loke gadhitāni.

**Na tesu pasuto siyāti.** Tāsu vā sikkhāsu tesu vā pañcasu kāmaguṇesu na pasuto siyā, na tanninno assa, na tappoṇo, na tappabbhāro, na tadadhīmutto, na tadadhīpateyyoti – na tesu pasuto siyā.

**Nibbijjhā sabbaso kāmeti.** Nibbijjhāti paṭivijjhītī. “Sabbe saṅkhārā aniccā”ti paṭivijjhītī, “sabbe saṅkhārā dukkhā”ti paṭivijjhītī... pe... “yam kiñci samudayadhammam sabbam tam nirodhadhamma”nti paṭivijjhītī. **Sabbasoti** sabbena sabbam sabbathā sabbam asesam nissesam pariyādiyanavacanametam – sabbasoti. **Kāmāti** uddānato dve kāmā – vatthukāmā ca kilesakāmā ca... pe... ime vuccanti vatthukāmā... pe... ime vuccanti kilesakāmāti – nibbijjhā sabbaso kāme.

**Sikkhe nibbānamattanoti.** Sikkhāti tisso sikkhā – adhisīlasikkhā, adhicittasikkhā, adhipaññāsikkhā... pe... ayam adhipaññāsikkhā. **Nibbānamattanoti** attano rāgassa nibbāpanāya dosassa nibbāpanāya mohassa nibbāpanāya... pe... sabbākusalaṁbhisaṅkhārānaṁ samāya upasamāya vūpasamāya nibbāpanāya paṭinissaggāya paṭipassaddhiyā adhisīlampi sikkheyya adhicittampi sikkheyya adhipaññāmpī sikkheyya, imā tisso sikkhāyo āvajjanto sikkheyya jānanto sikkheyya... pe... sacchikātabbam sacchikaronto sikkheyya ācareyya samācareyya samādāya vatteyyāti – sikkhe nibbānamattano.

Tenāha bhagavā –

“Tattha sikkhānugiyanti, yāni loke gadhitāni;  
Na tesu pasuto siyā, nibbijjhā sabbaso kāme;  
Sikkhe nibbānamattano”ti.

#### 176. **Sacco siyā appagabbho, amāyo rittapesuṇo;** **Akkodhano lobhapāpam, veviccham vitare muni.**

**Sacco siyā appagabbhoti.** Sacco siyāti saccavācāya samannāgato siyā, sammādiṭṭhiyā samannāgato siyā, ariyena aṭṭhaṅgikena maggena samannāgato siyāti – sacco siyā. **Appagabbhoti** tīni pāgabbhiyāni – kāyikam pāgabbhiyam, vācasikam pāgabbhiyam, cetasikam pāgabbhiyam... pe... idam cetasikam pāgabbhiyam. Yassimāni tīni pāgabbhiyāni pahīnāni samucchinnāni vūpasantāni paṭipassaddhāni abhabuppattikāni nāñagginā daḍḍhāni, so vuccati appagabbhoti – sacco siyā appagabbho.

**Amāyo rittapesuṇoti.** Māyā vuccati vañcanikā cariyā. Idhekacco kāyena duccaritam caritvā vācāya duccaritam caritvā manasā duccaritam caritvā tassa paṭicchādanahetu pāpikam icchaṁ panidhati, mā mam jaññāti icchatī, mā mam jaññāti saṅkappeti, mā mam jaññāti vācam bhāsatī, mā mam jaññāti kāyena parakkamati. Yā evarūpā māyā māyāvitā accasarā vañcanā nikati nikiraṇā parihaṇā gūhanā parigūhanā chādanā paricchādanā anuttānīkammaṁ anāvikammaṁ vocchādanā pāpakiyā – ayam vuccati māyā. Yassesā māyā pahīnā samucchinnā vūpasantā paṭipassaddhā abhabuppattikā nāñagginā daḍḍhā, so vuccati amāyo. **Rittapesuṇoti** pesuññāti idhekacco pisuñavāco

hoti...pe... evam bhedādhippāyena pesuññam upasamharati. Yassetam pesuññam pahīnam samucchinnam vūpasantam paṭipassaddham abhabuppattikam nānagginā daḍḍham, so vuccati rittapesuṇo vivittapesuṇo pavivittapesuṇoti – amāyo rittapesuṇo.

**Akkodhano lobhapāpam, veviccham vitare munīti.** Akkodhanoti hi kho vuttam, api ca kodho tāva vattabbo. Dasahākārehi kodho jāyati. “Anattham me acarī”ti kodho jāyati...pe... yasseso kodho pahīno samucchinno vūpasanto paṭipassaddho abhabuppattiko nānagginā daḍḍho, so vuccati akkodhano. Kodhassa pahīnattā akkodhano, kodhavatthussa pariññātattā akkodhano, kodhahetussa upacchinnattā akkodhano. **Lobhoti** yo lobho lubbhanā lubbhitattam...pe... abhijjhā lobho akusalamūlam. Veviccham vuccati pañca macchariyāni – āvāsamacchariyam...pe... gāho vuccati macchariyam. **Munīti.** Monam vuccati nānam...pe... saṅgājalamaticca so muni. **Akkodhano lobhapāpam, veviccham vitare munīti.** Muni lobhapāpañca vevicchañca atari uttari patari samatikkami vītvattayīti [vītvattīti (ka.)] – akkodhano lobhapāpam, veviccham vitare muni.

Tenāha bhagavā –

“Sacco siyā appagabbho, amāyo rittapesuṇo;  
Akkodhano lobhapāpam, veviccham vitare muni”ti.

#### 177. Niddam tandim sahe thīnam, pamādena na samvase; Atimāne na tiṭṭheyya, nibbānamanaso naro.

**Niddam tandim sahe thīnanti.** Niddāti yā kāyassa akalyatā akammaññatā onāho pariyonāho antosamorodho middham suppam pacalāyikā suppam suppanā suppittattam. **Tandinti** yā tandī [tandi (sī. syā. ka.)] tandiyānā tandiyitattam tandimanakatā ālasyam ālasyāyatā ālasyāyatattam. **Thīnanti** yā cittassa akalyatā akammaññatā olīyanā sallīyanā līnam līyanā līyitattam, thīnam thiyanā thiyyitattam cittassa. **Niddam tandim sahe thīnanti.** Niddāñca tandīñca thīnañca sahe saheyya parisaheyya abhibhaveyya ajjhottareyya pariyādiyeyya maddeyyāti – niddam tandim sahe thīnam.

**Pamādena na samvaseti.** Pamādo vattabbo kāyaduccarite vā vacīduccarite vā manoduccarite vā pañcasu vā kāmaguñesu. Cittassa vosaggo vosaggānuppādanam [vossaggo vossaggānuppādanam (bahūsu)] vā kusalānam vā dhammānam bhāvanāya asakkaccakiriyatā asātaccakiriyatā anaṭṭhitakiriyatā olīnavuttī nikkhittacchandatā nikkhittadhuratā anāsevanā abhāvanā abahulikammañ anadhiṭṭhānam ananuyogo pamādo. Yo evarūpo pamādo pamajjanā pamajjitattam – ayañ vuccati pamādo. **Pamādena na samvaseti** pamādena na vaseyya na samvaseyya na āvaseyya na parivaseyya, pamādam pajaheyya vinodeyya byantīm kareyya anabhāvam gameyya, pamādā ārato assa virato paṭivirato nikkhanto nissañto vippamutto visaññutto vimariyādikatena cetasā vihareyyāti – pamādena na samvase.

**Atimāne na tiṭṭheyyāti.** Atimānoti idhekacco param atimaññati jātiyā vā gottena vā...pe... aññatarāññatarena vā vatthunā. Yo evarūpo māno maññanā maññitattam unnati unnamo dhajo sampaggāho ketukamyatā cittassa – ayañ vuccati atimāno. **Atimāne na tiṭṭheyyāti.** Atimāne na tiṭṭheyya na samtiṭṭheyya, atimānam pajaheyya vinodeyya byantīm kareyya anabhāvam gameyya, atimānā ārato assa virato paṭivirato nikkhanto nissañto vippamutto visaññutto vimariyādikatena cetasā vihareyyāti – atimāne na tiṭṭheyya.

**Nibbānamanaso naroti.** Idhekacco dānam dento sīlam samādiyanto uposathakammañ karonto pānīyam paribhojanīyam upaṭṭhapento pariveñam sammajjanto cetiyam vandanto cetiye gandhamālam āropento cetiyam padakkhiñam karonto yañ kiñci tedhātukam kusalābhisaṅkhāram abhisāṅkhāronto na gatihetu na upapattihetu na paṭisandhīhetu na bhavahetu na samsārahetu na vaṭṭahetu, sabbam tam visamyogādhippāyo nibbānaninno nibbānapoṇo nibbānapabbhāro abhisāṅkhārōti. Evampi nibbānamanaso naro. Atha vā sabbasaṅkhāradhātuyā cittam paṭivāpetvā [paṭivāsetvā (ka.)] amatāya

dhātuyā cittam upasamharati – “etam santam etam pañitam yadidam sabbasañkhārasamatho sabbūpadhipañinissaggo tañhakkhayo virāgo nirodho nibbāna”nti. Evampi nibbānamanaso naro.

“Na pañditā upadhisukhassa hetu, dadanti dānāni punabbhavāya;  
Kāmañca te upadhiparikkhayāya, dadanti dānam apunabbhavāya.

“Na pañditā upadhisukhassa hetu, bhāventi jhānāni punabbhavāya;  
Kāmañca te upadhiparikkhayāya, bhāventi jhānam apunabbhavāya.

“Te nibbutiñ āsisamānasā [āsiṁsamānā (sī.), abhimānā (syā.)] dadanti, tanninnacittā [tanninnā tañcittā (ka.)] tadañhimuttā;  
Najjo yathā sāgaramajjhupetā [sāgaramajjhagatā (syā.)], bhavanti nibbānaparāyanā te”ti.

Nibbānamanaso naro. Tenāha bhagavā –

“Niddam tandi sahe thīnam, pamādena na samvase;  
Atimāne na tiṭṭheyya, nibbānamanaso naro”ti.

### **178. Mosavajje na niyyetha, [niyyetha (ka.)] rūpe sneham na kubbaye; Mānañca parijāneyya, sāhasā virato care.**

**Mosavajje na niyyethāti.** Mosavajjam vuccati musāvādo. Idhekacco sabhaggato vā parisaggato vā ñātimajjhagato vā pūgamajjhagato vā rājakulamajjhagato vā abhinīto sakhipuṭṭho – “ehambho purisa, yam jānāsi tam vadehi”ti, so ajānam vā āha – “jānāmī”ti, jānam vā āha – “na jānāmī”ti, apassam vā āha – “passāmī”ti, passam vā āha – “na passāmī”ti. Iti attahetu vā parahetu vā āmisakiñcikkhahetu vā sampajānamusā bhāsitā hoti – idam vuccati mosavajjam. Api ca tihākārehi...pe... catuhākārehi...pañcahākārehi... chahākārehi... sattahākārehi... aṭṭhahākārehi...pe... imehi aṭṭhahākārehi musāvādo hoti. **Mosavajje na niyyethāti.** Mosavajje na yāyeyya na niyyāyeyya na vaheyya na samphareyya, mosavajjam pajahemaya vinodeyya byantim kareyya anabhāvam gameyya, mosavajjā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – mosavajje na niyyetha.

**Rūpe sneham na kubbayeti.** Rūpanti cattāro ca mahābhūtā, catunnañca mahābhūtānam upādāya rūpam. **Rūpe sneham na kubbayeti.** Rūpe sneham na kareyya chandañ na kareyya pemam na kareyya rāgam na kareyya na janeyya na sañjaneyya na nibbatteyya nābhinibbatteyyāti – rūpe sneham na kubbaye.

**Mānañca parijāneyyāti.** Mānoti ekavidhena māno – yā cittassa unnati. Duvidhena māno – attukkañsanamāno, paravambhanamāno. Tividhena māno – “seyyohamasmi”ti māno, “sadisohamasmi”ti māno, “hīnohamasmi”ti māno. Catuvidhena māno – lābhena mānam janeti, yasena mānam janeti, pasamṣāya mānam janeti, sukhena mānam janeti. Pañcavidhena māno – “lābhimi manāpikānam rūpāna”nti mānam janeti, “lābhimi manāpikānam saddānam...pe... gandhānam... rasānam... phoṭṭhabbāna”nti mānam janeti. Chabbidhena māno – cakkhusampadāya mānam janeti, sotasampadāya...pe... ghānasampadāya... jivhāsampadāya... kāyasampadāya... manosampadāya mānam janeti. Sattavidhena māno – atimāno, mānātīmāno, omāno, sadisamāno, adhimāno, asmimāno, micchāmāno. Aṭṭhavidhena māno – lābhena mānam janeti, alābhena omānam janeti, yasena mānam janeti, ayasena omānam janeti, pasamṣāya mānam janeti, nindāya omānam janeti, sukhena mānam janeti, dukkhena omānam janeti. Navavidhena māno – seyyassa “seyyohamasmi”ti māno, seyyassa “sadisohamasmi”ti māno, seyyassa “hīnohamasmi”ti māno, sadisassa “seyyohamasmi”ti māno, sadisassa “sadisohamasmi”ti māno, sadisassa “hīnohamasmi”ti māno, hīnassa “seyyohamasmi”ti māno, hīnassa “sadisohamasmi”ti māno, hīnassa “hīnohamasmi”ti māno. Dasavidhena māno –

idhekacco mānam janeti jātiyā vā gottena vā...pe... aññataraññatarena vā vatthunā. Yo evarūpo māno maññanā maññitattam unnati unnamo dhajo sampaggāho ketukamyatā cittassa – ayam vuccati māno.

**Mānañca parijāneyyāti.** Mānam tīhi pariññāhi parijāneyya – ñātапariññāya, tīraṇapariññāya, pahānapariññāya. Katamā ñātапariññā? Mānam jānāti ayam ekavidhena māno – yā cittassa unnati. Ayam duvidhena māno – attukam̄sanamāno paravambhanamāno...pe... ayam dasavidhena māno – idhekacco mānam janeti jātiyā vā gottena vā...pe... aññataraññatarena vā vatthunāti jānāti passati – ayam ñātапariññā.

Katamā tīraṇapariññā? Etam ñātam katvā mānam tīreti aniccato dukkhato...pe... nissaranato tīreti – ayam tīraṇapariññā.

Katamā pahānapariññā? Evaṁ tīrayitvā mānam pajahati vinodeti byantim karoti anabhāvam gameti – ayam pahānapariññā. **Mānañca parijāneyyāti** mānam imāhi tīhi pariññāhi parijāneyyāti – mānañca parijāneyya.

**Sāhasā virato caretī.** Katamā sāhasā cariyā? Rattassa rāgacariyā sāhasā cariyā, duṭṭhassa dosacariyā sāhasā cariyā, mūlhassa mohacariyā sāhasā cariyā, vinibaddhassa mānacariyā sāhasā cariyā, parāmaṭṭhassa diṭṭhicariyā sāhasā cariyā, vikkhepagatassa uddhaccacariyā sāhasā cariyā, aniṭṭhaṅgatassa vicikicchācariyā sāhasā cariyā, thāmagatassa anusayacariyā sāhasā cariyā – ayam sāhasā cariyā. **Sāhasā virato caretī** sāhasā cariyā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyya careyya vicareyya iriyeyya vatteyya pāleyya yapeyya yāpeyyāti – sāhasā virato care.

Tenāha bhagavā –

“Mosavajje na niyyetha, rūpe sneham na kubbaye;  
Mānañca parijāneyya, sāhasā virato care”ti.

### 179. Purāṇam nābhinandeyya, nave khantim na kubbaye [Khantimakubbaye (bahūsu)] ; Hīyamāne na soceyya, ākāsam [ākassam (syā.)] na sito siyā.

**Purāṇam nābhinandeyyāti.** Purāṇam vuccati atītā rūpavedanāsaññāsaṅkhāraviññāṇā. Atīte saṅkhāre taṇhāvasena diṭṭhivasena nābhinandeyya nābhivadeyya na ajjhoseyya, abhinandanam abhivadanam ajjhosānam gāham parāmāsam abhinivesam pajaheyya vinodeyya byantim kareyya anabhāvam gameyyāti – purāṇam nābhinandeyya.

**Nave khantim na kubbayeti.** Navā vuccati paccuppannā rūpavedanāsaññāsaṅkhāraviññāṇā. Paccuppanne saṅkhāre taṇhāvasena khantim na kareyya chandam na kareyya pemam na kareyya rāgam na kareyya na janeyya na sañjaneyya na nibbatteyya nābhinibbatteyyāti – nave khantim na kubbaye.

**Hīyamāne na soceyyāti.** Hīyamāne hāyamāne parihāyamāne vemāne vigacchamāne antaradhāyamāne na soceyya na kilameyya na parāmaseyya na parideveyya na urattālim kandeyya na sammoham āpajjeyya. Cakkhusim̄ hīyamāne hāyamāne parihāyamāne vemāne vigacchamāne antaradhāyamāne, sotasmim...pe... ghānasmim... jivhāya... kāyasmim... rūpasim... saddasmim... gandhasim... rasasmim... phoṭṭhabbasim... kulasim... gaṇasim... āvāsasmim... lābhasim... yasasmim... pasam̄sāya... sukhasim... cīvarasmim... piñḍapātasmim... senāsanasmim... gilānapaccayabhesajjaparikkhārasim̄ hīyamāne hāyamāne parihāyamāne vemāne vigacchamāne antaradhāyamāne na soceyya na kilameyya na parāmaseyya na parideveyya na urattālim kandeyya na

sammoham āpajjeyyāti – hīyamāne na soceyya.

**Ākāsam na sito siyāti.** Ākāsam vuccati taṇhā. Yo rāgo sārāgo...pe... abhijjhā lobho akusalamūlam. Kiṃkāraṇā ākāsam vuccati taṇhā? Yāya taṇhāya rūpam ākassati samākassati gaṇhāti parāmasati abhinivisati, vedanam...pe... saññam... sañkhāre... viññānam... gatim... upapattim... paṭisandhiṃ... bhavam... saṃsāram... vatṭam ākassati samākassati gaṇhāti parāmasati abhinivisati; taṇkāraṇā ākāsam vuccati taṇhā. **Ākāsam na sito siyāti.** Taṇhānissito na siyā. Taṇham pajaheyya vinodeyya byantim kareyya anabhāvam gameyya, taṇhāya ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – ākāsam na sito siyā.

Tenāha bhagavā –

“Purāṇam nābhinandeyya, nave khantiṃ na kubbaye;  
Hīyamāne na soceyya, ākāsam na sito siyā”ti.

**180. Gedham brūmi mahoghoti, ājavam [ācamam (syā. ka.)] brūmi jappanam;**  
**Ārammaṇam pakampanam, [pakappanaṃ (syā. ka.)] kāmapaṅko duraccayo.**

**Gedham brūmi mahoghoti.** Gedho vuccati taṇhā. Yo rāgo sārāgo...pe... abhijjhā lobho akusalamūlam. Mahogho vuccati taṇhā. Yo rāgo sārāgo...pe... abhijjhā lobho akusalamūlam. **Gedham brūmi mahoghoti.** Gedham “mahogho”ti brūmi ācikkhāmi desemi paññapemi paṭṭhapemi vivarāmi vibhajāmi uttānikaromi pakāsemīti – gedham brūmi mahoghoti.

**Ājavam brūmi jappananti.** Ājavā vuccati taṇhā. Yo rāgo sārāgo...pe... abhijjhā lobho akusalamūlam. Jappanāpi vuccati taṇhā. Yo rāgo sārāgo...pe... abhijjhā lobho akusalamūlam. **Ājavam brūmi jappananti** ājavam “jappanā”ti brūmi ācikkhāmi...pe... uttānikaromi pakāsemīti – ājavam brūmi jappanam.

**Ārammaṇam pakampananti.** Ārammaṇampi vuccati taṇhā. Yo rāgo sārāgo...pe... abhijjhā lobho akusalamūlam. Pakampanāpi vuccati taṇhā. Yo rāgo sārāgo...pe... abhijjhā lobho akusalamūlanti – ārammaṇam pakampanam.

**Kāmapaṅko duraccayoti.** Kāmapaṅko kāmakaddamo kāmakilesa kāmapalipo kāmapalibodho [kāmapalirodho (sī. ka.)] duraccayo durativatto duttarō duppataro dussamatikkamo dubbītivattoti – kāmapaṅko duraccayo.

Tenāha bhagavā –

“Gedham brūmi mahoghoti, ājavam brūmi jappanam;  
Ārammaṇam pakampanam, kāmapaṅko duraccayo”ti.

**181. Saccā avokkamam muni, thale tiṭṭhati brāhmaṇo;**  
**Sabbam so paṭinissajja, sa ve santoti vuccati.**

**Saccā avokkamam munīti.** Saccavācāya avokkamanto, sammādiṭṭhiyā avokkamanto, ariyā atṭhaṅgikā maggā avokkamanto. **Munīti.** Monam vuccati ñāṇam...pe... saṅgajālamaticca so munīti – saccā avokkamam muni.

**Thale tiṭṭhati brāhmaṇoti.** Thalam vuccati amataṃ nibbānam. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānam. **Brāhmaṇoti** sattannam dharmānam bāhitattā brāhmaṇo...pe... asito tādi pavuccate sa brahmā. **Thale tiṭṭhati brāhmaṇoti.** Thale tiṭṭhati

dīpe tiṭṭhati tāne tiṭṭhati leṇe tiṭṭhati saraṇe tiṭṭhati abhaye tiṭṭhati accute tiṭṭhati amate tiṭṭhati nibbāne tiṭṭhatīti – thale tiṭṭhati brāhmaṇo.

**Sabbam so paṭinissajjāti.** Sabbam vuccati dvādasāyatanāni – cakkhu ceva rūpā ca ...pe... mano ceva dharmā ca. Yato ajjhattikabāhiresu āyatanesu chandarāgo pahīno hoti ucchinnamūlo tālāvatthukato anabhāvamkato āyatim anuppādadhammo, ettāvatāpi sabbam cattam hoti vantam muttam pahīnam paṭinissaṭṭham. Yato taṇhā ca diṭṭhi ca māno ca pahīnā honti ucchinnamūlā tālāvatthukatā anabhāvamkata āyatim anuppādadhammā, ettāvatāpi sabbam cattam hoti vantam muttam pahīnam paṭinissaṭṭham. Yato puññābhisaṅkhāro ca apuññābhisaṅkhāro ca āneñjābhisaṅkhāro ca pahīnā honti ucchinnamūlā tālāvatthukatā anabhāvamkata āyatim anuppādadhammā, ettāvatāpi sabbam cattam hoti vantam muttam pahīnam paṭinissaṭṭhamanti – sabbam so paṭinissajja.

**Sa ve santoti vuccatīti.** So santo upasanto vūpasanto nibbuto paṭipassaddhoti vuccati kathīyati bhaṇyati dīpīyati vohariyatīti – sa ve santoti vuccati.

Tenāha bhagavā –

“Saccā avokkamam muni, thale tiṭṭhati brāhmaṇo;  
Sabbam so paṭinissajja, sa ve santoti vuccati”ti.

## 182. Sa ve vidvā [viddhā (syā.)] sa vedagū, ñatvā dhammam anissito; Sammā so loke iriyāno, na pihetīdha kassaci.

**Sa ve vidvā sa vedagūti.** Vidvāti vidvā vijjāgato ñāṇī vibhāvī medhāvī. **Vedagūti.** Vedā vuccanti catusu maggesu ñāṇam...pe... sabbavedanāsu vītarāgo sabbavedamaticca vedagū soti – sa ve vidvā sa vedagū.

**Ñatvā dhammam anissitoti.** Ñatvāti ñatvā jānitvā tulayitvā tīrayitvā vibhāvayitvā vibhūtam katvā. “Sabbe saṅkhārā aniccā”ti ñatvā jānitvā tulayitvā tīrayitvā vibhāvayitvā vibhūtam katvā, “sabbe saṅkhārā dukkhā”ti...pe... “yam kiñci samudayadhammam sabbam tam nirodhadhamma”nttī ñatvā jānitvā tulayitvā tīrayitvā vibhāvayitvā vibhūtam katvā. **Anissitoti** dve nissayā – taṇhānissayo ca diṭṭhinissayo ca...pe... ayam taṇhānissayo...pe... ayam diṭṭhinissayo. Taṇhānissayam pahāya diṭṭhinissayam paṭinissajjītvā cakkhum anissito... sotam anissito... ghānam anissito...pe... diṭṭhasutamutaviññatabbe dhamme anissito anallīno anupagato anajjhoso anadhimutto nikkhanto nissaṭo vippamutto visaññutto vimariyādikatena cetā viharatīti – ñatvā dhammam anissito.

**Sammā so loke iriyānoti.** Yato ajjhattikabāhiresu āyatanesu chandarāgo pahīno hoti ucchinnamūlo tālāvatthukato anabhāvamkato āyatim anuppādadhammo, ettāvatāpi sammā so loke carati viharati iriyati vattati pāleti yāpeti...pe... yato puññābhisaṅkhāro ca apuññābhisaṅkhāro ca āneñjābhisaṅkhāro ca pahīnā honti ucchinnamūlā tālāvatthukatā anabhāvamkata āyatim anuppādadhammā, ettāvatāpi sammā so loke carati viharati iriyati vattati pāleti yāpeti yāpetīti – sammā so loke iriyāno.

**Na pihetīdha kassacīti.** Pihā vuccati taṇhā. Yo rāgo sārāgo...pe... abhijjhā lobho akusalamūlam. Yassesā pihā taṇhā pahīnā samuccinnā vūpasantā paṭipassaddhā abhabuppattikā ñāṇagginā dadḍhā, so kassaci na piheti khattiyassa vā brāhmaṇassa vā vessassa vā suddassa vā gahaṭṭhassa vā pabbajitassa vā devassa vā manussassa vāti – na pihetīdha kassaci.

Tenāha bhagavā –

“Sa ve vidvā sa vedagū, ñatvā dhammam anissito;  
Sammā so loke iriyāno, na pihetīdha kassacī”ti.

**183. Yodha kāme accatari, saṅgam loke duraccayam;**  
**Na so socati nājjheti, chinnasoto abandhano.**

**Yodha kāme accatari, saṅgam loke duraccayanti.** Yoti yo yādiso yathāyutto yathāvihito yathāpakāro yam ṭhānappatto yam dhammasamannāgato khattiyo vā brāhmaṇo vā vesso vā suddo vā gahaṭṭho vā pabbajito vā devo vā manusso vā. **Kāmāti** uddānato dve kāmā – vatthukāmā ca kilesakāmā ca...pe... ime vuccanti vatthukāmā...pe... ime vuccanti kilesakāmā. **Saṅgāti** satta saṅgā – rāgasango, dosasango, mohasaṅgo, mānasāṅgo, diṭṭhisāṅgo, kilesasaṅgo, duccaritasāṅgo. **Loketi** apāyaloke manussaloke devaloke khandhaloke dhātuloke āyatana-loke. **Saṅgam loke duraccayanti.** Yo kāme ca saṅge ca loke duraccaye durativatte duttare duppatare dussamatikkame dubbītivatte atari uttari patari samatikkami vītvattayīti – yodha kāme accatari, saṅgam loke duraccayam.

**Na so socati nājjhetīti.** Vipariṇatam vā vatthum na socati, vipariṇatasmiṁ vā vatthusmiṁ na socati. “Cakkhu me vipariṇata”ti na socati...pe... sotam me... ghānaṁ me... jivhā me... kāyo me... rūpā me... saddā me... gandhā me... rasā me... phoṭṭhabbā me... kulam me... gaṇo me... āvāso me... lābho me... yaso me... pasaṁsā me... sukhaṁ me... cīvaraṁ me... piṇḍapāto me... senāsanam me... gilānapaccayabhesajjaparikkhārā me... mātā me... pitā me... bhātā me... bhaginī me... putto me... dhītā me... mittā me... amaccā me... nātī me... “sālohitā me vipariṇatā”ti na socati na kilamati na paridevati na urattālim kandati na sammoham āpajjatīti – na socati. **Nājjhetīti** najjheti na ajjheta na upanijjhāyati na nijjhāyati na pajjhāyati. Atha vā na jāyati na jiyyati na miyyati na cavati na upapajjatīti – nājjhetīti – na so socati nājjheti.

**Chinnasoto abandhanoti.** Sotam vuccati taṇhā. Yo rāgo sārāgo...pe... abhijjhā lobho akusalamūlam. Yassesā sotā taṇhā pahīnā samucchinnā...pe... nāṇagginā daḍḍhā, so vuccati chinnasoto. **Abandhanoti** rāgabandhanam dosabandhanam mohabandhanam mānabandhanam diṭṭhibandhanam kilesabandhanam duccaritabandhanam, yassete bandhanā pahīnā samucchinnā...pe... nāṇagginā daḍḍhā, so vuccati abandhanoti – chinnasoto abandhano.

Tenāha bhagavā –

“Yodha kāme accatari, saṅgam loke duraccayam;  
 Na so socati nājjheti, chinnasoto abandhano”ti.

**184. Yam pubbe tam visosehi, pacchā te māhu kiñcanam;**  
**Majjhe ce no gahessasi, upasanto carissasi.**

**Yam pubbe tam visosehīti.** Atīte saṅkhāre ārabbha ye kilesā uppajjeyyam te kilese sosehi visosehi sukkhāpehi visukkhāpehi abījam karohi pajaha vinodehi byantim karohi anabhāvam gamehīti. Evampi yam pubbe tam visosehi. Atha vā ye atīta kammābhisaṅkhārā avipakkavipākā te kammābhisaṅkhāre sosehi visosehi sukkhāpehi visukkhāpehi abījam karohi pajaha vinodehi byantim karohi anabhāvam gamehīti. Evampi yam pubbe tam visosehi.

**Pacchā te māhu kiñcananti.** Pacchā vuccati anāgataṁ. Anāgate saṅkhāre ārabbha yāni uppajjeyyam rāgakiñcanam dosakiñcanam mohakiñcanam mānakiñcanam diṭṭhikiñcanam kilesakiñcanam duccaritakiñcanam, imāni kiñcanāni [ime kiñcanā (ka.) passa dī. ni. 3.305] tuyham māahu mā akāsi mā janesi mā sañjanesi mā nibbattesi mā abhinibbattesi pajaha vinodehi byantim karohi anabhāvam gamehīti – pacchā te māhu kiñcanam.

**Majjhe ce no gahessasīti.** Majjhām vuccati paccuppannā rūpavedanāsaññāsaṅkhāraviññāṇā. Paccuppanne saṅkhāre taṇhāvasena diṭṭhivasena na gahessasi na uggaheressasi na ganhissasi na parāmasissasi nābhinandissasi nābhicarissasi na ajjhosissasi, abhinandanam abhivadanam ajjhosānam

gāham parāmāsaṁ abhinivesaṁ pajahissasi vinodessasi byantī karissasi anabhāvaṁ gamessasīti – majjhe ce no gahessasi.

**Upasanto carissasīti.** Rāgassa santattā samitattā upasamitattā, dosassa santattā samitattā upasamitattā...pe... sabbākusalābhisaṅkhārānaṁ santattā samitattā upasamitattā vūpasamitattā vijjhātattā nibbutattā vigatattā patipassaddhattā santo upasanto vūpasanto nibbuto patipassaddho carissasi viharissasi iriyissasi vattissasi pālissasi yapissasi yāpissasīti – upasanto carissasi.

Tenāha bhagavā –

“Yam pubbe tam visosehi, pacchā te māhu kiñcanam;  
Majjhe ce no gahessasi, upasanto carissasī”ti.

**185. Sabbaso nāmarūpasmīm, yassa natthi mamāyitam;**  
**Asatā ca na socati, sa ve loke na jīyati.**

**Sabbaso nāmarūpasmīm, yassa natthi mamāyitanti.** **Sabbasoti** sabbena sabbam sabbathā sabbam asesam nissesam pariyādiyanavacanametam – sabbasoti. **Nāmanti** cattāro arūpino kandhā. **Rūpanti** cattāro ca mahābhūtā, catunnañca mahābhūtānam upādāya rūpam. **Yassāti** arahato khīnāsavassa. **Mamāyitanti** dve mamattā – tañhāmamattañca diṭṭhimamattañca...pe... idam tañhāmamattam...pe... idam diṭṭhimamattam. **Sabbaso nāmarūpasmīm, yassa natthi mamāyitanti** sabbaso nāmarūpasmīm mamattā yassa natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā ñāṇagginā daḍḍhāti – sabbaso nāmarūpasmīm, yassa natthi mamāyitam.

**Asatā ca na socatī.** Vipariñataṁ vā vatthum na socati, vipariñatasmiṁ vā vatthusmiṁ na socati. “Cakkhu me vipariñata”nti na socati, sotam me... ghānam me... jivhā me... kāyo me... rūpā me... saddā me... gandhā me... rasā me... phoṭṭhabbā me... kulam me... gaṇo me... āvāso me... lābho me... pe... “sālohitā me vipariñata”ti na socati na kilamati na paridevati na urattālim kandati na sammoham āpajjatīti. Evampi asatā ca na socati.

Atha vā asatāya dukkhāya vedanāya phuṭṭho pareto samohito samannāgato na socati na kilamati na paridevati na urattālim kandati na sammoham āpajjatīti. Evampi asatā ca na socati. Atha vā cakkhurogena phuṭṭho pareto...pe... ḍamṣamakasavātātapasarīsapasamphassena phuṭṭho pareto samohito samannāgato na socati na kilamati na paridevati na urattālim kandati na sammoham āpajjatīti. Evampi asatā ca na socati. Atha vā asante asamvijjamāne anupalabbhamāne “ahu vata me, tam vata me natthi, siyā vata me, tam vatāhaṁ na labhāmī”ti na socati na kilamati na paridevati na urattālim kandati na sammoham āpajjatīti. Evampi asatā ca na socati.

**Sa ve loke na jīyatīti.** Yassa “mayham vā idam paresam vā ida”nti kiñci rūpagatam vedanāgataṁ saññāgataṁ saṅkhāragataṁ viññāṇagataṁ gahitam parāmaṭṭham abhinivīṭham ajjhositam adhimuttam atthi, tassa jāni atthi.

Bhāsitampi hetam –

“Jīno [jiṇṇe (sī.), jinno (syā.)] rathassam [rathasse (sī.) pañcakanipāte (ādimhi) maṇikundalajātakāṭṭhakathā olketabbā] maṇikundale ca, putte ca dāre ca tatheva jīno; Sabbesu bhogesu asevitesu, kasmā na santappasi sokakāle.

“Pubbeva maccam vijahanti bhogā, macco dhane pubbataram jahāsi;  
Asassatā [asassakā (sī.), assakā (syā.)] bhāvino kāmakāmī, tasmā na socāmahaṁ sokakāle.

“Udeti āpūrati veti cando, andham tapetvāna [attham gamitvāna (bahūsu)] paleti sūriyo; Veditā mayā sattuka lokadhammā, tasmā na socāmaham sokakāle”ti.

Yassa “mayham vā idam paresam vā ida”nti kiñci rūpagatam vedanāgatam saññāgatam sañkhāragatam viññānagatam gahitam parāmaṭham abhinivittham ajjhositam adhimuttam natthi, tassa jāni natthi. Bhāsitampi hetam – ““nandasi, samanā”ti. ‘Kim laddhā, āvuso’ti? ‘Tena hi, samana, socasī’ti. ‘Kim jīyittha, āvuso’ti? ‘Tena hi, samanā, neva nandasi na socasī’ti. ‘Evamāvuso”’ti.

“Cirassam vata passāma, brāhmaṇam parinibbutam; Anandim anīgham bhikkhum, tiṇṇam loke visattika”nti.

Sa ve loke na jīyati. Tenāha bhagavā –

“Sabbaso nāmarūpasmiṁ, yassa natthi mamāyitam; Asatā ca na socati, sa ve loke na jīyatī”ti.

#### **186. Yassa natthi idam meti, paresam vāpi kiñcanam;** **Mamattam so asamvindam, natthi meti na socati.**

**Yassa natthi idam meti, paresam vāpi kiñcananti.** Yassāti arahato khīnāsavassa. Yassa “mayham vā idam paresam vā ida”nti kiñci rūpagatam vedanāgatam saññāgatam sañkhāragatam viññānagatam gahitam parāmaṭham abhinivittham ajjhositam adhimuttam natthi na santi na samvijjati nupalabhati, pahīnam samucchinnam vūpasantam paṭipassaddham abhabuppattikam nānagginā daḍḍhanti. Evampi yassa natthi idam meti, paresam vāpi kiñcanam.

Vuttañhetam bhagavatā – “nāyam, bhikkhave, kāyo tumhākam, napi aññesam. Purāṇamidam, bhikkhave, kammaṇ abhisāñkhatam abhisāñcetayitam vedanīyam daṭṭhabbam. Tatra, bhikkhave, sutavā ariyasāvako paṭīccasamuppādamyeva sādhukam yoniso manasikaroti – iti imasmiṁ sati idam hoti imassuppādā idam uppajjati, imasmiṁ asati idam na hoti imassa nirodhā idam nirujjhati, yadidam avijjāpaccayā sañkhārā, sañkhārapaccayā viññānam...pe... evametassa kevalassa dukkhakkhandhassa samudayo hoti. Avijjāyatveva asesavirāganirodhā sañkhāranirodh...pe... evametassa kevalassa dukkhakkhandhassa nirodho hotī”ti. Evampi yassa natthi idam meti, paresam vāpi kiñcanam.

Vuttampi hetam bhagavatā –

“Suññato lokam avekkhassu, mogharāja sadā sato; Attānudiṭṭhim ūhacca [uhacca (ka.) su. ni. 1125], evam maccutaro siyā; Evaṁ lokam avekkhantaṁ, maccurājā na passati”ti.

Evampi yassa natthi idam meti, paresam vāpi kiñcanam.

Vuttampi hetam bhagavatā – “yam, bhikkhave, na tumhākam, tam pajahatha. Tam vo pahīnam dīgharattam hitāya sukhāya bhavissati. Kiñca, bhikkhave, na tumhākam? Rūpam, bhikkhave, na tumhākam, tam pajahatha. Tam vo pahīnam dīgharattam hitāya sukhāya bhavissati. Vedanā... saññā... sañkhārā... viññānam na tumhākam, tam pajahatha. Tam vo pahīnam dīgharattam hitāya sukhāya bhavissati. Tam kim maññatha, bhikkhave, yam imasmiṁ jetavane tiṇakaṭṭhasākhāpalāsam, tam jano hareyya vā ḍaheyya [daheyya (sī. ka.) sam. ni. 3.33] vā yathāpaccayam vā kareyya, api nu tumhākam evamassa – ‘amhe jano harati vā ḍahati vā yathāpaccayam vā karotī’ti? ‘No hetam, bhante’. ‘Tam kissa hetu’? ‘Na hi no etam, bhante, attā vā attaniyam vā’ti. ‘Evameva kho, bhikkhave, yam na tumhākam, tam pajahatha. Tam vo pahīnam dīgharattam hitāya sukhāya bhavissati. Kiñca, bhikkhave, na tumhākam? Rūpam, bhikkhave, na tumhākam, tam pajahatha. Tam vo pahīnam dīgharattam hitāya

sukhāya bhavissati. Vedanā... saññā... saṅkhārā... viññāṇam na tumhākam, tam pajahatha. Tam vo pahīnam dīgharattam hitāya sukhāya bhavissati’ti. Evampi yassa natthi idam meti, paresam vāpi kiñcanam. Bhāsitampi hetam –

“Suddhadhammasamuppādaṁ, suddhasaṅkhārasantatiṁ;  
Passantassa yathābhūtam, na bhayam hoti gāmaṇi.

“Tīṇakatṭhasamam lokam, yadā paññāya passati;  
Nāññam patthayate kiñci, aññatra appaṭisandhiyā”ti [paṭisandhiyāti (sī.)].

Evampi yassa natthi idam meti, paresam vāpi kiñcanam. Vajirā bhikkhunī māram pāpimantam etadavoca –

“Kam nu sattoti pacce, māra diṭṭhigataṁ nu te;  
Suddhasaṅkhārapuñjoyam, nayidha sattupalabbhati.

“Yathā hi [yathāpi (bahūsu) sam. ni. 1.171] aṅgasambhārā, hoti saddo ratho iti;  
Evam khandhesu santesu, hoti sattoti sammuti [sammati (syā.)].

“Dukkhameva hi sambhoti, dukkham tiṭṭhati veti ca;  
Nāññatra dukkhā sambhoti, nāññam dukkhā nirujjhati”ti.

Evampi yassa natthi idam meti, paresam vāpi kiñcanam. Vuttamñhetam bhagavatā

“Evameva kho, bhikkhave, bhikkhu rūpaṁ samannesati yāvatā rūpassa gati, vedanaṁ... saññam... saṅkhāre... viññāṇam samannesati yāvatā viññāṇassa gati. Tassa rūpaṁ samannesato yāvatā rūpassa gati, vedanaṁ... saññam... saṅkhāre... viññāṇam samannesato yāvatā viññāṇassa gati, yampissa tam hoti ‘aha’nti vā ‘mama’nti vā, ‘asmī’ti vā, tampi tassa na hotī”ti. Evampi yassa natthi idam meti, paresam vāpi kiñcanam.

Āyasmā, ānando, bhagavantam etadavoca – ““suñño loko, suñño loko’ti, bhante, vuccati. Kittāvata nu kho, bhante, suñño lokoti vuccatī”ti? “Yasmā kho, ānanda, suññam attena vā attaniyena vā, tasmā suñño lokoti vuccati. Kiñcānanda, suññam attena vā attaniyena vā? Cakkhu kho, ānanda, suññam attena vā attaniyena vā. Rūpā suññā, cakkhuvīññāṇam suññam, cakkhusamphasso suñño, yadidaṁ cakkhusamphassapaccayā uppajjati vedayitam sukham vā dukkham vā adukkhamasukham vā tampi suññam... sotam suññam... saddā suññā... ghānam suññam... gandhā suññā... jivhā suññā... rasā suññā... kāyo suñño... phoṭṭhabbā suññā... mano suñño... dhammā suññā... manoviññāṇam suññam... manosamphasso suñño, yadidaṁ manosamphassapaccayā uppajjati vedayitam sukham vā dukkham vā adukkhamasukham vā tampi suññam attena vā attaniyena vā. Yasmā kho, ānanda, suññam attena vā attaniyena vā, tasmā suñño lokoti vuccatī”ti. Evampi yassa natthi idam meti, paresam vāpi kiñcanam.

**Mamattam so asamvindanti. Mamattāti** dve mamattā – tañhāmamattañca diṭṭhimamattañca... pe... idam tañhāmamattam...pe... idam diṭṭhimamattam. Tañhāmamattam pahāya diṭṭhimamattam paṭinissajjītvā mamattam avindanto asamvindanto anadhigacchanto appaṭilabhattoti – mamattam so asamvindam.

**Natthi meti na socatī.** Vipariṇataṁ vā vatthum na socati, vipariṇatasmiṁ vā vathusmiṁ na socati. “Cakkhu me vipariṇata”nti na socati, “sotam me...pe... sālohitā me vipariṇata”ti na socati na kilamati na paridevati na urattālim kandati na sammoham āpajjatīti – natthi meti na socati.

Tenāha bhagavā –

“Yassa natthi idam meti, paresam vāpi kiñcanam;  
Mamattam so asamvindam, natthi meti na socati”ti.

**187. Aniṭṭhurī ananugiddho, anejo sabbadhi samo;  
Tamānisamsam̄ pabrūmi, pucchito avikampinam̄.**

**Aniṭṭhurī ananugiddho anejo sabbadhi samoti.** Katamam niṭṭhuriyam? Idhekacco niṭṭhuriyo hoti, paralābhāsakkāragarukāramānanavandanapūjanāsu issati usūyati [ussuyati (syā.), ussūyati (ka.)] issam̄ bandhati. Yam evarūpam niṭṭhuriyam niṭṭhuriyakammam issā issāyanā issāyitattam usūyā usūyanā usūyitattam – idam vuccati niṭṭhuriyam. Yassetam niṭṭhuriyam pahīnam samucchinnam...pe... nānagginā daddham, so vuccati aniṭṭhurīti. **Ananugiddhoti.** Gedho vuccati taṇhā. Yo rāgo sārāgo...pe... abhijjhā lobho akusalamūlam. Yasseso gedho pahīno samucchinno...pe... nānagginā daddho, so vuccati ananugiddho. So rūpe agiddho sadde...pe... diṭṭhasututaviññātabbesu dhammesu agiddho agadhito amucchito anajjhosanno, vītagedho vigatagedho cattagedho vantagedho muttagedho pahīnagedho paṭinissaṭṭhagedho, vītarāgo vigatarāgo cattarāgo vantarāgo muttarāgo pahīnarāgo paṭinissaṭṭharāgo, nicchāto nibbuto sītibhūto sukappaṭisamvedī brahmabhūtena attanā viharatīti – aniṭṭhurī ananugiddho.

**Anejo sabbadhi samoti.** Ejā vuccati taṇhā. Yo rāgo sārāgo...pe... abhijjhā lobho akusalamūlam. Yassesā ejā taṇhā pahīnā samucchinnā...pe... nānagginā daddhā, so vuccati anejo. Ejāya pahīnattā anejo. So lābhēpi na iñjati, alābhēpi na iñjati, yasepi na iñjati, ayasepi na iñjati, pasamṣāyapi na iñjati, nindāyapi na iñjati, sukhepi na iñjati, dukkhepi na iñjati, na calati na vedhati nappavedhati na sampavedhatīti – anejo. **Sabbadhi samoti** sabbam vuccati dvādasāyatanāni. Cakkhu ceva rūpā ca...pe... mano ceva dhammā ca. Yato ajjhattikabāhiresu āyatanesu chandarāgo pahīno hoti ucchinnamūlo tālāvatthukato anabhāvam̄kato āyatim anuppādadhammo, so vuccati sabbadhi samo. So sabbattha tādi sabbattha majjhato sabbattha upekkhakoti – anejo sabbadhi samo.

**Tamānisamsam̄ pabrūmi, pucchito avikampinanti.** Avikampinam puggalam puṭṭho pucchito yācito ajjhēsito pasādito ime cattāro ānisam̄se pabrūmi. Yo so aniṭṭhurī ananugiddho anejo sabbadhi samoti brūmi ācikkhāmi...pe... pakāsemīti – tamānisamsam̄ pabrūmi pucchito avikampinam̄.

Tenāha bhagavā –

“Aniṭṭhurī ananugiddho, anejo sabbadhi samo;  
Tamānisamsam̄ pabrūmi, pucchito avikampina”nti.

**188. Anejassa vijānato, natthi kāci nisaṅkhati [nisaṅkhati (bahūsu)];  
Virato so viyārabhbā, [viyārambhā (bahūsu)] khemam̄ passati sabbadhi.**

**Anejassa vijānatotī.** Ejā vuccati taṇhā. Yo rāgo sārāgo...pe... abhijjhā lobho akusalamūlam. Yassesā ejā taṇhā pahīnā samucchinnā...pe... nānagginā daddhā, so vuccati anejo. Ejāya pahīnattā anejo. So lābhēpi na iñjati, alābhēpi na iñjati, yasepi na iñjati, ayasepi na iñjati, pasamṣāyapi na iñjati, nindāyapi na iñjati, sukhepi na iñjati, dukkhepi na iñjati na calati na vedhati nappavedhati na sampavedhatīti – anejassa. **Vijānatotī** jānato ājānato vijānato paṭivijānato paṭivijjhato. “Sabbe saṅkhārā aniccā”ti jānato ājānato vijānato paṭivijānato paṭivijjhato, “sabbe saṅkhārā dukkhā”ti...pe... “yam kiñci samudayadhammam sabbam tam nirodhadhamma”ntntti jānato ājānato vijānato paṭivijānato paṭivijjhato – anejassa vijānato.

**Natthi kāci nisaṅkhatīti.** Nisaṅkhatiyāe vuccanti puññābhisaṅkhāro apuññābhisaṅkhāro āneñjābhisaṅkhāro. Yato puññābhisaṅkhāro ca apuññābhisaṅkhāro ca āneñjābhisaṅkhāro ca pahīnā honti ucchinnamūlā tālāvatthukatā anabhāvam̄kata āyatim anuppādadhammā, ettāvatā nisaṅkhatiyo natthi na santi na samvijjanti nupalabbhanti, pahīnā samucchinnā vūpasantā paṭipassaddhā abhabuppattikā

ñāṇagginā daḍḍhāti – natthi kāci nisaṅkhati.

**Virato so viyārabhbhāti.** Viyārabbho vuccati puññābhisaṅkhāro apuññābhisaṅkhāro āneñjābhisaṅkhāro. Yato puññābhisaṅkhāro ca apuññābhisaṅkhāro ca āneñjābhisaṅkhāro ca pahīnā honti ucchinnamūlā tālāvatthukatā anabhāvam̄katā āyatim̄ anuppādadhammā, ettāvatā ārabhbhā viyārabhbhā ārato assa virato pativirato nikkhanto nissaṭo vippamutto visaññutto vimariyādikatena cetasā viharatīti – virato so viyārabhbhā.

**Khemam̄ passati sabbadhbīti.** Bhayakaro rāgo bhayakaro doso bhayakaro moho...pe... bhayakarā kilesā. Bhayakarassa rāgassa pahīnattā...pe... bhayakarānam̄ kilesānam̄ pahīnattā sabbattha khemam̄ passati sabbattha abhayam̄ passati sabbattha anītikam̄ passati sabbattha anupaddavam̄ passati sabbattha anupasaggam̄ passati sabbattha anupasaṭṭhattam̄ [passaddham̄ (syā.)] passatīti – khemam̄ passati sabbadhi.

Tenāha bhagavā –

“Anejassa vijānato, natthi kāci nisaṅkhati;  
Virato so viyārabhbhā, khemam̄ passati sabbadhbī”ti.

**189. Na samesu na omesu, na ussesu vadate muni;**  
**Santo so vītamaccharo, [vītamacchero (sī.)] nādeti na nirassati.** [iti bhagavā]

**Na samesu na omesu, na ussesu vadate munīti. Munīti.** Monam̄ vuccati ñāṇam̄...pe... saṅgajālamaticca so muni. “Seyyohamasmī”ti vā “sadisohamasmī”ti vā “hīnohamasmī”ti vā na vadati na katheti na bhaṇati na dīpayati na voharatīti – na samesu na omesu, na ussesu vadate muni.

**Santo so vītamaccharoti.** Santoti rāgassa santattā samitattā santo, dosassa...pe... mohassa... sabbākusalābhisaṅkhārānam̄ santattā samitattā vūpasamitattā vijjhātattā nibbutattā vigatattā paṭipassaddhattā santo upasanto vūpasanto nibbuto paṭipassaddhoti – santo. So **vītamaccharoti.** Pañca macchariyāni āvāsamacchariyam...pe... gāho vuccati macchariyam. Yassetam̄ macchariyam pahīnām̄ samucchinnam...pe... ñāṇagginā daḍḍham̄, so vuccati vītamaccharo vigatamaccharo cattamaccharo vantamaccharo muttamaccharo pahīnamaccharo paṭinissatṭhamaccharoti – santo so vītamaccharo.

**Nādeti na nirassati, iti bhagavāti.** Nādetīti rūpam̄ nādiyati na upādiyati na gaṇhāti na parāmasati nābhinivisati, vedanam̄... saññam̄... saṅkhāre... viññānam̄... gatim̄... upapattim̄... paṭisandhim̄... bhavam... samsāram... vaṭṭam̄ nādiyati na upādiyati na gaṇhāti na parāmasati nābhinivisatīti – nādeti. **Na nirassatīti** rūpam̄ na pajahati na vinodeti na byantim̄ karoti na anabhāvam̄ gameti, vedanam... saññam... saṅkhāre... viññānam̄... gatim̄... upapattim... paṭisandhim... bhavam... samsāram... vaṭṭam̄ na pajahati na vinodeti na byantim̄ karoti na anabhāvam̄ gameti. **Bhagavāti** gāravādhivacanam...pe... sacchikā paññatti yadidam̄ bhagavāti.

Tenāha bhagavā –

“Na samesu na omesu, na ussesu vadate muni;  
Santo so vītamaccharo, nādeti na nirassati”. [iti bhagavā]

Attadaṇḍasuttaniddeso pannarasamo.

## 16. Sāriputtasuttaniddeso

Atha sāriputtasuttaniddesam vakkhati –

**190. Na me diṭṭho ito pubbe, [iccāyasmā sāriputto]**

**Na suto uda kassaci;**

**Evam vagguvado satthā, tusitā gaṇimāgato.**

**Na me diṭṭho ito pubbeti.** Ito pubbe me mayā na diṭṭhapubbo so bhagavā iminā cakkhunā iminā attabhāvena. Yadā bhagavā tāvatiṁsabhavane pāricchattakamūle pañḍukambalasilāyam vassamvuttho [vassamvuṭṭho (syā.)] devagaṇaparivuto majjhe maṇimayena sopānena saṅkassanagaram otīṇo imam dassanam pubbe na diṭṭhoti – na me diṭṭho ito pubbe.

**Iccāyasmā sāriputtoti.** **Iccāti** padasandhi padasamsaggo padapāripūrī akkharasamavāyo byañjanasiliṭṭhatā padānupubbatāpetam – iccāti. **Āyasmāti** piyavacanaṁ garuvacanaṁ sagāravasappatissavacanametam – āyasmāti. **Sāriputtoti** tassa therassa nāmam saṅkhā samaññā paññatti vohāro nāmam nāmakammaṁ nāmadheyyam nirutti byañjanam abhilāpoti – iccāyasmā sāriputto.

**Na suto uda kassacīti.** **Nāti** paṭikkhepo. **Udāti** padasandhi padasamsaggo padapāripūrī akkharasamavāyo byañjanasiliṭṭhatā padānupubbatāpetam – udāti. **Kassacīti** khattiyassa vā brāhmaṇassa vā vessassa vā suddassa vā gahaṭṭhassa vā pabbajitassa vā devassa vā manussassa vāti – na suto uda kassaci.

**Evam vagguvado satthāti.** Evam vagguvado madhuravado pemanīyavado hadayaṅgamavado karavīkarutamañjughoso [karavīkarudamañjussaro (syā.)]. Aṭṭhangasamannāgato kho pana tassa bhagavato mukhato ghoso niccharati – visaṭṭho ca viññeyyo ca mañju ca savanīyo ca bindu ca avisārī ca gambhīro ca ninnādi ca. Yathā parisam kho pana so bhagavā sarena viññāpeti, na assa bahiddhā parisāya ghoso niccharati, brahmassaro kho pana so bhagavā karavīkabhāṇīti – evam vagguvado.

**Satthāti** satthā bhagavā satthavāho. Yathā satthavāho satte kantāram tāreti, corakantāram tāreti, vālakantāram tāreti, dubbhikkhakantāram tāreti, nirudakakantāram tāreti uttāreti nittāreti patāreti khemantabhūmiṁ sampāpeti; evameva bhagavā satthavāho satte kantāram tāreti, jātikantāram tāreti, jarākantāram tāreti, byādhikantāram...pe... maraṇakantāram... sokaparidevadukkhadomanassupāyāsakantāram tāreti rāgakantāram tāreti dosakantāram... mohakantāram... mānakantāram... diṭṭhikantāram... kilesakantāram... duccaritakantāram tāreti, rāgagahanam tāreti, dosagahanam... mohagahanam... mānagahanam... diṭṭhigahanam... kilesagahanam... duccaritagahanam tāreti uttāreti nittāreti patāreti khemantām amatām nibbānam sampāpetīti. Evampi bhagavā satthavāho.

Atha vā bhagavā netā vinetā anunetā paññāpetā nijjhāpetā pekkhetā pasādetāti. Evampi bhagavā satthavāho.

Atha vā bhagavā anuppannassa maggassa uppādetā, asañjātassa maggassa sañjanetā, anakkhātassa maggassa akkhātā, maggaññū maggavidū maggakovidō maggānugā ca pana etarahi sāvakā viharanti pacchā samannāgatāti. Evampi bhagavā satthavāhoti – evam vagguvado satthā.

**Tusitā gaṇimāgatoti.** Bhagavā tusitakāyā cavitvā sato sampajāno mātukucchiṁ okkantoti. Evampi tusitā gaṇimāgato.

Atha vā devā vuccanti tusitā. Te tuṭṭhā santuṭṭhā attamanā pamuditā pītisomanassajātā devalokato gaṇīm āgatoti. Evampi tusitā gaṇimāgato. Atha vā arahanto vuccanti tusitā. Te tuṭṭhā santuṭṭhā attamanā paripuṇṇasaṅkappā arahantānam gaṇīm āgatoti. Evampi tusitā gaṇimāgato. **Gaṇīti** gaṇī bhagavā. Gaṇācariyoti gaṇī, gaṇassa satthāti gaṇī, gaṇam pariharatīti gaṇī, gaṇam ovadatīti gaṇī, gaṇamanusāsatīti

gaṇī, visārado gaṇam upasaṅkamatīti gaṇī, gaṇassa [gaṇossa (sī.)] sussūsati sotam odahati aññā cittam upaṭṭhapetīti gaṇī, gaṇam akusalā vuṭṭhāpetvā kusale patiṭṭhāpetīti gaṇī, bhikkhugaṇassa gaṇī, bhikkhunigaṇassa gaṇī, upāsakagaṇassa gaṇī, upāsikagaṇassa gaṇī, rājagaṇassa gaṇī, khattiyagaṇassa... brāhmaṇagaṇassa... vessagaṇassa... suddagaṇassa... devagaṇassa... brahmagaṇassa gaṇī, saṅghī gaṇī gaṇacariyo. Āgatoti upagato samupagato samupapanno [sampatto (syā. ka.)] saṅkassanagaranti – tusitā gaṇimāgato.

Tenāha thero sāriputto –

“Na me diṭṭho ito pubbe, [iccāyasmā sāriputto]  
Na suto uda kassaci;  
Evam vagguvado satthā, tusitā gaṇimāgato”ti.

### **191. Sadevakassa lokassa, yathā dissati cakkhumā; Sabbam tamam vinodetvā, ekova ratimajjhagā.**

**Sadevakassa lokassāti** sadevakassa lokassa samārakassa sabrahmakassa sassamaṇabrahmaṇiyā pajāya sadevamanussāyāti – sadevakassa lokassa.

**Yathā dissati cakkhumāti** yathā bhagavantam tāvatimsabhavane pāricchattakamūle pañḍukambalasilāyam nisinnaṁ dhammam desentam devatā passanti tathā manussā passanti. Yathā manussā passanti tathā devatā passanti. Yathā devānam dissati tathā manussānam dissati. Yathā manussānam dissati tathā devānam dissatīti. Evampi yathā dissati cakkhumā. Yathā vā paneke bhonto samaṇabrahmaṇā adantā dantavaṇṇena dissanti, asantā santavaṇṇena dissanti, anupasantā upasantavaṇṇena dissanti, anibbutā nibbutavaṇṇena dissanti.

“Patirūpako mattikākuṇḍalova, lohaḍḍhamāsova [lohamāsova (syā.)] suvaṇṇachanno; Caranti loke parivārachannā, anto asuddhā bahi sobhamānā”ti [ayam gāthā sam. ni. 1.122 dissati].

Na bhagavā evam dissati. Bhagavā bhūtena tacchena tathena yāthāvena aviparītena sabhāvena danto dantavaṇṇena dissati, santo santavaṇṇena dissati, upasanto upasantavaṇṇena dissati, nibbuto nibbutavaṇṇena dissati, akappitairiyāpathā ca buddhā bhagavanto pañidhisampannāti. Evampi yathā dissati cakkhumā.

Atha vā bhagavā visuddhasaddo gatakittisaddasiloko [bhaṭakittisaddasiloko (syā.)] nāgabhadavane ca supaṇṇabhadavane ca yakkhabhadavane ca asurabhadavane ca gandhabhabhadavane ca mahārājabhadavane ca indabhadavane ca brahmabhadavane ca devabhadavane ca ediso ca tādiso ca tato ca bhiyyoti. Evampi yathā dissati cakkhumā.

Atha vā bhagavā dasahi balehi samannāgato, catūhi vesārajjehi, catūhi paṭisambhidāhi, chahi abhiññāhi, chahi buddhadhammehi, tejena ca balena ca guṇena ca vīryena ca paññāya ca dissati ñāyati paññāyati.

“Dūre santo pakāsentī, himavantova pabbato;  
Asantettha na dissanti, rattim khittā [rattikhittā (sī.) dha. pa. 304] yathā sarā”ti.

Evampi yathā dissati cakkhumā.

**Cakkhumāti** bhagavā pañcahi cakkhūhi cakkhumā – māṃsacakkhunāpi cakkhumā, dibbacakkhunāpi cakkhumā, paññācakkhunāpi cakkhumā, buddhacakkhunāpi cakkhumā,

samantacakkhunāpi cakkhumā.

Katham bhagavā maṃsacakkhunāpi cakkhumā? Maṃsacakkhumhi bhagavato pañca vanṇā samvijjanti – nīlo ca vanṇo, pītako ca vanṇo, lohitako ca vanṇo, kaṇho ca vanṇo, odāto ca vanṇo. Akkhilomāni ca bhagavato. Yattha ca akkhilomāni patiṭhitāni tam nīlam hoti sunīlam pāsādikam dassaneyyam umāpupphasamānam. Tassa parato pītakaṇ hoti supītakaṇ suvaṇṇavaṇṇam pāsādikam dassaneyyam kaṇikārapupphasamānam. Ubhato akkhikūṭāni bhagavato lohitakāni honti sulohitakāni pāsādikāni dassaneyyāni indagopakasamānāni. Majhe kaṇhaṇ hoti sukaṇhaṇ alūkham suddhaṇ pāsādikam dassaneyyam addāriṭṭhakasamānam. Tassa parato odātam hoti suodātam setam paṇḍaram pāsādikam dassaneyyam osadhitārakasamānam. Tena bhagavā pākatikena maṃsacakkhunā attabhbāvapariyāpanna purimasucaritakammābhinibbattena samantā yojanam passati divā ceva rattiñca. Yadāpi caturaṅgasamannāgato andhakāro hoti sūriyo ca atthaṅgato hoti; kālapakkho ca uposatho hoti, tibbo ca vanasaṇdo hoti, mahā ca kālamegho abbhuṭṭhito hoti. Evarūpepi caturaṅgasamannāgate andhakāre samantā yojanam passati. Natthi so kuṭṭo vā kavāṭam vā pākāro vā pabbato vā gaccho vā latā vā āvaraṇam rūpānam dassanāya. Ekañce tilaphalam nimittam katvā tilavāhe pakkhipeyya, taññeva tilaphalam uddhareyya. Evam parisuddham bhagavato pākatikamaṃsacakkhu. Evam bhagavā maṃsacakkhunāpi cakkhumā.

Katham bhagavā dibbena cakkhunāpi cakkhumā? Bhagavā dibbena cakkhunā visuddhena atikkantamānusakena satte passati cavamāne upapajjamāne hīne pañite suvaṇṇe dubbaṇṇe sugate duggate; yathākammūpage satte pajānāti – “ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā ariyānam upavādakā micchādiṭṭhikā micchādiṭṭhikammasamādānā, te kāyassa bhedā param maraṇā apāyam duggatiṁ vinipātam nirayam upapannā; ime vā pana bhonto sattā kāyasucaritena samannāgatā vacīsucaritena samannāgatā manusucaritena samannāgatā ariyānam anupavādakā sammādiṭṭhikā sammādiṭṭhikammasamādānā, te kāyassa bhedā param maraṇā sugatiṁ saggam lokam upapannā”ti. Iti dibbena cakkhunā visuddhena atikkantamānusakena satte passati cavamāne upapajjamāne hīne pañite suvaṇṇe dubbaṇṇe sugate duggate; yathākammūpage satte pajānāti. Ākaṅkhamāno ca bhagavā ekampi lokadhātum passeyya, dvepi lokadhātuyo passeyya, tissopi lokadhātuyo passeyya, catassopi lokadhātuyo passeyya, pañcapi lokadhātuyo passeyya, dasapi lokadhātuyo passeyya, vīsampi [vīsatimpi (sī.)] lokadhātuyo passeyya, tiṁsampi lokadhātuyo passeyya, cattālīsampi lokadhātuyo passeyya, paññāsampi lokadhātuyo passeyya, satampi lokadhātum passeyya, sahassimpi cūlanikam lokadhātum passeyya, dvishahassimpi majjhimikam lokadhātum passeyya, tisahassimpi lokadhātum passeyya, mahāsaḥassimpi lokadhātum passeyya, yāvatakanam pana ākaṅkheyya tāvatakanam passeyya. Evam parisuddham bhagavato dibbacakkhu. Evam bhagavā dibbena cakkhunāpi cakkhumā.

Katham bhagavā paññācakkhunāpi cakkhumā? Bhagavā mahāpañño puthupañño hāsapañño javanapañño tikkhapañño nibbedhikapañño paññāpabhedakusalo pabbhinnañāno adhigatapaṭisambhido catuvesārajjappatto dasabaladhārī purisāsabho purisāsaho purisanāgo purisājañño purisadhorayho anantañāno anantatejo anantayaso aḍḍho mahaddhano dhanavā netā vinetā anunetā paññāpetā nijjhāpetā pekkhetā pasādetā. So hi bhagavā anuppannassa maggassa uppādetā, asañjātassa maggassa sañjanetā, anakkhātassa maggassa akkhātā, maggaññū maggavidū maggakovido maggānugā ca pana etarahi sāvakā viharanti pacchā samannāgatā.

So hi bhagavā jānam jānāti, passam passati, cakkhubhūto nīṇabhūto dharmabhūto brahmabhūto vattā pavattā athassa ninnetā amatassa dātā dhammassāmī tathāgato. Natthi tassa bhagavato aññātam adiṭṭham aviditam asacchikataṁ aphassitam paññāya. Atītam anāgatam pacuppānam upādāya sabbe dhammā sabbākārena buddhassa bhagavato nīṇamukhe āpātham āgacchanti. Yam kiñci neyyam nāma atthi jānitabbaṇ [atthi dhammaṇ jānitabbam (ka.) mahāni. 156] attatho vā, paratho vā, ubhayattho vā, diṭṭhadhammiko vā attho, samparāyiko vā attho, uttāno vā attho, gambhīro vā attho, gūlho vā attho, paṭicchanno vā attho, neyyo vā attho, nīto vā attho, anavajjo vā attho, nikilesō vā attho, vodāno vā

attho, paramattho vā attho, sabbam tam antobuddhañāne parivattati.

Atīte buddhassa bhagavato appaṭihataṁ ñāṇam, anāgate appaṭihataṁ ñāṇam, paccuppanne appaṭihataṁ ñāṇam. Sabbam kāyakammaṁ buddhassa bhagavato ñāṇānuparivatti. Sabbam vacīkammaṁ... sabbam manokammaṁ buddhassa bhagavato ñāṇānuparivatti. Yāvatakam neyyam tāvatakam ñāṇam, yāvatakam ñāṇam tāvatakam neyyam; neyyapariyantikam ñāṇam, ñāṇapariyantikam neyyam; neyyam atikkamitvā ñāṇam nappavattati, ñāṇam atikkamitvā neyyapatho natthi; aññamaññapariyantaṭṭhayino te dhammā. Yathā dvinnam samuggapaṭalānam sammāphusitānam heṭṭhimam samuggapaṭalam uparimam nātivattati, uparimam samuggapaṭalam heṭṭhimam nātivattati, aññamaññapariyantaṭṭhayino; evamevaṁ buddhassa bhagavato neyyañca ñānañca aññamaññapariyantaṭṭhayino. Yāvatakam neyyam tāvatakam ñāṇam, yāvatakam ñāṇam tāvatakam neyyam, neyyapariyantikam ñāṇam, ñāṇapariyantikam neyyam; neyyam atikkamitvā ñāṇam na pavattati, ñāṇam atikkamitvā neyyapatho natthi; aññamaññapariyantaṭṭhayino te dhammā.

Sabbadhammesu buddhassa bhagavato ñāṇam pavattati. Sabbe dhammā buddhassa bhagavato āvajjanapaṭibaddhā ākaṇkhapaṭibaddhā manasikārapaṭibaddhā cittuppādapatibaddhā. Sabbasattesu buddhassa bhagavato ñāṇam pavattati. Sabbesam sattānam bhagavā āsayam jānāti, anusayam jānāti, caritam jānāti, adhimuttim jānāti, apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye bhabbābhabbe satte pajānāti. Sadevako loko samārako sabrahmako sassamaṇabrahmaṇī pajā sadevamanussā antobuddhañāne parivattati.

Yathā ye keci macchakacchapā antamaso timitimigalam upādāya antomahāsamudde parivattanti; evameva sadevako loko samārako sabrahmako sassamaṇabrahmaṇī pajā sadevamanussā antobuddhañāne parivattati. Yathā ye keci pakkhī antamaso garuḍam venateyyam upādāya ākāsassa padese parivattanti; evameva yepi te sāriputtasamā paññāya tepi buddhañāṇassa padese parivattanti; buddhañāṇam devamanussānam paññām pharitvā abhibhavitvā tiṭṭhati. Yepi te khattiyanapanḍitā brāhmaṇapanḍitā gahapatipanḍitā samaṇapanḍitā nipuṇā kataparappavādā vālavedhirūpā vohhindantā maññe caranti paññāgatena diṭṭhigatāni, te pañhe abhisāṅkharityā abhisāṅkharityā tathāgatam upasāṅkamitvā pucchanti gūlhāni ca paṭicchannāni ca. Kathitā visajjītāva te pañhā bhagavatā honti niddiṭṭhakāraṇā upakkhittakā ca. Te bhagavato sampajjanti. Atha kho bhagavāva tattha atirocati, yadidam paññāyāti. Evam bhagavā paññācakkhunāpi cakkhumā.

Katham bhagavā buddhacakkhunāpi cakkhumā? Bhagavā buddhacakkhunā lokam volokento [olokento (sī.)] addasa satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye appekacce paralokavajjabhayadassāvino viharante appekacce naparalokavajjabhayadassāvino viharante. Seyyathāpi nāma uppaliṇiyam vā paduminiyam vā puṇḍarīkiniyam vā appekaccāni uppālāni vā padumāni vā puṇḍarīkāni vā udake jātāni udake samvadḍhāni udakam accuggamma tiṭṭhanti anupalittāni udakena; evamevaṁ bhagavā buddhacakkhunā lokam volokento addasa satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye appekacce paralokavajjabhayadassāvino viharante appekacce naparalokavajjabhayadassāvino viharante. Jānāti bhagavā – “ayam puggalo rāgaracito, ayam dosacarito, ayam mohacarito, ayam vitakkacarito, ayam saddhācarito, ayam ñāṇacarito”ti. Rāgaracitassa bhagavā puggalassa asubhakathaṁ katheti; dosacaritassa bhagavā puggalassa mettābhāvanam ācikkhati; mohacaritassa bhagavā puggalassa uddese paripucchāya kālena dhammassavane kālena dhammasākacchāya garusaṁvāse niveseti; vitakkacaritassa bhagavā puggalassa ānāpānassatiṁ ācikkhati; saddhācaritassa bhagavā puggalassa pasādanīyam nimittaṁ ācikkhati buddhasubodhiṁ dhammasudhammatam saṅgasuppaṭipattim sīlāni ca attano; ñāṇacaritassa bhagavā puggalassa vipassanānimittam ācikkhati aniccākāram dukkhākāram anattākāram.

“Sele yathā pabbatamuddhaniṭṭhito, yathāpi passe janataṁ samantato;  
Tathūpamaṁ dhammadmayam sumedha, pāsādamāruyha samantacakkhu;  
Sokāvatiṇṇam janatamapetasoko, avekkhassu jātijarābhībhūta”nti.

Evam bhagavā buddhacakkhunāpi cakkhumā.

Katham bhagavā samantacakkhusaṁcakkhumā? Samantacakkhu vuccati sabbaññutaññāṇam.  
Bhagavā sabbaññutaññena upeto samupeto upagato samupagato upapano samupapanno samannāgato.

“Na tassa adiṭṭhamidhatthi kiñci, atho aviññātamajānitabbam;  
Sabbam abhiññāsi yadatthi neyyam, tathāgato tena samantacakkhū”ti.

Evam bhagavā samantacakkhusaṁcakkhumāti – yathā dissati cakkhumā.

**Sabbam tamam vinodetvāti** sabbam rāgatamam dosatamam mohatamam mānatamam diṭṭhitamam kilesatamam duccaritatamam andhakaraṇam acakkhukaraṇam aññāṇakaraṇam paññānirodhikam vighātapakkhikam anibbānasamvattanikam nuditvā panuditvā jahitvā pajahitvā vinodetvā byantiṁ karitvā anabhāvam gametvāti – sabbam tamam vinodetvā.

**Ekova ratimajjhagāti.** Ekoti bhagavā pabbajjāsaṅkhātena eko, adutiyāṭṭhena eko, taṇhāya pahānaṭṭhena eko, ekantavītarāgoti eko, ekantavītadosoti eko, ekantavītamohoti eko, ekantanikkilesoti eko, ekāyanamaggam gatoti eko, anuttaram sammāsambodhiṁ abhisambuddhoti eko.

Katham bhagavā pabbajjāsaṅkhātena eko? Bhagavā daharova samāno susu kālakeso bhadrena [bhaddena (syā)] yobbanena samannāgato paṭhamena vayasā akāmakānam mātāpitūnam assumukhānam rudantānam vilapantānam nātisaṅgham pahāya sabbam gharāvāsapalibodham chinditvā puttadārapalibodham chinditvā nātipalibodham chinditvā mittāmaccapalibodham chinditvā sannidhipalibodham chinditvā kesamassum ohāretvā kāsāyāni vatthāni acchādetvā agārasmā anagāriyam pabbajitvā akiñcanabhāvam upagantvā eko carati viharati iriyati vattati pāleti yāpeti – evam bhagavā pabbajjāsaṅkhātena eko.

Katham bhagavā adutiyāṭṭhena eko? So evam pabbajito samāno eko araññavanapatthāni pantāni senāsanāni paṭisevati appasaddāni appanigghosāni vijanavātāni manussarāhasseyyakāni paṭisallānasāruppāni. So eko carati, eko gacchatī, eko titthati, eko nisīdati, eko seyyam kappeti, eko gāmam piṇḍaya pavisati, eko paṭikkamati, eko raho nisīdati, eko caṅkamam adhiṭṭhāti, eko carati viharati iriyati vattati pāleti yāpeti – evam bhagavā adutiyāṭṭhena eko.

Katham bhagavā taṇhāya pahānaṭṭhena eko? So evam eko adutiyō appamatto ātāpī pahitatto viharanto najjā nerañjarāya tīre bodhirukkhamūle mahāpadhānam padahanto māraṇam sasenam kaṇham namuciṁ pamattabandhum vidhamitvā taṇhājāliniṁ visaritaṁ visattikam pajahasi vinodesi byantiṁ akāsi anabhāvam gamesi.

“Taṇhādutiyo puriso, dīghamaddhānasamśaram;  
Itthabhāvāññathābhāvam [ittham bhāvāññathābhāvam (ka.) itiv. 15, 105], samśāram nātivattati.

“Etamādīnavam nātvā, taṇham dukkhassa sambhavam;  
Vītataṇho anādāno, sato bhikkhu paribbaje”ti.

Evam bhagavā taṇhāya pahānaṭṭhena eko.

Katham bhagavā ekantavītarāgoti eko? Rāgassa pahīnattā ekantavītarāgoti eko, dosassa pahīnattā ekantavītadosoti eko, mohassa pahīnattā ekantavītamohoti eko, kilesānam pahīnattā ekantanikkilesoti eko.

Katham bhagavā ekāyanamaggam gatoti eko? Ekāyanamaggo vuccati cattāro satipaṭṭhānā cattāro sammappadhbānā cattāro iddhipādā pañcindriyāni pañca balāni satta bojjhaṅgā ariyo atthaṅgiko maggo.

“Ekāyanam jātikhayantadassī, maggam pajānāti hitānukampī;  
Etena maggena tariṁsu [atarim̄su (syā.)] pubbe, tarissanti ye ca taranti ogha”nti.

Evam bhagavā ekāyanamaggam gatoti eko.

Katham bhagavā eko anuttaram sammāsambodhim abhisambuddhoti eko? Bodhi vuccati catūsu maggesu nānam paññindriyam paññābalam dhammavicasambojjhaṅgo vīmaṇsā vipassanā sammādiṭṭhi. Bhagavā tena bodhiñānena “sabbe saṅkhārā anicca”ti bujhi, “sabbe saṅkhārā dukkhā”ti bujhi, “sabbe dhammā anattā”ti bujhi, “avijjāpaccayā saṅkhārā”ti bujhi...pe... “jātipaccayā jarāmaraṇa”nti bujhi; “avijjānirodhā saṅkhāranirodho”ti bujhi...pe... “jātinirodhā jarāmaraṇanirodho”ti bujhi; “idam dukkha”nti bujhi, “ayaṁ dukkhasamudayo”ti bujhi, “ayaṁ dukkhanirodho”ti bujhi, “ayaṁ dukkhanirodhagāminī paṭipadā”ti bujhi; “ime āsavā”ti bujhi...pe... “ayaṁ āsavanirodhagāminī paṭipadā”ti bujhi; “ime dhammā pariññeyyā”ti bujhi... pahātabbāti... bhāvetabbāti... sacchikātabbāti bujhi, channam phassāyatanaṁ samudayañca atthaṅgamañca assādañca ādīnavañca nissaraṇañca bujhi, pañcannaṁ upādānakhandhānaṁ samudayañca atthaṅgamañca assādañca ādīnavañca nissaraṇañca bujhi, catunnaṁ mahābhūtānaṁ samudayañca atthaṅgamañca assādañca ādīnavañca nissaraṇañca bujhi, “yam kiñci samudayadhammam, sabbam tam nirodhadhamma”ntnti bujhi.

Atha vā yam kiñci bujhitabbam anubujjhitabbam paṭibujjhitabbam sambujjhitabbam adhigantabbam phassitabbam sacchikātabbam, sabbam tam tena bodhiñānena bujhi anubujjhī paṭibujjhī sambujjhī sammābujjhī adhigacchi phassesi sacchākāsi. Evam bhagavā eko anuttaram sammāsambodhim abhisambuddhoti eko.

**Ratimajjhagāti.** Ratinti nekkhammaratim vivekaratim upasamaratim sambodhiratim ajjhagā samajjhagā adhigacchi phassesi sacchākāsīti – ekova ratimajjhagā.

Tenāha thero sāriputto –

“Sadevakassa lokassa, yathā dissati cakkhumā;  
Sabbaṁ tamam vinodetvā, ekova ratimajjhagā”ti.

## 192. Tam buddham asitam tādim, akuham gaṇimāgatam; Bahūnamidha baddhānam, atthi pañhena āgamam.

**Tam buddham asitam tādinti.** Buddhoti yo so bhagavā sayambhū anācariyako pubbe ananussutesu dhammesu sāmaṁ saccāni abhisambujjhī, tathā ca sabbaññutam pāpuṇi [patto (syā.)], balesu ca vasībhāvam pāpuṇi. **Buddhoti kenaṭhena buddho?** Bujjhītā saccānīti buddho, bodhetā pajāyāti buddho, sabbaññutāya buddho, sabbadassāvitāya buddho, anaññaneyyatāya buddho, visavītāya buddho, khīṇāsavasaṅkhātena buddho, nirupakkilesasaṅkhātena buddho, ekantavītarāgoti buddho, ekantavītadosoti buddho, ekantavītamohoti buddho, ekantanikkilesoti buddho, ekāyanamaggam gatoti buddho, eko anuttaram sammāsambodhim abhisambuddhoti buddho, abuddhivihatattā buddhipatilābhattā buddho. Buddhoti netam mātarā katam na pitarā kataṁ, na bhātarā katam, na bhaginiyā katam, na mittāmaccehi kataṁ, na nātisālohitēhi kataṁ, na samānabrāhmañehi kataṁ, na

devatāhi kataṁ. Vimokkhantikametam buddhānam bhagavantānam bodhiyā mūle saha sabbaññutaññassa pañilabhā sacchikā paññatti, yadidaṁ buddhoti – tam buddham. Asitanti dve nissaya – tañhānissayo ca diṭṭhinissayo ca. Katamo tañhānissayo? Yāva tañhāsaṅkhātena sīmakataṁ odhikatam [pariyādikatam (syā.)] pariyantakataṁ pariggahitam mamāyitam – idam mama, etam mama, ettakam mama, ettāvatā mama, mama rūpā saddā gandhā rasā phoṭhabbā, atharaṇā pāvuraṇā dāsidāsā ajeṭakā kukkuṭasūkarā hatthigavāssavalavā, khettam vatthum hiraññam suvannam, gāmanigamarājadhāniyo ratṭhañca janapado ca koso ca koṭṭhāgārañca, kevalampi mahāpathavim tañhāvasena mamāyatī, yāvatā atṭhasataṁ tañhāvicaritam – ayam tañhānissayo.

Katamo diṭṭhinissayo? Vīsativatthukā sakkāyadiṭṭhi, dasavatthukā micchādiṭṭhi, dasavatthukā antaggāhikā diṭṭhi. Yā evarūpā diṭṭhi diṭṭhigataṁ diṭṭhigahanam diṭṭhikantāro diṭṭhivisūkāyikam diṭṭhivipphanditaṁ diṭṭhisaññojanam gāho paṭiggāho abhiniveso parāmāso kummaggo micchāpatho micchattam titthāyatanam vipariyāsaggāho viparītaggāho vipallāsaggāho micchāgāho “ayāthāvakasmīm yāthāvaka”nti gāho yāvatā dvāsatthi diṭṭhigatāni – ayam diṭṭhinissayo.

Buddhassa bhagavato tañhānissayo pahīno, diṭṭhinissayo paṭinissaṭṭho; tañhānissayassa pahīnattā diṭṭhinissayassa paṭinissaṭṭhattā bhagavā cakkhum asito, sotam... ghānam... jivham... kāyam... manam asito, rūpe... sadde... gandhe... rase... phoṭhabbe... kulam... gaṇam... āvāsam... lābhām... yasam... pasam̄sam... sukham... cīvaraṁ... piṇḍapātam... senāsanam... gilānapaccayabhesajjaparikkhāram... kāmadhātum... rūpadhātum... arūpadhātum... kāmabhavam... rūpabhavam... arūpabhavam... saññābhavam... asaññābhavam... nevasaññānāsaññābhavam... ekavokārabhavam... catuvokārabhavam... pañcavokārabhavam... aṭītam... anāgatam... paccuppannam... diṭṭhasutamutaviññātabbe dhamme asito anissito anallīno anupagato anajjhosito anadhimutto nikkhanto nissaṭo vippamutto visaññutto vimariyādikatena cetā viharatīti – tam buddham asitam.

**Tādinti** bhagavā pañcahākārehi tādī – iṭṭhāniṭṭhe tādī, cattāvīti tādī, tiṇṇāvīti tādī, muttāvīti tādī, taññiddesā tādī.

Kathaṁ bhagavā iṭṭhāniṭṭhe tādī? Bhagavā lābhēpi tādī, alābhēpi tādī, yasepi tādī, ayasepi tādī, pasam̄sāyapi tādī nindāyapi tādī, sukhepi tādī, dukkhepi tādī; ekacce bāham gandhena limpeyyum, ekacce bāham vāsiyā taccheyyum, amukasmīm natthi rāgo, amukasmīm natthi paṭigham, anunayapaṭīghavippahīno ugghātinigghātivītivatto anurodhavirodham samatikkanto. Evam bhagavā iṭṭhāniṭṭhe tādī.

Kathaṁ bhagavā cattāvīti tādī? Bhagavatā [bhagavato (syā.)] rāgo catto vanto mutto pahīno paṭinissaṭṭho, doso... pe... moho... kodho... upanāho... makkho... paññāso... issā... macchariyam... māyā... sāṭheyam... thambho... sārambho... māno... atimāno... mado... pamādo... sabbe kilesā... sabbe duccarīta... sabbe darathā... sabbe pariñjhā... sabbe santāpā ... sabbākusalābhisaṅkhārā cattā vantā muttā pahīnā paṭinissaṭṭhā. Evam bhagavā cattāvīti tādī.

Katham bhagavā tiṇṇāvīti tādī? Bhagavā kāmogham tiṇṇo, bhavogham tiṇṇo, diṭṭhogham tiṇṇo, avijjogham tiṇṇo, sabbam samsārapatham tiṇṇo uttiṇṇo nittiṇṇo atikkanto samatikkanto vītivatto. So vuṭṭhavāso ciṇṇacaraṇo gataddho gatadiso gatakoṭiyo pālitabrahmacariyo uttamadiṭṭhippatto bhāvitamaggo pahīnakileso paṭividdhākuppo sacchikatanirodho. Dukkham tassa pariññātam, samudayo pahīno, maggo bhāvito, nirodho sacchikato, abhiññeyyam abhiññātam, pariññeyyam pariññātam, pahātabbam pahīnam, bhāvetabbam bhāvitam, sacchikātabbam sacchikataṁ. So ukkhittapaligho [ukkhittapaligho (syā. ka.) mahāni. 6] samkinṇaparikkho abbūlhesiko niraggalo ariyo pannaddhajo pannabhārō visaññutto pañcaṅgavippahīno chalaṅgasamannāgato ekārakkho caturāpasseno panuṇṇapaccekasacco samavayasaṭṭhesano anāvilasaṅkappo passaddhakāyasaṅkhāro suvimuttacitto suvimuttañño kevalī vusitavā uttamapuriso paramapuriso paramapattippatto. So nevācinati, nāpacinati; apacinitvā ṛhito neva pajahati, na upādiyati; pajahitvā ṛhito neva samsibbatī, na usineti;

visinetvā ɻhito neva vidhūpeti, na sandhūpeti; vidhūpetvā ɻhito, asekhenā sīlakkhandhena samannāgatattā ɻhito, asekhenā samādhikkhandhena samannāgatattā ɻhito, asekhenā paññākkhandhena samannāgatattā ɻhito, asekhenā vimuttikkhandhena samannāgatattā ɻhito, asekhenā vimuttiñāñadassanakkhandhena samannāgatattā ɻhito, saccam̄ sampatiñādiyitvā ɻhito, ejam̄ samatikkamitvā ɻhito, kilesaggim̄ pariñādiyitvā ɻhito, aparigamanatāya ɻhito, kañam̄ samādāya ɻhito, muttapañisevanatāya ɻhito, mettāya pārisuddhiyā ɻhito, karuñāya pārisuddhiyā ɻhito, muditāya pārisuddhiyā ɻhito, upekkhāya pārisuddhiyā ɻhito, accantapārisuddhiyā ɻhito, atammayatāya pārisuddhiyā ɻhito, vimuttattā ɻhito, santusittattā ɻhito, khandhapariyante ɻhito, dhātupariyante ɻhito, āyatanañapariyante ɻhito, gatipariyante ɻhito, upapattipariyante ɻhito, pañisandhipariyante ɻhito, bhavapariyante ɻhito, sañsārapariyante ɻhito, vaññapariyante ɻhito, antime bhave ɻhito, antime samussaye ɻhito, antimadehadharo bhagavā.

“Tassāyam̄ pacchimako bhavo, carimoyam̄ samussayo;  
Jātimarañasam̄sāro, natthi tassa punabbhavo”ti.

Evam̄ bhagavā tiññāvīti tādī.

Katham̄ bhagavā muttāvīti tādī? Bhagavato rāgā cittam̄ muttam̄ vimuttañā suvimuttañā, dosā cittam̄... mohā cittam̄... kodhā... upanāhā... makkhā... paññā... issāya... macchariyā... māyāya... sāñheyā... thambhā... sārambhā... mānā... atimānā... madā... pamādā... sabbakilesehi... sabbaduccaritehi... sabbadarathehi... sabbapariññāhehi... sabbasantāpehi... sabbākusalābhisañkhārehi cittam̄ muttam̄ vimuttañā suvimuttañā. Evam̄ bhagavā muttāvīti tādī.

Katham̄ bhagavā tamñiddesā tādī? Bhagavā sīle sati sīlavāti tamñiddesā tādī, saddhāya sati saddhoti tamñiddesā tādī, vīriye sati vīriyavāti tamñiddesā tādī, satiyā sati satimāti tamñiddesā tādī, samādhismim̄ sati samāhitoti tamñiddesā tādī, paññāya sati paññāvāti tamñiddesā tādī, vijjāya sati tevijjotī tamñiddesā tādī, abhiññāya sati chañlabhiññoti tamñiddesā tādī, dasabale sati dasabaloti tamñiddesā tādī. Evam̄ bhagavā tamñiddesā tādīti – tam buddham̄ asitam̄ tādim̄.

**Akuham̄ gañimāgatanti.** **Akuhoti** tīni kuhanavatthūni – paccayapañisevanasañkhātam̄ kuhanavatthu, iriyāpathasañkhātam̄ kuhanavatthu, sāmantajappanasasañkhātam̄ kuhanavatthu.

Katamañ paccayapañisevanasañkhātam̄ kuhanavatthu? Idha gahapatikā bhikkhum̄ nimantenti cīvarapiññāpātasenāsanagilānapaccayabhesajjaparikkhārehi. So pāpiccho icchāpakato athiko [atittiko (sī.), ithiko (syā.), purābhedañuttaniddese pāñthanānattam̄ natthi] cīvarapiññāpātasenāsanagilānapaccayabhesajjaparikkhānām bhiyyokamyatam̄ upādāya cīvarañā paccakkhāti, piññāpātam̄ paccakkhāti, senāsanam̄ paccakkhāti, gilānapaccayabhesajjaparikkhāram̄ paccakkhāti. So evamāha – “kim̄ samañassa mahagghena cīvarena! Etam̄ sāruppam̄, yam̄ samañō susānā vā sañkārakūṭā vā pāpanikā vā nantakāni uccinītvā sañghātīm karitvā dhāreyya. Kim̄ samañassa mahagghena piññāpātena! Etam̄ sāruppam̄, yam̄ samañō uñchācariyāya piññīyālopēna jīvitam̄ kappeyya. Kim̄ samanassa mahagghena senāsanena! Etam̄ sāruppam̄, yam̄ samañō rukkhamūliko vā assa sosāniko vā abbhokāsiko vā. Kim̄ samañassa mahagghena gilānapaccayabhesajjaparikkhārena! Etam̄ sāruppam̄, yam̄ samañō pūtimuttēna haritākīkhanñēna osadham̄ kareyyā”ti tadupādāya lūkham̄ cīvarañā dhāreti, lūkham̄ piññāpātam̄ paribhuñjati, lūkham̄ senāsanam̄ pañisevati, lūkham̄ gilānapaccayabhesajjaparikkhāram̄ pañisevati. Tamenam̄ gahapatikā evam̄ jānanti – “ayam̄ samañō appiccho santuñño pavivitto asañsañño āraddhavīriyo dhutavādo”ti bhiyyo bhiyyo nimantenti cīvarapiññāpātasenāsanagilānapaccayabhesajjaparikkhārehi. So evamāha – “tiññām sammukhībhāvā saddho kulaputto bahum̄ puññam̄ pasavati, saddhāya sammukhībhāvā saddho kulaputto bahum̄ puññam̄ pasavati, deyyadhammassa sammukhībhāvā saddho kulaputto bahum̄ puññam̄ pasavati, dakkhiñeyyānam̄ sammukhībhāvā saddho kulaputto bahum̄ puññam̄ pasavati. Tumhākañcevāyam̄ saddhā atthi, deyyadhammo ca samvijjati, ahañca pañiggāhako. Sace aham̄ na pañiggahessāmi, evam̄

tumhe puññena paribāhirā [pañibāhirā (ka.)] bhavissatha, na mayhañ iminā attho, api ca tumhākamyeva anukampāya pañiggañhāmī’ti. Tadupādāya bahumpi cīvarañ pañiggañhāti [pañiggañhati (sī.)], bahumpi piñḍapātam pañiggañhāti, bahumpi senāsanam pañiggañhāti, bahumpi gilānapaccayabhesajjaparikkhāram pañiggañhāti. Yā evarūpā bhākuṭikā bhākuṭiyam kuhanā kuhāyanā kuhitattam – idam paccayapañisevanasañkhātam kuhanavatthu.

Katamam iriyāpathasañkhātam kuhanavatthu? Idhekacco pāpiccho icchāpakato sambhāvanādhippāyo, “evam mam janō sambhāvessatī”ti gamanam sañthapeti, thānam sañthapeti, nisajjam sañthapeti, sayanam sañthapeti, pañidhāya gacchatī, pañidhāya tiññati, pañidhāya nisīdati, pañidhāya seyyam kappeti, samāhito viya gacchatī, samāhito viya tiññati, samāhito viya nisīdati, samāhito viya seyyam kappeti, āpāthakajjhāyīva hoti. Yā evarūpā iriyāpathassa āthapanā thapanā sañthapanā bhākuṭikā bhākuṭiyam kuhanā kuhāyanā kuhitattam – idam iriyāpathasañkhātam kuhanavatthu.

Katamam sāmantajappanasāñkhātam kuhanavatthu? Idhekacco pāpiccho icchāpakato sambhāvanādhippāyo “evam mam janō sambhāvessatī”ti, ariyadhammasannissitam vācañ bhāsatī. “Yo evarūpam cīvarañ dhāreti so samañño mahesakkho”ti bhañati; “yo evarūpam pattañ dhāreti... lohathālakam dhāreti... dhammakarañam [dhammakarakam (sī. syā.) abhidhānappadīpikābhīnavanissayañ oloketabbam] dhāreti... parissāvanañ dhāreti... kuñcikam dhāreti... upāhanañ dhāreti... kāyabandhanañ dhāreti... āyogam dhāreti, so samañño mahesakkho”ti bhañati; “yassa evarūpo upajjhāyo so samañño mahesakkho”ti bhañati; “yassa evarūpo ācariyo... evarūpā samānupajjhāyakā... samānācariyakā... mittā... sandiññhā... sambhattā... sahāyā, so samañño mahesakkho”ti bhañati; “yo evarūpe vihāre vasati, so samañño mahesakkho”ti bhañati; “yo evarūpe aḍḍhayoge vasati... pāsāde vasati... hammiye vasati... guhāyam vasati... leñe vasati... kuṭiyā vasati... kūṭagāre vasati... atṭe vasati ... māle vasati... uddanęe vasati... upaṭṭhānasālāyam vasati... mañḍape vasati... rukkhamūle vasati, so samañño mahesakkho”ti bhañati.

Atha vā korajikakorajiko, bhākuṭikabhākuṭiko, kuhakakuhako, lapakalapako, mukhasambhāvito “ayam samañño imāsam evarūpānam vihārasamāpattinam lābhī”ti. Tādisam gambhīram gūlham nipiñam pañicchannam lokuttaram suññatāpañisaññuttam katham katheti. Yā evarūpā bhākuṭikā bhākuṭiyam kuhanā kuhāyanā kuhitattam – idam sāmantajappanasāñkhātam kuhanavatthu. Buddhassa bhagavato imāni tīni kuhanavatthūni pahīnāni samucchinnāni vūpasantāni pañipassaddhāni abhabuppattikāni ñāṇagginā daḍḍhāni. Tasmā buddho akuhoti – akuham.

**Gaṇimāgatanti.** Gaṇīti gaṇī bhagavā. Gaṇācariyoti gaṇī, gaṇassa satthāti gaṇī, gaṇam pariharatāti gaṇī, gaṇam ovadatāti gaṇī, gaṇam anusāsatāti gaṇī, visārado gaṇam upasāñkamatāti gaṇī, gaṇassa sussūsatī sotam odahati aññā cittam upaṭṭhāpetīti gaṇī, gaṇam akusalā vuṭṭhāpetvā kusale patiṭṭhāpetīti gaṇī, bhikkhugāñassa gaṇī, bhikkhunīgāñassa gaṇī, upāsakagāñassa gaṇī, upāsikāgāñassa gaṇī, rājaganāñassa gaṇī, khattiyaganāñassa gaṇī, brāhmañaganāñassa gaṇī, vessaganāñassa gaṇī, suddaganāñassa gaṇī, brahmaganāñassa gaṇī, devaganāñassa gaṇī, sañghim [sañghagāñassa gaṇī (sī.)] gaṇim gaṇācariyam. **Āgatanti** upagatañ samupagatañ samupapannam [sampattam (bahūsu)] sañkassanagaranti – akuham gaṇimāgatañ.

**Bahūnamidha baddhānanti.** Bahūnam khattiyānam brāhmañānam vessānam suddānam gahaṭṭhānam pabbajitānam devānam manussānam. **Baddhānanti** baddhānam baddhacarānam paricārakānam sissānanti – bahūnamidha baddhānam.

**Atthi pañhena āgamanti.** Pañhena atthiko āgatomhi [atthikāmha āgatā (sī. ka.) evamīdesu dvīsu padesupi bahuvacanena], pañhañ pucchitukāmo āgatomhi, pañhañ sotukāmo āgatomhi. Evampi atthi pañhena āgamañ. Atha vā pañhatthikānam pañham pucchitukāmānam pañham sotukāmānam āgamanam abhikkamanam upasāñkamanam payirupāsanam [payirupāsanā (syā. ka.)] siyā atthīti.

Evampi atthi pañhena āgamam. Atha vā pañhāgamo tuyham atthi, tvampi pahu [imāni tīṇi padāni natthi syā. potthake], tvamasi alamattho mayā pucchitam kathetum visajjetum “vahassetam bhāra”nti. Evampi atthi pañhena āgamam.

Tenāha thero sāriputto –

“Tam buddham asitam tādim, akuham ganimāgata; Bahūnamidha baddhānam, atthi pañhena āgama”nti.

**193. Bhikkhuno vijigucchato, bhajato rittamāsanam;  
Rukkhamūlam susānam vā, pabbatānam guhāsu vā.**

**Bhikkhuno vijigucchatoti.** Bhikkhunoti puthujjanakalyāṇassa vā bhikkhuno sekkhassa vā bhikkhuno. **Vijigucchatoti** jātiyā vijigucchato, jarāya... byādhinā... maraṇena... sokehi... paridevehi... dukkhehi... domanassehi... upāyāsehi vijigucchato, nerayikena dukkhena... tiracchānayonikena dukkhena... pettivisayikena dukkhena... mānusikena [mānusakena (sī. syā.) mahāni. 171] dukkhena... gabbhokkantimūlakena dukkhena... gabbhaṭṭhitimūlakena dukkhena... gabbhavuṭṭhānamūlakena dukkhena... jātassūpanibandhakena dukkhena... jātassa parādheyyakena dukkhena... attupakkamena dukkhena... parūpakkamena dukkhena... dukhadukkhena... saṅkhāradukkhena ... vipariṇāmadukkhena... cakkhurogena dukkhena... sotarogena dukkhena... ghānarogena dukkhena... jivhārogena dukkhena... kāyarogena dukkhena... sīsarogena dukkhena... kaṇṭarogena dukkhena... mukharogena dukkhena... dantarogena dukkhena... kāsena... sāsena... piṇāsena... ḍāhena... jarena... kucchirogena... mucchāya... pakkhandikāya... sūlāya... visūcikāya... kuṭṭhena... gaṇḍena... kilāsena... sosena... apamārena... dadduyā... kaṇḍuyā... kacchuyā... rakhasāya... vitacchikāya... lohitena... pittena... madhumehena... amṣāya... piṭakāya... bhagandalena... pittasamuṭṭhānena ābādhena... semhasamuṭṭhānena ābādhena... vātasamuṭṭhānena ābādhena... sannipātikena ābādhena... utupariṇāmajena ābādhena... visamaparihārajena ābādhena... opakkamikena ābādhena... kammavipākajena ābādhena... sītena... uṇhena... jighacchāya... pipāsāya... uccārena ... passāvena... ḍāmsamakasavātātapasarīsapasamphassena dukkhena... mātumaraṇena dukkhena... pitumaraṇena dukkhena... bhātumaraṇena... bhaginimaraṇena... puttamarāṇena ... dhītumaraṇena... nītibyananena... bhogabyasanena... rogabyasanena... sīlabyasanena... diṭṭhibyananena dukkhena vijigucchato atṭīyato harāyato jigucchatoti – bhikkhuno vijigucchato.

**Bhajato rittamāsananti.** Āsanam vuccati yattha nisīdati – mañco pīṭham bhisi taṭṭikā cammakhaṇḍo tiṇasanthārō pañṇasanthārō palālasanthārō [palāsasanthārō (sī. syā.)]. Tam āsanam asappāyarūpadassanena rittam vivittam pavivittam, asappāyasaddassavanena rittam vivittam pavivittam, asappāyehi pañcahi kāmaguṇehi rittam vivittam pavivittam. Tam pavivittam āsanam bhajato sambajato sevato nisevato samsevato paṭisevatoti – bhajato rittamāsanam.

**Rukkhamūlam susānam vāti.** Rukkhamūlamyeva rukkhamūlam, susānamyeva susānanti – rukkhamūlam susānam vā. **Pabbatānam guhāsu vāti.** Pabbatāyeva pabbatā, kandarāyeva kandarā, giriguḥāyeva giriguḥā. Pabbatarākāyo vuccanti pabbatapabbhārāti – pabbatānam guhāsu vā.

Tenāha thero sāriputto –

“Bhikkhuno vijigucchato, bhajato rittamāsanam; Rukkhamūlam susānam vā, pabbatānam guhāsu vā”ti.

**194. Uccāvacesu sayanesu, kivanto [gīvanto (syā.) moggallānabyākaraṇam oloketabbaṇ] tattha bheravā;**  
**Ye hi bhikkhu na vedheyā, nigghose sayanāsane.**

**Uccāvacesu sayanesūti.** Uccāvacesūti uccāvacesu hīnappaññitesu chekapāpakesu. Sayanam vuccati senāsanam vihāro aḍḍhayogo pāsādo hammiyaññ guhāti – uccāvacesu sayanesu. **Kivanto tattha bheravāti.** Kivantoti kivanto [kuvanto (sī.), gīvanto (syā.)] kūjanto nadanto saddam̄ karonto. Atha vā kivantoti kati kittakā kīvatakā kīvabahukā te. **Bheravāti** sīhā byagghā dīpī acchā taracchā kokā mahiññā hatthī ahi vicchikā satapadī, corā vā assu mānavā vā katakammā vā akatakammā vāti – kivanto tattha bheravā.

**Ye hi bhikkhu na vedheyyāti.** Ye hīti ye hi bherave passitvā vā suñitvā vā na vedheyya nappavedheyya na sampavedheyya na taseyya na uttaseyya na parittaseyya na bhāyeyya na santāsam̄ āpajjeyya, abhīrū assa acchambhī anutrāsī apalāyī, pahīnabhayabheravo vigatalomaham̄so vihareyyāti – ye hi bhikkhu na vedheyya.

**Nigghose sayanāsaneti.** Appasadde appanigghose vijanavāte manussarāhasseyyake paññisallānasāruppe senāsaneti – nigghose sayanāsane.

Tenāha therō sāriputto –

“Uccāvacesu sayanesu, kivanto tattha bheravā;  
Ye hi bhikkhu na vedheyya, nigghose sayanāsane”ti.

### 195. Kati parissayā loke, gacchato agatam̄ disam̄; Ye bhikkhu abhisambhave, pantamhi sayanāsane.

**Kati parissayā loketi.** Katīti kati kittakā kīvatakā kīvabahukā. **Parissayāti** dve parissayā – pākaṭaparissayā ca paṭicchannaparissayā ca. Katame pākaṭaparissayā? Sīhā byagghā dīpī acchā taracchā kokā mahiññā hatthī ahi vicchikā satapadī, corā vā assu mānavā vā katakammā vā akatakammā vā, cakkhurogo sotarogo ghānarogo jivhārogo kāyarogo sīsarogo kaṇñarogo mukharogo dantarogo kāso sāso pināso dāho jaro kucchirogo mucchā pakhandikā sūlā visūcikā kuṭṭham̄ gaṇḍo kilāso soso apamāro daddu kaṇḍu kacchu rakhasā vitacchikā lohitam̄ pittam̄ madhumeho aṁsā piłakā bhagandalā, pittasamuṭṭhā...pe... sītaññ uñham̄ jighacchā pipāsā uccāro passāvo damsamakasavātātapasarīsapasamphassā – ime vuccanti pākaṭaparissayā.

Katame paṭicchannaparissayā? Kāyaduccaritaññ vacīduccaritaññ manoduccaritaññ kāmacchandanīvaraṇam̄ byāpādanīvaraṇam̄ thinamiddhanīvaraṇam̄ uddhaccakukkuccanīvaraṇam̄ vicikicchānīvaraṇam̄ rāgo doso moho kodho upanāho makkho paṭāso issā macchariyam̄ māyā sāṭheyam̄ thambho sārambho māno atimāno mado pamādo, sabbe kilesā sabbe duccaritā sabbe darathā sabbe pariññāhā sabbe santāpā sabbākusalābhisañkhārā – ime vuccanti paṭicchannaparissayā.

**Parissayāti kenaṭṭhena parissayā?** Parisahantīti parissayā, parihānāya samvattantīti parissayā, tatrāsayāti parissayā.

Katham̄ parisahantīti parissayā? Te parissayā tam̄ puggalaññ sahanti parisahanti abhibhavanti ajjhottaranti pariyyādiyanti maddanti. Evam̄ parisahantīti – parissayā.

Katham̄ parihānāya samvattantīti parissayā? Te parissayā kusalānam̄ dhammānam̄ antarāyāya parihānāya samvattanti. Katamesam̄ kusalānam̄ dhammānam̄? Sammāpaṭipadāya anulomapaṭipadāya apaccanīkapaṭipadāya aviruddhapaṭipadāya anvatthapaṭipadāya dhammānudhammapaṭipadāya sīlesu paripūrakāritāya indriyesu guttadvāratāya bhojane mattaññutāya jāgariyānuyogassa satisampajaññassa catunnam̄ satipaṭṭhānānam̄ bhāvanānuyogassa catunnam̄ sammappadhānānam̄ catunnam̄ idhipādānam̄ paññcannaññ indriyānam̄ paññcannaññ balānam̄ sattannaññ bojjhaṅgānam̄ ariyassa aṭṭhaṅgikassa maggassa bhāvanānuyogassa – imesam̄ kusalānam̄ dhammānam̄ antarāyāya parihānāya samvattanti. Evam̄

parihānāya saṃvattantīti – parissayā.

Katham tatrāsayāti parissayā? Tathete pāpakā akusalā dhammā uppajjanti attabhāvasannissayā. Yathā bile bilāsayā pāṇā sayanti, dake dakāsayā pāṇā sayanti, vane vanāsayā pāṇā sayanti, rukkhe rukkhāsayā pāṇā sayanti; evameva tathete pāpakā akusalā dhammā uppajjanti attabhāvasannissayāti. Evampi tatrāsayāti – parissayā.

Vuttañhetam bhagavatā –

“Sāntevāsiko, bhikkhave, bhikkhu sācariyako dukkham na phāsu viharati. Kathañca, bhikkhave, bhikkhu sāntevāsiko sācariyako dukkham na phāsu viharati? Idha, bhikkhave, bhikkhuno cakkhunā rūpam disvā uppajjanti pāpakā akusalā dhammā sarasaṅkappā saññojaniyā, tyassa anto vasanti anvāssavanti pāpakā akusalā dhammāti. Tasmā sāntevāsikoti vuccati. Te nam samudācaranti, samudācaranti nam pāpakā akusalā dhammāti. Tasmā sācariyakoti vuccati.

“Puna caparam, bhikkhave, bhikkhuno sotena saddam sutvā...pe... ghānena gandham ghāyitvā... jivhāya rasam sāyitvā... kāyena phoṭhabbam phusitvā... manasā dhammaṁ viññāya uppajjanti pāpakā akusalā dhammā sarasaṅkappā saññojaniyā, tyassa anto vasanti anvāssavanti pāpakā akusalā dhammāti. Tasmā sāntevāsikoti vuccati. Te nam samudācaranti, samudācaranti nam pāpakā akusalā dhammāti. Tasmā sācariyakoti vuccati. Evam kho, bhikkhave, bhikkhu sāntevāsiko sācariyako dukkham na phāsu viharati”ti. Evampi tatrāsayāti – parissayā.

Vuttañhetam bhagavatā –

“Tayome, bhikkhave, antarāmalā antarāamittā antarāsapattā antarāvadhakā antarāpaccatthikā. Katame tayo? Lobho, bhikkhave, antarāmalo antarāamitto antarāsapatto antarāvadhako antarāpaccatthiko, doso, bhikkhave...pe... moho, bhikkhave, antarāmalo antarāamitto antarāsapatto antarāvadhako antarāpaccatthiko. Ime kho, bhikkhave, tayo antarāmalā antarāamittā antarāsapattā antarāvadhakā antarāpaccatthikā”.

“Anatthajanano lobho, lobho cittappakopano;  
Bhayamantarato jātam, tam janō nāvabujjhati.

“Luddho attham na jānāti, luddho dhammam na passati;  
Andhantamam [andhatamam (syā. ka.) mahāni. 156; itiv. 88] tadā hoti, yam lobho sahate naram.

“Anatthajanano doso, doso cittappakopano;  
Bhayamantarato jātam, tam janō nāvabujjhati.

“Kuddho attham na jānāti, kuddho dhammam na passati;  
Andhantamam tadā hoti, yam doso sahate naram.

“Anatthajanano moho, moho cittappakopano;  
Bhayamantarato jātam, tam janō nāvabujjhati.

“Mūlho attham na jānāti, mūlho dhammam na passati;  
Andhantamam tadā hoti, yam moho sahate nara”nti.

Evampi tatrāsayāti – parissayā. Vuttañhetam bhagavatā –

“Tayo kho, mahārāja, purisassa dhammā ajjhattam uppajjamānā uppajjanti ahitāya dukkhāya aphāsuvihārāya. Katame tayo? Lobho kho, mahārāja, purisassa dhammo ajjhattam uppajjamāno uppajjati ahitāya dukkhāya aphāsuvihārāya; doso kho, mahārāja...pe... moho kho, mahārāja, purisassa dhammo ajjhattam uppajjamāno uppajjati ahitāya dukkhāya aphāsuvihārāya. Ime kho, mahārāja, tayo purisassa dhammā ajjhattam uppajjamānā uppajjanti ahitāya dukkhāya aphāsuvihārāyā”ti.

“Lobho doso ca moho ca, purisam pāpacetasam;  
Hiṁsanti attasambhūtā, tacasāramva samphala”nti.

Evampi tatrāsayāti – parissayā.

Vuttañhetam bhagavatā –

“Rāgo ca doso ca itonidānā, aratī ratī lomahaṁso itojā;  
Ito samuṭṭhāya manovitakkā, kumārakā dhaṅkamivossajantī”ti.

Evampi tatrāsayāti – parissayā. **Loketi** manussaloketi – kati parissayā loke.

**Gacchato agatam disanti.** Agatā disā vuccati amataṁ nibbānam. Yo so sabbasaṅkhārasamatho sabbūpadhipatiñissaggo taṇhakkhayo virāgo nirodho nibbānam. Agatapubbā sā disā na sā disā gatapubbā iminā dīghena addhunā.

“Samatittikam anavasesam, telapattam yathā parihareyya;  
Evaṁ sacittamanurakkhe, patthayāno [patthayamāno (syā)] disam agatapubbaṁ”.

Agatapubbaṁ disam vajato gacchato abhikkamatoti – gacchato agatam disam.

**Ye bhikkhu abhisambhaveti.** Yeti ye parissaye abhisambhaveyya abhibhaveyya ajjhotthareyya pariyādiyyeyya maddeyyāti – ye bhikkhu abhisambhave.

**Pantamhi sayanāsaneti.** Ante pante pariyante selante vā vanante vā nadante vā udakante vā yattha na kasiyati na vapiyati, janantam atikkamitvā manussānam anupacāre senāsaneti – pantamhi sayanāsane.

Tenāha therō sāriputto –

“Kati parissayā loke, gacchato agatam disam;  
Ye bhikkhu abhisambhave, pantamhi sayanāsane”ti.

#### 196. Kyāssa byappathayo assu, kyāssassu idha gocarā; Kāni sīlabbatānāssu, pahittattassa bhikkhuno.

**Kyāssa byappathayo assūti.** Kīdisena byappathena samannāgato assa kiṁsañthitena kiṁpakārena kiṁpaṭibhāgenāti vacīpārisuddhim pucchati. Katamā vacīpārisuddhi? Idha bhikkhu musāvādām pahāya musāvādā patīvirato hoti saccavādī saccasandho theto paccayiko avisamvādako lokassa. Pisūṇam vācam pahāya pisūṇāya vācāya paṭīvirato hoti, ito sutvā na amutra akkhātā imesam bhedāya, amutra vā sutvā na imesam akkhātā amūsam bhedāya, iti bhinnānam vā sandhātā, sahitānam vā anuppadātā samaggārāmo samaggarato samagganandī samaggakaraṇīm vācam bhāsitā hoti. Pharusaṁ vācam pahāya pharusāya vācāya paṭīvirato hoti; yā sā vācā nelā kaṇnasukhā pemanīyā hadayaṅgamā porī bahujanakantā bahujanamanāpā tathārūpiṁ vācam bhāsitā hoti. Samphappalāpam pahāya samphappalāpā paṭīvirato hoti kālavādī bhūtavādī athavādī dhammavādī vinayavādī, nidhānavatīm vācam bhāsitā hoti kālena sāpadesam pariyantavatīm atthasam̄hitam. Catūhi vacīsucaritehi samannāgato

catudosāpagataṁ vācam bhāsatī, bāttim̄sāya tiracchānakathāya ārato assa virato paṭivirato nikkhanto nissaṭo vippamutto visaññutto vimariyādikatena cetasā viharati. Dasa kathāvatthūni katheti, seyyathidaṁ – appicchakathāṁ santuṭṭhikathāṁ pavivekakathāṁ asaṁsaggakathāṁ vīriyārambhakathāṁ sīlakathāṁ samādhikathāṁ paññākathāṁ vimuttikathāṁ vimuttiñāṇadassanakathāṁ satipaṭṭhānakathāṁ sammappadhānakathāṁ idhipādakathāṁ indriyakathāṁ balakathāṁ bojhaṅgakathāṁ maggakathāṁ phalakathāṁ nibbānakathāṁ katheti. Vācāya yato yatto paṭiyatto gutto gopito rakkhito saṁvuto – ayam vacīpārisuddhi. Edisāya vacīpārisuddhiyā samannāgato assāti – kyāssa byappathayo assu.

**Kyāssassu idha gocarāti.** Kīdisena gocarena samannāgato assa kiṁsañhitena kiṁpakārena kiṁpaṭibhāgenāti gocaram pucchatī. Atthi gocaro, atthi agocaro.

Katamo agocaro? Idhekacco vesiyāgocaro vā hoti, vidhvāgocaro vā hoti, thullakumārīgocaro [thūlakumārīgocaro (syā. ka.)] vā hoti, pañḍakagocaro vā hoti, bhikkhunīgocaro vā hoti, pānāgāragocaro vā hoti, saṁsaṭho viharati rājūhi rājamahāmattehi titthiyehi titthiyasāvakehi ananulomikena saṁsaggena. Yāni vā pana tāni kulāni assaddhāni appasannāni anopānabhūtāni akkosakaparibhāsakāni anatthakāmāni ahitakāmāni aphāsukāmāni ayogakkhemakāmāni bhikkhūnam bhikkhunīnam upāsakānam upāsikānam, tathārūpāni kulāni sevati bhajati payirupāsatī – ayam vuccati agocaro.

Atha vā antaragharam paviṭṭho vīthim paṭipanno asamvuto gacchatī, hatthim olokento, assam olokento, ratham olokento, pattim olokento, itthiyo olokento, purise olokento, kumārikāyo olokento, kumārake olokento, antarāpaṇam olokento, gharamukhāni olokento, uddham olokento [ullokento (sī. ka.) mahāni. 157 natthi pāṭhanānattam], adho olokento, disāvidisaṁ vipekkhamāno gacchatī – ayampi vuccati agocaro.

Atha vā cakkhunā rūpam disvā nimittaggāhī hoti anubyañjanaggāhī. Yatvādhikaraṇamenam...pe... manindriyam asamvutam viharantam abhijjhā domanassā pāpakkā akusalā dhammā anvāssaveyyum, tassa na saṁvarāya paṭipajjati, na rakkhati manindriyam manindriye na saṁvaram āpajjati – ayampi vuccati agocaro.

Yathā vā paneke bhonto samaṇabrahmaṇā saddhādeyyāni bhojanāni bhuñjitvā te evarūpam visūkadassanam anuyuttā viharanti, seyyathidaṁ – naccam gītam vāditam pekkham akkhānam pāṇissaram vetālam kumbhathūṇam sobhanakam caṇḍālam vaṁsam dhovanam hatthiyuddham assayuddham mahim̄sayuddham usabhayuddham ajayuddham menjayuddham kukkuṭayuddham vatṭakayuddham danḍayuddham muṭṭhiyuddham nibbuddham uyyodhikam balaggam senābyūham anikadassanam iti vā iti, evarūpam visūkadassanam anuyutto hoti – ayampi vuccati agocaro.

Pañcapi kāmaguṇā agocarā. Vuttañhetam bhagavatā – “mā, bhikkhave, agocare caratha paravisaye. Agocare, bhikkhave, carataṁ paravisaye lacchati māro otāram, lacchati māro ārammaṇam. Ko ca, bhikkhave, bhikkhuno agocaro paravisayo? Yadidam pañca kāmaguṇā. Katame pañca? Cakkhuvīññeyyā rūpā iṭṭhā kantā manāpā piyarūpā kāmūpasamhitā rajañyā, sotaviññeyyā saddā... ghānaviññeyyā gandhā... jivhāviññeyyā rasā... kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajañyā. Ayam vuccati, bhikkhave, bhikkhuno agocaro paravisayo” – ayampi vuccati agocaro.

Katamo gocaro? Idha bhikkhu na vesiyāgocaro hoti, na vidhvāgocaro hoti, na thullakumārīgocaro hoti, na pañḍakagocaro hoti, na bhikkhunīgocaro hoti, na pānāgāragocaro hoti, asaṁsaṭho viharati rājūhi rājamahāmattehi titthiyehi titthiyasāvakehi ananulomikena saṁsaggena. Yāni vā pana tāni kulāni saddhāni pasannāni opānabhūtāni kāsāvapajjotāni isivātapaṭivātāni athakāmāni hitakāmāni phāsukāmāni yogakkhemakāmāni bhikkhūnam bhikkhunīnam upāsakānam upāsikānam, tathārūpāni kulāni sevati bhajati payirupāsatī – ayampi vuccati gocaro.

Atha vā bhikkhu antaragharam paviṭṭho vīthim paṭipanno saṃvuto gacchati, na hatthim olokento, na assam olokento, na ratham olokento, na pattiṃ olokento...pe... na disāvidisaṃ vipekhamāno gacchati – ayampi vuccati gocaro.

Atha vā bhikkhu cakkhunā rūpaṃ disvā na nimittaggāhī hoti...pe... manindriye saṃvaram āpajjati – ayampi vuccati gocaro.

Yathā vā paneke bhonto samaṇabrahmaṇā saddhādeyyāni bhojanāni bhuñjitvā te evarūpaṃ visūkadassanam ananuyuttā viharanti, seyyathidam – naccam gītaṃ vāditam...pe... anīkadassanam iti vā iti, evarūpā visūkadassanā paṭivirato hoti – ayampi vuccati gocaro.

Cattāropi satipaṭṭhānā gocaro. Vuttañhetam bhagavatā – “gocare, bhikkhave, caratha sake pettike visaye. Gocare, bhikkhave, carataṃ sake pettike visaye na lacchati māro otāram, na lacchati māro ārammaṇam. Ko ca, bhikkhave, bhikkhuno gocaro sako pettiko visayo? Yadidam cattāro satipaṭṭhānā. Katame cattāro? Idha, bhikkhave, bhikkhu kāye kāyānupassī viharati, vedanāsu...pe. ... citte...pe... dhammesu dhammānupassī viharati ātāpī sampajāno satimā vineyya loke abhijjhādomanassam. Ayam vuccati, bhikkhave, bhikkhuno gocaro sako pettiko visayo – ayampi vuccati gocaro. Edisena gocarena samannāgato assā”ti – kyāssassu idha gocarā.

**Kāni sīlabbatānāssūti.** Kīdisena sīlabbatena samannāgato assa kiṃsaṇhitena kiṃpakārena kiṃpaṭibhāgenāti sīlabbatapārisuddhiṃ pucchatī. Katamā sīlabbatapārisuddhi? Atthi sīlañceva vatañca, atthi vatañ na sīlam. Katamañ sīlañceva vatañca? Idha bhikkhu sīlavā hoti, pātimokkhasaṃvaraśaṃvuto viharati ācāragocarasampanno, aṇumattesu vajjesu bhayadassāvī, samādāya sikkhati sikkhāpadesu. Yo tattha saññamo saṃvaro avītikkamo – idam sīlam. Yam samādānañ – tam vatañ. Saṃvaraṭṭhena sīlam, samādānaṭṭhena vatañ – idam vuccati sīlañceva vatañca.

Katamañ vatañ na sīlam? Aṭṭha dhutaṅgāni – āraññikaṅgam, piṇḍapātikaṅgam, paṃsukūlikaṅgam, tecīvaraṅgam, sapadānacārikaṅgam, khalupacchābhattikaṅgam, nesajjikaṅgam, yathāsanthatikaṅgam – idam vuccati vatañ na sīlam. Vīriyasamādānampi vuccati vatañ na sīlam. Kāmañ taco ca nhāru ca aṭṭhi ca avasissatu, sarīre upasussatu maṃsalohitam, yam tam purisathāmena purisabalena purisavīriyena purisaparakkamena pattabbam na tam apāpuṇitvā vīriyassa saṇṭhānam bhavissatī – cittam paggañhāti padahati. Evarūpampi vīriyasamādānam vuccati vatañ na sīlam.

“Nāsissam na pivissāmi, vihārato na nikkhame [na nikkhamiṃ (syā.) mahāni. 17];  
Napi passam nipātessam, taṇhāsalle anūhate”ti.

Cittam paggañhāti padahati. Evarūpampi vīriyasamādānam vuccati vatañ na sīlam. Na tāvāham imam pallañkam bhindissāmi yāva me na anupādāya āsavehi cittam vimuccissatī – cittam paggañhāti padahati. Evarūpampi vīriyasamādānam vuccati vatañ, na sīlam. Na tāvāham imamhā āsanā vuṭṭhahissāmi... na tāvāham imamhā cañkamā orohissāmi... vihārā nikhamissāmi... adḍhayogā nikhamissāmi... pāsādā nikhamissāmi... hammiyā... guhāya... leñā... kuṭiyā... kūṭagārā... aṭṭā... mālā... uddanḍā... upaṭṭhānasālāya... maṇḍapā... rukkhamūlā nikhamissāmi yāva me na anupādāya āsavehi cittam vimuccissatī – cittam paggañhāti padahati. Evarūpampi vīriyasamādānam vuccati vatañ, na sīlam. Imasmiññeva pubbañhasamayam ariyadhammam āharissāmi samāharissāmi adhigacchissāmi phassayissāmi sacchikarissāmīti – cittam paggañhāti padahati. Evarūpampi vīriyasamādānam vuccati vatañ, na sīlam. Imasmiññeva majjhānhikasamayam... sāyanhasamayam... purebhattam... pacchābhattam... purimayāmam... majjhimayāmam... pacchimayāmam... kāle... juñhe... vasse... hemante... gimhe... purime vayokhandhe... majjhime vayokhandhe... pacchime vayokhandhe ariyadhammam āharissāmi samāharissāmi adhigacchissāmi phassayissāmi sacchikarissāmīti – cittam paggañhāti padahati. Evarūpampi vīriyasamādānam vuccati vatañ, na sīlam – ayam sīlabbatapārisuddhi. Edisāya [kīdisāya (sī.), īdisāya (syā.)] sīlabbatapārisuddhiyā samannāgato

assāti – kāni sīlabbatānāssu.

**Pahitattassa bhikkhunoti.** Pahitattassāti āraddhavīriyassa thāmagatassa daļhaparakkamassa anikkhittacchandassa anikkhittadurassu kusalesu dhammesu. Atha vā pesitattassa yassatthāya pesito attatthe ca nāye ca lakkhaṇe ca kāraṇe ca tħānātħāne ca. “Sabbe sañkhārā aniccā”ti pesitattassa, “sabbe sañkhārā dukkhā”ti pesitattassa, “sabbe dhammā anattā”ti pesitattassa, “avijjāpaccayā sañkhārā”ti pesitattassa ...pe... “jātipaccayā jarāmaraṇa”nti pesitattassa, “avijjānirodhā sañkhāranirodho”ti pesitattassa...pe... “jātinirodhā jarāmaraṇanirodho”ti pesitattassa, “idam dukkha”nti pesitattassa...pe... “ayam dukkhanirodhagāminī paṭipadā”ti pesitattassa, “ime āsavā”ti pesitattassa...pe... “ayam āsavanirodhgāminī paṭipadā”ti pesitattassa, “ime dhammā abhiññeyyā”ti pesitattassa...pe... “ime dhammā sacchikātabbā”ti pesitattassa, channam phassāyatānānam samudayañca atthañgamañca assādañca ādīnavañca nissaraṇañca pesitattassa, pañcannam upādānakhandhānam... catunnam mahābhūtānam samudayañca atthañgamañca assādañca ādīnavañca nissaraṇañca pesitattassa, “yam kiñci samudayadhammam, sabbam tam nirodhadhamma”ntnti pesitattassa. **Bhikkhunoti** puthujjanakalyāṇakassa vā bhikkhuno sekkhassa vā bhikkhuno – pahitattassa bhikkhuno.

Tenāha therō sāriputto –

“Kyāssa byappathayo assu, kyāssassu idha gocarā;  
Kāni sīlabbatānāssu, pahitattassa bhikkhuno”ti.

#### 197. Kam so sikkham samādāya, ekodi nipako sato; Kammāro rajatasseva, niddhame malamattano.

**Kam so sikkham samādāyāti** kam so sikkham ādāya samādāya ādiyitvā samādiyitvā ganhitvā parāmasitvā abhinivisitvāti – kam so sikkham samādāya.

**Ekodi nipako satoti.** Ekodīti ekaggacitto avikkhittacitto avisāhaṭamānasō samatho samādhindriyam samādhibalam...pe... sammāsamādhi. **Nipakoti** nipako paññito paññavā buddhimā nānī vibhāvī medhāvī. **Satoti** catūhi kāraṇehi sato – kāye kāyānupassanāsatipatṭhānam bhāvento sato, vedanāsu...pe... citte...pe... dhammesu dhammānupassanāsatipatṭhānam bhāvento sato. So vuccati satoti – sato. Kam so sikkham samādāyāti adhisīlasikkham pucchatī. **Ekodīti** adhicittasikkham pucchatī. **Nipakoti** adhipaññāsikkham pucchatī. **Satoti** pārisuddhim pucchatīti – kam so sikkham samādāya, ekodi nipako sato.

**Kammāro rajatasseva, niddhame malamattanoti.** Kammāro vuccati suvaṇṇakāro, rajataṁ vuccati jātarūpam. Yathā suvaṇṇakāro jātarūpassa oḷārikampi malaṁ dhamati sandhamati niddhamati, majjhimakampi malaṁ dhamati sandhamati niddhamati, sukhumakampi malaṁ dhamati sandhamati niddhamati; evameva bhikkhu attano oḷārikepi kilese dhamati sandhamati niddhamati pajahati vinodeti byantim karoti anabhāvam gameti, majjhimakepi kilese... sukhumakepi kilese dhamati sandhamati niddhamati pajahati vinodeti byantim karoti anabhāvam gameti.

Atha vā bhikkhu attano rāgamalam dosamalam mohamalam mānamalam diṭṭhimalam kilesalam duccaritamalam andhakaraṇam acakkhukaraṇam aññānakaraṇam paññānirodhikam vighātapakkhikam anibbānasamvattanikam dhamati sandhamati niddhamati pajahati vinodeti byantim karoti anabhāvam gameti.

Atha vā sammādiṭṭhiyā micchādiṭṭhim dhamati sandhamati niddhamati pajahati vinodeti byantim karoti anabhāvam gameti. Sammāsaṅkappena micchāsaṅkappam...pe... sammāvācāya micchāvācam... sammākammantena micchākammantam... sammājīvena micchājīvam... sammāvāyāmena micchāvāyāmam... sammāsatiyā micchāsatim... sammāsamādhinā micchāsamādhim... sammāñānenā

micchāññam... sammāvimuttiyā micchāvimuttim dhamati sandhamati niddhamati pajahati vinodeti byantim karoti anabhāvam gameti.

Atha vā ariyena atthaingikena maggena sabbe kilese sabbe duccarite sabbe darathe sabbe pariñāhe sabbe santape sabbakusalābhisañkhāre dhamati sandhamati niddhamati pajahati vinodeti byantim karoti anabhāvam gametīti – kammāro rajatasseva niddhame malamattano.

Tenāha therō sāriputto –

“Kam so sikkham samādāya, ekodi nipako sato;  
Kammāro rajatasseva, niddhame malamattano”ti.

### **198. Vijigucchamānassa yadidam phāsu, [sāriputtāti bhagavā]**

**Rittāsanam sayanam sevato ve;**

**Sambodhikāmassa yathānudhammadam, tam te pavakkhāmi yathā pajānam.**

**Vijigucchamānassa yadidam phāsūti.** Vijigucchamānassāti jātiyā vijigucchamānassa, jarāya... byādhinā... maraṇena... sokehi ... paridevehi... dukkhehi... domanassehi... upāyāsehi...pe... diṭṭhibyanena dukkhena vijigucchamānassa atṭiyamānassa [atṭiyamānassa (syā. ka.)] harāyamānassāti – vijigucchamānassa. **Yadidam phāsūti** yam phāsuvihāram tam kathayissāmi. Katamo phāsuvihāro? Sammāpaṭipadā anulomapaṭipadā apaccanīkapaṭipadā aviruddhapaṭipadā anvatthapaṭipadā dhammānudhammadapaṭipadā sīlesu paripūrakāritā indriyesu guttadvāratā bhojane mattaññutā jāgariyānuyogo satisampajaññam cattāro satipaṭṭhānā cattāro sammappadhānā cattāro idhipādā pañcindriyāni pañca balāni satta bojjhañgā ariyo atthaingiko maggo nibbānañca nibbānagāminī ca paṭipadā – ayam phāsuvihāroti – vijigucchamānassa yadidam phāsu.

**Sāriputtāti bhagavāti.** Tam therañ nāmenālapati. **Bhagavāti** gāravādhivacanañ. Api ca bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggakañḍakoti bhagavā, bhaggakilesoti bhagavā, bhaji vibhaji [paṭibhaji (sī. syā.) mahāni. 50 natthi pāṭhanānattam] dhammaratananti bhagavā, bhavānam antakaroti bhagavā, bhāvitakāyo bhāvitasiло bhāvitacitto bhāvitapaññoti bhagavā; bhaji vā bhagavā araññavanapanathāni pantāni senāsanāni appasaddāni appanigghosāni vijanavātāni manussarāhasseyyakāni patisallānasāruppānīti bhagavā, bhāgī vā bhagavā cīvarapiñḍapātasenāsanagilānapaccayabhesajjaparikkhānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhicittassa adhipaññāyāti bhagavā, bhāgī vā bhagavā catunnam jhānānam catunnam appamaññānam catunnam āruppasamāpattinanti bhagavā, bhāgī vā bhagavā atṭhannam vimokkhānam atṭhannam abhiññāyatānānam navannam anupubbavihārasamāpattinanti bhagavā, bhāgī vā bhagavā dasannañ saññābhāvanānam dasannañ kasiñasamāpattināñāñāpattisamādhissa asubhasamāpattiyāti bhagavā, bhāgī vā bhagavā catunnam satipaṭṭhānānam catunnam sammappadhānānam catunnam idhipādānam pañcannāñ indriyānam pañcannāñ balānam sattannam bojjhañgānam ariyassa atthaingikassa maggassāti bhagavā, bhāgī vā bhagavā dasannañ tathāgatabalānam catunnam vesārajjānam catunnam paṭisambhidānam channāñ abhiññānam channāñ buddhadhammānanti bhagavā; bhagavāti netam nāmam mātarā katham, na pitarā katham, na bhātarā katham, na bhaginiyā katham, na mittāmaccehi katham, na nātisālohitēhi katham, na samanabrahmañehi katham, na devatāhi katham; vimokkhantikametañ buddhānam bhagavantānam bodhiyā mūle saha sabbaññutaññassa paṭilābhā sacchikā paññatti yadidam bhagavāti – sāriputtāti bhagavā.

**Rittāsanam sayanam sevato** veti. Āsanañ vuccati yattha nisīdati – mañco pīṭham bhisi taṭikā cammakhañdo tiñasanthāro paññasanthāro palālasanthāro. Sayanam vuccati senāsanam vihāro aḍḍhayogo pāsādo hammiyam guhā. Tam sayanāsanam asappāyarūpadassanena rittam vivittam

pavivittam, asappāyasaddassavanena...pe... asappāyehi pañcahi kāmaguṇehi rittam vivittam pavivittam. Tam sayanāsanam sevato nisevato samsevato paṭisevatoti – rittāsanam sayanaṁ sevato ve.

**Sambodhikāmassa yathānudhammanti.** Sambodhi vuccati catūsu maggesu nāṇam paññā paññindriyam paññābalam...pe... dhammadhicayasambojjhaṅgo vīmaṇsā vipassanā sammādiṭhi. Tam sambodhim bujjhitukāmassa anubujjhitukāmassa paṭibujjhitukāmassa sambujjhitukāmassa adhigantukāmassa phassitukāmassa sacchikatukāmassāti – sambodhikāmassa.

**Yathānudhammanti** katame bodhiyā anudhammā? Sammāpaṭipadā anulomapaṭipadā apaccanīkapaṭipadā aviruddhapaṭipadā anvatthapaṭipadā dhammānudhammapaṭipadā sīlesu paripūrakāritā indriyesu guttadvāratā bhojane mattaññutā jāgariyānuyogo satisampajāññam – ime vuccanti bodhiyā anudhammā. Atha vā catunnam maggānam pubbabhāge vipassanā – ime vuccanti bodhiyā anudhammāti – sambodhikāmassa yathānudhammam.

**Tam te pavakkhāmi yathā pajānanti.** Tanti bodhiyā anudhammam. **Pavakkhāmīti** pavakkhāmi ācikkhissāmi desessāmi paññapessāmi paṭhapessāmi vivarissāmi vibhajissāmi uttānīkarissāmi pakāsissāmi. **Yathā pajānanti** yathā pajānam yathā pajānanto ājānanto vijānanto paṭivijānanto paṭivijjhanto na itihitiham na itikirāya na paramparāya na piṭakasampadāya na takkahetu na nayahetu na ākāraparivitakkena na diṭṭhinijjhānakkhantiyā sāmānam sayamabhiññātam attapaccakkham dhammam, tam kathayissāmīti – tam te pavakkhāmi yathā pajānam.

Tenāha bhagavā –

“Vijigucchamānassa yadidaṁ phāsu, [sāriputtāti bhagavā]  
Rittāsanam sayanam sevato ve;  
Sambodhikāmassa yathānudhammam, tam te pavakkhāmi yathā pajāna”nti.

**199. Pañcannam dhīro bhayānam na bhāye, bhikkhu sato sapariyantacārī,  
Dāmsādhipatānam sarīsapānam [siriṃsapānam (sī. ka.)], manussaphassānam  
catuppadānam.**

**Pañcannam dhīro bhayānam na bhāyeti.** Dhīroti dhīro pañḍito paññavā buddhimā nāṇī vibhāvī medhāvī. Dhīro pañcannam bhayānam na bhāyeyya na taseyya na santaseyya na uttaseyya na parittaseyya na santāsam āpajjeyya, abhīrū assa acchambhī anutrāsī apalāyī pahīnabhayabheravo vigatalomahamso vihareyyāti – pañcannam dhīro bhayānam na bhāye.

**Bhikkhu sato sapariyantacārīti.** Bhikkhūti puthujjanakalyāṇako vā bhikkhu sekko vā bhikkhu. Satoti catūhi kāraṇehi sato – kāye kāyānupassanāsatipaṭṭhānam bhāvento sato, vedanāsu...pe... citte... dhammesu dhammānupassanāsatipaṭṭhānam bhāvento sato – so vuccati sato. **Sapariyantacārīti** cattāro pariyyantā – sīlasamvarapariyyanto, indriyasamvarapariyyanto, bhojane mattaññutāpariyyanto, jāgariyānuyogapariyyanto.

Katamo sīlasamvarapariyyanto? Idha bhikkhu sīlavā hoti, pātimokkhasamvarasamvuto viharati ācāragocarasampanno, aṇumattesu vajjesu bhayadassāvī, samādāya sikkhati sikkhāpadesu. Antopūtibhāvam paccavekkhamāno anto sīlasamvarapariyyante carati, mariyādaṁ na bhindati – ayam sīlasamvarapariyyanto.

Katamo indriyasamvarapariyyanto? Idha bhikkhu cakkhunā rūpam disvā na nimittaggāhī hoti nānubyañjanaggāhī. Yatvādhikaraṇamenam...pe... cakkhundiye samvaraṁ āpajjati. Sotena saddam sutvā... ghānena gandham ghāyitvā... jivhāya rasam sāyitvā... kāyena phottabbam phusitvā... manasā dhammam viññāya na nimittaggāhī hoti nānubyañjanaggāhī. Yatvādhikaraṇamenam manindriyam

susamvutam viharantam abhijjhādomanassā pāpakā akusalā dhammā nānvāssaveyyum, tassa samvarāya paṭipajjati, rakkhati manindriyam, manindriye samvaram āpajjati. Ādittapariyāyam paccavekkhamāno anto indriyasamvarapariyante carati, mariyādam na bhindati – ayam indriyasamvarapariyanto.

Katamo bhojane mattaññutāpariyanto? Idha bhikkhu paṭisaṅkhā yoniso āhāram āhāreti neva davāya na madāya na maṇḍanāya na vibhūsanāya, yāvadeva imassa kāyassa ṭhitiyā yāpanāya vihiṁsūparatiyā brahmacariyānuggahāya. Iti purāṇa ca vedanam patīhaṅkhāmi navaṇca vedanam na uppādēssāmi, yātrā ca me bhavissati anavajjatā ca phāsuvihāro cāti. Akkhabbhañjanavaṇapaṭicchādanaputtamamṣūpamañ paccavekkhamāno anto bhojane mattaññutāpariyante carati, mariyādam na bhindati – ayam bhojane mattaññutāpariyanto.

Katamo jāgariyānuyogapariyanto? Idha bhikkhu divasam caṅkamena nisajjāya āvaraṇīyehi dhammehi cittam parisodheti, rattiyā paṭhamam yāmam caṅkamena nisajjāya āvaraṇīyehi dhammehi cittam parisodheti, rattiyā majjhimam yāmam dakkhiṇena passena sīhaseyyam kappeti pāde pādam accādhāya sato sampajāno utthānasaññam manasi karitvā, rattiyā pacchimam yāmam paccuṭṭhāya caṅkamena nisajjāya āvaraṇīyehi dhammehi cittam parisodheti. Bhaddekarattavihāram [bhaddekarattivihāram (sī. ka.)] paccavekkhamāno anto jāgariyānuyogapariyante carati, mariyādam na bhindati – ayam jāgariyānuyogapariyantoti – bhikkhu sato sapariyantacārī.

**Damṣādhipātānam sarīsapānanti.** Damṣā vuccanti piṅgalamakkhikāyo. Adhipātakā vuccanti sabbāpi makkhikāyo. Kīmkāraṇā adhipātakā vuccanti sabbāpi makkhikāyo? Tā uppatitvā uppatitvā khādanti; taṃkāraṇā adhipātakā vuccanti sabbāpi makkhikāyo. Sarīsapā vuccanti ahīti – damṣādhipātānam sarīsapānam.

**Manussaphassānam catuppadānanti.** Manussaphassā vuccanti corā vā assu mānavā vā katakammā vā akatakammā vā. Te bhikkhum pañham vā puccheyyum vādañam vā āropeyyum akkoseyyum paribhāseyyum roseyyum viroseyyum himseyyum vihiṁseyum heṭheyyum viheṭheyyum ghāteyyum upaghāteyyum upaghātañam vā kareyyum. Yo koci manussato upaghāto – manussaphasso. **Catuppadānanti** sīhā byagghā dīpi acchā taracchā kokā mahimṣā hatthī. Te bhikkhum maddeyyum khādeyyum himseyyum vihiṁseyum heṭheyyum viheṭheyyum ghāteyyum upaghāteyyum upaghātañam vā kareyyum. Catuppadato upaghāto yam kiñci catuppadabhayanti – manussaphassānam catuppadānam.

Tenāha bhagavā –

“Pañcannam dhīro bhayānam na bhāye, bhikkhu sato sapariyantacārī;  
Damṣādhipātānam sarīsapānam, manussaphassānam catuppadāna” nti.

## 200. Paradhammikānampi na santaseyya, disvāpi tesam bahubheravāni; Athāparāni abhisambhaveyya, parissayāni kusalānuesī.

**Paradhammikānampi na santaseyya, disvāpi tesam bahubheravānīti.** Paradhammikā vuccanti satta sahadhammike ṭhapetvā ye keci buddhe dhamme saṅge appasannā. Te bhikkhum pañham vā puccheyyum vādañam vā āropeyyum akkoseyyum paribhāseyyum roseyyum viroseyyum himseyyum vihiṁseyum heṭheyyum viheṭheyyum ghāteyyum upaghāteyyum upaghātañam vā kareyyum. Tesam bahubherave passitvā vā suṇitvā vā na vedheyya na pavedheyya na sampavedheyya na taseyya na santaseyya na uttaseyya na parittaseyya na bhāyeyya na santāsam āpajjeyya, abhīrū assa acchambhī anutrāsī apalāyī pahīnabhayabheravo vigatalomahañso vihareyyāti – paradhammikānampi na santaseyya disvāpi tesam bahubheravāni.

**Athāparāni abhisambhaveyya, parissayāni kusalānuesīti.** Athāparānipi atthi abhisambhotabbāni

abhibhavitabbāni ajjhottaritabbāni pariyādiyitabbāni madditabbāni. **Parissayāti** dve parissayā – pākaṭaparissayā ca patīcchannaparissayā ca...pe... evampi tatrāsayāti – parissayā. **Kusalānuesīti** sammāpaṭipadām anulomapaṭipadām apaccanīkapaṭipadām aviruddhapaṭipadām anvatthapaṭipadām... pe... ariyam atṭhaṅgikam maggām nibbānañca nibbānagāminiñca patipadām esantena gavesantena pariyesantena parissayā abhisambhotabbā abhibhavitabbā ajjhottaritabbā pariyādiyitabbā madditabbāti – athāparāni abhisambhaveyya parissayāni kusalānuesī.

Tenāha bhagavā –

“Paradhammikānampi na santaseyya, disvāpi tesam bahubheravāni;  
Athāparāni abhisambhaveyya, parissayāni kusalānuesī”ti.

**201. Ātaṅkaphassena khudāya phuṭṭho, sītam athuṇham [atuṇham (sī. ka.)] adhivāsayeyya;  
So tehi phuṭṭho bahudhā anoko, vīriyaparakkamam dalham kareyya.**

**Ātaṅkaphassena khudāya phuṭṭhoti.** Ātaṅkaphasso vuccati rogaphasso. Rogaphassena phuṭṭho pareto samohito samannāgato assa; cakkhurogena phuṭṭho pareto samohito samannāgato assa, sotarogena... ghānarogena... jivhārogena... kāyrogena...pe... ḍamṣamakasavātātapasarīsapasamphassena phuṭṭho pareto samohito samannāgato assa. Khudā vuccati chātako. Chātakena phuṭṭho pareto samohito samannāgato assāti – ātaṅkaphassena khudāya phuṭṭho.

**Sītam athuṇham adhivāsayeyyāti.** Sītanti dvīhi kāraṇehi sītam hoti – abbhantaradhātuppakopavasena [abbhantaradhātusāṅkopavasena (syā.)] vā sītam hoti, bahiddhā utuvasena vā sītam hoti. **Uṇhanti** dvīhi kāraṇehi uṇham hoti – abbhantaradhātuppakopavasena vā uṇham hoti, bahiddhā utuvasena vā uṇham hotīti – sītam athuṇham. **Adhivāsayeyyāti** khamo assa sītassa uṇhassa jighacchāya pipāsāya ḍamṣamakasavātātapasarīsapasamphassānam duruttānam durāgatānam vacanapathānam uppannānam sārīrikānam vedanānam dukkhānam tibbānam [tippānam (sī. syā.)] kharānam kāṭukānam asātānam amanāpānam pāṇaharānam adhivāsakajātiko assāti – sītam athuṇham adhivāsayeyya.

**So tehi phuṭṭho bahudhā anokoti.** So tehi ātaṅkaphassena ca khudāya ca sītena ca uṇhena ca phuṭṭho pareto samohito samannāgato assāti – so tehi phuṭṭho. **Bahudhāti** anekavidhehi ākārehi phuṭṭho pareto samohito samannāgato assāti – so tehi phuṭṭho bahudhā. **Anokoti** abhisāṅkhārasahagataviññāṇassa okāsam na karotītipi – anoko. Atha vā kāyaduccaritassa vacīduccaritassa manoduccaritassa okāsam na karotītipi – anokoti – so tehi phuṭṭho bahudhā anoko.

**Vīriyaparakkamam dalham kareyyāti.** Vīriyaparakkamo vuccati yo cetasiko vīriyārambho nikkamo parakkamo uyyāmo vāyāmo ussāho ussolīhi appaṭivānī thāmo dhitī asithilaparakkamatā anikkhittacchandatā anikkhittadurātā dhurasampaggāho vīriyam vīriyindriyam vīriyabalam sammāvāyāmo. **Vīriyaparakkamam dalham kareyyāti.** Vīriyam parakkamam dalham kareyya thiram kareyya, dalhasamādāno assa avatthitasamādānoti – vīriyaparakkamam dalham kareyya.

Tenāha bhagavā –

“Ātaṅkaphassena khudāya phuṭṭho, sītam athuṇham adhivāsayeyya;  
So tehi phuṭṭho bahudhā anoko, vīriyaparakkamam dalham kareyyā”ti.

**202. Theyyam na kāre na musā bhaṇeyya, mettāya phasse tasathāvarāni;  
Yadāvilattam manaso vijaññā, kaṇhassa pakkhotti vinodayeyya.**

**Theyyam na kāre na musā bhaṇeyyāti.** Theyyam na kāreti idha bhikkhu adinnādānam pahāya

adinnādānā paṭivirato assa dinnādāyī dinnapāṭikaṅkhī, athenena sucibhūtena attanā vihareyyāti – theyyam na kāre. **Na musā bhaṇeyyāti** idha bhikkhu musāvādaṁ pahāya musāvādā paṭivirato assa saccavādī saccasandho theto paccayiko avisamvādako lokassāti – theyyam na kāre na musā bhaṇeyya.

**Mettāya phasse tasathāvarānīti.** Mettāti yā sattesu metti mettāyanā mettāyitattam anudayā anudayanā anudayitattam [anuddayā (sī.) evamīdisesu dvīsu padesupi dvibhāvavasena. anudā anudāyanā anudāyitattam (syā. ka.)] hitesitā anukampā abyāpādo abyāpajjo [abyāpajjho (syā. ka.)] adoso kusalamūlam. **Tasāti** yesam tasitā tanhā appahīnā, yesañca bhayabheravā appahīnā. Kiṁkāraṇā vuccanti tasā? Te tasanti uttasanti paritasanti bhāyanti santāsam āpajjanti; tamkāraṇā vuccanti tasā. **Thāvarāti** yesam tasitā tanhā pahīnā, yesañca bhayabheravā pahīnā. Kiṁkāraṇā vuccanti thāvarā? Te na tasanti na uttasanti na paritasanti na bhāyanti santāsam na āpajjanti; tamkāraṇā vuccanti thāvarā. **Mettāya phasse tasathāvarānīti.** Tase ca thāvare ca mettāya phasseyya phareyya, mettāsaṅgatena cetasā vipulena mahaggatena appamāṇena averena abyāpajjena pharitvā vihareyyāti – mettāya phasse tasathāvarāni.

**Yadāvilattam manaso vijaññāti.** **Yadāti** yadā. **Manasoti** yam cittam mano mānasam hadayam pañḍaram mano manāyatanaṁ manindriyam viññānam viññāṇakkhandho tajjā manoviññāṇadhātu. Kāyaduccaritena cittam āvilam hoti luṭitam eritam ghaṭṭitam calitam bhantam avūpasantaṁ. Vacīduccaritena...pe... manoduccaritena... rāgena... dosena... mohena... kodhena... upanāhena... makkhena... paṭasena... issāya... macchariyena... māyāya... sāttheyyena... thambhena... sārambhena... mānena... atimānena... madena... pamādena... sabbakilesehi... sabbaduccaritehi... sabbadarathehi... sabbapariṭāhehi... sabbasantāpehi... sabbākusalābhisaṅkhārehi cittam āvilam hoti luṭitam eritam ghaṭṭitam calitam bhantam avūpasantaṁ. **Yadāvilattam manaso vijaññāti.** Cittassa āvilabhāvam jāneyya ājāneyya vijāneyya paṭivijjheyāti – yadāvilattam manaso vijaññā.

**Kaṇhassa pakkhoti vinodayeyyāti.** **Kaṇhoti** yo so māro kaṇho adhipati antagu namuci pamattabandhu. Kaṇhassa pakkho mārapakkho mārapāso mārabaṇisam māravisayo māranivāso māragocaro mārabandhananti pajaheyya vinodeyya byantim kareyya anabhāvam gameyyāti. Evampi kaṇhassa pakkhoti vinodayeyya. Atha vā kaṇhassa pakkho mārapakkho akusalapakkho dukkhuddayo dukkhavipāko nirayasamvattaniko tiracchānayonisaṁvattaniko pettivisayasaṁvattanikoti pajaheyya vinodeyya byantim kareyya anabhāvam gameyyāti. Evampi kaṇhassa pakkhoti vinodayeyya.

Tenāha bhagavā –

“Theyyam na kāre na musā bhaṇeyya, mettāya phasse tasathāvarāni;  
Yadāvilattam manaso vijaññā, kaṇhassa pakkhoti vinodayeyyā”ti.

### 203. Kodhātimānassa vasam na gacche, mūlampi tesam palikhañña tiṭṭhe; Athappiyam vā pana appiyam vā, addhā bhavanto abhisambhaveyya.

**Kodhātimānassa vasam na gaccheti.** Kodhoti yo cittassa āghāto patīghāto...pe... caṇḍikkam asuropo anattamanatā cittassa. **Atimānoti** idhekacco param atimāññati jātiyā vā gottena vā...pe... aññatarāññatarena vā vatthunā. **Kodhātimānassa vasam na gaccheti.** Kodhassa ca atimānassa ca vasam na gaccheyya, kodhañca atimānañca pajaheyya vinodeyya byantim kareyya anabhāvam gameyyāti – kodhātimānassa vasam na gacche.

**Mūlampi tesam palikhañña tiṭṭheti.** Katamaṁ kodhassa mūlam? Avijjā mūlam, ayoniso manasikāro mūlam, asmimāno mūlam, ahirikam mūlam, anottappam mūlam, uddhaccam mūlam – idam kodhassa mūlam. Katamaṁ atimānassa mūlam? Avijjā mūlam, ayoniso manasikāro mūlam, asmimāno mūlam, ahirikam mūlam, anottappam mūlam, uddhaccam mūlam – idam atimānassa mūlam. **Mūlampi tesam palikhañña tiṭṭheti.** Kodhassa ca atimānassa ca mūlam palikhaṇitvā uddharitvā samuddharitvā uppāṭayitvā samuppāṭayitvā pajahitvā vinodetvā byantim karitvā anabhāvam gametvā tiṭṭheyya

santiṭṭheyāti – mūlampi tesam palikhañña tiṭṭhe.

**Athappiyam vā pana appiyam vā, addhā bhavanto abhisambhavaiyyāti.** Athāti padasandhi padasamsaggo padapāripūrī akkharasamavāyo byañjanasiliṭṭhatā padānupubbatāpetam – athāti. **Piyāti** dve piyā – sattā vā saṅkhārā vā. Katame sattā piyā? Idha yāssa [yassa (syā.) suttamālā oloketabbā] te honti athakāmā hitakāmā phāsukāmā yogakkhemakāmā mātā vā pitā vā bhātā vā bhaginī vā puttā vā dhītā vā mittā vā amaccā vā nātī vā sālohitā vā – ime sattā piyā. Katame saṅkhārā piyā? Manāpikā rūpā manāpikā saddā... gandhā... rasā... phoṭṭhabbā – ime saṅkhārā piyā. **Appiyāti** dve appiyā – sattā vā saṅkhārā vā. Katame sattā appiyā? Idha yāssa te honti anathakāmā ahitakāmā aphāsukāmā ayogakkhemakāmā jīvitā voropetukāmā – ime sattā appiyā. Katame saṅkhārā appiyā? Amanāpikā rūpā amanāpikā saddā, gandhā... rasā... phoṭṭhabbā – ime saṅkhārā appiyā. **Addhāti** ekaṁsavacanam nissamsayavacanam nikkaṅkhavacanam advejjhavacanam advelhakavacanam niyyānikavacanam apanṇakavacanam avatthāpanavacanametam – addhāti. **Athappiyam vā pana appiyam vā, addhā bhavanto abhisambhaveyyāti.** Piyāppiyam sātāsātam sukhadukkham somanassadomanassam itthāniṭṭham abhisambhavanto vā abhibhaveyya adhibhavanto vā abhisambhaveyyāti – athappiyam vā pana appiyam vā addhā bhavanto abhisambhaveyya.

Tenāha bhagavā –

“Kodhātimānassa vasam na gacche, mūlampi tesam palikhañña tiṭṭhe;  
Athappiyam vā pana appiyam vā, addhā bhavanto abhisambhaveyyā”ti.

#### 204. Paññam purakkhatvā kalyāṇapīti, vikkhambhaye tāni parissayāni; Aratiṁ sahetha sayanamhi pante, caturo sahetha paridevadhamme.

**Paññam purakkhatvā kalyāṇapīti.** Paññāti yā paññā pajānanā vicayo pavicayo dhammadvicayo...pe... amoho sammādiṭṭhi. **Paññam purakkhatvāti** idhekacco paññam purato katvā carati paññādhajo paññāketu paññādhipateyyo vicayabahulo pavicayabahulo pekkhāyanabahulo [okkhāyanabahulo (bahūsu)] sampekkhāyanabahulo [samokkhāyanabahulo (sī. syā.)] vibhūtavihārī taccarito tabbahulo taggaruko tanninno tappoṇo tappabbhāro tadadhimutto tadadhipateyyoti. Evampi paññam purakkhatvā.

Atha vā gacchanto vā “gacchāmī”ti pajānāti, ḥhito vā “ṭhitomhī”ti pajānāti, nisinno vā “nisinnomhī”ti pajānāti, sayāno vā “sayānomhī”ti pajānāti, yathā yathā vā panassa kāyo pañihito hoti tathā tathā nam pajānātīti. Evampi paññam purakkhatvā.

Atha vā abhikkante paṭikkante sampajānakārī hoti, ālokite vilokite sampajānakārī hoti, samiñjite pasārīte sampajānakārī hoti, saṅghātipattacīvaradhāraṇe sampajānakārī hoti, asite pīte khāyite sāyite sampajānakārī hoti, uccārapassāvakamme sampajānakārī hoti, gate ḥhite nisinne sutte jāgarite bhāsīte tuṇhibhāve sampajānakārī hotīti. Evampi paññam purakkhatvā.

**Kalyāṇapīti** buddhānussativasena uppajjati pīti pāmojjam [pāmuṭṭjaṁ (syā.)] – kalyāṇapīti. Dhammānussati saṅghānussati sīlānussati cāgānussati devatānussati ānāpānassati maraṇassati kāyagatāsativasena upasamānussativasena uppajjati pīti pāmojjam – kalyāṇapīti – paññam purakkhatvā kalyāṇapīti.

**Vikkhambhaye tāni parissayānīti.** Parissayāti dve parissayā – pākaṭaparissayā ca paṭicchannaparissayā ca...pe... ime vuccanti pākaṭaparissayā...pe... ime vuccanti paṭicchannaparissayā...pe... evampi tatrāsayāti – parissayā. **Vikkhambhaye tāni parissayānīti.** Tāni parissayāni vikkhambheyya abhibhaveyya ajjhotthareyya pariyyādiyeyya maddeyyāti – vikkhambhaye tāni parissayāni.

**Aratīm sahetha sayanamhi pante.** Aratīti yā arati aratitā anabhirati anabhiramañā [anabhiramanā (bahūsu) vibha. 856] ukkaṇṭhitā paritassitā. **Sayanamhi pante** pantesu vā senāsaneshu aññatarāññataresu vā adhikusalesu dhammesu aratīm saheyya abhibhaveyya ajjhotthareyya pariyādiyeyya maddeyyāti – aratīm sahetha sayanamhi pante.

**Caturo sahetha paridevadhammeti.** Cattāro paridevanīye dhamme saheyya parisahayya abhibhaveyya ajjhotthareyya pariyādiyeyya maddeyyāti – caturo sahetha paridevadhamme.

Tenāha bhagavā –

“Paññam purakkhatvā kalyānapīti, vikkhambhaye tāni parissayāni;  
Aratīm sahetha sayanamhi pante, caturo sahetha paridevadhamme”ti.

**205. Kimṣū asissam kuva vā [kuhim vā (sī.), kuvaṁ vā (syā.), kutha vā (ka.)] asissam, dukkham vata settha kuvajja sessam;**  
**Ete vitakke paridevaneyye, vinayetha sekho aniketacārī [aniketasārī (syā.)].**

**Kimṣū asissam kuva vā asissantī.** Kimṣū asissāmīti kiṁ bhuñjissāmi odanam vā kummāsam vā sattum vā maccham vā māmsam vāti – kimṣū asissam. **Kuva vā asissantī** kattha bhuñjissāmi khattiayakule vā brāhmaṇakule vā vessakule vā suddakule vāti – kimṣū asissam kuva vā asissam.

**Dukkham vata settha kuvajja sessanti** imam rattim dukkham sayittha phalake vā taṭīkāya vā cammakhaṇe vā tiṇasanthāre vā paṇṇasanthāre vā palālasanthāre vā. Āgāmirattim [āgamanarattim (syā.)] kattha sukham sayissāmi mañce vā pīthe vā bhisiyā vā bimbohane vā vihāre vā addhayoge vā pāsade vā hammiye vā guhāya vāti – dukkham vata settha kuvajja sessam.

**Ete vitakke paridevaneyyeti.** Ete vitakketi dve piṇḍapātapaṭisaññutte vitakke, dve senāsanapaṭisaññutte vitakke. **Paridevaneyyeti** ādevaneyye paridevaneyyeti – ete vitakke paridevaneyye.

**Vinayetha sekho aniketacārīti.** **Sekhoti** kimkāraṇā vuccati sekho? Sikkhatī – sekho. Kiñca sikkhati? Adhisilampi sikkhati, adhicittampi sikkhati, adhipaññampi sikkhati. Katamā adhisilasikkhā... pe... ayan adhipaññāsikkhā. Imā tisso sikkhāyo āvajjanto sikkhati, jānanto passanto paccavekkhanto cittam adhiṭṭhahanto sikkhati, saddhāya adhimuccanto sikkhati, vīriyam paggaṇhanto, satim upaṭṭhapento, cittam samādahanto, paññāya pajānanto sikkhati, abhiññeyyam abhijānanto sikkhati, pariññeyyam parijānanto, pahātabbam pajahanto, bhāvetabbam bhāvento, sacchikātabbam sacchikaronto sikkhati ācarati samācarati samādāya sikkhati. Tamkāraṇā vuccati – sekho. Vinayāya paṭivinayāya pahānāya vūpasamāya paṭinissaggāya paṭipassaddhiyā adhisilampi sikkheyya, adhicittampi sikkheyya, adhipaññampi sikkheyya. Imā tisso sikkhāyo āvajjanto sikkheyya jānanto...pe... sacchikātabbam sacchikaronto sikkheyya ācareyya samācareyya samādāya vatteyyāti – vinayetha sekho.

**Aniketacārīti.** Katham niketacārī hoti? Idhekacco kulapalibodhena samannāgato hoti, gaṇapalibodhena... āvāsapalibodhena... cīvarapalibodhena... piṇḍapātupalibodhena... senāsanapalibodhena... gilānapaccayabhesajjaparikkhārapalibodhena samannāgato hoti. Evam niketacārī hoti. Katham aniketacārī hoti? Idha bhikkhu na kulapalibodhena samannāgato hoti, na gaṇapalibodhena... na āvāsapalibodhena... na cīvarapalibodhena... na piṇḍapātupalibodhena... na senāsanapalibodhena... na gilānapaccayabhesajjaparikkhārapalibodhena samannāgato hoti. Evam aniketacārī hoti.

“Magadham gatā kosalam gatā, ekacciyyā pana vajjibhūmiyā;  
Migā viya asaṅghacārino [māgadhā visaṅghacārino (syā.)], aniketā viharanti bhikkhavo.

“Sādu caritakam sādu sucaritaṁ, sādu sadā aniketavihāro;  
Atthapucchanaṁ padakkhiṇaṁ kammaṁ, etam sāmaññaṁ akiñcanassā”ti.

Vinayetha sekho aniketacārī. Tenāha bhagavā –

“Kiṁsū asissaṁ kuva vā asissam, dukkhaṁ vata settha kuvajja sessam;  
Ete vitakke paridevaneyye, vinayetha sekho aniketacārī”ti.

**206. Annañca laddhā vasanañca kāle, mattam sa jaññā [mattam so jaññā (syā.)] idha tosanattham;**  
**So tesu gutto yatacāri gāme, rusitopi [dūsitopi (ka.)] vācam pharusam na vajjā.**

**Annañca laddhā vasanañca kāleti.** Annanti odano kummāso sattu maccho mañsaṁ. **Vasananti** cha cīvarāni – khomaṁ, kappasikam, koseyyam, kambalam, sāṇam, bhaṅgam. **Annañca laddhā vasanañca kāleti.** Cīvaraṁ labhitvā piñḍapātaṁ labhitvā na kuhanāya, na lapanāya, na nemittikatāya, na nippesikatāya, na lābhena lābhaṁ nijigīsanatāya, na dārudānena, na veḍudānena, na pattadānena, na pupphadānena, na phaladānena, na sinānadānena, na cuṇḍadānena, na mattikādānena, na dantakaṭhadānena, na mukhodakadānena, na cātukamyatāya, na muggasūpyatāya, na pāribhaṭyatāya, na pīṭhamaddikatāya, na vatthuvijjāya, na tiracchānavijjāya, na aṅgavijjāya, na nakkhattavijjāya, na dūtagamanena, na pahiṇagamanena, na jaṅghapesanikena, na vejjakammena, na piñḍapaṭipiñḍakena, na dānānuppadānena dhammena samena laddhā labhitvā adhigantvā vinditvā paṭilabhitvāti – annañca laddhā vasanañca kāle.

**Mattam sa jaññā idha tosanatthanti.** **Mattam sa jaññāti** dvīhi kāraṇehi mattam jāneyya – paṭiggahaṇato vā paribhogato vā. Katham paṭiggahaṇato mattam jānāti? Thokepi diyyamāne kulānudayāya [kulānuḍdayāya (sī. ka.)] kulānurakkhāya kulānukampāya paṭiggaṇhāti, bahukepi diyyamāne kāyaparihārikam cīvaraṁ paṭiggaṇhāti kucchiparihārikam piñḍapātaṁ paṭiggaṇhāti. Evam paṭiggahaṇato mattam jānāti. Katham paribhogato mattam jānāti?

Paṭisaṅkhā yoniso cīvaraṁ paṭisevati yāvadeva sītassa paṭighātāya uṇhassa paṭighātāya ḍamṣamakasavātātapasarīsapasamphassānam paṭighātāya, yāvadeva hirikopīnapaṭicchādanattham.

Paṭisaṅkhā yoniso piñḍapātaṁ paṭisevati neva davāya na madāya na maṇḍanāya na vibhūsanāya, yāvadeva imassa kāyassa ṭhitiyā yāpanāya vihiṁsūparatiyā brahmacariyānuggahāya. Iti purāṇañca vedanām paṭihaṅkhāmi navañca vedanām na uppādessāmi, yātrā ca me bhavissati anavajjatā ca phāsuvihāro ca.

Paṭisaṅkhā yoniso senāsanām paṭisevati yāvadeva sītassa paṭighātāya uṇhassa paṭighātāya ḍamṣamakasavātātapasarīsapasamphassānam paṭighātāya, yāvadeva utuparissayavinodanapaṭisallānārāmattham.

Paṭisaṅkhā yoniso gilānapaccayabhesajjaparikkhāraṁ paṭisevati yāvadeva uppannānam veyyābyādhikānaṁ [veyyābādhikānaṁ (sī. syā.)] vedanānam paṭighātāya abyāpajjaparamatāya.

Evam paribhogato mattam jānāti. **Mattam sa jaññāti.** Imehi dvīhi kāraṇehi mattam jāneyya ājāneyya paṭivijjāneyya paṭivijjhāheyāti – mattam sa jaññā.

**Idha tosanatthanti.** Idha bhikkhu santuṭṭho hoti itarītarena cīvarena itarītaracīvarasantuṭṭhiyā ca vaṇṇavādī, na ca cīvarahetu anesanām appatirūpam āpajjati; aladdhā ca cīvaraṁ na paritassati, laddhā ca cīvaraṁ agadhitō amucchito anajjhāpanno, ādīnavadassāvī nissaranapāñño paribhuñjati; tāya ca pana itarītaracīvarasantuṭṭhiyā nevattānukkamseti, na param vambheti. Yo hi tattha dakkho analaso

sampajāno paṭissato – ayam vuccati bhikkhu porāne aggaññe ariyavamse ṭhito.

Puna caparam bhikkhu santuṭho hoti itarītarena piṇḍapātena itarītarapiṇḍapātasantuṭṭhiyā ca vanṇavādī, na ca piṇḍapātahetu anesanam appatirūpam āpajjati, aladdhā ca piṇḍapātam na paritassati, laddhā ca piṇḍapātam agadhito amucchito anajjhāpanno, ādīnavadassāvī nissaranapañño paribhuñjati; tāya ca pana itarītarapiṇḍapātasantuṭṭhiyā nevattānukkamseti, na param vambheti. Yo hi tattha dakkho analaso sampajāno paṭissato – ayam vuccati bhikkhu porāne aggaññe ariyavamse ṭhito.

Puna caparam bhikkhu santuṭho hoti itarītarena senāsanena itarītarasenāsanasantuṭṭhiyā ca vanṇavādī, na ca senāsanahetu anesanam appatirūpam āpajjati, aladdhā ca senāsanam na paritassati, laddhā ca senāsanam agadhito amucchito anajjhāpanno, ādīnavadassāvī nissaranapañño paribhuñjati; tāya ca pana itarītarasenāsanasantuṭṭhiyā nevattānukkamseti, na param vambheti. Yo hi tattha dakkho analaso sampajāno paṭissato – ayam vuccati bhikkhu porāne aggaññe ariyavamse ṭhito.

Puna caparam bhikkhu santuṭho hoti itarītarena gilānapaccayabhesajjaparikkhārena, itarītaragilānapaccayabhesajjaparikkhārasantuṭṭhiyā ca vanṇavādī, na ca gilānapaccayabhesajjaparikkhārahetu anesanam appatirūpam āpajjati, aladdhā ca gilānapaccayabhesajjaparikkhāram na paritassati, laddhā ca gilānapaccayabhesajjaparikkhāram agadhito amucchito anajjhāpanno, ādīnavadassāvī nissaranapañño paribhuñjati; tāya ca pana itarītaragilānapaccayabhesajjaparikkhārasantuṭṭhiyā nevattānukkamseti, na param vambheti. Yo hi tattha dakkho analaso sampajāno paṭissato – ayam vuccati bhikkhu porāne aggaññe ariyavamse ṭhitoti – mattam sa jaññā idha tosanattham.

**So tesu gutto yatacāri gāmeti. So tesu guttoti cīvare piṇḍapāte senāsane**  
gilānapaccayabhesajjaparikkhāre gutto gopito rakkhito samvutoti. Evampi so tesu gutto. Atha vā  
āyatanesu gutto gopito rakkhito samvutoti. Evampi so tesu gutto.

**Yatacāri gāmeti** gāme yato yatto paṭiyatto gutto gopito rakkhito samvutoti – so tesu gutto yatacāri gāme.

**Rusitopi vācam pharusam na vajjāti.** Dūsito khumsito vambhito ghaṭito garahito upavadito pharusena kakkhalena nappaṭivajjā nappaṭibhaṇeyya, akkosantam na paccakkoseyya, rosantam nappaṭiroseyya, bhaṇḍantam na paṭibhaṇḍeyya, na kalaham kareyya, na bhaṇḍanam kareyya, na viggaham kareyya, na vivādam kareyya, na medhagam kareyya, kalaham bhaṇḍanam viggaham vivādam medhagam pajaheyya vinodeyya byantim kareyya anabhāvam gameyya, kalahabhaṇḍanaviggahavivādamedhagā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyyāti – rusitopi vācam pharusam na vajjā.

Tenāha bhagavā –

“Annañca laddhā vasanañca kāle, mattam sa jaññā idha tosanattham;  
So tesu gutto yatacāri gāme, rusitopi vācam pharusam na vajjā”ti.

**207. Okkhittacakkhu na ca pādalolo, jhānānuyutto bahujāgarassa;**  
**Upekkhamārabbha samāhitatto, takkāsayam kukkuccañcupacchinde**  
**[kukkucciyūpacchinde (syā.)].**

**Okkhittacakkhu na ca pādalolotī.** Katham khittacakkhu hoti? Idhekacco bhikkhu cakkhulolo, cakkhuloliyena samannāgato hoti, “adiṭṭham dakkhitabbaṃ, diṭṭham samatikkamitabba”nti ārāmena ārāmam uyyānena uyyānam gāmena gāmañ nigamena nigamam naṅgarena nagaram ratṭhena ratṭham janapadena dīghacārikam anavaṭṭhitacārikam anuyutto ca hoti rūpadassanāya. Evampi

khittacakkhu hoti.

Atha vā bhikkhu antaragharam paviṭṭho vīthim paṭipanno samvuto gacchatī hatthim olokento, assam olokento, rathaṁ olokento, pattim olokento, itthiyo olokento, purise olokento, kumārake olokento, kumārikāyo olokento, antarāpanam olokento, gharamukhāni olokento, uddham olokento, adho olokento, disāvidisam vipekkhamāno [pekkhamāno (bahūsu)] gacchatī. Evampi khittacakkhu hoti.

Atha vā bhikkhu cakkhunā rūpaṁ disvā nimittaggāhī hoti anubyañjanaggāhī. Yatvādhikaraṇamenaṁ cakkhundriyam asamvutam viharantam abhijjhādomanassā pāpakā akusalā dhammā anvāssaveyyum, tassa saṁvarāya nappaṭipajjati, na rakkhati cakkhundriyam, cakkhundriye na saṁvaram āpajjati. Evampi khittacakkhu hoti.

Yathā vā paneke bhonto samaṇabrahmaṇā saddhādeyyāni bhojanāni bhuñjitvā te evarūpam visūkadassanam anuyuttā viharanti, seyyathidaṁ – naccam gītam vāditam pekkham akkhānam pāṇissaram vētālam kumbhathūṇam sobhanakam caṇḍālam vamsam dhovanam hatthiyuddham assayuddham mahimsayuddham usabhayuddham ajayuddham menjayuddham kukkuṭayuddham vatṭakayuddham daṇḍayuddham muṭhiyuddham nibbuddham uyyodhikam balaggam senābyūham anikadassanam iti vā. Evampi khittacakkhu hoti.

Katham na khittacakkhu hoti? Idhekacco bhikkhu na cakkhulolo na cakkhuloliyena samannāgato hoti “adiṭṭham dakkhitabbam diṭṭham samatikkamitabba”nti na ārāmena ārāmam na uyyānena uyyānam na gāmena gāmaṁ na nigamena nigamam na nagarena nagaram na ratthena rattham na janapadena janapadam dīghacārikam anavaṭṭhitacārikam ananuyutto ca hoti rūpadassanāya. Evampi na khittacakkhu hoti.

Atha vā bhikkhu antaragharam paviṭṭho vīthim paṭipanno samvuto gacchatī na hatthim olokento... pe... na disāvidisam vipekkhamāno gacchatī. Evampi na khittacakkhu hoti.

Atha vā bhikkhu cakkhunā rūpaṁ disvā na nimittaggāhī hoti...pe... cakkhundriye saṁvaram āpajjati. Evampi na khittacakkhu hoti.

Yathā vā paneke bhonto samaṇabrahmaṇā saddhādeyyāni bhojanāni bhuñjitvā...pe... anikadassanam iti vā. Evarūpā visūkadassanāuyogā paṭivirato hoti. Evampi na khittacakkhu hotī – okkhittacakkhu.

**Na ca pādaloloti.** Katham pādalolo hoti? Idhekacco bhikkhu pādalolo pādaloliyena samannāgato hoti, ārāmena ārāmam...pe... dīghacārikam anavaṭṭhitacārikam anuyutto hoti rūpadassanāya. Evampi pādalolo hoti.

Atha vā bhikkhu antopi saṅghārāme pādalolo pādaloliyena samannāgato hoti, na atthahetu na kāraṇahetu uddhato avūpasantacitto pariveṇato pariveṇam gacchatī. Vihārato...pe... iti bhavābhavakatham katheti. Evampi pādalolo hoti.

**Na ca pādaloloti.** Pādaloliyam pajaheyya vinodeyya byantim kareyya anabhāvam gameyya, pādaloliyā ārato assa virato paṭivirato nikkhanto nissaṭo vippamutto visaññutto vimariyādikatena cetasā vihareyya, paṭisallānārāmo assa paṭisallānarato ajjhattam cetosamathamanuyutto anirākatajjhāno vipassanāya samannāgato brūhetā suññāgāram jhāyī jhānarato ekattamanuyutto sadatthagarukoti – okkhittacakkhu na ca pādalolo.

**Jhānānuyutto bahujāgarassāti.** Jhānānuyuttoti dvīhi kāraṇehi jhānānuyutto – anuppannassa vā paṭhamassa jhānassa uppādāya yutto payutto āyutto samāyutto, anuppannassa vā dutiyassa jhānassa...

tatiyassa jhānassa... catutthassa jhānassa uppādāya yutto payutto āyutto samāyuttoti. Evampi jhānānuyutto. Atha vā uppannam vā paṭhamam jhānam āsevati bhāveti bahulīkaroti [bahulim karoti (ka.)], uppannam vā dutiyam jhānam... tatiyam jhānam... catuttham jhānam āsevati bhāveti bahulīkarotīti. Evampi jhānānuyutto.

**Bahujāgarassāti** idha bhikkhu divasam cañkamena nisajjāya āvaraṇīyehi dhammehi cittam parisodheti, rattiya paṭhamam yāmam cañkamena nisajjāya āvaraṇīyehi dhammehi cittam parisodheti, rattiya majjhimañ yāmam dakkhiñena passena sīhaseyyam kappeti pāde pādam accādhāya sato sampajāno utthānasaññam manasi katvā, rattiya pacchimam yāmam paccuṭṭhāya cañkamena nisajjāya āvaraṇīyehi dhammehi cittam parisodhetīti – jhānānuyutto bahujāgarassa.

**Upekkhamārabbha samāhitattoti.** **Upekkhāti** yā catutthe jhāne upekkhā upekkhanā ajjhupekkhanā cittasamatā cittapassaddhatā majjhattatā cittassa. **Samāhitattoti** yā cittassa thiti sañthiti avaṭṭhiti avisāhāro avikkhepo avisāhaṭamānasatā samatho samādhindriyam samādhibalam sammāsāmādhi. **Upekkhamārabbha samāhitattoti.** Catutthe jhāne upekkhamārabbha ekaggacitto avikkhittacitto avisāhaṭamānasoti – upekkhamārabbha samāhitatto.

**Takkāsayam kukkuccañcupacchindeti.** **Takkāti** nava vitakkā – kāmavitakko, byāpādavitakko, vihiṁsāvitakko, nātivitakko, janapadavitakko, amaravitakko, parānudayatāpaṭisaññutto vitakko, lābhaskārasilokapaṭisaññutto vitakko, anavaññattipaṭisaññutto vitakko – ime vuccanti nava vitakkā. Kāmavitakkānam kāmasaññāsayo, byāpādavitakkānam byāpādasaññāsayo, vihiṁsāvitakkānam vihiṁsāsaññāsayo. Atha vā takkānam vitakkānam saṅkappānam avijjāsayo, ayoniso manasikāro āsayo, asmimāno āsayo, anottappam āsayo, uddhaccam āsayo.

**Kukkuccanti** hatthakukkuccampi kukkuccam pādakukkuccampi kukkuccam  
hatthapādakukkuccampi kukkuccam, akappiye kappiyasaññitā kappiye akappiyasaññitā, avajje vajjasaññitā, vajje avajjasaññitā. Yañ evarūpam kukkuccam kukkuccāyanā kukkuccāyitattam cetaso vippaṭisāro manovilekho – idam vuccati kukkuccam.

Api ca dvīhi kāraṇehi uppajjati kukkuccam cetaso vippaṭisāro manovilekho – katattā ca akatattā ca. Katham katattā ca akatattā ca uppajjati kukkuccam cetaso vippaṭisāro manovilekho? “Katam me kāyaduccaritam, akatam me kāyasucarita”’nti uppajjati kukkuccam cetaso vippaṭisāro manovilekho. “Katam me vacīduccaritam... katan me manoduccaritam... kato me pāṇātipāto, akatā me pāṇātipātā veramañī”’ti uppajjati kukkuccam cetaso vippaṭisāro manovilekho. “Katam me adinnādānam... kato me kāmesumicchācāro... kato me musāvādo... katā me pisuṇavācā... katā me pharusavācā... kato me samphappalāpo... katā me abhijjhā... kato me byāpādo... katā me micchādiṭṭhi, akatā me sammādiṭṭhi”’ti uppajjati kukkuccam cetaso vippaṭisāro manovilekho. Evañ katattā ca akatattā ca uppajjati kukkuccam cetaso vippaṭisāro manovilekho.

Atha vā “sīlesumhi na paripūrakārī”’ti uppajjati kukkuccam cetaso vippaṭisāro manovilekho; “indriyesumhi aguttadvārō”’ti... “bhojane amattaññūmhī”’ti... “jāgariyam ananuyuttomhī”’ti... “na satisampajaññena samannāgatomhī”’ti... “abhāvitā me cattāro satipaṭṭhānā”’ti... “abhāvitā me cattāro sammappadhānā”’ti... “abhāvitā me cattāro iddhipādā”’ti... “abhāvitāni me pañcindriyānī”’ti... “abhāvitāni me pañca balānī”’ti... “abhāvitā me satta bojjhaṅgā”’ti... “abhāvito me ariyo aṭṭhaṅgiko maggo”’ti... “dukkham me apariññāta”’nti... “dukkhasamudayo me appahīno”’ti... “maggo me abhāvito”’ti... “nirodho me asacchikato”’ti uppajjati kukkuccam cetaso vippaṭisāro manovilekho. **Takkāsayam kukkuccañcupacchindeti.** Takkāñca takkāsayāñca kukkuccañca upacchindeyya chindeyya ucchindeyya samucchindeyya pajaheyya vinodeyya byantim kareyya anabhāvam gameyyāti – takkāsayam kukkuccañcupacchinde.

Tenāha bhagavā –

“Okkhittacakkhu na ca pādalolo, jhānānuyutto bahujāgarassa;  
Upekkhamārabbha samāhitatto, takkāsayam kukkuccañcupacchinde”’ti.

**208. Cudito vacībhi satimābhīnande, sabrahmacārīsu khilam pabhinde;  
Vācam pamuñce kusalam nātivelam, janavādadhammāya na cetayeyya.**

**Cudito vacībhi satimābhīnandetī.** Cuditoti upajjhāyā vā ācariyā vā samānupajjhāyakā vā samānācariyakā vā mittā vā sanditthā vā sambhattā vā sahāyā vā codenti – “idam te, āvuso, ayuttañ, idam te appattam, idam te asāruppam, idam te asīlaṭṭha”’nti. Satim upatthāpetvā tam codanam nandeyya abhinandeyya modeyya anumodeyya iccheyya sādiyeyya patthayeyya pihayeyya abhijappeyya. Yathā itthī vā puriso vā daharo yuvā maṇḍanajātiko sīsamñhāto uppalamālam vā vassikamālam vā adhimuttakamālam vā labhitvā ubhohi hatthehi patīggahetvā uttamange sirasmiñ patīthāpetvā nandeyya abhinandeyya modeyya anumodeyya iccheyya sādiyeyya patthayeyya pihayeyya abhijappeyya; evameva satim upatthāpetvā tam codanam nandeyya abhinandeyya modeyya anumodeyya iccheyya sādiyeyya patthayeyya abhijappeyya.

“Nidhīnañva [nidhīnañva (ka.) dha. pa. 76] pavattāram, yan̄ passe vajjadassinañ;  
Niggayavādim medhāvīm, tādisam pañditam bhaje.

“Tādisam bhajamānassa, seyyo hoti na pāpiyo;  
Ovadeyyānusāseyya, asabbhā ca nivāraye;  
Satañhi so piyo hoti, asatañ hoti appiyo”’ti.

**Cudito vacībhi satimābhīnande, sabrahmacārīsu khilam pabhindetī.** Sabrahmacārīti ekakammañ ekuddeso samasikkhatā. **Sabrahmacārīsu khilam pabhindetī.** Sabrahmacārīsu āhatacittatañ khilajātatañ pabhindeyya, pañcapi cetokhile bhindeyya, tayopi cetokhile bhindeyya, rāgakhilañ dosakhilañ mohakhilañ bhindeyya sambhindeyyāti – sabrahmacārīsu khilam pabhinde.

**Vācam pamuñce kusalam nātivelanti.** Nāñasamuñthitam vācam muñceyya, athūpasamñhitam dhammūpasamñhitam kālena sāpadesam pariyantavatim vācam muñceyya pamuñceyyāti – vācam pamuñce kusalam. **Nātivelanti.** Velāti dve velā – kālavelā ca sīlavelā ca. Katamā kālavelā? Kālātikkantañ vācam na bhāseyya, velātikkantañ vācam na bhāseyya, kālavelātikkantañ vācam na bhāseyya, kālam asampattam vācam na bhāseyya, velam asampattam vācam na bhāseyya, kālavelam asampattam vācam na bhāseyya.

“Yo ve [ca (syā.)] kāle asampatte, ativelāñca bhāsati;  
Evañ so nihato seti, kokilāyeva [kokiliyāva (syā.)] atrajo”’ti.

Ayam kālavelā. Katamā sīlavelā? Ratto vācam na bhāseyya, duṭṭho vācam na bhāseyya, mūlho vācam na bhāseyya, musāvādam na bhāseyya, pisuñavācam na bhāseyya, pharusavācam na bhāseyya, samphappalāpam na bhāseyya na katheyya na bhaneyya na dīpayeyya na vohareyya. Ayam sīlavelāti – vācam pamuñce kusalam nātivelam.

**Janavādadhammāya na cetayeyyāti.** Janāti khattiyā ca brāhmañā ca vessā ca suddā ca gahaṭṭhā ca pabbajitā ca devā ca manussā ca. Janassa vādāya upavādāya nindāya garahāya akittiyyā avaññāhārikāya sīlavipattiyā vā ācāravipattiyā vā diṭṭhivipattiyā vā ājīvavipattiyā vā na cetayeyya cetanam na uppādeyya cittam na uppādeyya saṅkappam na uppādeyya manasikāram na uppādeyyāti – janavādadhammāya na cetayeyya.

Tenāha bhagavā –

“Cudito vacībhi satimābhinande, sabrahmacārīsu khilaṁ pabhinde;  
Vācam pamuñce kusalaṁ nātivelam, janavādadhammāya na cetayeyyā”ti.

**209. Athāparam pañca rajāni loke, yesam satimā vinayāya sikkhe;**  
**Rūpesu saddesu atho rasesu, gandhesu phassesu sahetha rāgam.**

**Athāparam pañca rajāni loketi.** Athāti padasandhi padasamsaggo padapāripūrī akkharasamavāyo byañjanasiliṭṭhatā padānupubbatāpetam – athāti. **Pañca rajānīti** rūparajo, saddarajo, gandharajo, rasarajo, phoṭṭhabbarajo.

“Rāgo rajo na ca pana reṇu vuccati, rāgassetam adhivacanam rajoti;  
Etam rajam vippajahitvā [paṭivinoditvā (ka.)] paṇḍitā, viharanti te vigatarajassa sāsane.

“Doso rajo na ca pana reṇu vuccati...pe...;  
Viharanti te vigatarajassa sāsane.

“Moho rajo na ca pana reṇu vuccati...pe...;  
Viharanti te vigatarajassa sāsane”.

**Loketi** apāyaloke manussaloke devaloke khandhaloke dhātuloke āyatanaloketi – athāparam pañca rajāni loke.

**Yesam satimā vinayāya sikkheti.** Yesanti rūparāgassa saddarāgassa gandharāgassa rasarāgassa phoṭṭhabbarāgassa. **Satimāti** yā sati anussati paṭissati sati saraṇatā dhāraṇatā apilāpanatā asammussanatā satindriyam satibalam sammāsatī satisambojjhaṅgo ekāyanamaggo – ayam vuccati sati. Imāya satiyā upeto samupeto upagato samupagato upapanno samupapanno samannāgato. So vuccati satimā. **Sikkheti** tisso sikkhā – adhisīlasikkhā, adhicittasikkhā, adhipaññāsikkhā. Katamā adhisīlasikkhā...pe... ayam adhipaññāsikkhā. **Yesam satimā vinayāya sikkheti.** Satimā puggalo yesam rūparāgassa saddarāgassa gandharāgassa rasarāgassa phoṭṭhabbarāgassa vinayāya paṭivinayāya pahānāya vūpasamāya paṭinissaggāya paṭipassaddhiyā adhisīlampi sikkheyya adhicittampi sikkheyya adhipaññampi sikkheyya, imā tisso sikkhāyā āvajjanto sikkheyya, jānanto sikkheyya...pe... sacchikātabbam sacchikaronto sikkheyya ācareyya samācareyya samādāya vatteyyāti – yesam satimā vinayāya sikkhe.

**Rūpesu saddesu atho rasesu, gandhesu phassesu sahetha rāganti.** Rūpesu saddesu gandhesu rasesu phoṭṭhabbesu rāgam saheyya parisaheyya abhibhaveyya ajjhothhareyya pariyādiyeyya maddeyyāti – rūpesu saddesu atho rasesu gandhesu phassesu sahetha rāgam.

Tenāha bhagavā –

“Athāparam pañca rajāni loke, yesam satimā vinayāya sikkhe;  
Rūpesu saddesu atho rasesu, gandhesu phassesu sahetha rāga”nti.

**210. Etesu dhammesu vineyya chandaṁ, bhikkhu satimā suvimuttacitto;**  
**Kale so sammā dhammaṁ parivimāṇsamāno, ekodibhūto vihane tamam so. [iti  
bhagavā]**

**Etesu dhammesu vineyya chandanti.** Etesūti rūpesu saddesu gandhesu rasesu phoṭṭhabbesu. **Chandoti** yo kāmesu kāmacchando kāmarāgo kāmanandī kāmataṇhā kāmasneho kāmaparilāho kāmamucchā kāmajjhosānam kāmogho kāmayogo kāmupādānam...pe... kāmacchandanīvaraṇam. **Etesu dhammesu vineyya chandanti.** Etesu dhammesu chandaṁ vineyya paṭivineyya pajaheyya vinodeyya byantiṁ kareyya anabhāvam gameyyāti – etesu dhammesu vineyya chandam.

**Bhikkhu satimā suvimuttacittoti.** Bhikkhūti puthujjanakalyāṇako vā bhikkhu, sekho vā bhikkhu. **Satimāti** yā sati anussati...pe... sammāsatī satisambojjhaṅgo ekāyanamaggo – ayam vuccati sati. Imāya satiyā upeto samupeto...pe... so vuccati satimā.

**Bhikkhu satimā suvimuttacittoti.** Paṭhamam jhānam samāpannassa nīvaraṇehi cittam muttam vimuttam suvimuttam, dutiyam jhānam samāpannassa vitakkavicārehi cittam muttam vimuttam suvimuttam, tatiyam jhānam samāpannassa pītiyā ca cittam muttam vimuttam suvimuttam, catuttham jhānam samāpannassa sukhadukkhehi cittam muttam vimuttam suvimuttam; ākāsānañcāyatanaṁ samāpannassa rūpasaññāya paṭighasaññāya nānattasaññāya cittam muttam vimuttam suvimuttam, viññānañcāyatanaṁ samāpannassa ākāsānañcāyatanaññāya cittam... ākiñcaññāyatanaṁ samāpannassa viññānañcāyatanaññāya cittam... nevasaññānāsaññāyatanaṁ samāpannassa ākiñcaññāyatanaññāya cittam muttam vimuttam suvimuttam; sotāpannassa sakkāyaditthiyā vicikicchāya sīlabbataparāmāsā diṭṭhānusayā vicikicchānusayā tadekaṭṭhehi ca kilesehi cittam muttam vimuttam suvimuttam, sakadāgāmissa oḷārikā kāmarāgānusayā paṭighānusayā tadekaṭṭhehi ca kilesehi cittam muttam vimuttam suvimuttam, anāgāmissa anusahagatā kāmarāgasāññojanā paṭighasaññojanā anusahagatā kāmarāgānusayā paṭighānusayā tadekaṭṭhehi ca kilesehi cittam muttam vimuttam suvimuttam, arahato rūparāgā arūparāgā mānā uddhaccā avijjāya mānānusayā bhavarāgānusayā avijjānusayā tadekaṭṭhehi ca kilesehi bahiddhā ca sabbanimittehi cittam muttam vimuttam suvimuttanti – bhikkhu satimā suvimuttacitto.

**Kālena so sammā dhammam parivīmaṇsamānoti.** Kālenāti uddhate citte samathassa [samādhissa (sī.)] kālo, samāhite citte vipassanāya kālo.

“Kāle pagaṇhati cittam, niggaṇhati punāpare [athāpare (syā.)];  
Sampahamṣati kālena, kāle cittam samādahe.

“Ajjhupekkhati kālena, so yogī kālakovidō;  
Kimhi kālamhi paggāho, kimhi kāle viniggaho.

“Kimhi pahamṣanākālo, samathakālo ca kīdiso;  
Upekkhākālam cittassa, katham dasseti yogino.

“Līne cittamhi paggāho, uddhatasmiṁ viniggaho;  
Nirassādagataṁ cittam, sampahamṣeyya tāvade.

“Sampahaṭṭham yadā cittam, alīnam bhavatinuddhatam;  
Samathassa ca so [samathanimittassa so (sī. ka.)] kālo, ajjhattam ramaye mano.

“Etena mevupāyena, yadā hoti samāhitam;  
Samāhitacittamaññāya, ajjhupekkheyā tāvade.

“Evam kālavidū dhīro, kālaññū kālakovidō;  
Kālena kālam cittassa, nimittamupalakkhayē”ti.

**Kālena so sammā dhammam parivīmaṇsamānoti.** “Sabbe saṅkhārā aniccā”ti sammā dhammam parivīmaṇsamāno, “sabbe saṅkhārā dukkhā”ti sammā dhammam parivīmaṇsamāno, “sabbe dhammā anattā”ti sammā dhammam parivīmaṇsamāno...pe... “yam kiñci samudayadhammam sabbam tam nirodhadhamma”nti – sammā dhammam parivīmaṇsamāno.

**Ekodibhūto vihane tamam so, iti bhagavāti.** Ekodīti ekaggacitto avikkhittacitto avisāhaṭamāna so samatho samādhindriyam samādhibalam sammāsamādhīti – ekodibhūto. **Vihane tamam** soti rāgatamam

dosatamam̄ mohatamam̄ diṭhitamam̄ mānatamam̄ kilesatamam̄ duccaritatamam̄ andhakaraṇam̄ acakkukaraṇam̄ aññānakaraṇam̄ paññānirodhikam̄ vighātapakkhikam̄ anibbānasamvattanikam̄ haneyya vihaneyya pajaheyya vinodeyya byantim̄ kareyya anabhāvam̄ gameyya.

**Bhagavāti** gāravādhivacanam̄. Api ca bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggakandakoti bhagavā, bhaggakilesoti bhagavā, bhaji vibhaji pavibhaji dhammaratananti bhagavā, bhavānam̄ antakaroti bhagavā, bhāvitakāyo bhāvitasiло bhāvitacitto bhāvitapaññoti bhagavā, bhaji vā bhagavā araññavanapatthāni pantāni senāsanāni appasaddāni appanigghosāni vijanavātāni manussarāhasseyyakāni paṭisallānasāruppānīti bhagavā, bhāgī vā bhagavā cīvarapiṇḍapātasenāsanagilānapaccayabhesajjaparikkhārānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhicittassa adhipaññāyāti bhagavā, bhāgī vā bhagavā catunnam̄ jhānānam̄ catunnam̄ appamaññānam̄ catunnam̄ arūpasamāpattīnanti bhagavā, bhāgī vā bhagavā aṭṭhannam̄ vimokkhānam̄ aṭṭhannam̄ abhibhāyatanānam̄ navannam̄ anupubbavihārasamāpattīnanti bhagavā, bhāgī vā bhagavā dasannam̄ saññābhāvanānam̄ dasannam̄ kasinasamāpattīnam̄ ānāpānassatisamādhissa asubhasamāpattiyāti bhagavā, bhāgī vā bhagavā catunnam̄ satipaṭṭhānānam̄ catunnam̄ sammappadhānānam̄ catunnam̄ iddhipādānam̄ pañcannam̄ indriyānam̄ pañcannam̄ balānam̄ sattannam̄ bojjhaṅgānam̄ ariyassa aṭṭhaṅgikassa maggassāti bhagavā, bhāgī vā bhagavā dasannam̄ tathāgatabalānam̄ catunnam̄ vesārajjānam̄ catunnam̄ paṭisambhidānam̄ channam̄ abhiññānam̄ channam̄ buddhadhammānanti bhagavā, bhagavāti netam̄ nāmaṁ mātarā kataṁ na pitarā kataṁ na bhātarā kataṁ na bhaginiyā kataṁ na mittāmaccehi kataṁ na nātisālohitēhi kataṁ na samanabrāhmaṇehi kataṁ na devatāhi kataṁ; vimokkhantikametam̄ buddhānam̄ bhagavantānam̄ bodhiyā mūle saha sabbaññutaññāassa paṭilābhā sacchikā paññatti yadidaṁ bhagavāti – ekodibhūto vihane tamam̄ so iti bhagavā.

Tenāha bhagavā –

“Etesu dhammesu vineyya chandaṁ, bhikkhu satimā suvimuttacitto;  
Kālena so sammā dhammaṁ parivīmaṇsamāno, ekodibhūto vihane tamaṁ so”. [iti bhagavāti]

Sāriputtasuttaniddeso soḷasamo.

Aṭṭhakavaggamhi soḷasa suttaniddesā samattā.

Mahāniddesapāli niṭṭhitā.